



世界書局印行

景印
摘藻堂

四庫全書薈要

集
第一〇一册
總集類





本册目次

書名及撰人

卷次

頁次

御選元詩八十卷姓名爵里二卷
清康熙四十八年聖祖
仁皇帝御選

卷五十三至卷八十

四四八—一

欽定四庫全書薈要

集部
御選元詩卷五十三

欽定四庫全書薈要卷一萬八千四百六十五

集部

御選元詩卷五十三

七言律詩十二

錫渙

張植翁自鳳陽還錢唐賦此以寄

一別於今已五年關河風雨夢相牽
羨君老有驚人術愧我貧無使鬼錢
淮雁南來斜作字楚江東下直如弦
子雲罷獻長楊賦頭白歸來草太玄

欽定四庫全書

御選元詩

卷五十三

秋晚溪行懷張孔叔

松下涼風吹客衣隔溪煙樹晚依依
山空不見孤雲返落日惟看倦鳥歸
世上黃金交態薄酒邊白髮故人稀
別來陡覺成疎闊况復蕭蕭落葉飛

送王廷桂還姑蘇

紫馬嬌嘶踏軟沙闔閭城裏客還家
雨添秋水灣灣碧風趁江雲片片斜
惜別緩斟紅麴酒傷心况對白蘋花
雁驚暮角高飛去先帶離聲過館娃

詳校官原任主事_臣李斯咏

劉玉汝

九江逢故人

九江江水抱城迴，洶湧回濤亦壯哉。
雨散淮濱隨地足，雲移廬阜向天開。
曳裾鄒子長為客，待詔公孫已擢魁。
邂逅他鄉急呼酒，樓頭今日早秋來。

黃璋

懷青城先生

虞郎落落不羈客，端如野鶴混雞群。
興來甫里一杯酒，與埽匡廬九疊雲。
遺史尚求丞相事，從孫能輯翰林文。
杜陵秀句多家法，春樹初生每憶君。

王原傑

震澤鎮

村市蕭條數十家，扁舟夜泊傍蘆花。
江空歲晚歸心切，水遠山長去路賒。
帶水野田鳴落雁，連雲煙樹繞昏鴉。
勞生徒負燈窓志，只合西園學種瓜。

劉倩玉

中秋對月

十年對月干戈裏，忍向尊前更浩歌。
光滿又逢新節序，影微難驗舊山河。
霓裳猶記開元曲，桂籍空懷進士科。
矯首廣寒宮闕近，欲將消息問嫦娥。

盛景年

和汪以敬

白髮將軍少健強，經旬寂寞卧空床。
涉江問病出城早，下馬入門聞藥香。
深院雨晴蒼蘚合，小樓人散綠陰涼。
家書不到看春暮，昨夜新裁白苧裳。

朱斌

題秀野軒

昔年曾作軒中客，今日重題秀野詩。
四檻彩雲晴縹緲，遠牆蒼雪曉參差。
雨餘山氣侵茶鼎，風過林香落酒卮。
念我松楸渾咫尺，倚闌長是不勝思。

元愷

德風亭詩

亭下雙旌拂綠莎花邊五馬繫鳴珂挽回天籟秋聲早
浸澈雲階月色多公退不妨同坐嘯吏閑猶可共吟哦
阜財解愠南風操時逐絲桐入浩歌

危臺高壓古城闌門外青山畫不真好客每懸徐孺榻
浣人常避庾公塵槐陰澹澹晨光薄蘋末蕭蕭秋意新
聞道康衢和靄氣夜來鼓舞及堯民

地控漳東最上游簷牙高啄白雲秋文窓耀日晴如拭
翼瓦翔煙曉欲流雅集衣冠儀楚楚遙臨軒旆影悠悠

階前盈尺容相借收拾新詩入筆頭

月砌雲階背曲廊蘭房桂檝面黃堂簾櫳壓地全無暑
几席凌空剩有涼畫戟凝香鈴索靜玉虬吐水漏聲長
文章太守時閑適笑共賓僚酬一觴

四面山拋碧玉環當中亭子勢孱顏九天閶闔登臨外
五代封疆指顧間白鳥平蕪晴野闊蒼煙喬木夕陽閒
客來不盡興亡恨吟袖翻風月下還

陳善

欽定四庫全書

御選元詩

卷五十三

四

奉和東維提學先生春日同閩帥韓侯太守王
公宴集草元閣席上孩字韻高作聊以塞責錄
呈同坐諸公發一笑云

解竹參差手自栽春明吹上望仙臺水流石澗桃花路
日湧天門海色開笠澤每移茶竈出鑑湖還棹酒船來
綺窓午醉醒來晚枕損黃金壓被孩

馬弓

陳檜

欽定四庫全書

御選元詩

卷五十三

五

古本凌空百尺過根盤如石鐵為柯濃陰不礙金蓮座
虛籟猶傳玉樹譔倦客解衣頻徙倚老禪卓錫定摩挲
雲門寺裏梁朝柏身上苔痕想更多

沙可學

詠懷

獨上高城望遠郊雁飛黃葉下蕭蕭天旋西極餘殘照
江湧狂波作暮潮塵世百年雙鬢改鄉關萬里一身遥
何由從獵灤河曲霜冷弓強鐵馬驕

黃公望

題關仝層巒秋靄圖

并序

關仝此卷雖祖洪谷子而間以王摩詰筆法融液
秀潤正其中歲精進之作也人謂有出藍之美詎
不信夫

群峯矗矗暮雲連蘿磴逶迤鳥道懸落葉深深門半掩
疎花歷歷客猶眠巖端飛瀑為青雨江上歸舟滌碧煙
應識箇中奇絕處昔年洪谷屬君傳

欽定四庫全書

御選元詩

卷五十三

六

郭忠恕仙山樓觀圖

漢主離宮最上頭昔年曾侍翠華遊青天半落銀河水
白日高懸華岳秋花隱儀鑿臨閣道仗移簫鳳下瀛洲
三山更在齊州外遙望蒼煙九點浮

吳鎮

陸探微負嶠仙遊

梅閣重重翠繞遮時時雲氣颭平沙千峰樹色藏朝雨
百道江聲送晚霞洞古數留仙子蹟溪迴深護羽人家

遨遊每憶無塵地咫尺仍堪閱歲華

張僧繇霜林雲岫

六朝畫史知無幾吳下僧繇獨擅場百疊蒼巒浮障起
千林紺葉入雲長低回野渡鐘聲遠寂寞荒村樹影涼
咫尺披圖更蕭瑟短詞何敢遂揄揚

盧鴻仙山臺榭

塵蹤何得此中遊無數青山遶殿頭爐篆浮烟朝靄靄
溪雲連樹晚油花香曲徑群麋聚芸芷平田獨鶴遊

欽定四庫全書

御選元詩

卷五十三

七

欲識仙家真樂處一泓清瀨四山秋

黃荃蜀江秋淨圖

暮煙漠漠一江秋疎樹依稀見遠舟風度鐘聲來古寺
人隨雁影過前洲雲銷碧落天無際波撼蒼山地欲浮
應識箇中清絕處成都畫史筆端收

李咸熙秋嵐凝翠

雨過秋光映翠微巖雲一抹澹荆扉千山寂寂疎鐘杳
萬壑蕭蕭落木稀澗水奔飛行路濕松篁迴合野禽歸

征帆點點滄江上應羨山人種蕨薇

叔明松壑秋雲圖

萬壑滌洄磴道長崇岡交互轉蒼蒼疎松過雨虛闌靜
古木回風曲岸涼村舍幾家門半啓漁梁何處水流香
扁舟凝望雲千頃不覺西林下夕陽

方方壺畫

城市山林孰是非幽居能與世塵違函關紫氣青牛到
遼海秋風白鶴歸天鼓叩殘明月墮洞簫吹徹彩雲飛

欽定四庫全書

御選元詩

卷五十三

八

誰知寂寞江天外長使人間望少微

數載飄蓬事已非荆關咫尺世情違寒雲時向青山抹
野艇遙從白社歸幾處夕陽人共語一村流水鷺邊飛
知君紫府歸來後閒把丹青翫翠微

黃鎮成

春日東行

青郊冉冉散晴暉芳樹頻聞一鳥啼山驛水流花落盡
石田雲暖麥抽齊禪房鑿路當巖半釣屋維舟近竹西

行過野橋人語近尋源應到武陵谿

題秋江把釣圖

獨載輕舸過碧川一綸牽動楚江天蘆邊有月還吹笛
柳外無風不繫船留火夜然湘岸竹得魚朝送酒家錢
十年湖海真如畫亦欲狂歌一扣舷

遊麻姑山用蔣師文韻

紫霧龍鸞月裏遊白銀宮殿海中洲麻姑宴罷壇猶在
葛令丹成井獨留滴雨浮嵐空翠晚飛花散玉瀑簾秋

欽定四庫全書

御選元詩

卷五十三

九

誰能共食金光草來住仙家十二樓

晚晴書事

白鶴樓西晚雨涼欲晴山氣遠蒼蒼鴉銜落日歸平楚
雁背殘霞上越陽溪庵築茅堪理釣畝田收木好休糧
秋風有約巢雲去却擬狂歌學楚狂

平楚越陽郡城二臺名

臨川青雲亭

平野荒荒雉堞低一峰欄檻與雲齊斗牛三尺龍光照
城郭千年鶴爪題白雨來時江水北青山盡處夕陽西

古來亦有憑高客樹影蒼涼繞大堤

題定武蘭亭

繭紙香隨玉匣遺寶書天上世難知狼烽幾隨昆明劫
蟬翼猶傳定武碑曉雨苔花侵擣石秋山柿葉費臨池
東都已往誰能繼神物終煩謹護持

鼓山靈源洞

有劣崩天風海濤亭喝水巖

劣崩峰頭萬丈梯上方高與白雲齊青山盡處海門闊
紅日上來天宇低喝水無人空宴坐磨崖有客謾留題

欽定四庫全書

御選元詩

卷五十三

十一

飄然欲御長風去一笑何煩過虎谿

舟過大茅洋

漲海渾茫寄一椽候神東去接方壺帆隨雪浪高還下
島浸冰天有若無雁影斜翻西日遠潮聲直上晚雲孤
投綸擬學任公子掣取封鱸飫萬夫

錢塘

雨過高風發屋聲吳中暑退即寒生晴光入眼園林薄
夜氣侵人枕簟輕寺鐸呼風宵自語鄰機織月曉猶鳴

江湖處處悲秋客起東歸棹不待明

贈葉山人

仙巖溪上葉山人手佩青囊太古文北極地從林邑下
南條山到蜀江分尋源屢識蛟龍宅探穴長隨虎豹群
更約秋風清霽日與君高蹋萬重雲

用鷲峰師韻送澗泉上人遊方十首

天台

天台上綵虹橋山下桃花帶露飄仙客雲霞迷舊路
化人宮殿現層霄穿林夜氣香為蓋冠嶺晨光錦作標
若到上方應駐錫遙聞法鼓動春潮

雁蕩

雁山鐘磬半空聞雪嶺霞城此地分金塔影浮滄海月
寶臺光繞梵天雲禪機已熟能傳印世網難嬰易解紛
更上孤峰看瀑布願將餘瀝湔妖氛

補陀

潮音海洞石盤陀送子東遊奈別何日上扶桑天不遠

欽定四庫全書

御選元詩

卷五十三

十二

雲連析木地無多水王獻寶開丹穴星使通槎泛白波
見說蓬萊清淺處便從鵬翼起秋河

衡岳

身隨衡岳片雲來南極朱陵洞府開八桂山川臨鳥道
九疑風雨濕龍堆使華今日嚴珪幣祖印何年剪草萊
直到無生參學畢逢人遮莫說輪迴

廬山

廬阜山陽幾勝遊竭來重為虎溪留千尋瀑布雲霞冷
九派江流日月浮白鹿盤盤高洞曉黃花采采故園秋
東南更有名藍在莫道諸方訊已周

五臺

去禮文殊寶刹開倚空巒岫鬱崔嵬金函奉旨傳香至
白纓圖形載法來心鏡象懸天外月教筵獅吼地中雷
還將拂子閒拈起更上繡經第一臺

鍾山

一上鍾山萬慮消虛空樓閣翠岑堯金陵鬱鬱帝王宅

天塹悠悠南北朝月滿石城秋似水風高淮浦夜生潮
未應便作乘蘆去且聽仙人碧玉簫

靈隱

路入西山窈復深法筵應有聖僧臨兩峰塔影天垂蓋
千佛靈光地布金牛笛儻逢圓澤語龍宮還見閻仙吟
空中更上藏雲洞水樂泠泠奏八音

峨眉

峨眉樓閣現虛空玉宇高寒上界同茶鼎夜烹千古雪
花幡晨動九天風雲連太白開中夏日繞重元宅大雄
師去想無登陟遠祇應飛錫驗神通

五山

浮杯東渡海門潮鷺嶺元關路匪遙十載江湖曾慣歷
五山風月自相招呼猿洞口行雙澗放鶴亭邊入斷橋
直到妙高峰上望曇華天雨滿煙霄

送憲幕陳時中分題得平章河

海國相傳利澤功滄溟縹緲百蠻通潮來估客船歸市

月上人家水浸空
析木星辰三島外
樽桑宮殿五雲東
河梁此日重攜手
目送靈槎萬里風

陳柏

和王參政崔徽寫真韻

芳時無語惜年華
綵筆何心賦落霞
鏡裏自憐人似玉
天涯不隔貌如花
雙瞳蘸綠橫秋水
高結堆春鞞碧鴉
猶勝無金買延壽
黑山空使夢還家

錦濟寶克

欽定四庫全書

御選元詩

卷五十三

十四

題徐良夫畊漁軒

白日帶經壠上鋤
夜間放棹澤中漁
有米即周鄰舍急
得魚遠寄故人書
山川雨露桑麻地
風月圖書水竹居
出處不慙徐孺子
文章能敵馬相如

李存

送倪東江之上元縣主簿

沙頭煙際挹征襟
嚼盡梅花出短吟
鄉黨又成千里別
功名聊盡百年心
東南形勢風流遠
吳晉山河蒼莽深

此去吟邊有高邁
客尊應與爾同斟

吳景奎

寄題天台楊道士素軒

梨雲漠漠護幽局
晏坐冥觀內景清
風露洗秋生灝白
雪霜驚曉眩空明
瓊樓奏樂霓裳冷
緱嶺吹笙鶴羽輕
窓戶玲瓏人寂寂
碧桃花下步虛聲

登台州巾山

翠峯雙峰著此身
危巔夜半見朝暎
天低古塔參雲闕

欽定四庫全書

御選元詩

卷五十三

十五

江送寒潮落海門
恰憤風高仙已去
翠微僧老鶴長存

下觀城郭紅塵隘
水色山光自吐吞

桐灘月夜舟中聞琵琶

湛湛長江上有楓
予懷渺渺水雲空
未誇滙浦逢商婦
賸喜桐灘有釣翁
欹枕醉眠秋渚月
亂帆爭趁夜潮風
曉寒難結思歸夢
一尺秋霜壓短篷

奉送江省都事納克烏裕除湖廣

蟾府秋花滿袖香
盱眙遺愛在甘棠
紫微幕下除書至

黃鶴磯頭驛騎忙風靜瘴雲消嶺海雨新春水滿瀟湘
庾公明月蘇公柳兩地高情屬省郎

夢仙

紫鸞邀夢到仙家結佩相逢萼綠華翠勺細傾千日酒
蛻旗斜插五雲車飛瓊鬢影含清霧弄玉簫聲隔彩霞
杜宇無情驚覺後月痕猶在碧桃花

晚霽

雨晴秋氣轉蒼涼萬籟依稀奏羽商煙抹林腰橫東素
日迴山額半塗黃鷓鴣曬翅眠池草翡翠銜魚立野航
霜蟹正肥新酒熟破橙宜趁菊花香

和韻春日

雨香雲澹燕泥融珂馬如行罨畫中江上數峰浮暖翠
日邊繁杏倚春紅鶯花世界惟消酒水榭簾櫳易受風
陌上行人皆倒載未須拍手笑山公
遊絲舞蝶共徘徊野鳥空濛拂面來風雨一時成晚霽
園林何處不花開江橫羅帶銀鷗起雲想衣裳玉女裁

欽定四庫全書

御選元詩

卷五十三

十六

賸喜麻姑能送酒只愁門外索空壘

春思

飛燕腰肢掌上輕塵生羅襪步盈盈鑰魚不寐春無賴
箏雁頻移曲未成斂黛低鬟初破睡嚼花麝蕊獨含情
許身肯作王孫女頭白哀吟對馬卿

舟次丹陽

舟次丹陽成陸走驅車長坂復經丘青山東去連京口
紅日西沈向石頭客路最嫌難戒曉鄉心生怕雁橫秋
明朝定宿烏衣巷斗酒還澆逆旅愁

自山中歸鑑湖別業

數椽茅舍清江曲六月炎天困鬱蒸賴有青山圍故宅
歸來赤脚踏層冰石泉松籟為琴筑野蔌山肴薦豆登
明日迴頭望丘壑芙蓉半出白雲層

次韻荅錢思復并簡呂彥夫

相逢動是經年別笑指沙鷗聚舊盟芳草只添遊子恨
清風還有故人情薇花亭館春容老木葉林塘晚氣清

欽定四庫全書

御選元詩

卷五十三

十七

杜宇數聲愁不奈朝來白髮鏡中生

寒食

白雪氍毹鬢影斜風光流轉任年華
杯行不惜斟藍尾
春事如今到棟花車馬羽毛分戰士
園林鐘鼓是誰家
側身北望空迴首愁絕吾生未有涯

夜宿葉孟咨書樓

小樓蕭爽俯平川市井收聲暮景懸
雲影消沈山外雨
月華浮動水中天船舫暝戛層簷底
更漏時傳客枕邊

欽定四庫全書

御選元詩

卷五十三

十八

溪友幾番留我宿清談終夕不成眠

席上即事

華筵秩秩宴清宵拊掌歌呼飲興饒
罵坐灌夫元不屈
絕纓楚客去難招綠珠嬌小仍吹笛
碧玉殷勤且合簫
待得月斜人散後一杯花露酒初消

陳方

送蔡霞外

不見道人今四載踈狂猶似舊時多
自言曾到神仙宅

公亦須吟離別歌澗草陰陰披紫藟
山花細細落青蘿
只愁骨相無清氣赤水元珠奈爾何

胡天游

贈余公圖畫樓

高人有眼看山川不費從來買畫錢
萬古丹青垂宇宙
百川樓觀倚風煙人行榭葉林邊
路鳥沒蘆花影裏天
我欲與公添一筆寒灘蓑笠釣魚船

牡丹花

相逢盡道看花歸慙愧尋芳獨後時
北海已傾新釀酒
東風猶鏤半開枝掃空紅紫真無敵
看到雲仍未可知
但願倚闌人不老為公長賦謫仙詩

憶孟兄季弟

兄弟相看各一方別來俱各鬢成霜
江山十里猶比屋
風雨幾番能對牀海燕年深常作客
塞鴻天遠不成行
擎杯莫負黃花酒來看南塘萬竹長

諷黃蘭谷

欽定四庫全書

御選元詩

卷五十三

十九

雨花風絮兩飄颻興味都非舊寂寥白足懶穿雲外履
翠箬低按月中簫重拈曉鏡添新髮旋試春衫減舊腰
金鎖玉函千載恨爭如雲雨自朝朝

陳植

次友仁泊舟虎丘獨步

西丘雨送落花村泱泱溪塘水漲渾樓閣日斜唯影立
輓轡泉滴尚聲喧無言蒼石空橫道傲世青山不出門
獨往忽驚春已去題詩猶記刻舟痕

欽定四庫全書

御選元詩

卷五十三

二十

張師曾

汪叔達歸鄱陽

攜書宛句識英翹幾度思親望斗杓歲晚客懷澆鑿落
雪晴歸路踏瓊瑤驂騑自是輕千里鴻鵠終當在九霄
此去明年相見日筆端定挽浙江潮

張知言

和吳閒閒送張元谷羽士

得道長生學賀元梵然空谷足音傳六龍朝罷香盈袖

獨鶴歸來月滿天葉玩山中仙子篆書裁圮上老人編
玉章秀句吳門贈好刻琅玕紀歲年

吟尚實克

題趙彥徵畫赤驥一匹

松雪當年稱獨步子孫今日繼遺風香凝淡墨連錢碧
色染秋毫汗血紅濟濟奚官顏似玉昂昂龍種氣如虹
春風滿轡初牽出對立長鳴冀北空

何景福

欽定四庫全書

御選元詩

卷五十三

二十一

鼓角樓

警昏戒曉復司更矢棘暈飛結構成角韻喚醒晨過客
鼓聲催動夜巡兵龍吟一奏霜飛瓦鼉吼三通月滿城
自是太平無暴客金壺漏箭要分明

感興

世途無處不間關老我星星兩鬢斑江水送潮歸綠渚
谷風吹雨過黃山千金敝袴誰能買百石強弓每自彎
何事無心雲一片等閒飛去又飛還

童堯夫招飲回途偶成

東君容我出郊行過却清明日日晴怕損落花移屐緩
恐妨啼鳥策筇輕春風入髓紅顏暈世事縈心白髮生
花下小車如共載綠陰深處聽啼鶯

孫華孫

鳳山懷古

宋家事業如漢晉遺史班班今尚存南渡衣冠元帝紀
中山廟社靖王孫海門龍去秋潮橫宮樹烏啼夕燐繁
已恨無人似諸葛生憎何物學桓溫

項炯

次韻鄧祭酒贈極元無師

塵尾天花灑石扉莫教五色掩摩尼峰頭笑縱金衣鶴
竹裏閒尋玉版師言論每懷龍井夜扶攜渾似虎溪時
芝雲更擬分蒲榻黃葉滿山題近詩

潘純

送顧仲父赴廣東市舶提舉

合浦明珠久不還使君風采動群蠻鮫人把臂來城裏
荔子堆紅出坐間江映蕉花鸚鵡綠雨昏榕樹鷓鴣斑
昔年駿馬經行處父老那知得重攀

吳克恭

元璞過江郊言歸賦七言一首通問

玉山長夏草堂幽老愛從君十日留醉語歡呼亂不記
歸來爛漫憶相求風迴柳線搖歌扇月出荷花映綵舟
可念江湖搔白首還將衰朽問湯休

劉埙

題章東孟山水

盧家公子稱三絕詩妙書精畫亦工落筆多宗董北苑
高情不減米南宮天低碧樹春雲合潮滿滄洲暮雨空
却憶買船同載酒城南山下醉東風

葉頰

題董泰初長江偉觀圖

金焦兩寺出中流北固樓高江上頭畫舫春風過采石

瓊花明月照揚州鳳皇飛處青山近龍馬來時紫氣浮
千古登臨興未已有人吹笛起沙鷗

徐舫

白雁

出塞風沙不浣衣要分秋色占鷗磯遠書玉宇傳霜信
斜落銀箏映冷暉楚澤雲昏無片影湘江月黑見孤飛
當年繫帛還蘇武漢節仍全皓首歸

閻仙洞

欽定四庫全書

御選元詩

卷五十三

十四

天龍古洞幾年時時雨流酥潤石衣流水桃花春不老
亂山雲樹翠相依碧雞叫月神魂杳白鶴凌空仙馭飛
昨日大風環佩響洞賓何處朗吟歸

桐君山

仙馭乘鸞去不停青山依舊抱荒城風香藥草春雲暖
露冷桐花夜月明縣近故廬堪認姓鶴歸華表自呼名
千年往事俱塵土時聽樵林吹笛聲

曉上桐君宿霧收嵐光蒼翠恣夷猶丹爐秘訣歸仙子

清景吟懷屬士流七里灘橫孤棹影立山鐘響五更頭
古來瀟灑稱名郡莫把繁華數汴洲

月色

誤蹋瑤階一片霜侵鞵不濕映衣涼照來雲母屏無迹
穿入水晶簾有光雪影半窓能共白梅花千樹只多香
故人疑似見顏面殘夜分明在屋梁

張小山捐俸重修桐君祠

先生遠有煙霞趣鑄玉捐金隱者祠瑤草久荒雲一片

欽定四庫全書

御選元詩

卷五十三

十五

碧桐仍見鳳雙枝芙蓉日靜文書暇杖履春來嘯咏遲
他日幽期何處好寒松花發鶴歸時

清冷山

萬仞寒容尺度量巍然亘古獨蒼蒼三秋風露松梢月
九夏林泉石上霜荜徑晴煙籠樹白危峯暮靄接天黃
我遊乘興吟魂爽浪欲騎鵬謁帝鄉

郝天鳳

題董泰初江偉觀圖

揚子江頭昔繫船兩山相對湧金蓮雲橫殿閣臨無地
潮打魚龍落半天近蹴南徐當北固遠吞西蜀跨東川
披圖更覺襟懷壯回首風塵又幾年

楊賢德

題董泰初長江偉觀圖

江水西來東注海中流兀出兩峰尖層樓倒影波心碎
列岫堆藍雨後添草樹不香寒露濕舟帆偏穩晚風恬
雙龍矯首經年在入畫令人看未厭

欽定四庫全書

御選元詩

卷五十三

二十六

鄭昂

次復齋登華蓋山

野老憂時淚不乾海天低燕麥風寒秦關土蝕銅牙弩
漢殿月明金井闌共喜寇恂重借賴自慙李愿未歸盤
江山如畫人如玉破帽空悲管幼安

林處士幽居

山籬短短逕斜斜屋宇三間竹半遮歲饑無僧供菜把
天寒有鶴守梅花武陵流水非秦世姑孰青山落謝家

共約春晴草芽動杖藜攜酒踏晴沙

棲遲

棲遲久慕王官谷飄泊仍依謝客巖貧賤誰能從趙孟
行藏我已卜巫咸冥鴻豈解投矰弋老馬惟思脫轡銜
却笑杜陵生計拙晚將身世託長鑱

感懷

王粲淒涼仍去國杜陵老大竟飄蓬荊州豈免依劉表
蜀道終須謁鄭公三禮賦成追昔日七哀歌罷起秋風

欽定四庫全書

御選元詩

卷五十三

二十七

青青亦有江南草鸚鵡洲邊恨不窮

陸廣

丹臺春曉圖為伯顯畫

十年客邸絕塵紛江上歸來思不群玉氣浮空春斷雨
丹光出井曉成雲風前龍仗時堪倚月下鸞笙久不聞
幸對仙翁遠孫子坐中觀畫又論文

王雨

水竹居

屋枕澄湖地自偏
水光竹色滿虛簷
風搖翠雨香浮席
月送金波影入簾
閒拂玉琴和鳳吹
怒吹鐵笛起龍潛
春時有酒無餘事
筍熟芹香味可兼

趙次誠

溪居晚酌

主人呼酒開新屋
綠水遶門光沲寥
山氣隔溪渾似雨
沙禽喧浦欲生潮
江人擊鼓祠荒廟
野客載花歸斷橋
拂石閒吟待明月
茶煙如縷竹蕭蕭

欽定四庫全書

御選元詩

卷五十三

三

邵光祖

秋興一章錄似良夫

牢落江湖不記年
擬尋歸計向林泉
山間買地謀栽橘
谷口誅茅學種田
晚節許同樵牧老
殘書留付子孫編
秋來喚取陶彭澤
黃菊花前一醉眠

高文度

石湖寫景

闔閭臺下越來溪
處處西風颺酒旗
翠壁丹梯開短軸

黃花紅葉入新詩
鎔金霜蟹需高價
蘸甲香醪輒滿卮
落日去塵驢背穩
短琴雙笈一童隨

羅蒙正

次韻余觀國招撫江南航海至新會

鴻濛氣接沲寥天
夷獠爭迎漢使船
駭浪千重行處雪
齊州九點望中煙
神遊太乙仙藜外
身在靈生海市邊
玉署詞華君獨步
聲名不愧盧前

舳艫千里快乘風
百粵三韓去路通
烏樹隱霞春綽約

欽定四庫全書

御選元詩

卷五十三

三

梅花吹雨曉空濛
水環鰲極坤維碧
雲捧蓬萊日色紅

馳志伊吾鳴劔夜
中興今待漢臧宮

東宗庚

登善住寺新成閣得江字

高閣新成俯大江
宏開雄麗控名邦
宿雲不散連飛棟
紅日初升射碧窓
目極蓬萊窮島嶼
神遊閭闔見旌幢
群公此日頻登眺
喜有清吟對怒瀧

題聽春雨軒

階頭燕雨潤流酥柳底鷗波已可漁斗帳沈香欹枕後
青燈綺戶把杯初不愁泥滑妨過騎喜有田歌起荷鋤
明日雲開花滿眼好令童子具籃輿

題陳履元畫玉山草堂圖

玉山草堂江上無全勝西莊給事居盤內玉芝分食後
階前珠樹種來初詩成綵筆傳金刻帙散芸香啓石渠
敢有新題將遠意東吳瞻望重愁予

沈鉉

趙松雪故宅

故國西風王氣銷珊瑚玉樹半漂搖曾瞻東壁迴天象
故著南冠續漢貂第宅空存森衛戟墨池乾盡尚蘭苔
高情一去風流遠夢憶簫聲第幾橋

尤存

送李紫筓歸澱山草堂

積玉溪頭水拍天草堂只在澱山前鳴鳩啼鳥青春裏
古木疎篁落照邊仙客近傳餐玉法故人時送買山錢

相逢未盡一杯酒陸相祠前又發船

陸炯

送鄭德和檢討之融水縣令

清朝才士多如雨之子聲華重講筵天上玉堂辭聖主
嶺南花縣得英賢蠻烟秋暗枕榔洞瘴雨春深茉莉田
莫道衡陽無過雁好題書寄五雲邊

時太初

白燕

春社年年帶雪歸海棠庭院月爭輝珠簾十二中間捲
玉剪一雙高下飛天下公侯誇紫領國中儔侶尚烏衣
江湖多少閒鷗鷺宜與同盟伴釣磯

十四夜陪李明府遊海上

秋月照人如白晝樓船浮海坐清空銀山雪屋三更浪
鼙鼓龍簫萬里風豪氣橫吞雲夢澤醉魂飛墮水晶宮
雞鳴鐘動失清景驚起東方旭日紅

薛穆

山居寫興寄良夫

萬山深處得幽棲四遠岡巒起復低野鹿每當花逕歇
嶺猿常近竹窓啼閒來採藥行深壑酒醒斟泉就北溪
為語故人徐有道祇應無夢聽朝雞

俞鎬

寄董良用先生

東望雲山翠且重煙波咫尺是婁淞十年為客荒三逕
百里憐君住九峯把酒每懷彭澤令放歌甘作鹿門農

欽定四庫全書

御選元詩

卷五十三

三十三

闔閭風景渾非舊愁聽寒山半夜鐘

呂恒

東玉山人

玉山佳處玉人居聞道方壺一事無萬个琅玕巢翡翠
千年琪樹倍珊瑚瑤臺酒醉金莖露珠閣香燒鵲尾爐
何日來看金粟景月明花影倩人扶

呂恂

湖光山色樓

水光山色樓千尺老子于中興最多手板時看雲氣好
吹簫無奈月明何鳳池上客陽春曲鐵笛仙人小海歌
二月玉山花正好夢隨春水白鷗波

馮濬

湖光山色樓

仙人樓閣禁城東近水憑虛對雪峯香篆寶爐金鵲尾
酒行仙掌玉芙蓉湖光西下寒仍綠山色春來晚更濃
媿似登高能領客懸知百尺卧元龍

欽定四庫全書

御選元詩

卷五十三

三十三

沈震

懷鐵雅先生

烽火南歸鬢未華草元亭在水東家綠篔簹新長參差玉
瑤樹能開頃刻花坐按小娃歌白苧醉呼稚子整烏紗
麟洲別業清無暑翠盞時浮五色瓜

吳益

靜安八詠

蘆子渡

蘆花開上古蘆城一葉舟從野渡橫江月偏於洲上白
水風長作雨來聲雁銜霜幹初傳箭龍化冰弦已按箏
惟有漁家鄰古寺夜深燈火隔溪明

綠雲洞

多羅樹下禮金仙綠錦雲開見碧蓮翠蓋光翻林屋洞
青霞影倒蔚藍天聽經許對孫思邈訪道期逢葛稚川
愧我題詩同淨社三生曾是醉逃禪

陶定理

題董泰初長江偉觀圖

浩浩長江勝槩雄畫圖形勢記餘蹤中流荆楚逾千里
對峙金焦插兩峰天際水光浮日月山連雲氣擁虬龍
北遊猶憶揚州夢潮落西津聽晚鐘

張監

題秀野軒圖

予昔遊吳中諸山至周氏秀野軒領覽天池玉遮
之勝今數年矣近歸寓軒獲觀周侍御之大篆朱

提學之新圖恍然若夢遊也景安求予著語聊爾
塞責耄餘材盡媿無佳語耳

我憶天池與玉遮幽軒水木澹清華笙竽遠振風林竹
錦綺晴連曉徑花山罽敷牀朝看雨澗泉漱石夜分茶
番陽大篆睢陽畫不負春陵處士家

李節

寄唐伯慎

鶴林宮裏故人遠謝傅宅前秋水多烏帽吟餘還放棹
黃庭寫罷更籠鵝平頭奴子金盤露皓齒佳人白苧歌
不得相從渡三泖月明清夜奈愁何

和高以敬韻

別君久見歲華新邂逅相逢亦可人靈鷲峰前看飛瀑
鶴林宮裏度殘春時時送客傷南浦夜夜占星對北辰
莫話當時舊遊處落花芳草倍傷神

董成

贈楊太史山居

曾懷荆璞詣天關
雨露恩深賜佩環
玉筍筵班躋鳳詔
金閨通籍侍龍顏
尚書聽履星辰上
太史蜚英翰墨間
厭直承明動歸興
錦衣光彩照湖山

范致大

自仙源放船來
雲林懷元鎮

扁舟蕩漿出東城
最愛新流拍岸平
霽雨蘭苔來翡翠
晚風楊柳送鸝庚
盈盈溪女臨沙浣
歷歷郊農傍隴耕
謬倚林齋望郊郭
憶君清話不勝情

欽定四庫全書

御選元詩

卷五十三

三十六

華廉

陪湖州田府倅採茶行春

聯騎東風踏早霞
堯山雨過梵王家
老僧下榻延佳客
童子開軒掃落花
竹外披雲尋嫩筍
茶邊和露摘新芽
高情重惜春多好
爭出佳篇詠物華

山中初夏即事

東風不到畫闌邊
屈指韶光又一年
處處插秧梅子雨
家家繅繭竹籬烟
荷因怕暑先擎蓋
柳為無寒早褪綿

莫道山中無樂事
數聲啼鳥落花天

周翼

周履道徵賦梧桐月

雲捲清秋畫角悲
梧桐滿地月明時
斜穿翠葉通銀井
化作金波落硯池
青女喜驚烏鵲夢
素娥偏惜鳳皇枝
故人有約來何暮
獨立雲階影漸移

題華季充剪韭軒

吳下有田宜種韭
高風莫笑庾郎貧
暈飛畫棟青林表
玉洗行盤綠水濱
夜雨剪來茸自長
春風吹起綠初勻
客來一筋分清供
不與區區肉食人

欽定四庫全書

御選元詩

卷五十三

三十七

烏本良

和見心上人寄彥明中丞

去年曾共看芙蓉
今日秋風落木初
只道錦幃遊處熟
豈知金策出林疎
奉親獨比陳尊宿
訪客不忘虞秘書
欲過山中聽軟語
幾番西望立階除
索駝峯下路幽深
翠靄飛來白晝陰
老衲候人登石嶺

中丞問俗到山林睦州蒲向閒邊織秘監詩從定後吟
月窟天香如昔夢室中談笑想同心

沈懋

題董泰初長江偉觀圖

氣吞荆楚壓秦雄絕險中分阻要衝潮落江心奔萬馬
山當京口卧雙龍青天欲盡日月小白鳥不飛煙霧重
猶憶金焦風雨夜翠微深處聽長松

陳敬

次韻暮春即事

淑氣薰人似酒濃市橋楊柳自西東乍寒乍暖清明候
時起時眠醒醉中黛色有痕顰宿雨翠條無力繫春風
年年飛絮隨流水浪作浮萍逐斷蓬

張克問

姚江對月有懷仲遠徵君

百里芙蓉繞曲阿錦帆輕颺白鷗波月華夜照山河淡
露氣秋添草木多湖上故人成遠別天邊鴻雁幾時過

相思兩岸蘋花白回首西風倚棹歌

吳學禮

郭外夜歸

草田高下亂蟲鳴涼襲衣襟夜氣清河漢橫秋平野闊
山窓無月一燈明孤篷倦倚難成夢宿鳥相呼忽轉更
近郭不分歸近夜到門猶有讀書聲

泊橫春館

枯葑冰消水路遙短長亭下一停橈寒煙兩岸客吹曉
殘月小橋人待潮山外鐘聲何處寺柳邊春入隔年條
到城不必爭先後華蓋峰頭手可招

重過南浦

萬里澄江浸碧天迢迢人上渡頭船柘煙旋滅蠶成繭
梅雨微晴樹歇蟬獨客有愁多近暮亂山無處不聞泉
枳籬門巷依然在落莫東風二十年

秋晚書懷

數點寒鴉日又西轉寒天色易淒迷青山半出烟涵郭

紅葉亂流霜滿溪半壁秋燈吟對影故園夜雨夢扶犁
山人飽聽農歌卧但願年豐穀價低

湖邊會飲

林價年平易索膠西風野店快持螯門疎楊柳前峰見
瓦上藤花破屋高時異最傷菱婦緯歲寒方重故人袍
小舟待月同歸去橫直沙頭插短篙

萬石

寄何平子

春風綠草徧天涯恨殺王孫不到家在晉有人書甲子
避秦無地種桃花世途多險千金散心事難平兩鬢華
何日脫身塵網外好從仙客學丹砂

桃花渡

江上青青楊柳枝人家萬竹閉柴扉春風應候花爭發
社雨生寒燕未歸半樹木蘭依岸綠一行鷓鴣背人飛
濯纓空憶滄浪思不及漁郎有釣磯

郭完

後溪漁隱

漁郎家在清溪曲買斷徐潭作釣鄉自製蓑衣眠別渚
故移茶竈上輕航荔支林塢水煙煖鷓鴣桃花野岸長
日暮醉歸魚滿筥樵青敲火倚疎篁

方炯

苕溪耕隱

苕溪環翠入瓢湖古木雲莊即舊居每種秫田秋釀酒
剡收桐子夜觀書雪晴度嶺閒騎犢客至沿溪旋打魚
老我塵中無隱處借君餘地著茆廬

五十四

題盧賢母卷

樵隱盧君母最賢母儀婦節兩超然相夫德洽周南化
教子名宜太史編華屋萱蘭春藹藹元堂松桂月娟娟
時清重隱頒鸞詒百世幽光發九泉

陳維禎

壺山寺

上方臺殿藹蒼蒼及此春遊興倍常看竹解題高士句
尋山還宿遠公房徑花故點青山色潭雨新經細草香
欲問虛空身外性鷓鴣啼處又斜陽


謹案卷五十三第十五頁後七行納克烏裕舊作
納文郁今改

謹案第三十四頁前七行愧我題詩同淨社刊本

同訛用據別本元詩改

欽定四庫全書

二



總校官庶吉士臣侍朝
校對官檢討臣蕭九成
謄錄監生臣朱文佐

欽定四庫全書薈要

集部
御選元詩卷五十四

欽定四庫全書薈要卷一萬八千四百六十六

集部

御選元詩卷五十四

七言律詩十三

雅勒布哈

春日次宋顯夫韻

帝城三月多春色南陌風光畫不如
躑躅花深啼杜宇
鷓鴣灘漲聚王餘玉樓似是秦宮宅
金水元非鄭國渠
處處笙歌移白日揚雄空讀五車書

欽定四庫全書

御選元詩

卷五十四

上尊號聽詔李供奉以病不出奉寄

丹鳳銜書出內庭羽林環衛擁霓旌
千官拜舞開仙仗
四海謳歌荷聖情香霧細添宮柳碧
日華遙射錦袍明
侍臣亦有文園病卧聽龍墀鼓吹聲

送趙伯常淮西憲副

東華晨霧正霏霏使者分符向合肥
封事尚留青瑣闥
蒙恩近出紫宸闈江涵曉日明樓
艦風引春雲上繡衣
珍重故人千里別綠尊須盡莫相違

詳校官原任主事_臣李斯咏

寄姚子中

懶趨青瑣倚朝班
焚却銀魚挂鐵冠
琪樹有枝空集燕
竹花無實謾棲鸞
漢廷將相思王允
晉代衣冠託謝安
聖世只今多雨露
上林芳草似琅玕

春日宣則門書事簡虞邵菴

三月龍池柳色深
碧梧煙暖日愔愔
蜂黏落絮紫青幔
燕逐飛花避綠沈
仙仗曉開班玉筍
雲韶春奏錫瓊林
從臣盡獻河東賦
獨有相如得賜金

寄同年宋吏部

金鏡承恩對紫微
錦韉白馬耀春暉
謾隨天仗朝天去
不記宮花壓帽歸
海國風高秋氣早
關河雲冷雁聲稀
嗟予已屬明時棄
自整綸竿覓釣磯

與蕭存道元帥作秋千詞分韻得香字

芙蓉宮額半塗黃
雙送秋千出畫牆
簾底燕驚花雨亂
樹頭蜂繞襪塵香
巧將新月添蒼黛
閒倩東風響佩璫
歸去綠窓和困睡
暫憑春夢到遼陽

余闕

登太平寺次韻董憲副

蕭寺行春望下方
城中雲物變淒涼
野人籬落通溝口
賈客帆檣出漢陽
多難漸平堪對酒
一尊未盡更焚香
憑將使者陽春曲
消盡征人鬢上霜

汪澤民

四月九日新霽偕宗英公仲自天都峯遊湯泉
天都負出諸峰上
曙色嵐開逸興催
半壁暗泉吹冷雨

懸崖飛瀑吼晴雷
白雲縹緲仙鄉遠
碧落高寒俗駕迴
自笑生平愛清境
冥搜不厭歷崔嵬

鄭玉

題天目山

勢壓東南萬象低
溟濛空翠望中迷
龍飛鳳舞川原秀
地下天高日月齊
武肅百年鍾霸氣
文忠千古欠留題
客來欲問青雲路
鑿破峻嶒便作梯

婺源胡氏屏山樓

樓外青山列翠屏，矮窓放入眼增明。丹青花草春描畫，水墨林泉秋寫成。變化四時無俗韻，登臨千古有餘情。高人對此不容語，獨倚闌干看晚晴。

白嶽

名冠江南第一山，乾坤故設石門關。重重煙樹微茫裏，簇簇峰巒縹緲間。五夜松聲驚鶴夢，半龕燈影伴人間。忽聞環珮珊珊度，知是神仙月下還。

師山書樓成唐長孺先生賦詩見寄次韻

居山日夕見山容，環堵蕭然一畝宮。我喜煙雲來几上，人看樓閣出空中。夜深月色偏明朗，曉起嵐光更鬱蔥。若比羊裘軒上景，臨江惟欠一絲風。

董搏霄

遊元雷山

水色山光照眼明，隔溪遙見白雲生。崖根凍雪留人跡，林外春風變鳥聲。夢草得詩清入骨，煮茶聽話淡忘情。飛來橋上歸時晚，回首翠微松鶴鳴。

俞述祖

送傅與礪廣州教授

扁舟乘興欲還家，分數寧辭瘴海涯。未必杜陵成汨沒，由來賈誼擅才華。紅蕉遠屋含秋霧，丹荔垂簷炫曉霞。萬里何堪慰離思，好憑江驛寄梅花。

吳文謙

戊寅雪後和謝提舉韻

鏞城正月雪初霽，騰得官閒吟嘯中。萬國山河開壽域，九霄風日播春融。竹依柏樹增新翠，梅與桃花間小紅。王化盡無偏黨處，故教冷暖總相同。

燕山秋望

西山木落向高風，萬壑千崖出梵宮。翠幕遙看銀榜合，金精虛逐火輪空。杳欄靜立脩脩上，冠佩飛行蕩蕩中。何日龍船移櫂曉，露房雲水四簾通。

遼海東空鶴不歸，平蕪遙際極涼霏。寒天霜靜鷗鷹沒，沙苑秋高牧馬肥。落日美人歌玉帳，西風獵騎擁金羈。

豪豬猛起當前立曾冒鳴弓脫曉圍

甲午元旦感懷

春色年年出帝京
河冰未解柳還青
東華正擁如雲騎
南國空瞻戴斗星
日月由來雙過鳥
乾坤及此一浮萍
愁緣底事濃於酒
起傍梅花步短檣

甲午六月卧病柔川呈地主

長憶靈巖對卷簾
客居還此面晴尖
雨分西崦泉鳴屋
風借南鄰竹蓋檐
病寫烏絲清欲苦
眠拋白羽黑初甜

欽定四庫全書

御選元詩

卷五十四

六

亂離未覺三遷定
行就君平試一占

喬木龍皮絡翠煙
昔人成立等升天
芝蘭玉樹看盈畹
駉駉驂騑不受鞭
垂老託身書滿屋
平生好客坐無羶
諸君有意憐衰白
惟有丹青照暮年

楊溪積雨綠於苔
亂竹稍稍不遣栽
自愛水風橫笛語
欲乘秋漲刺船來
眠從朱老詩澆澆
書及黃郎使往回
困餓只餘皮骨在
故人初見恐驚猜

王翰

寄別劉子中

問君西去與誰親
吳楚山川滿日新
賈傅有才終大用
杜陵無計豈長貧
鳳皇臺古思明月
采石江空夢白蘋
幾欲西風斟別酒
不堪零露滿衣巾

和馬子英見寄韻

十年流落向炎州
判與劉伶作醉遊
望國孤忠徒自憤
持身直道更何求
浮雲往事驚春夢
落日窮途起暮愁
賴有故人相憶在
徧題尺牘海西頭

欽定四庫全書

御選元詩

卷五十四

七

春日雨中即事

京洛繁華事已違
懷人竟日掩空扉
望迷楚岫聞啼鴉
思入秦川怨落暉
野館蕭條芳草合
寒江寂寞暮雲飛
落花片片隨流水
惆悵關河淚滿衣

立春有感

故國棲遲去路難
園林此日又冬殘
天涯往事書難寄
客裏新愁淚未乾
臘雪漸隨芳草變
東風猶笑布袍單
堤邊楊柳開青眼
肯傍梅花共歲寒

巴延

十華觀

十載風塵忽白頭
春來猶自強追遊
香浮素碧雲房靜
日落青林石徑幽
海內何人扶社稷
天涯有客卧林丘
此心只似長江水
終古悠悠向北流

吳訥

戰昱嶺關

鼓角聲雄隊伍齊
揚兵曉戰昱關西
黃金匣動雙龍出

欽定四庫全書

御選元詩

卷五十四

八

赤羽旗開萬馬嘶
露布不煩諸將草
詩篇還效古人題

沙溪春酒甜如蜜
醉卧花陰聽鳥啼

東歸

躍馬東歸古歛州
鐵衣如雪照清秋
半生叨食君王祿
百戰深遺母氏憂
城上綵旗翻白虎
帳前金絡控黃驄
英雄出處緣忠孝
豈為人間萬戶侯

陳謙

梧桐月

琪樹西風露井傍
鏡寒移影度銀床
鳳枝清切元疑畫

鶴夢淒涼不待霜
點筆詩人題夜綠
知更宮女怨秋黃

莫教一葉輕搖落
珍重千門被耿光

李祁

和詠鶴

老去曾看相鶴經
暫從華館試伶俜
幾年養就丹砂頂
竟日閒梳白雪翎
萬里壯心原自許
九霄清唳好誰聽
神仙舊侶知何在
遙望蓬萊一點青

欽定四庫全書

御選元詩

卷五十四

九

次賀琴南韻

茅屋秋風古道傍
衰翁不似去年強
漢廷無夢陳三策
楚水空懷賦九章
落日亂鴉紅樹老
斷雲孤雁碧天長
相思無限關心事
不為催詩急雨忙

送非空晦之二上人歸青原

青原山氣鬱盤紆
去郭連村十里餘
洗鉢水香晨粥後
讀書燈燼曉鐘初
晴天小閣收摩衲
煖日輕雲護芻芻
願得明年筋力健
徑尋溪路訪深居

和鍾德恭見寄

江湖風浪日蕭蕭
鱖蟹魚鰕亂躑躅
諸葛有才終復漢
管寧無計漫依遼
煙消故國川原淨
秋入空山草木凋
猶恨歸來相見晚
暮雲春樹碧天遙

和詠海棠韻

名花初發愛輕陰
翠袖紅妝新滿林
步入錦帷香徑小
醉扶銀燭畫堂深
妖嬈喜識春風面
零落愁關夜雨心
多幸鳳皇池上客
為抽勞思寫清吟

欽定四庫全書

御選元詩

卷五十四

十

吳當

潯陽舟中

百年頭上著烏紗
一日江邊踏釣槎
病似相如空有賦
貧于杜甫更無家
漁歌楚楚蒹葭月
樵笛村村躑躅花
事業已隨兵燹盡
青門惟守邵平瓜
伏枕移床向小舟
江頭漁父問何由
風波接棹魚龍冷
烟草迷津雁鷺秋
往事幾年懷內顧
狂瀾百折任東流
草元不守揚雄宅
垂白空添宋玉愁

三寶珠

遊北湖

一月不來湖上路
湖邊桃李已成陰
蒼蒼山色故人面
蕩蕩風光遊子心
沽酒樓高斜欲墮
賣茶船小巧相尋
自憐鸚鵡洲中客
手撚江蘼和楚吟

舒穆魯宜孫

妙成觀掀篷和何宗姚韻

結構新亭似勝前
登臨歷歷瞰晴川
放懷喜解防秋戍
乘興還操下瀨船
從此入林堪避地
何妨坐井亦觀天
東風回首春城暮
桃李依然種日邊

欽定四庫全書

御選元詩

卷五十四

十一

林諫

送姪南歸

清秋送姪出都門
別淚臨風墮酒尊
在客豈無鄉井念
為官肯負國朝恩
鶴鶴飛疾家偏遠
鴻雁行稀日欲昏
獨上居庸最高處
回頭一望一銷魂

陳基

秋日雜興

彈鋏歸來歎薄遊西風吹老黑貂裘
裁詩見慰慙錢起
掃榻相延愧隱侯
擬學楚人歸種橘
虛勞蜀客望牽牛
五湖烟景依然在
還許扁舟伴白鷗

關山搖落雁飛遲
江漢飄零有所思
倦客自憐蘇季子
故人誰問介之推
露催絡緯窓間織
風緝蟪蛄戶外絲
獨荷慈親念遊子
倚門日日數歸期

江頭久客日思家
坐覺微霜上鬢華
節序又催秋後燕
風光爭發雨前花
倦遊已夢莊生蝶
不飲何憂廣客蛇
怪底朝來衣袖薄
一川白露下蒹葭

一夕西風木葉飛
畫梁落月淡餘輝
銀燈夜照還家夢
金剪秋裁寄遠衣
霜信早隨新雁至
素書深訝故人稀
無因為謝東曹掾
鱸熟蓴香莫便歸

明河如練月娟娟
坐對清光只自憐
夜久不知沾白露
夢回猶記到鈞天
汝南遺老推黃憲
海內諸公憶鄭虔
萬里歸來無寸補
論文慙愧到忘年

欽定四庫全書

御選元詩

卷五十四

十三

寄沈仲說

欲採芙蓉寄所思
秋江風露正離離
每因見月懷元度
可但看詩說項斯
溪上燕辭華屋早
槎頭魚上碧波遲
太平無事差科了
歸共原泉理釣絲
野人籬落並江濱
竹裏流泉竹外雲
好學橐駝惟種樹
莫誇司馬最能文
小橋斜接漁樵路
落日爭呼雁鷺羣
獨憶詠歸亭上客
久留城府思紛紛

次韻錢伯行白芙蓉

帝子西遊太液池
一杯秋露為君持
空令越女羞容貌
不與唐昌共本支
姪姪最憐無語處
風流全在半開時
自移長信宮中去
學得班娘淡畫眉

次韻懷彥成

沙棠為漿木蘭橈
別後令人瘦沈腰
采蕺暫歸靈越去
栽桃重赴武陵邀
醉乘蓮葉春波闊
夢落簷花夜雨飄
猶記共遊鳴玉洞
滿山明月聽吹簫

寄玉山

欽定四庫全書

御選元詩

卷五十四

十三

我愛玉山佳樹林草堂終歲有餘陰巢安翡翠春雲煖
窓護芭蕉夜雨深寶篆焚香留睡鴨綵箋行墨寫來禽
萬竿修竹休教洗日日平安報好音

次韻鄭有道喜王季野府判南歸

故人日下拜官歸河水南來似帶圍策馬遠遊天府勝
食魚偏愛錦江肥蠶叢故國山猶在望帝荒祠鳥自飛
萬里欲將慈母線芙蓉城裏製春衣

海榴花放客南歸喬木參雲總十圍綠蟻奉親浮臘味

欽定四庫全書

御選元詩

卷五十四

十四

黃羊充饌割秋肥恩承閩國榮三釜心切灤都望六飛
錦里他年須報政中天風露濕朝衣

春日邵氏園池

寂寞園林帶夕暉昔年曾此戀芳菲柳塘水煖鴛鴦浴
花徑風酣蛺蝶飛蔓草拂衣人不剪畫梁無主燕空歸
洛陽池館闕興廢我欲春山賦采薇

十一月晦與同幕諸公登南高峰因過湖上小

集

共上南屏第一層海風吹鬢雪崩鬢山盤地脉來天日
城抱江流似蔣陵近郭畫行多畏虎並湖寒盡未收冰
倚闌閑說承平事知是昆明劫外僧

次韻孟天暉郎中看潮

千古東南詫海潮摩挲強弩未全銷氣乘日月分盈縮
聲振山河欲動搖擊楫中流歌慷慨倚闌斜日鬢飄蕭
錢塘官酒秋仍綠更與靈胥酹一瓢

淮陰雜興

落木蕭蕭雁渡河西風嫋嫋水增波甘羅營裏秋聲急
韓信城頭月色多淮市有魚聊可食楚山無桂不須歌
古今無限關心事付與當年春夢婆

寄陳庶子參軍兼簡饒介之郎中

楚天漠漠水迢迢千里懷人不自聊帷幄喜聞延曲逆
行間竊忝事嫖姚江空不采芙蓉寄歲暮惟歌桂樹招
華蓋仙翁如見問為言髀肉近都銷

自淮安使江南舟次通州寄同幕諸公

欽定四庫全書

御選元詩

卷五十四

十五

頻年共入嫖姚幕此日先乘使者舟海色曉迎龍虎節
天光寒動鷓鴣裘山川咫尺分吳楚河漢尋常近斗牛
南鎖堰頭官柳樹春風相約繫驂駒

二十日福山港寄省院張思廉陳惟允諸友

漢將西征肅羽儀簡書日日有程期東溟潮上犀船發
南斗星橫虎節移青入楚峰山點點白添吳鏡雪絲絲
美人宴罷芙蓉署一色銀花翠壓枝

遊狼山寺

欽定四庫全書

御選元詩

卷五十四

十一

鯨波渺渺四無涯閭闔天低手可排一塔倚空凌浩劫
兩潮爭港撼層崖半晴半雨龍歸海衝煖衝寒雁渡淮
安得乞身依佛日遍尋靈迹訪齊諧

二十九日至淮安城南十五里述懷

欲向江湖覓釣磯此心長與事相違添丁未辦盧仝計
算老空知伯玉非淮甸草肥宛地馬楚州人著漢官衣
將軍奏罷平西捷還許山翁倒載歸

三月十五日由淮安使江南別同官

三月淮南柳色深相看去住兩關心鶯因求友聲逾切
雁為離群思不禁芳草將春青楚甸暮雲含雨碧吳岑
遂初爾有平生賦何事驅馳雪滿簪

江上客舍

曉來江上雨濛濛煙火蕭條客舍中風急最憐巢幕燕
春寒猶滯寄書鴻紛紛洲渚魚鹽聚歷歷東南貢賦通
萬里乾坤一羈旅濁醪今夕與誰同

江月樓

欽定四庫全書

御選元詩

卷五十四

十二

中天樓閣鬱嵯峨良夜其如水月何雲浪遠從三峽至
露華偏傍九霄多道人宴坐脩禪觀遊子登臨聽棹歌
曾是水晶宮裏客倚闌來此重婆娑

輟轅

遠遊重到洛陽城又向登封道上行路入輟轅秋更險
雲收太室雨初晴千重灌木漫山碧百道飛泉繞澗鳴
欲訪巢由渺何許空餘潁水照人清

呂梁

扁舟又向呂梁歸浩蕩中流看翠微濁浪滿河水亂走
黃雲垂地雪交飛奉身誤叱王遵馭涉世頻沾阮籍衣
日暮不須吹短笛沙鷗猶恐未忘機

次韻荅秦文仲郭義仲聯句見寄

客路尋常江海上春光強半雨聲中習池無酒醉山簡
蓮社有心期遠公香燼旋溫婆律火茶烟輕颺石楠風
不因二仲聯詩至安得從容一笑同

偶成

武陵溪水碧灣灣窈窕幽期不可攀戴勝桑間飛自得
王雎洲上語相關歌成桃葉臨流和采得蘋花帶月還
見說荔支漿已熟不分涓滴到人間
南州五月尚兼衣白苧窓閒未脫機青李來禽書不至
荔支盧橘賦多違水晶簾箔圍晴晝艾納鑪熏逗夕霏
為問上都城裏客菖蒲花發幾時歸

賦楊花

巷南巷北晝冥冥搖蕩春風未肯停薄命不禁巫峽雨

前身曾化楚江萍已于謝女詩中見更向劉郎曲裏聽
腸斷不堪回首處並人飛過短長亭

次錢伯行韻

五月東林水竹涼新荷葉小柳絲長且臨大令鵝羣帖
不戀尚書雞舌香楚客謾誇千樹橘杜陵共愛百花莊
滿天風露枇杷熟歸奉慈親取次嘗

次沈仲說韻

棟樹飛花雪打篷居人行樂四時同波涵大澤平如掌
雲割西山半入空金刹遠瞻樓閣壯畫船爭載綺羅紅
如何越女承恩後不逐吳王住甬東

寄友人

扁舟三月到江城匹馬先尋北郭生雨過小樓春寂寂
烏啼脩竹曉嚶嚶家無黃耳傳鄉信門有蒼頭記客名
見說終南真可隱賸判秋色為君清

文殊寺高閣

何年蘭若倚崔嵬觀閣連天罨畫開澤國魚龍霜後靜

關河鴻雁日邊回
闌干迴遡虛空上
歲月深從浩劫來
自信平生愛登覽
夕陽高處重徘徊

次韻袁仲長竹堂感興

一曲桃源憶故人
白頭詞客最傷春
南柯已寤平生夢
東海曾揚幾劫塵
綺樹鶯花從自好
畫堂絲竹為誰陳
不須聞此空惆悵
且看瑤姬舞繡茵

簡鄭山人

國士文章海內傳
丘園風雨故依然
空聞太守延徐揖
猶喜諸生禮鄭玄
官樹鶯啼初繫馬
講堂雀下或銜鱸
廣文方築招賢館
肯使先生老一羶

八月十三夜汎姚城江

畫船搗鼓唱迴波
皓齒青蛾不用歌
好月愛看輪未滿
清秋莫問夜如何
明將織女機絲動
寒恐姮娥白髮多
天上清光應更足
羽衣安得共婆娑

次韻錢伯行江上春暮

太湖之水近當門
荇葉芹芽煖正繁
不問主人還看竹

每逢鄰叟為開尊
燕歸王謝江邊宅
犬吠朱陳柳外村
步屨春風歸去晚
野童篝火候籬根

題玉山草堂

隱君家住玉山阿
新製茅堂接薜蘿
翡翠飛來春雨歇
麝香眠處落花多
竹枝已聽巴人調
桂樹仍聞楚客歌
明日扁舟入青浦
不堪離思隔滄波

綠波亭

眼明忽見此亭新
公子詩成思入神
坐愛碧波千頃綠
夢回芳草一池春
每傾鸚鵡留佳客
欲采芙蓉寄遠人
燕子不來秋已暮
倚闌無語獨逡巡

柳塘春

扁舟二月傍溪行
愛此林塘照眼明
芳草日長飛燕燕
綠陰人靜語鶯鶯
臨風忽聽歌金縷
隔水時聞度玉笙
更待清明寒食後
買魚沽酒荅春晴

漁莊

何處林塘好卜鄰
清江繞屋淨無塵
定巢新燕渾如客

汎渚輕鷗不避人楊柳作花香勝雪鱸魚上釣白於銀
春風無限滄浪意欲向汀洲賦采蘋

秋懷奉寄玉山主人

江上秋陰十日多思君不見奈愁何風高澤國來鴻雁
雨入汀洲落芰荷公子文章裁瑞錦佳人衣袖剪輕羅
畫船亦欲溪頭去聽唱花間緩緩歌

有懷梧竹主人山陰道士雲臺外史兼簡龍門

開士

欽定四庫全書

御選元詩

卷五十四

十三

碧梧翠竹日扶疎長夏高堂可晏居雪上故人時載酒
山陰道士近無書蒼頭掃石安碁局緝子穿花奉板輿
若見惠休須問訊碧雲詩句定何如

寄玉山兼簡匡廬外史

美人不見已三月日日相思賦角弓興發頗疑詩有助
憂來翻訝酒無功未須結客遊樊上却擬移家住灤東
與報匡廬于外史新醅宜壓荔枝紅

笠澤有懷

碧梧翠竹鬱參差艾納流薰繡幕垂瑤管隔花閒度曲
畫屏燒燭看圍碁坐延太乙青藜杖倒著山公白接羅
何日扁舟還蕩槳為判同醉習家池

將往三沙有懷玉山徵君會稽外史

海門自與碧天通獨馭靈槎遠向東一道銀潢秋浪白
三洲金刹日華紅龍吹花雨慙聞法鳥語雲檣喜報風
無奈思君重回首依依江樹送冥鴻

陳湖秋汎

欽定四庫全書

御選元詩

卷五十四

十三

平湖秋色曉蒼蒼鼓柁聲傳浦澈涼鴻雁欲來天拍水
蒹葭初老露為霜菊荒甫里人何在鱸入松江興轉長
不用臨流重懷古葦花菱葉滿滄浪

次韻懷華幼武

滑滑春泥滿郡城出門騎馬不堪行未能學道從緱母
且復忘憂對麴生流水小池垂釣影春風深巷賣花聲
停雲賦罷心如渴安得滄浪濯我纓

次韻蔡彥文寄謝省院諸公二首

西山雪後色逾妍
拄笏相看每自憐
豈有異才參廟略
謾陪時俊列賓筵
玉笙錦瑟留人醉
翠葉銀花壓帽偏
却笑當年潘騎省
為誰雙鬢早皤然

此日東吳接勝遊
風流欲與古人儔
城南官酒春初熟
湖上魚罾晚未收
才愧機雲遙入洛
功高絳灌重安劉
謀參帷幄輸公輩
巢父歸歟盍掉頭

送范德輝赴縉雲教諭兼簡高則誠

不逐扁舟汎五湖
一官迢遞縉雲墟
遺民世守軒轅鼎

博士家傳魏國書
夜月定聞鄰縣鶴
秋風莫憶故鄉魚
到州為謝高書記
日日相思賦索居

陸氏別業

窈窕西池一徑通
赤闌如畫倚晴空
風微燕雀飛塵外
日皎龜魚在鏡中
入谷謾誇盤往復
卜鄰宜住漢西東
綠陰滿地新荷發
猶勝開樽勸碧筩

饒介

與虞山人勝伯陳山人惟寅談及仙遊事醉後

賦呈

累累松陰布網羅
鶴巢松頂吸天河
是何道士圍碁坐
若箇樵夫對酒歌
看月也知為爾好
凭風無奈欲歸何
送君直過橋西去
還記垂楊葉不多

張憲

題院人畫小景

高棟層軒夜未央
溶溶新綠漲池塘
風輕楊柳金絲軟
月淡梨花玉骨香
亂唾碧茸紆曲逕
獨循青瑣轉迴廊
千金一刻誰能買
輸與豪家白面郎

席上得搖字

翠館行厨雪乍消
牆頭新柳又垂條
珊瑚枕煖人初醉
鸚鵡籠寒舌未調
座上綵鸞珠插鬢
掌中飛燕玉圍腰
海棠一夜東風軟
落盡雲邊金步搖

嬉春

春來何處惱柔腸
柳下人家綠瑣窓
畫棟歌塵珠簌簌
雕盤舞袖翠雙雙
雙鼓翻芍藥
雷轟座酒熟
醪醑雪滿缸

最憶瑤芝堂下路一宵歸夢隔春江

春日

彩毫漆點新蟬翼奚墨雲磨舊馬肝月落小窓瓊佩冷
夢回孤枕玉釵寒茶蘼架雪香生宴么鳳籠烟醉倚闌
笑我一春長閉戶柳花填巷卧袁安

賦松江漁者

短棹輕舟白髮翁往來常在泖西東一篙綠水孤篷外
九點青山落照中不盡春光楊柳雨無邊秋興蓼花風

欽定四庫全書

御選元詩

卷五十四

二十六

鷓夷盛酒羊裘卧表海封齊莫論功

王氏小桃源

一簇林塘隱者棲天然畫出武陵溪循牆流水灣灣曲
匝屋桃花樹樹低春雨閉門山犬吠炊烟隔竹午雞啼
幽深直待秦人避但恐漁郎自路迷

留別賽景初

暖雲將雨驟陰晴四月羅衣尚未成萬點愁心飛絮影
五更殘夢賣花聲方空越白承恩厚繡襦諸子照道明

自笑窮途不歸去空懷漫刺闔閭城

臨安軍前

寂歷荒城遍野蒿昔人事業已徒勞雁將秋色催歸鳥
楓引霜花入戰袍地阻東南鄉信遠天昏西北陣雲高
不堪屢作還家夢起向西風撫大刀

良宵

良宵情緒不堪題立遍闌干意欲迷鐵撥忽敲壺口破
金刀頓剪燭心齊綠分楊柳湘簾細紅壓櫻桃斗帳低

欽定四庫全書

御選元詩

卷五十四

二十七

彷彿第三橋畔宿月明珠樹夜烏啼

次韻贈張省史從軍南征

震天金鼓紫駝騎阜燾連珠畫斗杓甲馬魚鱗開曉日
錦袍花萼上春潮枕榔雨暗湯泉溢茉莉風暄海瘴消
幕下何人專草檄共誇謀議得張昭

陳秀民

鄆州望古北居庸諸山

古北居庸一望中風沙滿眼亂芙蓉曦車夜轉崑崙脊

華蓋陰移太乙峯金口水流終到海玉泉雲起又隨龍
兩京形勝今如此可擬秦關百二重

湘鄉道中

日暮倦趨山市遠解衣聊復憩巖阿雲迷險道藤穿石
水落懸崖草亂坡木客下時人迹少鷓鴣啼處客愁多
向南言語憑誰辨莫問蠻方事若何

陳雷

早春寄周致堯

梨林致堯所居之地

百年身世渾如寄何處他鄉是故鄉柳態正須春弄色
梅花自與雪生香揚雄寂寞元猶白賀監風流醉亦狂
倘許勝緣同晚歲梨林風致即柴桑

方行

登子胥廟因觀錢塘江湖

吳越中分兩岸開怒濤千古響奔雷子胥不作忠臣死
句踐終非霸王材歲月消磨人自老江山壯麗我重來
鷓夷鐵箭俱安在目斷洪波萬里回

劉仁本

再往三山

去歲才從上海還今年又復戴南冠榕陰巷陌春風老
荔子樓臺宿雨乾幾處舊遊重載酒十年往事一憑欄
回頭却羨天台道有客吹簫跨玉鸞

過楓亭驛和周草庭巡檢韻就寄

餽糧千里又南征笑犯弓刀擁將星汗血沙塵前後騎
檄書烽火短長亭天連閩海團團白山遠彭湖點點青

遙想環峯三十六將軍晏坐對滄溟

楊維楨

香奩八詠

并序

吳間詩社香奩八詠無春芳才情者多為題所困
縱有篇辭鄙婦學妝院體終帶鄙狀可醜也晚得
玉樹餘音為甲而長短句樂府絕無可拈出者一
日雲菴王先生寄示踏莎行八闕讀之驚喜先生
蓋松雪翁門人今年八十又三矣而堅強清爽出

語娟麗此殆為月中仙人也謹付翠兒度腔歌
之又評付龍洲生附八詩後梓以見王孫門中舊
時月色雖曰喪亂固無恙也至正丙午春三月初
吉錦窠老人楊維禎序

金盆沐髮

華清春晝賜溫泉綰脫青絲散一編翠雨亂跳花底月
黑雲半捲鏡中天銅仙盤冷添甘露玉女盆傾拾翠鈿
攏得雲鬟高一尺罍冠新上玉臺前

欽定四庫全書

御選元詩

卷五十四

三十

月奩勻面

一片清光照膽寒玉容滿鏡掩飛鸞素娥照見黃金闕
絳雪鎔開白玉盤翠點柳尖春未透紅生櫻顆露初乾
好風為我披羅幕一朶芙蓉正面看

玉頰啼痕

天然玉質洗鉛華怪底偏將半面遮紅滴香冰融懶髓
彩黏膩雨上梨花收乾通德言難盡點濕明妃畫莫加
聚得斑斑在何處軟綃寄與薄情家

黛眉顰色

按樂園開列畫堂春愁何獨損清揚蜀山煙雨雙尖瘦
漢柳風霜兩葉蒼索畫未成京兆譜欲啼先學壽陽妝
蕭郎忽有歸期報喜得天庭一點黃

芳塵春跡

是誰步履印微茫便似石家春滿牀軟雪消時痕是底
好風起處步生香彩雲飛上秋千鐙芳草侵來蹴踘場
愁絕如癡成獨立繡鴛拾得在東牆

欽定四庫全書

御選元詩

卷五十四

三十一

雲窓秋夢

骨瘦魂清酒力微路迷錯莫是還非羅浮曉月相將落
巫峽斷雲何處飛金彈撒來驚忽忽玉龍嘶了尚依依
不如直到鈞天所記得霓裳樂譜歸

繡牀凝思

繡線添來日正遲香絨倦理一支頤心遊飛絮渾無著
身蛻枯蟬忽若癡花幘錯描愁伴覺金針閣住許誰知
絕憐小玉情緣重到死春蠶始絕絲

金錢卜歡

紫姑壇上祝方兄
忽聽呼盧擲地聲
星斗未分牛女會
陰陽先判雨雲生
青蚨孕子寧無兆
玉蜨化身元有情
寶鏡重圓三五夜
重磨半月問虧盈

追和鮮于公寄山齋先生釣石詩

星灘分得小雙臺
不染東華半點埃
爽氣時從仙掌出
青天忽見岳蓮開
雲根遠帶桐江水
夜雨新生海眼苔
九朶峰前成屢憶
不隨霜鶴寄詩來

欽定四庫全書

御選元詩

卷五十四

三十三

訪倪元鎮不遇

霜滿船篷月滿天
飄零孤客不成眠
居山久慕陶弘景
蹈海深慙魯仲連
萬里乾坤秋似水
一窓燈火夜如年
白頭未遂終焉計
猶欠蘇門二頃田

西湖

西湖風景開圖畫
墨客騷人入咏嗟
扇底魚龍吹日影
鏡中鶯燕老年華
蘇堤物換前朝柳
葛嶺人耕故相家
今古消沈一杯水
兩峰長照夕陽斜

寄衛叔剛

二月春光如酒濃
好懷每與故人同
杏花城郭青旗雨
燕子樓臺玉笛風
錦帳將軍烽火外
鳳池仙客碧雲中
憑誰解釋春風恨
只有江南盛小叢

賀呂希顏

雨過長江五月秋
主家讌客林塘幽
苦無奇字從人問
賴有清尊消我憂
道士舊遊尋赤壁
美人相見憶羅浮
休官便擬璜溪住
蓴菜鱸魚不外求

欽定四庫全書

御選元詩

卷五十四

三十三

夜宴范氏莊

南弁山間多翠微
池塘處處涵清暉
丹泉釀酒名千日
花樹成窠大十圍
童子單衣碧鶴立
美人兩袖彩鸞飛
臨分更作嬉春約
賸載紅船白苧衣

題張長年雪篷

故人今在雲之濱
風雪孤篷未苦貧
二載溪頭見安道
一蓑江上覓元真
風清菰米香生夜
月白蘆花夢繞春
莫說江都錦帆事
蕪城煙雨正愁人

王左轄席上夜宴

銀燭光殘午夜過鳳笙龍管雜鳴鼉佩符新賜連珠虎
觴令嚴行卷白波南國遺音誇壯士西蠻小隊舞天魔
醉歸不怕金吾禁門外一聲吹簸羅

瑠花珠月二名姬并序

春正月廿有二日偕崑山顧仲瑛雪川鄒九成大
梁徐師顏謙于吳城路義道家佐酒者六妹皆蘇
臺之選內有瑠花與珠月者選中之絕也義道起

欽定四庫全書

御選元詩

卷五十四

三十四

持觴屬客曰今日名姬對名客不可無作座客酒
俱酣暢瑠花者捧硯請予題首仲瑛曰花月一對
雖絕而彼此不無相妒題品稍偏當令偏者舉主
人蓮花巨觥連飲之予矢口月滿十分珠有價花
開第一玉無瑕兩姬大喜客皆起坐交觥予就醉
矣明日足詩曰

新年春色在鄰家隊子三三聚館娃月滿十分珠有價
花開第一玉無瑕蒲萄酒艷沈櫻顆翡翠裘翻踏月牙

老子圍紅先點筆詩成勉飲玉蓮華

寄秋淵沈鍊師

所居號
琅玕所

琅玕種得三千箇箇箇瓊臺玉樹齊秋淨雙鳧清泚曲
夜寒一虎大茅西長茸不著花猫獵深竹時聞翠羽啼
老我所須惟鐵杖不須太乙乞青藜

翡翠巢

羅浮花使先春到來傍玉樓深處巢舞雪豔翻楊柳絮
歌雲輕壓海棠梢屏開時露鴉頭襪絃斷應銜鳳觜膠
却笑雪衣娘太劣雕籠深鎖未全教

欽定四庫全書

御選元詩

卷五十四

三十五

席上賦

蘿洞蘭煙繞燭微三更三點妓成圍魚吹綠酒常雙躍
雁列瑤箏不獨飛隔座送闌喧中射當筵呼摻促更衣
雞鳴樂極翻悽斷闕月纖纖照影歸

嬉春體

錢塘湖
上作

今朝立春好天氣况是太平朝野時走向南鄰覓酒伴
還從西墅買花枝陶令久辭彭澤縣山公祇愛習家池

宜春帖子題贈爾日日春遊日日宜

西子湖頭春色濃
望湖樓下水連空
柳條千樹僧眼碧
桃花一株人面紅
天氣渾如曲江節
野客正是杜陵翁
得錢沽酒勿復較
如此好懷誰與同

楊子休官日日閒
桐江新棹酒船還
叮嚀舊客兼新客
漫浪南山與北山
好懷急就一斗飲
佳人能作五弦彈
君看此地經遊輦
彷彿春風夢未殘

又湖州作

欽定四庫全書

御選元詩

卷五十四

三十一

三月三日雨新晴
相邀春伴冶西城
即倩山妻紗帽辦
更煩小將犢車輕
好語啼春秦吉了
仙姿當酒董雙成
憑君多唱嬉春曲
老子江南最有情

長城小姬如小憐
紅絲新上琵琶弦
可人座上三珠樹
美酒沙頭雙玉船
小洞桃花落香屑
大堤楊柳掃晴烟
明朝紗帽青藜杖
更訪東林十八仙

湖州野客似元真
水晶宮中烏角巾
得句時過張外史
學書不讓管夫人
碁尋東老林中橘
飯煮西施廟下莼

無雨無風二三月
道人將客正嬉春

無題效商隱體

主家院落近連昌
燕子歸來舊杏梁
金埒近收青海駿
錦籠初教雪衣娘
卷衣甲帳春容曉
吹笛西樓月色涼
今夜阿鴻新進劇
黃金小帶荔枝瘡

二月皇都花滿城
美人多病苦多情
一雙孔雀銜青綬
十二飛鴻上錦箏
酒掬珍珠傳玉掌
羹分甘露倒銀罍
不堪容易少年事
爭遣狂夫作後生

欽定四庫全書

御選元詩

卷五十四

三十七

夜坐

雨過虛亭生夜涼
朦朧素月照芳塘
螢穿濕竹流星暗
魚動輕荷墜露香
起舞劉琨肝膽在
驚秋潘岳鬢毛蒼
候蟲先報砧聲近
不待蓴鱸憶故鄉

多景樓

極目心情獨倚樓
荻花楓葉滿江秋
地雄吳楚東南會
水接荆揚上下流
鐵甕百年春雨夢
銅駝萬里夕陽愁
西風歷歷來征雁
又帶邊聲過石頭

春日有懷玉山主人

梨花枝外雨冥冥宿酒朝來尚未醒倚砌宜男偏婀娜
隔窓鸚鵡太丁寧紫鸞簫管和瑤瑟金鴨香爐倚繡屏
青李來禽臨已徧定從白鵠授黃庭

次韻奉荅倪元鎮

坐斷深林事不聞西窓風日愛餘曛舊經高赤尋三傳
新詠山王削五君翠篠侵牀落蒼雪石池洗硯動元雲
東鄰書屋最相憶莫遣草堂移浪文

欽定四庫全書

御選元詩

卷五十四

三六

贈王蒙

一夜西郊春草生草堂吹笛夜挑燈塞雁北飛千里雪
吳波綠泮五湖冰杜陵詩句花無賴張緒風流柳不勝
莫遣檢書并看劍自將鵝帖寫溪藤

御選元詩卷五十四

欽定四庫全書蒼要卷一萬八千四百六十七 集部

御選元詩卷五十五

七言律詩十四

錢惟善

送曹克明負外之湖廣省

錢塘西望武昌城天際飛艘幾日程三峽波濤下江漢
九疑雲霧接巫衡笑談落落蕭曹佐登覽蒼蒼屈宋情
更把文風變丹徼不須銅柱紀南征

欽定四庫全書

御選元詩

卷五十五

早發葑門得風直抵阜林泊

白龍廟前風浪生扁舟初離闔閭城嬋娟霜月鴈千里
顛倒衣裳雞五更櫓柁漁歌江入夢帆迎野色樹移程
葦間何限秋蕭瑟愁絕胡笳出塞聲

述懷

倦遊湖海十年餘人物如雲想國初貞觀名臣重房杜
建安才子數應徐聞雞起舞闕河壯射虎歸來事業疎
便欲巢松尋五老短檠依舊滿牀書

懷陳子敬王子仁

倦遊年少滯江南憂患驚心百不堪韶海有人遺白葛
洞庭無客寄黃甘涼風拂袵聽喉轉夜雨移鐙覆手談
寂寞歲寒梅共我月明索笑碧雲檐

題廣微天師昇龍圖

噓氣乘雲薄太清墨卿靈怪硯池腥波濤光彩失雙劍
風雨晦冥驅六丁朱火騰空超碧落翠鱗垂水捲滄溟
真人上挾飛仙去安得攀髯過洞庭

欽定四庫全書

御選元詩

卷五十五

二

奉和太常博士柳公浦陽十詠詩錄三首

龍峰孤塔

巋然特立梵王宮梯級惟容鳥道通翠壁雲綃紅劫火
鐵檐鈴雨落秋風高標插漢蒼龍左倒影橫江白鶴東
何日捫蘿尋勝迹不愁千里日難窮

南江夕照

目盡江南送夕陽空明直下接魚梁千重雲岫連平遠
五色霜林映渺茫孤鷺倒飛天上下長虹高卧水中央

白雲紅稻多秋思付與詩翁了醉鄉

東嶺秋陰

青山失色暗丹楓廣野平林杳靄中半嶺無雲時慘淡
尺天不雨亦空濛冥冥南向藏元豹漠漠東開見白鴻
高處夕佳難攬結埽除陰翳待雄風

述懷寄光遠并簡城南諸友二首

野人無事久忘機肯信紛華有是非花信欲闌鶯百轉
麥芒初長雉雙飛書中歲月仍為客枕上江山屢夢歸

欽定四庫全書

御選元詩

卷五十五

三

時復思君倚深樹不知殘雨溼春衣

青青草色接平蕪翠涌千峰入座隅戴勝晨呼採桑女
於菟夜警牧豬奴羽觴洛水聞修禊單袷溫泉想舞雩
欲泛蘭舟過春渚一樓煙雨似西湖

送李德夫福建運司書吏

吳柳初黃越樹丹照人秋色送征鞍雲隨親舍回揚子
山引郵城入候官萬石鹽饒輸海賦兩潮魚上助盤餐
武夷我有南遊約欲借扶搖駕羽翰

九月晦日張機仲同宿明慶亭會堂上人房是
夜讀羅昭諫詩

寶坊金碧近閭閻
閻道沈沈警夜嚴
萬石華鯨驚海獸
四檐鐵鳳語蜚廉
傷時我豈同昭諫
覓句師能及道潛
一榻茶煙清夢熟
因思松瀑灑冰簾

正月十六日遊湖上

東風杖屨偶相從
試傍新隄覓舊蹤
花竹園池通一徑
金銀樓閣倚千峰
林煙日午青先暝
湖水天寒綠未濃
賣酒壚頭人似玉
抱琴時復醉臨邛

欽定四庫全書

御選元詩

卷五十五

四

送李可度

暫駕仙舟絕海濤
未應歸夢又金黿
漢家長者為廷尉
江左參軍辟掾曹
十月蛟鼉淮浪靜
九天鷹隼朔雲高
匡時有用須公等
莫遣吳霜點鬢毛

送陳衆仲之官翰林應奉

畫蠲齊飛發棹謳
泛江幾日過揚州
曉雲最白梅花驛
春雨初香杜若洲
一代文章闢氣運
十年館閣擅風流

綠波草色連天遠
不是尋常送別愁

和李文山齋早春二首

方壺元不離人間
倚徧東風十二闌
煙雨樓臺春似畫
水雲窓戶畫生寒
遙知洗鼎煎茶待
定許敲門借竹看
醉後石橋花爛漫
翠禽啁哳在檐端
落梅風細小窓寒
石上餘香點點斑
不惜壺觴千日醉
只愁庭館一春閒
澗雲生白元非雨
江樹排青更有山
攜取畫圖溪上去
鶴聲應到夢魂間

欽定四庫全書

御選元詩

卷五十五

五

晚雨過白塔

宋宮傳是唐朝寺
白塔崔嵬寢殿前
夏雨染成千樹綠
暮嵐散作一江煙
蒼苔門外銅鋪暗
細柳營中畫角傳
寂寞蒹蘆宮井畔
野人拾得舊金鈿

送王舉之入京就簡樵谷

短衣匹馬佩吳鉤
欲寫關河萬古愁
射雁秋風高紫塞
聽鶯春色滿皇州
黃塵驛路三千里
白玉京城十二樓
無酒送君懷抱惡
過江為覓故人舟

題魯彥康所藏范寬山水手軸

看雲終日坐蒼苔溪上千峰紫翠堆種竹人家臨水住
抱琴客子過橋來欲書盤谷先生序更把潯陽處士杯
他日卜居能似畫草堂題作小蓬萊

雨後登吳山過城隍廟眺望

偶向吳山高處望淒涼猶自覺繁華百年香火祠神宇
二月笙歌賣酒家渺渺風帆來海島冥冥江樹接煙沙
倚闌貪看西湖上古木荒城日又斜

欽定四庫全書

御選元詩

卷五十五

六

漁村

丙穴魚來江盡頭元真卜築更深幽對門燈火三家市
何處煙波萬里舟明月竹枝揚子夜西風木葉洞庭秋
棹歌一曲閑來往指點儂家鷓鴣洲

一峰晴雪石名

醉倚崔嵬夢剡溪覺來翻訝眾峰低孤標想見天山北
萬里飛來蜀國西每怪珠光含霽月不知玉氣吐晴霓
風流欲喚坡仙起雪浪齋中共品題

送賈元英之照潭

照潭遙望九華山弓馬蕭蕭日暮還夢裏無情惟寄內
胸中有策欲平蠻落花閉戶眠黃犬明月開籠放白鷗
絳灌何曾輕賈誼早隨鷓鴣入朝班

清逸齋

神仙官府曾為吏一日乘風即掉頭太白豈惟凌鮑謝
元卿只合友羊求門前種樹雲連屋湖上聽潮月滿樓
遙憶五經名隱地我者高聳蜀天秋

欽定四庫全書

御選元詩

卷五十五

七

杏花

等鶯期燕引遊蜂知隔垂楊第幾重壇近緇帷忘晝永
宮催羯鼓助春濃絳煙輕潤香鬢衰紅雪乾團粉淚鎔
寂寞曲江人不見貞元朝士憶時雍

送魏好義尹分水賦十六瀨

東來眾水發新安歷歷桐川第二灘萬疊冷雲藏亂石
一江春雨落驚湍青山隔樹連漁浦白鳥迎潮入釣壇
地占客星高隱處時飛鳧鳥上巖端

次陳君瑞遊鳳凰山光明寺

左瞻劔戟龍門並上脫冠巾鳳髻雙齋近木魚鳴晝廡
行遲松鼠落晴窓雲深不覺山藏寺溪漲應隨雨到江
未識此中真樂地三生先喜俗緣降

喜白髮為陳師復賦

勲業無成散似樗青銅欣見二毛初中郎興動秋風起
太傅詩成壯歲餘皎皎易汙時一沐星星難染漫千梳
等閒得此無情物自有忘憂滿架書

欽定四庫全書

御選元詩

卷五十五

八

張昱

五府驛代楊左丞留題

免胄日趨丞相府解鞍夜宿五侯家玉杯行酒聽春雨
銀燭照人如晚霞受命敢忘軍旅事撫時又過掖垣花
漢家未可輕韓信尚要生擒李左車

陪宴相府得芍藥花有感賦

醉吐車茵愧不才馬前蝴蝶趁花回玉瓶盛露扶春起
錦帳圍鐙照夜開垂白敢思溱洧贈散紅還是廟廊栽

揚州何遜空才思惟對高寒詠閣梅

退居湖上投贈楊左丞二首

樓外湖光白渺茫樓中少婦試新妝行年將近半百歲
大醉豈能千萬場翠織舞裊飛蛺蝶白描歌扇睡鴛鴦
垂楊滿院無人到芍藥花開日正長

且觀神女為行雨莫問郎官應列星芳草到門無俗駕
好山終日在湖亭白鷗共戲荷葉小黃鳥亂啼楊柳青
肯信曲闌干外立晚涼吹得酒初醒

欽定四庫全書

御選元詩

卷五十五

九

惆悵五首

三山夢斷綵雲空幾把長牋賦惱公畫閣小杯鸚鵡綠
玉盤纖手荔枝紅春衫汗浥薔薇露夜帳香回茉莉風
惆悵近來江海上却將鞍馬學從戎

畫船湖上載春行日日花香扇底生蘇小樓前看洗馬
水仙祠畔坐聞鶯碧桃紅杏渾相識紫燕黃蜂俱有情
惆悵繁華成逝水盡歸江海作潮聲

惆悵當年使酒來娼樓紅粉夜相催可憐明月三分在

不見瓊花半朵開誰復醉翁堂下柳更堪從事閣中梅
揚揚一片青青草誰信春來無鴈回

惆悵雄藩海上遊武昌佳氣接神州東風歸思王孫草
北渚愁生帝子洲楚國江山真可惜劉家豚犬亦何羞
不須更問中原事官柳新栽過戟樓

至今惆悵在東城結伴看花取次行輦道駐車招飲妓
宮牆回馬聽流鶯星河織女從離別海水蓬萊見淺清
不有酒船三萬斛此生懷抱向誰傾

過楊忠愍公軍府留題

總是田家門下客誰於軍府若為情林花滿樹鶯都散
雨水平池草自生街上相逢驚故吏馬前迎拜泣殘兵
能言樓上題詩處猶有將軍舊姓名

湖舫勸曹德昭僉院酒

倩得名姬唱慢歌梁塵直欲下輕波西風八月芰荷老
落日滿湖鳧鴈多到手莫辭雙盞飲轉頭又是一年過
光陰只在槐柯上奈此浮生樂事何

春閨

白日高堂欲暮難鳴鳩乳燕靜相干銀瓶行酒雙鬟綠
玉管調笙十指寒蝴蝶每因飛處見牡丹多是折來看
明朝為遣安西使錦字紅燈織夜闌

湖上漫興二首

百鎰黃金一笑輕少年買得是狂名尊中酒釀湖波綠
席上人歌鳳語清蛺蝶畫羅宮樣扇珊瑚小柱教坊箏
南朝舊俗憐輕薄每到花時別有情

湖上新泥雪漸融門前溝水暗相通裊欺萱草輕盈綠
粉學櫻桃淺淡紅暮雨欲來銀燭上春寒猶在酒尊空
青綾被薄不成夢又是一番花信風

繡球花次烏延廉使韻

繡球春晚欲生寒滿樹玲瓏雪未乾落過楊花渾不覺
飛來蝴蝶忽成團釵頭嬾戴應嫌重手裏閑拋却好看
天女夜涼乘月到羽輪偷駐碧闌干

湖樓

樓前芳草碧盈盈付與幽禽自在鳴隄上馬馱紅粉過
湖中人載畫船行日長燕子語偏好風暖楊花體又輕
何限才情被花惱獨教書記得狂名

次林叔大都事韻四首

春來長是誤佳期鴝鳥雄鳩不可私錯認櫻桃懸蟠子
悔將衫袖染鴝兒燒殘蠟燭渾成淚折斷蓮莖却是絲
辜負綠窓閒歲月只教楊柳妬腰肢

何處銀鞍白鼻騮忘將錦瑟數年華渡頭水急憐桃葉

欽定四庫全書

御選元詩

卷五十五

十三

陌上春狂信柳花那得芳心對鸚鵡泣將殘淚付琵琶

一身已是成惆悵况是平陽十萬家

莫謾題情在粉牆藕絲終日繫柔腸不知漢主黃金屋

何似盧家白玉堂好夢自拋桃葉後閑愁似過柳條長

無端收得番羅帕徹夜薔薇露水香

陳王當日賦凌波寫得風流也太多掌上玉鸞看教舞

雲中青鳥使傳歌情緘尺素魚中字恨織迴文錦上梭

休信雙星是牛女年年波浪隔天河

昔遊

春到名園總是花都城無處不繁華冠翹鴟尾朱袍盛
馬頓金羈玉面斜騎吏去忙官索酒侯門散晚妓留車
党家賤妾麤豪慣輕易銀瓶雪水茶

兩山亭留題

馬頭曾為使君回北望新亭道路開於越地形緣海盡
勾吳山色過江來英雄有恨餘湖水天地忘懷入酒杯
珍重謝家林下客玉山何待倩人推

欽定四庫全書

御選元詩

卷五十五

十三

三月三日湖上作

此日誰人肯在家傾城滿意事繁華時非上巳不為節
春到牡丹纔是花霧鬢風鬟湖上女畫輪繡轂道傍車
兒童盡唱銅鞮曲未覺人間日易斜

西湖漫興

玉局當年為寫真西施宜笑復宜顰朝雲暮雨空前夢
桃葉柳枝如故人露電光陰千劫外魚龍波浪一番新
傷心最是林逋宅半畝殘梅共晚春

晚歸

左掖歸時日未斜
小園檢點舊生涯
染羣萱草纔抽綠
破雪櫻桃又著花
玉笋試斟官給酒
銀煎重淪貢餘茶
西湖水色春來好
說道風光似謝家

鄰園海棠

自家池館久荒涼
却過鄰園看海棠
日色未嫣紅錦被
露華猶溼紫羅囊
掌中飛燕還能舞
夢裏朝雲自有香
銀燭莫辭深夜照
幾多佳麗負春光

欽定四庫全書

御選元詩

卷五十五

十四

醉題

二月鶯聲最好聽
風光終日在湖亭
清宵酒壓楊花夢
細雨燈深孔雀屏
情在綢繆歌白苧
心同慷慨贈青萍
方平自得麻姑信
從此人間見客星

感事

憶昔銀燈鼓瑟琴
屏開孔雀畫堂深
頭顱謾有新添雪
囊橐都無舊賜金
好夢未成春漏盡
殘星猶在曉河沈
郎君自上斑駝後
露滴銅盤淚不禁

碧筩飲次胡丞韻

小刺攢攢綠滿莖
看揜羅袖護輕盈
分司御史心先醉
多病相如渴又生
銀浦流雲雖有態
銅盤清露寂無聲
當年欲博千金笑
故作風荷帶雨傾

贈沈生還江州

鄉心正爾怯高樓
况復樓中賦遠遊
客裏登臨俱是感
人間送別不宜秋
風前落葉隨車滿
日下浮雲共水流
知汝琵琶亭畔去
白頭司馬憶江州

欽定四庫全書

御選元詩

卷五十五

十五

贈寓客還瓜州

把酒臨風聽擢聲
河邊官柳綠相迎
幾潮路到瓜州渡
隔岸山連鐵甕城
月色夜留江叟笛
花枝春覆市樓箏
贈行不用歌楊柳
此日還家足太平

無題

灼灼庭花露未收
樂然雙燕語綢繆
新妝滿面猶看鏡
殘夢關心嬾下樓
春到自憐人似玉
困來誰問酒扶頭
狂蹤已作風絲斷
敢怨流年似水流

無題

咫尺香閨步懶移搔頭誰理玉蟠螭不聽小管吹銀字
只數迴文織錦詩得伴有時惟鬪草遣懷無日不彈碁
鳴鳩乳燕青春晚謝却繁花幾萬枝

金山寺

六鼇捧出法王宮樓閣居然積浪中門外鷗眠春水碧
堂前僧散夕陽紅揚州城郭高低樹瓜步帆檣上下風
人世幾回江上夢不堪垂老送飛鴻

欽定四庫全書

御選元詩

卷五十五

十六

演法師惠紙帳

銀燈夜照白紛紛四面光搖白縠文隔枕不聞巫峽雨
繞牀惟走剡溪雲風和柳絮何因到月與梅花竟不分
塞北江南風景別却思羶帳舊從軍

寄東山寺長老宅區中索畫梅

同是多生無垢身孤芳歲晏轉精神濡毫應覺香先到
寫影無如月最真庾嶺近來還有信華光以後更何人
情知此事難描畫驛使空回可不嗔

寄王梧溪

仙舟曾記過南堂鳴鳥高梧日正長蝴蝶重來春夢覺
牡丹欲盡燕泥忙當時賓客知何在此日音書或漫忘
猶有白頭王粲在獨將詞賦動江鄉

如此江山清集同王仲玉陸進之呂世臣作

吳越江山會此亭暮春風景畫冥冥長空孤鳥望中沒
落日數峰烟外青不用登臨生感慨且憑談笑慰飄零
古今何限英雄恨付與江湖醉客聽

欽定四庫全書

御選元詩

卷五十五

十七

王逢

過丘以敬管勾吳山別業

梓潼祠畔敞林扉隱隱雞聲落翠微銅篆解將還省署
銀魚忘却挂朝衣石崖溜雨藤根白籬落綠雲瓠子肥
想見秋風遂高隱中原野馬正狂飛

夜宴葉氏莊曉登悠然樓作

百尺飛樓俯碧湍六峰秀色繞闌干杏花落盡東風惡
燕子歸來社雨寒夢裏香煙生繡幌酒醒紅蠟膩銅盤

一春樂意朝來好千里家書席上看

送朱自明辟閩憲奏差

閩中烏府小清都列郡山巒紫翠紆王化直來天北極
文星多聚海南隅暖塵花氣隨驄馬春日榕陰滿鷓鴣
况有翰林持使節憲郎應得效馳驅

奉題先世所藏嚴子陵小像

千仞臺臨七里灘羊裘鶴髮老漁竿客星帝座分天象
潁水箕山並曉寒遂起後塵甘黨錮尚存餘烈愧南冠

欽定四庫全書

御選元詩

卷五十五

六

桂叢茅葍蘋花薄悵望高風一羽翰

客金陵遇有以茂才異等為薦者以病歸泊龍

灣二首寄丁仲容婁行所二先輩

拖樓醜酒出金陵病後衣裳體不勝風雨滿江寒扇鼎
庭幃何處髮鬢髻周璆實下諸侯榻王式虛蒙博士徵
一曲離歌凝客思幾行疎樹隔漁燈

鳳皇臺上酒如川醉擬題詩李謫仙鑿齒已成耆舊傳

真長空覓孝廉船十年螢案書連屋八月龍灣浪拍天

無那病懷兼旅思白雲遙望夕陽邊

簡陳韋羌負外

幕府深嚴午漏遲算文簾影碧參差總傳白馬陳從事
每念青袍杜拾遺大地風塵憂未解扁舟江海去無期
涼天鴈叫芙蓉發許奏軍中鼓吹辭

陪淮南僚友汎舟吳江城下

波伏魚龍夜不驚菱花千頃湛虛明吳儂似怪青絲馬
漢月重臨白帝城世說竇融功第一獨憐阮籍醉平生

欽定四庫全書

御選元詩

卷五十五

十九

樓船簫鼓中流發喜及東南早罷兵

冥鴻亭偶題二首

時歲戊戌

春陰過却幾番風野店山櫻霧雨中新水綠塘鵝並浴
嫩寒茅閣燕微通大兒稍熟春秋例幼女歡趨組繡功
四十今年渾意足酒炊香滿巷西東

一家無事樂清寧寄目冥鴻野外亭江水未分南北限
月明常後畢箕星子生猫櫟垂垂赤蔓長鴨藤故故青
天意物情應有在且須料理相牛經

聞何上海子敬毀淫祠開鄉校因寄四韻

魚米駢登橘柚垂備聞佳政起深思
女巫罷進神弦曲鄉校新陳魯頌詩
風葉晝埋公館靜霜鐘寒度海雲遲
高天鴻鵠東回首亦欲朝陽借一枝

無錫寓隱謝王左丞彥熙攜酒饌遠過

玉帳旂旌拂紫冥樓船神物護青萍
風雲密擁將軍樹江海孤懸處士星
深愧草茅優簡拔未忘蒲柳易飄零
竹西歌吹高陽酒喜為尋春過野亭

送吳照磨赴李司徒幕兼簡張郎中

司徒分鎮越王臺甌婺山光入望來
堂上修文閑將畧幕中求舊得賢才
鑑湖水落魚梁見紫塞風高鴈路門
莫禁白頭狂賀老酒船仍蕩月明回

寄陸宅之進士錢思復提學全希言學正

花開花落雪盈顛三地相望一信無
梁震不慙前進士杜陵寧是老狂夫
長淮浪接江逾闊南極星聯斗不孤
想與窮經全學正酒香鄰社杖同扶

經遊小來涇簡木仲毅

髯參歸隱小郊坳亂日曾聞險備經
風黑浪高羅刹海月明天度使臣星
東都先見逢萌得廣武重游阮籍醒
最是故家春草暗杜鵑啼殺忍同聽

書西夏時沿海築城

牀頭鷓鴣卧久空金辟上蝸行尚有琴
孺子成名狂阮籍霸才無主老陳琳
虹霓氣冠登萊市蝙蝠群飛顧陸林
環海煙沙翻萬雷連村霜月抱孤衾

戴良

次韻遊寶華寺

失脚江湖髻欲華尋僧姑啜趙州茶
卓泉不復聞飛錫說法空傳見雨花
水樂隔林迷梵唄雲衣入戶亂袈裟
同遊賴有蘭臺客時出新詩鬪綵霞

黑水洋

涉海纔經五日期深洋一望黑淋漓
波搖月色人先見船過雨天龍未知
險勝呂梁漂鷓處悲同巫峽泣猿時

欽定四庫全書

御選元詩

卷五十五

子

欽定四庫全書

御選元詩

卷五十五

子

平生一段乘桴意莫為微軀到此疑

偶書

自從北渡浣紗溪十載家山入望低
失學已憐元亮子長齋應愧太常妻
百年世事醞雞變一夜鄉心謝豹啼
却向歸塗望遠鶴白頭和淚寫淒迷

寄胡仲孚

客裏遊從近十年一時朋舊羨君賢
學通上古長桑術道悟南華散櫟篇
交久直看書似筍愛深時借筆如椽

欽定四庫全書

御選元詩

卷五十五

白頭歸倚西風立一度相思一惘然

承君衡叔幹遠送賦此以別

長風吹度海東邊慣聽潮聲已十年
往事免成塵撲面新愁惟有雪盈顛
半生望眼迷遠鶴一夜歸心到蜀鵑
遠賦驪駒慙二妙縱歌安得酒如川

寄胡舜咨

曾著宮袍賦上林一朝歸卧白雲深
昂昂老鶴鳴臯態耿耿驚鴻避弋心
病起尚餘頰送藥客過時共賜來金

鄉邦珍重斯文寄莫為愁多鬢雪侵

寄俞伯熊兼柬李仲彬

東郭先生最老成天才久已負時名
能詩不減唐工部解酒渾如晉步兵
塞上征鴻高避弋海東歸鶴暗聞聲
比鄰喜有知心客一夜彈碁直到明

顧瑛

和韻二首

喔喔雞鳴桑樹顛江村風景只依然
人行紅葉黃花裏

欽定四庫全書

御選元詩

卷五十五

鴈過西風落日邊南市津頭無酒旆
東湖渡口有魚船

北山巖壑秋偏靜借看蒲團枕石眠

夏潮平沒白鷗沙舶舫風生起浪花
為向船頭置美酒恰如天上汎浮槎
銀盤雪落千絲鱠玉手冰分五色瓜
明日山中看疎雨共將詩句寄丹霞

送吳國良

桐軒隱者重相訪草閣能留十日歸
快雪半消春水闊扁舟又逐白鷗飛
似聞迂叟耕梅里每過山家款竹扉

期子幾時來慰我共披鶴氅坐漁磯

海洲夜景

三沙宛在海當中隱見珊瑚樹色紅
神島由來連弱水樓船欲去引剛風
東方日出鮫人國半夜潮生織女宮
却憶題詩繡衣使高秋會過玉山東

天寶宮詞十二首寓感 錄四首

蓮花池畔暑風涼玉竹迴文寶篋光
貪倚畫屏調翡翠誤開金鎖放鴛鴦
輕綃披霧誇新浴墮髻欵雲銜晚妝

欽定四庫全書

御選元詩

卷五十五

三十四

笑指女牛私語處長生殿下月中央

五色卿雲護帝城春風無處不闌情
小花靜院偷吹笛

淡月閒房背合箏鳳爪擘柑封鈿合
龍頭瀉酒下瑤罌

後宮學做金錢會香水蘭盆浴化生

祕閣香殘日影移燈分青玉刻蟠螭
琵琶鳳結紅文木

絃索蠶繅綠水絲金屋有花頻賭酒
玉枰無子不彈碁

傳宣趣發明馳使南海今年進荔支

虢國來朝不動塵障泥一色繡麒麟
朱衣小隊高呵道

粉筆新圖徧寫真寶雀玉蟬簪翠髻銀鴛金鳳踏文茵
一從羯鼓催春後不信司花別有神

癸卯除夕

仰觀北斗轉遙天春在寒爐爆竹邊
夜列粉盤循舊俗曉看羅帕賀新年
燒餘葶蘆生當路雪後梅花開滿煙
不用鞭灰覓如願客囊剩有酒家錢

夜宿三塔次陳元朗韻

水落南湖不露沙又牽舫子到僧家
春浮大斗娟娟酒

欽定四庫全書

御選元詩

卷五十五

三十五

寒隔虛櫺薄薄紗半夜塔鈴傳梵語
一林江月照梅花

坐來詩句生枯吻指點銀瓶索煮茶

寄鄭明德

我愛塵居鄭有道屢辭徵幣卧松雲
年來短髮籠紗帽客至新詩寫練裙
几上只留招隱賦人前每讀送窮文
清時已見文名盛日日高車訪隱君

戲荅陸靜遠

秋水藍橋一尺強愁聞玉杵搗元霜
東籬老子烏紗薄

西郭佳人翠袖長古寺竹深禪榻靜晴窓花落硯池香
西風鶴背三更夢笑看瓊花作醉鄉

堯文文學過訪賦別兼簡鶴齋薛真人

憶昨相過寂寞濱白頭傾蓋豈如新驚回赤壁三更夢
開徧桃花一度春顧我老為思樞馬憐君遠作倚樓人
黃公壚畔三株樹留待來時醉挂巾

次韻永嘉曹新民玉山席上作

詩人得句題茅屋客子乘流泛小舸老眼看花起春霧

欽定四庫全書

御選元詩

卷五十五

二十六

醉眠聽雨響秋濤弓盤舞按銀鵝隊水調聲傳金鳳槽
與爾共傾千日酒呼童換却五雲袍

以炯如流水涵青蘋分韻得流字

幽人雅愛玉山好肯作清酣竟日留梧竹一庭涼欲雨
池臺五月氣涵秋月中獨鶴如人立花外疎螢入幔流
莫笑虎頭癡絕甚題詩直欲擬湯休

以冰衡玉壺縣清秋分韻得壺字

鄭元于鵠本清好况有名僧似仲殊濠上魚肥應受釣

廚中酒熟莫教酤雨花落座成金粟秋露凝寒貯玉壺
更向飛樓賭碁槩香囊留得未全輸

和繆叔正韻

白雲開處見山稜我欲躋攀力未勝歲晚不為干祿士
前身應是小乘僧竹林載酒邀山簡草閣裁詩愧薛能
結習未除閒未盡焚香且對佛前燈

和柑字韻

一飲寧辭十日酣濁醪到手味偏甘新詩謾賦宮槐陌

欽定四庫全書

御選元詩

卷五十五

二十七

好事爭傳海岳菴霜後兩螯看紫蟹尊前一味出黃柑
料應堂北梅花樹今歲開時只向南

以危樓高百尺分韻得危字

并序

七月初五日子會于匡山琦龍門於樓上輕風吹
衣爽氣浮動纖月既出乃移尊樓外閣橋團飲時
瑤笙與琴聲歌聲齊發泠泠天表如霓裳羽衣落

我清夢遂各賦詩以紀

樓上笙歌合奏時湖山當席最相宜風吹輕袂身疑舉

人立飛橋意不危
蜃氣欲浮河漢動
秋光已近女牛期
潘郎容易頭如雪
且醉花前雙玉卮

春暉樓以攀桂仰天高分韻得高字

朱樓隔水度飛橋
翫月張筵快酒豪
同向鏡中看玉兔
恰如海上踏金鼉
影搖大地山河動
光射元洲殿宇高
明日中秋湖上去
更攜紅袖泛輕舸

七月九日復飲秋華亭上天香襲人幽花倚石
時猩紅軋琴寶篋合曲瓊花起舞蘭陵美人度

觴與琦龍門行酒余為作詩以紀良會就邀匡

山龍門同韻

又到秋華亭子上
東山爽氣正清妍
堦前落葉不須掃
石上幽花自可憐
越國女兒嬌娜娜
蘭陵酒色淨娟娟
深尊賸有清香在
留待瑤笙月下傳

春草池綠波亭以銀漢無聲轉玉盤分韻得聲字

據牀坐看月華生水氣浮空夜氣清
蜃闕珠宮寒作市

銀盤玉露靜無聲
芳筵累吸杯中物
彩鳳雙吹樹底笙
不見山陰狂道士
相思只在越王城

次琦元璞韻

去歲一春同作客
今春相見却身閒
亭開翠柳紅桃外
魚躍綠波春草間
自笑淵明居栗里也
隨惠遠入廬山
何當共下吳江釣
坐向船頭語八還

送鄭同夫歸豫章分題得洞庭湖

五湖秋水洞庭煙
七十二峰青插天
神禹書藏林屋裏
仙人詩刻石屏前
溫溫玉氣穿靈洞
白銀河瀉瀑泉
鴻鴈來時木葉下
送君晨發楚江船

次龍門琦公見寄韻二首

扁舟遠適越溪濱
雙槳驚飛白鷺羣
要趁秋江三尺水
去看山寺九峰雲
西風網罟沿村落
日鐘聲隔水聞
好對黃花同一醉
故園晴色晚如熏

秋花楓葉暗江濱
萬里西風鴈叫群
謾是羈情濃似酒
獨憐世事薄於雲
九龍山色船頭看
半夜鐘聲枕上聞

料得高僧禪定處松窓柏子起濃熏

九月七日復遊寒泉登南峰有懷龍門雲臺二

首

春遊憶得到寒泉正值鶯花過禁烟楊柳樓中金錯落
琵琶船裏玉嬋娟潘郎別去渾多病道士重來是有緣
今日登高能作賦雲臺不見使人憐

又向江頭載夕暉好懷每與世相違客中重九明朝是
眼底故人今日稀過雨黃花千蕊發經霜紫蟹兩螯肥

欽定四庫全書

御選元詩

卷五十五

三十

秋江更待澄如練擊楫中流緩緩歸

倪瓚

北里

舍北舍南來往少自無人覓野夫家鳩鳴桑上還催種
人語煙中始焙茶池水雲籠芳草色井牀露淨碧桐花
練衣挂石生幽夢睡起行吟到日斜

山園

春水鳧鷖野外堂山園細露橘花香棲棲身世書盈篋

漠漠風煙酒一觴豈謂任真無禮法也須從俗著冠裳
不營產業人應笑竹本桃栽已就行

林下遣興

眼見藤梢已過牆手拈書卷復堆牀閒臨水檻親魚鳥
欲出柴門畏虎狼冠製不嫌龜殼小衣裘新翦鶴翎長
從來任拙唯疎懶一月秋陰不下堂

春日

閉門積雨生幽草歎息櫻桃爛漫開春淺不知寒食近
水深唯有白鷗來即看垂柳侵磯石已有飛花拂酒杯
今日新晴見山色還須拄杖蹋青苔

二月十日元文館聽雨

卧聽夜雨鳴高屋忽憶陂塘春水生何意遠林飢獨鶴
若為幽谷滯流鶯成叢枸杞還堪采滿樹櫻桃空復情
二月江頭風浪急無機鷗鳥亦頻驚

雪後過陳子貞隱居

陶公卜宅南村裏快雪初晴思一遊樹辨微茫來獨鶴

欽定四庫全書

御選元詩

卷五十五

三十一

櫓搖鼓側散輕鷗墨池繞溜春冰滿塵榻緜書夕照收
相見惘然如有失掉頭吟詠出林丘

次韻薩天錫寄張外史

谷口路微山木合濕衣空翠不曾晴飢猿扳檻為人立
寒犬號林如豹聲小閣秋清聽雨卧長空日出採芝行
道心得失已無夢沐髮朝真候五更

寄熙本明

在山無事入城中每問歸樵得信通松室夜鐙禪影瘦

欽定四庫全書

御選元詩

卷五十五

三十三

石潭秋水道心空幽扉獨掩林間雨疎磬遙傳谷口風
幾度行吟欲相覓亂流深澗隔西東

寄張貞居

不但入城蹤跡少南鄰野老見猶稀狂歌鳴鳳聊自慰
舊學屠龍良已非蒼蘚渾封麋鹿逕白雲新補薜蘿衣
羊君筆札誰能繼欲讀靈文一扣扉

贈別孟以道書記

一笑相逢豈有期因懷西崦話移時李公祠畔空餘月

陸子泉頭舊有詩旅思悽悽非中酒人情落落似殘碁
雲濤眼底三生夢鷗影秋汀又遠離

送寶南琛往住荆溪碧雲寺兼簡方厓

碧雲林壑香重重此去風流似簡公春藥碓開湍激下
吟秋蛩響月明中結茅擬候芝三秀眠鹿應遺地一弓
聞道重居開竹牖待予艇子過溪東

奉和虞學士寄張外史

華陽上館誰曾到知有高人避世深當戶春雲團紫蓋

欽定四庫全書

御選元詩

卷五十五

三十三

洗空花雨散青林丹臺篆跡龍蛇動經閣松聲鸞鶴吟
念子離居消息遠幾將書札寄遙岑

春日試筆

喜看新酒似鶯黃已有春風拂草堂二月江南初變柳
扁舟晚下獨鳴榔苔生不礙山人屐花發應連野老牆
美酒已擽千日醉莫將時事攪愁腸

寄張天民先生

清溪演漾綠生蘋溪上軒楹發興新只欠竹陰垂北牖

儘多山色近南津湖魚入饌長留客沙鳥緣階不畏人
愧我萍踪此淹泊片雲回首一傷神

居竹軒

翠竹如雲江水春結茅依竹住江濱階前迸筍從侵徑
雨後垂陰欲覆鄰映葉黃鸝還自語傍人白鶴亦能馴
遙知靜者忘聲色滿屋清風未覺貧

送張練師遊七閩

高士不羈如野鶴忽思閩海重經過舟前春水他鄉遠
雪後晴山何處多
武陵九曲最清絕落日采蘋聞棹歌

寄張德常

身世蕭蕭一羽輕白螺杯裏酌滄瀛逍遙自足忘鵬鷖
漫浪何須記姓名石鼎煮雲聽夜雨玉笙吹月和松聲
憑君為問張公子曾到良常夢亦清

題張以中野亭

人境曠無車馬雜軒楹只在第三橋開門草色侵書幌

欽定四庫全書

御選元詩
卷五十五

三十四

隔水松聲和玉簫一榻雲山供夏簟滿江煙雨看春潮
君能擷取飛霞佩天際真人近可招

題孫氏雪林小隱圖

天地飄搖一短篷小窓虛白地鑪紅儵然忽起梨雲夢
不定仍因柳絮風鶴影襪褫簷上下鹿迹散漫屋西東
杜門我自無干請閑寫芭蕉入畫中

上巳日感懷

石梁破屋路欹斜似華陽道士家漠漠春雲飛別鶴
潺潺夜雨雜鳴蛙閒看稚子翻書葉時有鄰翁汲井花
日暮傷心江水綠共舟人已躡飛霞

喜謝仲野見過

階下櫻桃已著花窓前野客獨思家故人攜手踏江路
拄杖敲門驚夢華藉草悲歌聲激烈停杯寫竹字欹斜
新蒲細柳依依綠西北浮雲望眼遮

寄盧士行

闔閭浦口路依微笠澤汀邊白板扉照夜風燈人獨宿

欽定四庫全書

御選元詩
卷五十五

三十五

打窓江雨鶴相依畏途豈有新知樂老境空思故里歸
擬問桃花泛春水船頭浪暖鱖魚肥

送徐子素

山館留君才一月梅花無數倚霜晴垂簾幽閣團雲影
貯火茶鑪作雨聲深竹每容馴鹿卧青山時與道人行
歸舟載得梁溪雪惆悵鄰雞月四更

三月一日自松陵過華亭

竹西鶯語太丁寧斜日山光澹翠屏春與繁花俱欲謝

欽定四庫全書

御選元詩

卷五十五

三十六

愁如中酒不能醒鷗明野水孤帆影鷓沒長天遠樹青
舟楫何堪久留滯更窮幽賞過華亭

次韻邵生

已從鷗鳥狎雲深老我無機似漢陰采采菊花猶滿地
蕭蕭霜髮不勝簪南遊阻絕傷多壘北望艱危折寸心
好在吳淞江水上青猿嘯處有楓林

別章鍊師

方舟共濟春江闊訪我寒煙菰葦中鼓柁斜衝蕩葉雨

鈎簾半怯杏花風仙人壇上芝應碧玉女窓中桃未紅
擬趁輕帆數來往縹壺不惜酒如空

寄養正

得君佳句清如玉秋色驚人換物華老境侵尋真有感
故園隔絕更興嗟女蘿綠徧牽茅屋烏柏紅明映落霞
欲酌一尊澆磊塊幾時邀子過田家

贈岳松澗

曾訪神仙五粒松澗泉流潤白雲封林間蘿葛交青影

欽定四庫全書

御選元詩

卷五十五

三十七

石上菖蒲開紫茸煮石有方留秘訣采苓何處覓行蹤

岳君別我三千歲晚戲滄洲又汝逢

送僧遊天台次張外史韻

四明山水名天下師去那知客路遙雪霽鷲鷹騰宿莽
月明寒鵲集疎條坐尋雲頂千峰石歸趁江頭八月潮
說與住山光老子送賓也合過溪橋

過許生茅屋看竹

舟過山西已夕曛許生茅屋遠人群鑿池數尺通野水

開牖一規留白雲者藥煙輕衝竈出碓茶聲遠隔溪聞
可憐也有王猷興階下新移少此君

寄德朋

故人欲問梁鴻宅遺跡猶應杵臼存楓葉菊花秋瑟瑟
荒園廢圃雨昏昏農人掩舍春明墅縣吏催租夜打門
唯有德朋多遠思賦詩刻燭酒重溫

與伯雨登溪山勝槩樓

樓下清溪夏亦寒溪頭箇箇白鷗閑風回綠卷平隄水

欽定四庫全書

御選元詩

卷五十五

三十八

林缺青分隔岸山若士振衣千仞表何人泛宅五湖間
絕憐與子同清賞擬向雲霄共往還

和華以愚韻兼題所畫春山高士圖

扁舟溪上數來過白髮殘春奈我何柳絮如煙迷曉浦
杏花飛雪點春波林扉有客圖丘壑石室何人帶女蘿
欲和華山高隱曲羈愁悽斷不成歌

故吾

縹緲青山日欲晡瀟瀟秋水興何孤鶴歸城郭生新夢

塵掩圖書尚故吾南畝藝田傷碩鼠北窓臨澗聽嘯烏
醉歸倘乞封侯地便復移家傍酒壚

因吳國良過玉山草堂輒賦長句奉寄

玉山樹色隱朝陽更著漁莊近草堂何處唱歌聲款乃
隔雲濯足向滄浪珍羞每送青絲絡佳句多投古錦囊
幾問棹船尋好事辟疆園圃定非常

東林隱所寄陸徵士

侵扉桃李晝陰陰耕鑿居人有遠心一夜池塘春草綠

欽定四庫全書

御選元詩

卷五十五

三十九

孤村風雨落花深不嗔野老群爭席時有遊魚出聽琴
白髮多情陸徵士松間石上續幽吟

次韻郊九成見寄

郭外青山舊結廬微茫野徑望中無殘生竟抱煙霞癖
好事猶傳海岳圖夜辟松風懸雅樂秋池菊水酌商觚
儻從世事求元賞好趁輕舟看浴鳧

懷歸

久客懷歸思惘然松間茆屋女蘿牽三杯桃李春風酒

一榻菰蒲夜雨船鴻迹偶曾留雪渚鶴情原只在芝田
他鄉未若還家樂綠樹年年叫杜鵑

送元度北遊

荷鋪空林春雨餘艤舟沙岸燕飛初去尋天上仙人佩
肯顧山中隱者居霜月四更提劍舞田園二頃帶經鋤
蘭榮柳密南簷下佇子雲間枉尺書

薩仲明為丞相府掾時僦居京師名其軒曰半

野後買宅延陵亦揭是名於軒因雨宿其下遂

欽定四庫全書

御選元詩

卷五十五

子

為賦詩云

何意開軒名半野身存魏闕思江湖斜侵瓜圃通花藥
稍傍薇垣近竹梧千里秋風催斫鱠九霄晨露浥飛鳧
如今別買荒城宅自掃風林候野夫

送別甘允從

來從墨沼雲林下共愛女蘿緣石牀喚人鸚鵡語猶澀
當戶枇杷子半黃奉橘定應題百顆籠鵝即欲寫千行
蘭亭書法人間少好去山陰泛野航

賦句曲外史精舍

道士朝乘一鶴還樓臺金碧鎖空山半天花雨飛幢節
萬壑松風雜佩環丹井夜寒光刻刻石壇春靜蘚斑斑
飄然便擬從君隱分我元洲一半閒

九日

自笑不能孤九日一壺濁酒對西山遙憐玉樹秋風裏
靜看冥鴻落日間草木蕭蕭雲更碧山川漠漠鳥飛還
長途誰是陶彭澤被褐行吟意自閒

欽定四庫全書

御選元詩

卷五十五

四十一

賦謝陸繼之紫蟹黃柑之貺

闔閭城外皆秋水斜日維舟方醉眠攜手故人驚夢裏
送書飛鴈落尊前黃柑開裏煩相贈紫蟹傾筐也可憐
憶爾獨居湖上宅晴窓奇石畫生煙

晨起一首寄丹丘

竹窓晨起聞幽鳥深巷絕無車馬喧多病馬卿非不遇
歸田陶令自忘言牆陰薯蕷苗方茁雨裏櫻桃花正繁
一月陰寒少晴日坐看春水上柴門

謹案卷五十四第三十一頁後七行身蛻枯蟬忽

若癡刊本蛻訛脫據楊維禎鐵崖集改

第三十三頁後七行風清菰米香生夜月白蘆花

夢繞春按楊維禎集風清作飯蒸月白作被攤

今仍刊本

卷五十五第二十八頁後三行又到秋華亭子上

東山爽氣正清妍刊本爽作秋據顧瑛玉山璞


藁改


第二十九頁前八行五湖秋水洞庭煙七十二峰

青插天刊本青作秋據顧瑛玉山璞藁改

第三十頁後五行池水雲籠芳草色刊本色訛氣

據倪瓚清閨閣稿改





總校官庶吉士臣侍朝
校對官檢討臣蕭九成
謄錄監生臣朱文佐

欽定四庫全書會要

集部
御選元詩卷五十六

欽定四庫全書會要卷一萬八千四百六十八 集部

御選元詩卷五十六

七言律詩十五

鄭韶

和張伯雨雲林席間韻

句曲先生世所憐
新詩字字總清妍
楚江祇漫聽春雨
蜀土那知有漏天
樹隔青山迎好客
華開白日照芳筵
高居更憶雲林子
目送冥鴻揮五絃

欽定四庫全書

御選元詩

卷五十六

用楊鐵厓新居書畫船亭韻與玉山同賦

越來溪上暮潮過
飲馬橋頭春水波
出郭喜知塵事少
吹簫無奈月明多
華飛斷岸衝歸燕
柳蔭長溝泛白鷺
儼送一琴臨水榭
扣弦同奏竹枝歌

卜築喜過楊子宅
城居曲曲抱溪流
夕陽在波人影亂
秋水上簾竹色幽
載酒過門從問字
據牀吹笛不驚鷗
月明後夜溪山雪
乘興還能具小舟

題三沙

詳校官原任主事 李斯咏

三洲宛在碧波中海色晴霞絢爛紅
夜半雞鳴先見日
天邊月暈又生風
鮫女機絲花隔霧
龍君城闕水為宮
誰持玉節尋真去
直過扶桑弱水東

龍門山中即事

雷雨過厓驚落湍
空林白晝忽生寒
陰陰草閣開尊坐
細細山雲卷幔看
落日樵聲經木末
青天鳥道挂簷端
亦知吏隱非吾事
直欲從茲賦考槃

送丁彥祥入京兼呈危太樸應奉

畫角城頭烏亂啼
客行秋日思淒淒
黃河一水青天上
蔥嶺諸山大漠西
飲馬窟深沙草淺
射雕風急暮雲低
經時不見危供奉
想候都門踏雪泥

述懷寄倪元鎮

隱吏重來學灌園
輟耕時與野人言
衡門謾有車馬集
廚廩都無鳥雀喧
夜榻張燈鈔籀史
飲瓢分水注陶尊
欲乘艇子梁溪去
稍待春潮擊樹根

題仙山圖

華蓋諸峰積翠遙
中天樓觀陟宮堯
白雲窈窕生晴谷
春渚微茫落暮潮
歸鶴只棲元圃樹
幽人時過赤闌橋
相逢願接飛霞佩
早晚飈車會見招

為邨道士賦鍾山

每向鍾山賦草堂
遠林佳樹色蒼蒼
石橋夜迴星河澹
仙井潮生雨氣涼
坐見青松將子落
行看老鶴與人長
釣泉擬解塵纓濯
躡屣還趨千仞岡

送僧歸温州

上人靈鷲峰頭客
歸去秋風鴈宕南
山沃謝公行處屐
洞留覺祖去時龕
海汀潮白秋波亂
隴樹天青夕照含
莫怪題詩重相憶
頻年有約寄黃柑

遊弁山黃龍洞簡趙仲光

石洞陰陰海氣寒
絕厓千尺落奔湍
白飈飛燕空中見
黑入潛蛟地底蟠
陟險未窮雙蠟屐
放形自笑一儒冠
十年來往青山路
依舊黃塵沒馬鞍

送張大使之湖湘監稅

學士諸孫不乏賢司征猶得紀山川行人西入湘江路
賈客南通下蜀船倚竹哦詩春過雨隔江聽瑟暝浮煙
相思莫寄衡陽雁待得新秋又一年

寄范叔豹

江上霜寒木葉彫憶君何處思迢迢長年旅食同秋鴈
故里風煙隔暮潮甚欲寄書酬遠別絕憐把燭待清宵
雙溪月色涼如水誰採瓊芳慰寂寥

茗溪草堂為范叔豹賦

徵君家住白蘋溪煙霧蕭蕭萬竹迷茅屋秋風遼海闊
錦城秋色傍人低朝來把釣頻維櫂雨過看山獨杖藜
傳得杜陵千古意肯容投老遂幽棲

次韻楊子壽同浦太守遊顧園四首

辟疆園裏好花開路隔仙源一水回春暖鳧鷖當檻浴
草青蝴蝶上衣來柘枝屢舞團團扇竹葉深傾盞盞杯
何事綠波生浩蕩畫橋風急綵舟迴

厭厭行酒日西斜太守風流兩髻華簫引鳳皇停夜月

欽定四庫全書

御選元詩

卷五十六

四

杯傳鸚鵡泛流霞飛花半入長洲苑歸燕空思王謝家
剪盡綠楊三萬樹暖風吹絮滿天涯

望中煙雨赤闌橋芳草行人去路遙翠壁流泉通地底
青林虛閣轉山腰遲遲綵艇香風度濫濫金塘柳色饒
何處隔樓聞笑語玉人徐按紫瓊簫

石洞陰陰雪乍融溪虛弱柳不禁風花飛草閣通歸燕
舟泊晴江見斷虹甚欲題詩春竹裏不堪吹笛水煙中
歸來坐對高城晚門外烏啼月照空

欽定四庫全書

御選元詩

卷五十六

五

次韻聶茂宣見貽就簡陸伯淵

揚雄宅裏曾相識甫里祠前會面時白日過門應問字
青春別墅只圍基隔溪水漲桃花屋深巷雞鳴桑樹枝
甚欲相從二三子篝燈細雨共談詩

題漁家壁

漫郎家住黃泗浦閒看飛花坐北窓渡口青山高似屋
門前湖水直通江垂楊繫艇已千尺春鯉上盤繞一雙
野老相過無一事白頭喜對酒盈缸

衡門書事二首

風雨衡茅深復深朝來隱几獨長吟正憐靜裏耽詩癖
忽喜門前有足音爨下焦桐彈別鶴篋中繭紙寫來禽
南山千古悠然意惆悵何人識此心
門巷青苔積雨深林花落盡一鶯吟高情不鼓南薰調
長日只聞流水音澗底青絲牽弱荇窓前碧色護來禽
莫嫌身外求名遠自是幽居愜素心

寄唐子華縣令兼簡趙季文從事

鄉里衣冠日已疎歸來俯仰十年餘蒼筠獨喜經秋後
白髮休嫌把鏡初猶子總傳章偃畫諸孫只守鄴侯書
西鄰從事耽詩癖日日過門應下車

送僧遊廬山將之西蜀謁玉泉尊者

聞道山人廬阜去遠從西蜀陟崔嵬舟行五月瞿唐險
天入三巴鳥道迴蘭若清猿聞苦竹袈裟細雨憶黃梅
玉泉智者還相見應說鄉人海上來

投贈兼善都水二首

欽定四庫全書

御選元詩

卷五十六

六

尚書北柱最清高持節東南護水曹千載河渠數劉向
一時詞賦重王褒玉垣天近含雞舌阿閣朝迴拾鳳毛
更憶龍池舊時柳年年雨露浥宮袍
視草堂深近玉除每從進講佩銀魚南宮晝漏通青瑣
東井金文煥石渠古篆久知通史籀新詩端擬過黃初
茂陵多病緣行事惟待青冥薦子虛

過南沙曹氏別墅會沈伯熙索賦

虞山相對南沙口曲曲雲林似輞川隔岸花飛春片片
開門青竹雨涓涓故人忽喜經年見清夢已驚三日前
深夜一尊仍惜別還家又是月初弦

送凌元之湖園監稅

廿年作吏辭鄉邑十月司征去信州孫子斑衣方在膝
慈親白髮已盈頭嶺煙散後人歸市春水生時客放舟
莫為微官歎淪落江山如此亦清遊

君子亭

扁舟憶過婁江曲脩竹泠泠隱者家五月涼風生草閣

欽定四庫全書

御選元詩

卷五十六

七

幾回白月照江沙幽人長夏尋碁局
禊子應門理釣槎更愛開門玉山裏
隔溪千樹種梅花

至正十年十二月十九日義興吳國良持倪雲林詩來玉山中相與徜徉數日將旋索為別余

與玉山同簡雲林

吳生陽羨溪頭住歲晏扁舟載雪歸
江上坐看雙槳去天邊目送一鴻飛
豈無稚子燒桐葉知有幽人候水扉
後夜相思心欲折短簫吹月坐苔磯

寄玉山徵君

仙人愛向桃源住曲曲雲林勝輞川
秋水到門船似屋青山當檻樹如煙
常時待月溪邊立最愛梳頭竹裏眠
我有好懷清夢遠題詩還到草堂前

虞山道中有懷玉山徵君

言偃宅前湖水東千門楊柳綠搖風
一篷山色斜陽外半夜雨聲春夢中
獨客年年如旅燕行人草草似驚鴻
芳洲杜若憑誰采心逐寒潮處處同

次韻周子通應奉見貽

文星一箇落南州太史今為萬里遊
雲漢依然天北向風波已見海安流
亦知王粲久為客惟有杜康能解憂
欲問南山射虎者數奇何事不封侯

玉山草堂

玉山草堂深復深沿洄路入婁江
淶溪桃始華日杲杲風磴積雪春陰陰
阜蓋屢過嚴武駕白頭不愧杜陵吟
稍待清秋林壑靜杖藜與子一登臨

姚文奐

書聲齋即事

書聲齋底有新涼行李挑詩上夜航
月色滿襟隨我去秋花如玉為誰香
十年客路知今日百里胥門尚故鄉
朝野太平霑寸祿不愁白首未為郎

次友人韻

索居郭外景蕭疎况是秋風落木初
少出不知今日事老來猶讀古人書
題詩遠寄何煩爾載酒相過尚憶渠

見說汾陽多貴客問君誰是馬相如

熊夢祥

客懷奉東玉山

我昔離家七月強只今十月墮清霜可憐濁酒黃花興
應悔青燈白髮長翠袖天寒修竹暗綺窓日暖吐茸香
夜長枕上揚州夢江北江南是故鄉

代玉山戲荅

秋水藍橋一尺強愁聞玉杵搗元霜東籬老子烏紗薄

欽定四庫全書

御選元詩

卷五十六

十一

西郭佳人翠袖長古寺竹深禪榻靜晴窓花落硯池香

西風鶴背三更夢笑看瑤花作醉鄉

呂誠

詠菩提葉燈

寶林萎葉墮天風一落人間便不同雲鏡熒煌開月匣
并刀裁剪費春工星攢蜩翼冰綃薄華擁蝦鬚玉柵紅
從此可傳無盡燄五湖今有水晶宮

菊田

余客竹州三年頗有彭澤東籬之好古人亦謂菊

獨以秋花傲兀於搖落之後非霜下之傑乎昔年

曾賦對菊之歌老興未已復作菊田一首以紀歲

月耳

搖落西風已愴然金蕤月朶為誰妍人間無地安花宅
洲上於今有菊田晚歲擬尋甘谷老顏齡幸值傳延年
落英餐盡秋香骨許我飛行作地仙

做李商隱

欽定四庫全書

御選元詩

卷五十六

十二

華落銅盤蠟炬融逶迤春色照夫容當筵行酒金釵側

隔座吹笙繡幕重已有鸞刀飛繪縷未須翠釜出駝峰

夜深環佩雲中過宛在瑤臺月下逢

周砥

送趙一陽真士歸雪上

渺渺晴湖白鷺飛青山迢遞夕嵐微閑操桂楫雲生腋
欲採芙蓉露滿衣紫翠房深丹竈暖松杉秋靜鶴巢稀
明年去覓封君達應駕青牛說息機

次韻介之夢山中

松花金粉落春晴白鶴看恭如客行疎雨竹窓綠是夢
隔林茶臼只聞聲繁華久困心何得澹泊相遭思亦清
不有鹿門高世志山中幾日道能成

玉山草堂

憶女草堂何許在辟疆園裏玉山陔方牀石鼎高情遠
細雨茶煙清晝遲鴻鴈來時曾會面枇杷開後更題詩
山中容易年華暮書史娛人總不知

欽定四庫全書

御選元詩

卷五十六

十三

顧仲瑛芝雲堂

芝雲主人絕蕭散燕坐草堂門不扃古鼎隔簾香裊裊
新篁拂几玉亭亭十年苦思耽書卷三日清齋寫道經
邀我醉眠書畫舫月明吹笛看雲汀

次孝常韻二首

美人開宴酒如泉滿目風光碧似煙半嶺暮雲猶掩冉
一林秋竹自嫵娟新詩每荷邀同賦短棹相將恨未緣
會面幾時還別去百年人事總堪憐

秋波漠漠靜朝暉畫舫開筵興不違濁酒清歌香縹緲

青山黃葉路依稀夜涼金鴈箏聲細雪滑銀盤鱸膾肥
顧我慙為塵俗累不能同載月中歸

因泉公歸簡王二秀才

千巖春靜一僧歸相送空林夕景微茶具等閑拋石閣
釣竿行已卧苔磯草生南浦牽詩夢鷗下輕波識道機
若見王喬煩借問雙鳧何日向南飛

縱筆

數卷楞伽一縷香門前塵土浩茫茫何人尚覓安心法
此處真堪選佛場寒月流為千嶂雪曉風驚散一林黃
可憐結習消除盡筆舌紛紛故未忘

孝常西齋守歲讀王臨川除夜寄舍弟詩愛其

詞致清遠因用其韻各賦一首

殘雪半窓春意動餘香一榻夜忘眠燈前對酒須今夕
客裏題詩尚舊年風竹蕭蕭還自語寒梅的的竟誰憐
知君賸有滄浪趣待約秋風上釣船

欽定四庫全書

御選元詩

卷五十六

十三

食茯苓粥

荷鏹穿雲得茯苓作糜從此謝臙腥齋廚自啓添松火
香韻初浮滿竹庭時憶紫芝歌舊曲尚尋黃獨制頽齡
今晨暫輟青精飯與結方壇味玉經

張簡

次韻慶雲衲

東來孤鶴下林梢破屋蕭條不剪茅洗玉池頭雲氣合
繙經臺上樹陰交閒心詎遣神為馬辟世方慙祝代庖

欽定四庫全書

御選元詩

卷五十六

十四

忽寄新詩到元圃清歌復藉玉壺敲

次韻范景逸立春日病中之作

歲暮西岑雪未晴范公祠下少人行探梅踏凍煩丹使
扶病迎春問麴生石竈茯苓和雪煮雲根流水似冰清
瓜田數畝春泥暖好課巖中子弟耕

次韻張田秀才見寄

樹杪青蟲晴颺絲春城風物似年時貧餘許邁餐金法
閒有陶潛飲酒詩芳草青青連野閣征鴻歷歷渡江遲

長洲故苑煙花外千里懷人入夢思

寄叔方先生

盧橘花開梓樹疎故人安穩在樓居翠翁狎坐春行酒
絳帳懸燈夜讀書未必醉來忘簡寂祇緣老去尚高虛
離羣應念任春者道遠天寒欲命車

破山礧上聽水

破山龍去雨初歇坐聽飛泉濺石岡萬壑風雷喧地軸
九秋雲露瀉天潢好從細草陳瑶席更趁飛花送羽觴

欽定四庫全書

御選元詩

卷五十六

十五

餘續上流奔軼者何年來此結茆堂

次韻寄鐵厓

鐵笛先生老更迂摩空有賦擬相如奇文一變中吳學
大筆猶編後世書絳帳風搖珠絡素水窓雲沁玉蟾蜍
小娃唱徹新番曲多是芳亭春雨餘

黃玠

書畫舫

扣舷擊節起歌鳴一榻橫舟小結廬篆籀古文三代上

丹青妙手六朝初虹光貫月夜將半江影涵秋涼有餘
零落宣和舊時譜無情汴水正愁予

金粟影

曲曲闌干屋角西波光夜色靜相迷花跗絕似鑄金粟
木理真同截水犀移席就涼留客久舉杯邀月近人低
長生豈必元霜劑玉杵爛春紅雪泥

碧梧翠竹堂

瀟灑碧梧連翠竹是間不著一塵紅涼陰滿地散如水
清氣有時吹作風把酒聽鶯來扇底罷琴呼鶴出樊中
最思長夏無煩暑雪藕調冰與客同

湖光山色樓

山色湖光樓上頭闌干十二古今秋一川碧浪與天遠
滿地白雲如水流往事只聞吳苑在幽人多愛習池遊
當年風景尋常好日日芳筵爛不收

漁莊

漁莊無歲不豐年三十六陂多似田釣者得魚還易粟

欽定四庫全書

御選元詩

卷五十六

十六

市官有稅却輸錢霜天斷下團臍蟹冬日槎頭縮項鱖
想見牙籤滿書案教兒兼讀種魚篇

翟份

題倪原道金粟塚燕集圖卷

北山良夜風露零聯翩綺席開林垞秋華錦石客愁破
沙月水煙詩夢醒池面縠紋扶杖看樹頭筭籟把杯聽
曠達何須論強健從教荷鋤似劉伶

李廷臣

奉同鐵厓賦寄玉山

玉山溪路接仙源漁郎繫舟老樹根望海樓臺浮遠市
開門湖水落清尊珠光弄月寒丹室石氣酣雲暖藥園
聞說鐵仙曾此宿吹簫清夜洞庭翻

李元珪

雨中夜宿瓜州江渚

春陰江浦易黃昏雨裏人家早閉門歸鴈雲間知塞路
過帆沙觜帶潮痕遙瞻北固青山郭只隔淮南綠水村

欽定四庫全書

御選元詩

卷五十六

十七

野寺疎鐘到孤枕閒愁清夜與誰論

秋暮夜宿望亭

茅屋沿堤密掩扉官橋昏黑泊船稀守關戍火明村塢
隔岼漁燈照石磯寒木盡隨溪雨落斷鴻猶趁野雲飛
篷窓欹枕渾無寐倦聽人家夜搗衣

陸友

次張貞居所賦雲林

松花新釀碧琳腴洗杓何妨起病夫菌閣下簾修隱訣
雲林埽榻挂仙圖旋移竹近文書案自汲泉添刻漏壺
聞說華陽多玉食洞中燕肉膩如酥

張師賢

次郭義仲韻東玉山人

故人一隔紅雲島相見銀屏七夕前花近小山當鶴戶
溪深嘉樹覆書船參差清吹流銀漢饕餮文彛散玉煙
更擬此君亭子上醉敲紗帽會群賢

沈性

玉山佳處

片玉山中秋日來竹梧清影落蒼苔飛樓坐接青天近
別館行穿綠水迴政似米顛留海嶽尚傳摩詰賦宮槐
鷗波艇子重相過更待桃花滿洞開

分題龍門送鄭同夫歸豫章

峭拔終同禹鑿存折盤雙磴竦雲根青天鳥沒仙人掌
黑骨龍歸箭栝門寒落雲泉搖暝影晴開石鏡見秋痕
詩成待刻嶙峋上遲子重來與細論

漫興用郭義仲韻

近知消息苦難真一日千迴憶故人極目風煙迷黑海
驚心花鳥惜青春清談王衍休揮塵多事元規已污塵
重上高堂見君面碧梧翠竹喜清新

衛仁近

題陳履元畫玉山草堂圖

萬木陰陰覆草堂湘簾低下淨琴張逶迤萬里橋南路
彷彿百花潭上莊白鳥向人飛箇箇好山當戶立蒼蒼

披圖想見人清絕為寫新詩並晚涼

馬慶

和楊廉夫新居韻

楊子樓居飲馬河書舟日日樣晴波未論粟里功名薄
總為夔州詩句多遠樹如簾青若薺亂雲渡水白於鵝
何當共把凌風袂醉和仙人鐵笛歌

岳榆

柳塘春

欽定四庫全書 御選元詩 卷五十六

二月風柔雨霽初芳塘流水碧珊瑚欲維畫舫絲猶弱
稍撲湘簾絮已無微影揚波驚鯉隊新陰分色映慈雛
調箏莫按陽關曲時到藏鴉興未孤

李簡

秋興

黃落山川秋氣高一聲白鴈過江臯西風芳篋收團扇
涼月重簾落剪刀倦志已孤紅叱撥牽情何事紫檀槽
吳霜易點青青鬢莫道當年記得牢

張遜

無題四首

銀屏曲曲掩秋塵何處車聲五色麟飛燕曾為掌上舞
崔徽不及卷中真蕙花清露綴成佩菱帶文波繡作茵
獨倚疎桐無限思盡憑雞卜問江神
一夜冷風入翠幢夢魂長是繞湘江香螺脫鬢煙生幄
豈寇含胎蜨滿窓碧岫臺空雲雨斷絳河星動女牛雙
牢愁得似秦城遠幾日重圍未肯降

欽定四庫全書 御選元詩 卷五十六

呆愚涼月午陰移漠漠重簾怨阿螭竹泣啼紅猶染淚
藕分纖碧尚牽絲題封欲寄金條脫收子休彈玉局碁
惆悵章臺南畔柳何人折盡最高枝
新水流雲滿綠臯畫橋微步聽黃袍空傳解佩酬交甫
只惜能詩似倩桃柳色障塵侵小扇荷筒含雨瀉金醪
蛾眉老去多陳迹懷古懷春謾自勞

顧達

碧梧翠竹堂

玉山之堂絕蕭爽梧竹滿庭深且幽出簷百尺擁高蓋
覆地六月生清秋玉繩挂樹月皎皎翠袖起舞風颭颭
石牀碧華亂如雨仙佩夜過鏘鳴球

文質

和友人韻東玉山二首

我愛虎頭公子賢高懷歷歷瀉長川酒尊花底分秋露
茶竈竹間生白煙日落漁莊聽雨坐風微草閣看雲眠
西涼進士曾留別應說相逢十日前

欽定四庫全書

御選元詩

卷五十六

三

玉山之堂風日好高居共喜值清時紫簫度曲頻行酒
綵扇分題即賦詩溪樹積陰疑雨過水花流影若雲移
白頭有約漁莊上我亦歸來理釣絲

顧敬

次廉夫韻寄玉山

玉山幽深草堂好翠竹森森映白沙栗里歸來陶令宅
桃花開處杜陵家風來野樹留歌鳥雨入溪流送落花
我欲問津從此去天涯何處有星槎

華翥

玉山草堂

我愛玉山之草堂清秋樹色正蒼蒼虎頭癡絕情真癖
賀監歸來老更狂傍席好花迎佩落當門立鶴過人長
何時月下將簫管醉倚闌干學鳳皇

垂虹橋

何人拔起蒼山根挾來壓住江流奔二三百尺斷虹影
六十二灣清月痕玉闌雨過翠苔滑石洞舟行清水渾

欽定四庫全書

御選元詩

卷五十六

三

幾欲臨風又題柱恐驚司馬未招魂

陸仁

題金陵

麗正門當天闕高景陽臺下草蕭蕭江園大地蟠三楚
石偃孤城見六朝落日不將遺恨去秋風能使旅魂消
忘情只有龍河柳煙雨年年換舊條

東玉山徵君兼五老貞士

王子岡頭雪未消玉山池館鬱嵒堯美人詞賦宗枚乘

仙客風流似子喬竹裏行厨通一徑柳邊飛閣度雙橋
澧蘭沅芷思無那心與車旌日在搖

奉懷玉山

馬鞍山色兩峰尖時送飛雲落畫檐金鵲焚蘭煙婀娜
銀鶴舞隊月纖纖語調鸚鵡花連屋影拂鳩鵲水動簾
緣想清遊共于鵠定多賦詠照牙籤

寄五峰李著作

小車上直過車溝城闕沈沈十二樓太乙靈光金匱夕

欽定四庫全書

御選元詩

卷五十六

十四

少微星采玉垣秋齋房度曲歌朱鷺海子驚弦起白鷗
想得賜金歸里第鴈山依舊足清游

沈右

顧仲贄移居詩次叔方先生韻

城南陋巷居新僦綠竹移來幾箇斜叢桂山中招舊隱
讀書堆裏認君家蜀人漫詫文園賦吳市爭看衛玠車
斷簡味腴如啖蔗虎頭癡絕至今誇

叔方先生過詠歸亭二首

短棹相過莫便回詠歸亭上且低徊升堂拜母稱觴後

隔竹呼童淪茗來八尺駝尼分紫錦一雙蠟屐破蒼苔
空江草木雖搖落猶有寒花帶雨開

積雨空林喜報晴杖藜隨意傍江行天寒木落青山出
日轉沙虛白鳥鳴漫擬東林時釀黍自憐南畝晚歸耕
潁川高士能相過閒把瑤琴膝上橫

來鶴詩贈周元初

緘誠上達魏元君俄頃神霄下鶴群頂鍊大還丹鼎火

欽定四庫全書

御選元詩

卷五十六

十五

翅霽南嶽嶺頭雲仙人騏驎秋風遠王子笙簫午夜聞
惆悵世間留不住却驂鸞鳳出霞霧

金翼

鄭宜州蘆花淺水亭

新築茅亭也自幽闌干曲曲面滄洲一簾花氣都成雪
片石潮痕祇沒鷗客醉有時迷夜泊月明無處覓漁舟
老夫亦有滄浪趣便欲移家住上頭

王巽

正月八日詣玉山草堂不遇舟中錄記

鼓枻溪頭動曉行衣裳潤浥露華清東風移帆浪花起
幽鳥避人霜羽輕片玉峰寒松倚秀草堂春早柳含情
山人領鶴之何處惆悵歸來雨滿城

陸景龍

楫拙窩

安樂窩中興澹然靈根斫得自樵仙地爐伏火春如海
雪屋圍風夜似年香透玉酥和芋撥脂流琥珀帶松然

欽定四庫全書

御選元詩

卷五十六

二十六

絕勝溟水燒金鴨吹徹參差惱醉眠

梅影

一自逋詩為寫神橫斜意態宛如真壽陽鏡裏春風面
仙子江邊水月身晴雪隔窓花似霧凍雲印地玉無塵
夜深低轉雕闌去空憶羅浮夢裏人

杜甫遊春

杜陵野客興蕭騷策蹇行春樂更饒楊柳暖風欵醉帽
杏花微雨溼吟袍推敲漫說衝京兆清絕徒憐過灞橋

直許文章光萬丈謫仙聲價兩相高

紙帳

溪藤搗雪淨無瑕素箔圍風絕可誇夢入清虛明月偃
神遊廣漠白雲遮繭窩春暖浮銀色鮫室宵分散玉華
野鶴一聲天已曙老夫詩思繞梅花

題鎮南王納涼圖

憶昔揚州全盛日內家輪奐見翬飛芙蓉仙館紅香凝
楊柳歌臺紫翠圍雲母屏開秋澹澹水晶簾捲月暉暉

欽定四庫全書

御選元詩

卷五十六

二十七

十年一覺繁華夢春草王孫怨不歸

柳南小隱

參軍家住南湖上楊柳蔭門春水生落日池臺看洗馬
東風簾幕聽啼鶯長條拂翠陰垂地三月飛花雪滿城
每為論兵來好客傍人錯認亞夫營

邾經

題唐伯剛貫月軒

使君文采歛翩翩投檄歸來志浩然新構鳳麟洲上屋

恰如書畫米家船
干將破壁龍俱化
脈望飛空蠹亦仙
更試囊中五色筆
桂花香露灑銀箋

陳汝秩

題王叔明溪山圖

前身定是王摩詰
黃鶴溪山似輞川
薜荔十尋緣綠樹
芙蓉千仞倚青天
長歌不用來招隱
閉戶當應疏草元
怪底西風波浪惡
披圖莫上五湖船

舒頔

雨窓偶成

雨壓中天雲霧低
華陽閣外草萋萋
湘江夢遠緇塵隔
閭闔門高紫氣齊
紅拂杏花沾翠帽
綠拖楊柳憶金閨
故人騰踏煙霄上
何日相從信馬蹄

度萌坑嶺

雨過郊原綠倍添
竹輿行處倦厭厭
翠垂松葉沾衣袖
紅綻花枝映帽簷
石澗水香麋麝過
林梢露重蝶須黏
嫩晴天氣催農務
麥飯新嘗似蜜甜

泥

九陌香塵濕不飛
融融隨步襲荆扉
玉驄行疾濺春雨
紫燕銜遲帶夕暉
蚓竅吐淤黏屐齒
鳳書封漬汙朝衣
夜來滿地沾飛絮
指點行人石徑歸

贈孔希文歸浙

我愧為儒事筆田
君來枉顧辱佳篇
半生騰踏江湖日
孤館蕭條風雨天
青眼故人能有幾
白頭詞客更誰憐
江東遊徧浙西去
風攪蘆花月滿船

次孤岳主人韻

相逢偶似虎谿橋
借榻仙房卷十朝
無補但思遼海去
投閒安用小山招
吹噓暖雨披紅萼
攬掇春風上翠條
塵世浮雲隨變見
且容花鳥伴淒寥

九日飲姪女家

菊花杯泛茱萸酒
楊柳村沿石鏡山
門掩黃雲千百頃
谿藏紅葉兩三灣
歡然自覺情難盡
醉後都忘夜易闌
細雨斜風休作惡
歲寒心事正相關

南山秋色樓為陳孟德賦

秋色橫空眼界寬
玲瓏八面見峰巒
稻花香滿雨初足
梧葉聲清風正寒
百尺不教餘子卧
四時那許俗人看
課孫教子無他事
笑指闌干醉解顏

舒遠

幽事

樹繞重門盡日陰
倚風時聽晚蟬吟
采松釀酒開除事
畫紙圍碁消遣心
親舊殊方音邈邈
兵戈滿地夜沈沈

欽定四庫全書

御選元詩

卷五十六

三十一

眼前得失君休問
家住雲窩深復深

舒遜

送丘克明副使休官歸河南

二孤高枕大江流
天入蒼茫日夜浮
帆影遠連巴蜀曉
榜聲清入洞庭秋
菊松雅興同元亮
泉石幽盟慕許由
別後相思梅正發
月明千里倚江樓

和謝宗可霜華花霧塵詩

宿酒禁持夢乍醒
陰陰芳樹鳥無聲
輕籠翠色溶溶曉

漸復紅香淡淡晴
誤避茶煙踈老鶴
慣藏柳影咽嬌鶯
東風却怕花神怪
捲起霏微幕不成

周霆震

清和華道士蕭宗元

月滿虛堂奏帝歸
仙風吹送紫雲衣
九還欲致三花聚
一悟能消萬劫非
老樹鶴棲存夜氣
清池魚躍見天機
黃冠免得山陰客
未信詩盟與願違

次韻劉道原九日

欽定四庫全書

御選元詩

卷五十六

三十二

曠劫何當洗盪埃
凌高欲藉海為杯
巫山雨暗猿相引
汾水雲深鴈不來
新釀偶憑茅舍澆
寒花時向槿籬開
仲宣幸有荊州託
未厭吟邊數往回

張端

和秦仲對雨

雨多檐溜響潺潺
矮屋深窓面面闌
秉燭襟期憐晝短
看花心緒恨情慳
銀塘水滿鷗先下
翠幕春寒燕未還
執戟揚雄今白髮
久無夢到紫宸班

次韻酬馬國瑞都司

老去人間百不宜，晷長何補歲陰移。
絕憐識字翻投閣，肯為窺園廢下帷。
一樹梨雲迷醉眼，十年春草誤歸期。
倚闌片月能知我，故故穿雲照影遲。

穹窿寺次倪雲林韻

穹窿佛寺買臣居，臺殿猶存漢代餘。
山勢盤陀真是畫，泉流宛委遂成書。
從渠說夢迷蕉鹿，著我眠雲聽粥魚。
十頃薄田桑八百，南陽只合卧茅廬。

欽定四庫全書

御選元詩

卷五十六

三十二

秋懷

半年旅邸愁聽雨，七夕樓頭偶見星。
竹樹蒼蒼思故國，江山歷歷話新亭。
誰家素練敲明月，獨我絺衣步廣庭。
住向錦城心未樂，自緣垂老感飄零。

荅大方厓禪老

吟得詩成寫貝多，維摩問訊意如何。
貪看案上傳燈錄，不管門前奏凱歌。
寸寸娑羅低作樹，累累窄堵亂成波。
黃花翠竹西風外，杖屨無嫌屢見過。

送徐仲盟還松江

十年不見南州士，吳下相逢涕泗橫。
鬢髮蒼蒼俱老大，襟懷耿耿尚崢嶸。
年來江上魚無味，夜半雲間鶴有聲。
明日扁舟入空闊，岸花汀草不勝情。

吳志淳

春日遣懷

貧病相兼氣未舒，田園雖少樂耕鋤。
為儒已入他州籍，垂老頻收故國書。
夜雨湖山人去後，春風門巷燕來初。
潘生喜遂閒居志，阮籍從教禮法疎。

欽定四庫全書

御選元詩

卷五十六

三十三

春游二首

湖上輕風吹柳絲，湖邊細雨濕花枝。
百年總有三萬日，一日都來十二時。
杜老每尋崔氏宅，山翁偏愛習家池。
乘閒取醉真吾事，度水看花也自奇。

上日開筵曲水濱，年年相憶在茲辰。
千家榆火催寒食，萬點楊花照暮春。
紫燕却歸尋舊主，黃鸝到處喚遊人。
東來巢父如相問，為覓風流賀季真。

鄭元明高啓文攜友人所畫谷口圖訪予湖山
未幾啓文先入城府元明獨留僧舍一月講明
古今詩文墨制及秦漢以來書法歲晚將歸永
嘉賦餞

竟日過從喜有餘蕭蕭行李借僧居江雲影落山窓靜
野水光涵夜月虛石臼松煙和露擣寒林柿葉帶霜書
天涯回首多離思空有新詩獨起予

閒居東湖述懷

野叟耕鋤喜近郊柴門風雨夜蕭騷卧龍豈欲煩三顧
老鶴長鳴向九臯北闕湛恩新賜爵近臣傳勅舊同袍
自憐經濟全無術祇有山林興最高

宿龍菴懷友

高情久矣念離群獨向山中禮白雲龍送雨來留客住
鹿銜花去與僧分疎星出竹昏時見流水鳴渠靜夜聞
却憶故人江海去題詩誰是鮑參軍

朱希晦

寄周廷石

門外曾無長者車一身奔走豈安居誰憐杜老常為客
我怪洪喬不寄書煙色春歸楊柳底雨香紅入杏花初
溪山只尺風塵隔却憶情人會面疎

次韻簡緱山侯德詢徽之二徵士

幽尋杖策繞林泉隨處遨遊興灑然曾向山中招隱士
欲來海上候神仙雲深丹竈長瑤草水滿石池生碧蓮
薄暮憑闌時送目白鷗飛雪點江煙

和韻簡天則上人

涼風嫋嫋晚秋天潮落雙門纜客船
永嘉郡城北有二門郭璞所立名雙
門九陌黃塵蓬鬢底一籬香露菊花邊故鄉鱸膾牽歸
思近砌蛩聲攪夜眠不道分攜成遠別幾時林下細談
禪

訪雙溪上人不遇

雙澗縈迴石徑微煙嵐分翠濕人衣松林夜靜鶴初睡
花院日長僧未歸萬里雲霄飛錫遠半江風浪渡杯遲

無緣相見空相憶自歎心期與願違

臘日偕葉東白蔡伯恭登西岑

絕頂雲深一徑通寒生短髮怯天風
千年物色闌干外萬井人家圖畫中
宿雨亂滋嵐樹碧朝暎深浴海波紅
我來欲訪香山社醉酒長吟憶遠公

魯淵

重九

白鴈南飛天欲霜蕭蕭風雨又重陽
已知建德非吾土

欽定四庫全書

御選元詩

卷五十六

三六

還憶并州是故鄉蓬髯轉添今日白
菊花猶似去年黃

登高莫上龍山路極目平原草木荒

余詮

送張德常之松江判官

萬彙涵濡雨露中百年文物修飄蓬
鱸魚獨擅吳中美驥足寧如冀北空
肝膽幾時酬楚國里閭從此變王風
吳淞江水秋無底好與使君襟抱同

吳哲

遣興答李道源

徒步何憂髀肉消賦歸無待楚辭招
摩挲藥籠三年艾落人寰五石瓢
蓑笠雨淹滄海釣斧斤晴趁白雲樵
遊仙枕上西池月轉覺東華曙色遙

丙申三月從平章左公總戎臨安過南山訪楊

鐵厓先生時溪漲馬不克渡延佇口號

旂旄晨趨十萬軍衛青幕府事紛紛
卧龍不遠滄溟窟走馬來看館閣文
春過明山花亂落雨晴飛瀑路難分

欽定四庫全書

御選元詩

卷五十六

三七

先生高伴洪厓嘯獨向溪邊望白雲

小孤山

中流玉卓迴無群大海雄藩自楚分

宋高宗大書顏其厓曰海門第一關

絕頂薰蕪常蔽日靚妝樓閣不藏雲
孤根閣入龍棲宅亂水平鋪鳥篆文
我欲維舟明月裏為神鼓瑟候湘君

周南老

虎丘次和邾進士仲誼韻

公餘聯騎入山城老衲追陪得散行
短簿祠前看竹色

小吳軒上聽松聲來游故苑春將暮歸去南樓月已明
題徧新詩佳勝處定應商略過天平

鄭洪

寄林仲實主簿

新築書齋壁未乾盟言誰信未曾寒春風不到梅花帳
曉日常懸首肯盤鄉里總知新部曲朝廷不改舊衣冠
分明寄謝嵇中散莫把尋常冷眼看

題碧雲樓

欽定四庫全書

御選元詩

卷五十六

三十八

一柱樓臺從地湧八窓圖畫自天開雨中日脚青紅暈
霧裏山容紫翠堆析木高寒天似益蓬萊清淺海如杯
洞簫一曲吹黃鶴肯信愁腸日九迴

過茜溪隱居會項從理

樹繞河堤水繞門人煙雞犬自成村清時自保無兵甲
白屋相傳有子孫彷彿巴仙藏橘圃依稀晉士入桃源
柏臺小吏吾知己日日相逢具酒尊

次王蒼雪韻三首

茜溪春日淨暉暉蝴蝶雙雙上客衣流水桃花聊避世
滄江鷗鳥自忘機迢迢魏闕江湖遠渺渺吳雲日夜飛
官事有程歸未得南風吹老北山薇

百年王業在幽風九鼎猶存澗水東共喜干戈指淮甸
兼聞仗節下崆峒青袍白馬飄零外羽扇綸巾指顧中
昨夜天公洗兵甲一江雷雨似飛洪

東閣諸郎總好文南州多士望龍門共傳江左風流遠
且喜河汾禮樂存白纒青絲歸賦詠黃花翠竹共匏尊

欽定四庫全書

御選元詩

卷五十六

三十九

劉蕢一卷匡時策更待青燈細討論

遣悶

柳葉參差杏葉團桃花零落薺花圓那知人事有今日
却憶風光似去年客路青春誰作伴庭闈白髮夢相牽
濃愁深似三江水都在滄洲白鳥邊

秀上人飲綠軒

半勺滄浪歌濯纓一瓢天乳酌靈星紺雲滿漲葡萄甕
青雨常懸瑪瑙鉞不向蘇耽尋橘酒却從陸羽校茶經

西江吸盡無窮味濁世浮沈幾醉醒

賞梨花命妓行酒歌詞為賦此

瀟洒東關一樹春雪膚冰骨月精神朝雲著處迷詩夢
暮雨來時想玉人華屋洗妝歌小小銀餅推枕喚真真
紫微閣下繁華處芍藥荼蘼總後塵

過儀亭

扁舟落日過沙湖十月清霜野水枯
穉子刺船爭打鴨小娃倚市夜當壚
紅紅枸杞珊瑚出白白蘆花組練鋪

欽定四庫全書

御選元詩

卷五十六

四

有約草堂陳孺子夜筍渾酒煮江鱸

題黃子久畫

三十年前識大癡梭鞵桐帽薜蘿衣
星霜老髮三千丈梁棟遺材四十圍
圖畫渾如詩句好丹砂終與道心違
筍箕永上青松樹猶覆當年白板扉

題宋元凱都市寺為中正堂畫溪山晚釣圖

百畝青山二頃田金溪南畔竹菴前
紺園蒼筍花香澹寶地杪擺樹影圓
日日釣絲牽葑雨年年禪榻對茶煙

郎星昨夜明如月偏照君家書畫船

寄甯子堅

澗山湖頭鷗鳥飛謝家泖口鱖魚肥
菱花正熟胡人米荷葉新裁楚客衣
鶴立瑤階毛羽整鴈來滄海簡書稀
詩囊織得天孫錦應寄南城白板扉

寄毛府判

南湖水長沒蒹葭西浦橫橋對白沙
鴻鴈來時菰有米鳳皇飛處竹無花
石田賦寫張平子雲閣書通蔡少霞

欽定四庫全書

御選元詩

卷五十六

四

零落江陵千樹橘青門猶戀故侯家

和謝雪坡太守詠新城

十二城樓面面開登高送遠興悠哉
玉虹萬丈橫銀海白鴈千行下弩臺
漂泊自憐能賦客艱難誰識濟川才
長江不作東南限拱北樓頭畫角哀

蕭山秋興

雙杵孤砧擣客心野雲江樹障秋陰
越王臺上青山小賀監湖頭綠水深
負郭已無田二頃傳家那有橘千尋

卧龍只合南陽老梁甫愁來莫浪吟

送楚良之杭州

七月仙舟沂大江滿江花雨送飛幢
琳瑯金齷筆五色天寶龍光劍一雙
春透桃花青海浪秋涵桂樹白雲窓
別離最苦東曹掾醉倒沙頭玉兩缸

寄祇園師煦東白

一別東林遠法師十年滄海夢相思
黑貂已敝猶存舌白社雖貧尚有詩
菰米雲深鴻雁飽梧桐月冷鳳皇飢

欽定四庫全書

御選元詩

卷五十六

四

台州若問狂司戶張翰湖頭兩髻絲

寄周茂卿兼簡蔡彥文葉德新

客裏無書問起居雲間有客報新除
郎官星彩聯台輔寶劍虹光貫斗墟
尊菜江湖秋渺渺芙蓉簾幕雨疎疎
東曹二妙真連璧不寄錢塘雙鯉魚

映雪齋

八窓闌檻倚冰梁四座圖書貝月光
眼眩欲迷黃竹賦神遊疑在白雲鄉
瓊臺花滿瀟瀟下石鼎茶浮細細香

想得哦詩清鏡裏霜娥一夜泣瀟湘

題已上人墨梅

故園梅樹三年別長憶看花溪雪晴
巧出疎籬自蕭散近遭碧水更分明
揚州何遜足詩興茅屋已公無俗情
畫圖忽見轉愁絕遙想月華枝上生

欽定四庫全書

御選元詩

卷五十六

四十三



御選元詩卷五十六



總校官庶吉士臣侍朝
校對官檢討臣蕭九成
謄錄監生臣朱文佐

欽定四庫全書會要

集部
御選元詩卷五十七

欽定四庫全書會要卷一萬八千四百六十九 集部

御選元詩卷五十七

七言律詩十六

吳會

次韻奉題吳彥貞華林別業

郡城南去有華亭花木成林竹繞汀
照影鳳皇臨月鏡
傳聲鸚鵡隔雲屏
分栽柳入陶潛傳
點校茶歸陸羽經
我亦延州老孫子
對江相望樂清寧

欽定四庫全書

御選元詩
卷五十七

題崇山劉氏園亭

西山三疊鬱峇堯
亭上看山翠欲飄
楊柳小樓風滿席
芙蓉清沼水平橋
美人歌處傾金杓
仙客來時度玉簫
我憶醉眠花底月
滿衣香露夜蕭蕭

王翊

送趙文善之湘陰守

前代王孫夙相家
于今出牧向長沙
神龍正喜騰霄漢
天馬寧容駐渥洼
江水流澌初閣棹
岳雲點雪又催衙

詳校官原任主事 李斯咏

好懷忍向高人別折贈寒梅驛路花

游莊

聞宋子瑜歸

朝辭幕府解戎衣夕向空山覓紫芝彈鋏自傷為客早
折腰方歎去官遲蕭蕭白鴈西風勁采采黃花夕露滋
却憶江波垂釣叟白頭猶作帝王師

王中

漫興

欽定四庫全書

御選元詩

卷五十七

二

小齋清寂雨晴初養拙生涯偶自如夢裏屢尋芳草句
病來慵寫絕交書烏啼綠樹輕煙暖花落閑階過客疎
却羨陶潛幽趣好長歌吾亦愛吾廬

初夏寄興

日長亭館倦琴書久病情懷偶自如苔徧空牆新雨後
泥香小徑落花餘耽閑會遣形骸累向老全將世味疎
風滿北窓清夢覺條然心境上皇初

雨後夕涼東友人

山中向夕雨初收窓戶無人熠燿流鳴杵幾家臨積水
征帆一片度危樓涼陰滿地梧桐月露氣涵香薜荔秋
誰道平生甘寂寞夢闌偏憶太平遊

暮春即事

塵事勞勞兩鬢霜愁將清鏡閱年光磨礪歲月歸吟社
檢束生涯入醉鄉草引閒情頻悵望蝶隨春夢屢悠揚
覺餘一啜茶甌罷短笛清風正夕陽

陳安

欽定四庫全書

御選元詩

卷五十七

三

高大使吳淞歸興圖

楓落吳江白鴈飛天涯遊子正思歸香消夜月青綾被
涼入秋風白紵衣江浦蒹葭含宿雨驛亭楊柳帶斜暉
分明記得西湖上載酒蘭舟近翠微

中秋有感

畫省曾陪冠蓋遊華筵詩酒宴中秋星河不動天如水
風露無聲月滿樓皓齒纖腰催象板珠簾涼影上銀鈎
于今寂寞江城暮烏帽西風歎白頭

題高理瞻所藏小景圖

昔年為客楚江邊
雨霽江南二月天
楊柳畫橋深淺水
桃花春岸往來船
新篔白酒浮杯醖
旋買青魚出網鮮
因見畫圖驚舊夢
東風吹面鬢蕭然

效唐人送宮人入道

長門一別赴琳宮
寧復中官促綉工
紅葉人間無舊夢
碧桃天上自春風
步虛尚覺宸光近
歸院還疑輦路通
猶有內家簫管在
夜深吹向月明中

欽定四庫全書

御選元詩

卷五十七

四

徐淮

送萬敏中之金陵

買舟又上金陵去
風物應憐庾信才
舊燕能言王謝事
夕陽空照鳳皇臺
江邊商女猶教曲
店下吳姬正壓醅
紫府青臺風雨近
莫因登眺久徘徊

登松臺清秋有感

欲澆磊砢惟憑酒
竹葉滿樽翻綠波
敔帽正當風力緊
吹簫無奈月明何
高林紅葉得霜醉
故國青山入夢多

客子長懷有誰識
凭高一笑付清歌

華幼武

宿隱微山房

二月蘭舟泊上宮
春雲不雨玉壇空
苔生白石斑斑綠
魚養丹池箇箇紅
對酒燭分花底夜
出簾香散竹間風
高寒未覺仙臺遠
只此相逢似夢中

遊碧浪湖簡同行沈高士

浮玉山邊晚繫舟
菰蔣蕭瑟似新秋
碧天萬里寫銀漢
明月一輪當柁樓
每媿塵勞成白首
喜從仙御作清遊
酒杯未落南風起
又挂歸帆托順流

欽定四庫全書

御選元詩

卷五十七

五

斑竹簾

湘妃淚灑碧琅玕
翦織疎簾拭未乾
細縷引風宜隔暑
濕雲含雨欲生寒
燈前照耀琉璃潔
月下爛斑玳瑁看
直榦盡輸兵革用
高堂舒卷莫摧殘

題陽山顧碧溪詩卷

聞說山中顧隱君
幽居不與俗人羣
愛看舞鶴護蒼蘚

淨埽落花留白雲李愿已刊盤谷序稚圭休擬北山文
一溪春水連天碧肯著孤舟載月分

寄趙易窓高士慶雲岡上人

昨宵風雨釀春寒曉色開晴露未乾棋局定須尋李遠
杖藜還肯過蘇端緡經坐榻呼龍守點易虛窓倩鶴看
暫假飛鳧挽飛錫樵蘇不爨罄交懽

秋夜有感

澤國秋來夜氣涼飄零猶自未還鄉蟋蟀泣露梧桐井
絡緯縹風薜荔牆只尺故園千里夢亂離華髮十年霜
仲宣樓上長回首烽火連山欲斷腸

葉顥

重九後菊

癡蝶狂蜂未用疑從來根性懶趨時情知不少爭先輩
故遣遲開殿後枝斜日園林方冷淡西風天地特清奇
芳苞小蕊秋香老不是淵明斷不知

題幽居

隔谿春色兩三花近水樓臺四五家濁酒不妨留客醉
好山偏是被雲遮松根淨埽彈琴石柳下常維釣月槎
路狹不容車馬到只騎黃犢訪煙霞

乙未八月二十二夜夢宿山寺與僧講道論詩
不覺夜分僧賦一聯云鶴向白雲棲處宿僧從
青嶂影邊歸覺而微改其句足成一律云

天風吹夢過招提瘦策迢迢扣夕扉鶴揀白雲枝上宿
僧從青嶂月邊歸杉松韻古調清樂苔蘚痕深染敝衣

多謝山靈能念舊此心焉敢忘煙霏

二月江城見梅二首

二月江城第一枝怕寒故故著花遲不嫌豔杏夭桃俗
甘受狂蜂妬蝶疑月落西湖驚舊夢雪消南國憶當時
樓頭亦有霜天角嬾對春風煖日吹
桃李紛紛正得時疎梅高潔合知幾如何萬卉嬌春日
猶有孤芳駐夕暉未要板橋尋蠟屐最宜沙路試羅衣
輕鞵小扇孤山下絕勝逋仙踏雪歸

述懷

形容枯似飽霜槎身老空山處士家一徑梅香雲滿地
半窓花影月籠紗常穿謝氏登山屐慣設孫郎餉客瓜
離亂固非疇昔比池塘難得為官蛙

九日感懷二首

門掩東籬處士家每逢佳節惜年華黃花有恨驚秋老
白髮無情對日斜杜牧仙遊詩寡和王弘人去酒須賒
烏紗醉裏西風冷千古令人憶孟嘉

欽定四庫全書

御選元詩

卷五十七

八

悠悠江影鴈南飛黃菊飄香蝶滿枝斜日西風彭澤酒
殊方異國杜陵詩煙巒慘淡山林暮霜葉蕭疎草木悲
醉後不思時節異半敲烏帽任風吹

元宵雪感懷

金帳羊羔酒裏仙醉觀皓鶴下瑤天寒英忽舞顛狂絮
香燄俄開爛漫蓮閣苑有花春未老芳城不夜月空圓
茅齋僵臥表夫子也翫鼇山嬾去眠

張洙

辛丑十一月望日藻仲宗弟率諸生抱琴見枉

草堂藻仲偶得風雨抱琴良不惡之句予愛其

深得興體因足成唐律

風雨抱琴良不惡連牀尤盡故人情書狂屢遣供佳札
飲少惟愁鬪巨觥夜月忽於梅寫影寒雲不礙鴈流聲
看君却憶誰相似飯顛山頭太瘦生

盧煥

寄張藻仲

欽定四庫全書

御選元詩

卷五十七

九

草堂又是經旬別江上梅花欲放春兩閱尺書煩見問
幾時尊酒復相親夜琴橫月彈山鬼曉鴈呵冰寫谷神
門外雪消春水滿往來舟楫不妨頻

曾朴

次友人韻

闔閭塚上見新城無復遊人載酒行山雉聽經依塔影
樹鴉爭食亂鐘聲劔池龍去泉空冽茶竈僧閑火獨明
我欲投簪營小隱佛香終日祝昇平

郭鈺

和虞學士春興八首

官河春水湧輕濤來往千艘不用篙江浦女遊遺玉珮
瑤池仙降獻金桃鞦韆拔地煙花暝閭闔中天日月高
早歲功名看得意扶遙風力送鴻毛
鳴珮天階委碧莎雪消太液漲晴波玉盤露浥仙人掌
宮錦花添織女梭王子問安回輦近儒臣進講賜金多
明朝引見狒狼使樂府新傳天馬歌

欽定四庫全書

御選元詩

卷五十七

十

沙苑煙晴苜蓿肥朝回天馬錦為鞵詞臣會送歸青瑣
進士傳呼換白衣雲氣曉依宮樹近春陰晝護苑花飛
君王又進長生藥萬里樓船海上歸
城上觚稜霧靄迷角聲吹徹鼓聲齊雲生水殿龍常現
月滿官松鶴並棲風俗元存南國舊天文並拱北辰低
倚樓欲問通霄路誰借青雲百尺梯

萬里驅車入帝關十年棲息一枝安承恩數對麒麟殿
却老何資龍虎丹金水漲波融雪盡碧桃分蕊到春闌

江南却憶看紅藥紈扇羅衣不識寒

清明煙散柳枝斜宮樹沈沈點白鴉煖霧撲簾成細雨
朔風吹面射飛沙江南最憶王孫草天上催宣宰相麻
十載滄洲孤舊約鹿車何日共還家

柳林笳鼓曉晴饒王子春蒐出近郊雲錦宮袍攢萬馬
鐵絲箭鏃落雙鷗蒲萄壓酒開銀甕野鹿充庖藉白茅
共說從官文采盛不聞舊尹賦祈招

浩蕩天風駕海航忍從兒女問耕桑珠聯魚目知誰識
劔吐龍光不自藏司馬倦遊曾建節買臣歸去密懷章
只今豈是無詞賦材俊中朝少薦揚

賦得越王臺送萬載教司令之官

層臺高與越山齊南斗諸星入地低海氣秋澄鴻雁到
野煙春合鷓鴣啼官船北走輸珠翠幕府南開振鼓鼙
側想到官多暇日登臨長聽玉驄嘶

和虞學士登宜春臺

萬家平地擁高臺窓戶層層近日開鶴致瓊花迎帝子

欽定四庫全書

御選元詩

卷五十七

十一

龍持貝葉禮如來雲依老樹秋如畫峽東飛濤雪作堆
惆悵當年歌舞地碧桃開落幾千回

贈劉明道

義旗獻凱滿南州君擁兵符控上流隔岸人煙鄰虎穴
中江雪浪送龍舟劍鳴秋匣元霜下馬浴晴波紫霧浮
白羽指揮能事集底須萬里始封侯

分府同知珪童相公大閱之日天使適至喜而

賦詩奉寄劉賓旭參軍二首

欽定四庫全書

御選元詩

卷五十七

十三

鼓角緣邊永夜哀使車忽自海南來中朝舊法三章在
大將新圖八陣開玉帳分明傳號令金臺雜選貯賢才
早看送喜麒麟殿五色雲中進壽盃

侯印軍符塞紫衢儒生白髮混泥塗兒騎竹馬談兵法
地盡桃源入戰圖雙劍舞閑歌激烈一燈愁絕照清癯
山中薇蕨秋風老心折孤村反哺烏

送朱鵬舉照磨赴江西省掾

花外銀鞍鞞紫騮省郎文采自風流英雄舊總三千士

美譽新傳十一州山擁宜春深帶甲江通章貢小容舟
晨趨黃閣參籌畫願審安危拓遠謀

寄劉賓旭

舊日相逢玉雪姿三年幕府鬢如絲波濤入海屠龍苦
風雨還山買犢遲客到定能頻換酒花開應不廢題詩
只憐雙劍牀頭吼又是鄰雞報曉時

和周霽海吳鎮撫詩就呈李伯傳明府

牛斗秋高劍氣橫幾人馬上取功名扇揮白羽臨風迴

欽定四庫全書

御選元詩

卷五十七

十三

甲鎖黃金射日明賈誦自期能料敵山濤誰謂不知兵
官軍蓄銳何時發久厭城頭鼓角聲

社日

甲子頻書入短篇細推五戊卜春田讀書未有平戎策
止酒聊輸祭社錢紅樹花穠春向晚畫橋柳暝雨如煙
舊來歌舞今誰在燕子茅簷只自憐

晚秋菴溪宴集

菊花香滿酒如傾不謂艱危有笑聲驚坐令嚴觥錄事

揮毫氣壓楮先生虛嵐紫翠籠秋色落木紅黃透晚晴
却憶桃源舊時路漁郎重到不勝情

聞龍西雨自閩海間道抵家患目疾缺於展覲
先寄此詩

萬里征帆海上回畏途行盡始驚猜入門兒女牽衣笑
問字親朋載酒來書有浮沈誰與送眼無青白故難開
蕭蘭晚歲俱彫瘁佳句惟應到野梅

二月初晴題淦西居人樓壁

欽定四庫全書

御選元詩

卷五十七

十四

老去才名久退潛樓前晴景逐人添雲連野樹深藏徑
風捲溪花亂入簾遠信忽傳閩徼外閒愁盡挂楚山尖
春光流轉曾相識獨怪經年雪滿髯

三月十三日夜宿淦西山絕頂

夜登絕頂幾千尺臨曉始知歸路遙水滿大江舟窅窅
塵飛客路馬蕭蕭山河勢窄如懸網雲漢光低不作橋
十二年間多少恨春來不共凍痕消

懷羅達則

溪山杖屨每相違况復經年去不歸移席花間春雨至
倚樓江上暮雲飛鄉書到手兼悲喜世事關心有是非
池上祇今新綠滿待君同製芰荷衣

寄宋竹坡

久欲從君借竹看東風又長碧琅玕午陰坐久晴雲落
夜漏眠遲白露溥韭葉連畦從料理菊花分徑共平安
洞簫一曲裁新管石上雙吹翠袖寒

和楊茂才閒居

欽定四庫全書

御選元詩

卷五十七

十五

板橋通徑薜蘿深濃翠浮衣竹十尋啼鳥漸馴時近客
歸雲不動似知心翦苔盤石移碁局添火香篝續水沈
賦筆惟應潘岳好恨無樽酒與同斟

荅楊和吉韻

白髮侵尋暮景來掃除無策覆空盃江山每與愁俱到
風雨不知花盡開往事謾存元祐迹少年何羨洛陽才
惟君於我過從近穉子朝朝掃綠苔

訪友人別墅

陰森萬木曉蒼茫路轉山腰問草堂池湧慢波萍葉散
窓涵細雨橘花香讀書程度輸年少中酒心情厭日長
公子飄飄才思闊何妨高詠伴滄浪

和李士周韻

春雲乘雨午橋陰病眼看花負夙心漢水盡堪添綠酒
燕臺何得築黃金手攀楊柳親曾種路出桃源不易尋
畢竟知音眼前少塵埃三尺暗桐琴

寄李亨衢

君住仙壇歸路遙人間塵慮盡冰消微風半脫烏紗帽
明月閒吹紫玉簫出水芙蓉鳴翡翠繞牆薜荔護芭蕉
日長應共羅浮客時復松花酒一瓢

和酬宋竹坡韻

寄詩問我山中事性懶家貧一事無春甕酒香梅未落
午窓夢起鳥相呼舊來叔夜交游絕老去文通筆硯枯
鷗社共盟君未棄何須馳志向伊吾

寄王進士

并序

伏觀前鄉貢進士王禮子讓所刻長留天地間集
辱收謬作廁其間心竊愧焉而誤名為昂因筆寄

意

老去群書逐夢忘青燈白髮夜淒涼平時誰信班生策
落日空懷陸氏莊天為國家生俊傑地居臺閣盛文章
鄙夫空谷逃名久不謂人間有郭昂

寄贈皇屋壇劉鍊師

壇下溪中出
白石如水晶

神仙宮館近青冥紫翠峰巒開畫屏日射水晶江石白
雲封琥珀嶺松青虎司丹鼎知留訣鶴立瑤壇聽說經
相約安期今夕至靈風遙想滿虛櫺

病日寄宋時舉

丁丁伐木最關情病起秋風畏客程隔霧看花生眼纈
誓天止酒閉愁城荒村茅屋白煙起落日楓林紅葉明
青壁丹崖長在望矜嶢瘦影獨心驚

和荅彭中和

長向春山數別期春花次第報君知舟迴剡曲緣何事

劍合延平在幾時
庭院暖風花氣入
池塘微雨鳥聲低
甕頭酒熟邀誰共
悵望歸雲獨拄頤

二十六日晴過湛塘

布袍稍覺曉寒輕
晴色偏饒雙眼明
山逕黃泥攢虎迹
寺門蒼樹挂猿聲
重來誰與同心膽
老去惟思避姓名
枯柳橋西曾識面
獨回青眼遠相迎

和袁方茂才秋夜宴集

下馬階除問錦幃
羅衣花白縷金圍
月明湖水龍吟細

欽定四庫全書

御選元詩

卷五十七

十八

雲度吳山鴈到稀
楊柳舞低牙板促
木犀香滿羽觴飛
袁郎自是風流客
舊約秦臺願不違

胡悌

贈章伯高

共是多情惜歲華
故應美酒送生涯
金齋細斫秋風鱸
玉髓新烹穀雨茶
每愛芙蓉依北渚
還思蝴蝶過西家
江南三月鶯啼遍
不信櫻桃未著花

劉永之

周所立江村草堂

將軍舊日曾分祿
為結茅堂草覆檐
過橋柳暗烏爭樹
當戶花開燕入簾
醉書江石兼雲冷
晚飯山苗帶露甜
之子多才空白首
獨將詞賦擬江淹

雲臥山房為了上人賦

空山雲臥杳難尋
惟許人間禮磬音
龍起盃中生片影
鶴歸仙頂結輕陰
化為法雨霑衣濕
散作天花繞座深
去住了然無定著
祇應猛虎識禪心

欽定四庫全書

御選元詩

卷五十七

十九

仙溪書院為何能舉賦

江海歸來兩鬢霜
仙源深處結茅堂
參差樹映春山遠
窈窕橋通碧澗長
金匱藏書遺鳥跡
石田種玉起虹光
只愁來往迷花嶼
預擬藤陰問釣航

淵明入社圖

空山樓觀遠蒼蒼
路出深溪石磴長
近瀑飛雲經樹濕
穿花流水過橋香
高僧喜識桄榔杖
稚子歡迎薜荔裳
入社幾時還入社
松陰十里到柴桑

贈別傅商翁

蔗園瓜地楚山春野屋梅花照雪筠鄰甕共開桑落酒
客衣猶帶豫章塵舊彈長鈇馮驩老新著衡書季子貧
夢遶西州歸鴈遠何時同采暮江蘋

為高安何思恭題方壺所畫山水

古象山中白晝閒紫煙樓觀鳳笙寒試分玉井三秋露
戲寫方壺九疊山老樹模糊常帶雨茅茨瀟灑鎮臨湍
知君隱處渾如此持向荷峯錦水看

欽定四庫全書

御選元詩

卷五十七

二十

題巴丘龍母廟

天開玉峽兩厓丹隔岸諸峯似翠鬟神女不歸龍已化
仙翁飛去鶴空還碧壇芳草經年合古殿蒼松落日閑
萬里長風起天末如聞環珮白雲間

寄淦川友人

廢郭浮煙合綠蕪茅茨星散縣樓孤江連戈舫鳴春鸛
樹對寒燈起夜烏古研自磨銅雀瓦坐擅還疊罽賓綸
市南美酒梨花白最憶青絲繫玉壺

送留子堅之袁城

雪色征袍拂曙飈宜陽西去思飄飄千峰靜對芙蓉幕
三峽遙連蟠螭橋擢得雀舟衝雨緩借來驄馬向春驕
青年書記相知久共按秦箏和玉簫

讀黃危二閣老送何彥正歸省詩序追賦一首

水滿金溝柳著霜行人驅馬上河梁公車未奏三京賦
祖道爭持五色裳班固文章傳太史鍾繇書法繼中郎
澗河夜雨燒銀燭坐聽疎鐘憶建章

欽定四庫全書

御選元詩

卷五十七

二十一

題鄒惟中西樓

西樓遠對鼎山斜野客來尋駕鹿車竹嶼暝煙浮翠黛
石田秋雨潤銀沙清尊未酌心先醉往事重論鬢欲華
肯借溪南三畝宅從君學種邵平瓜

用韻送梁徵君孟敬還石門

渝曲經年不見君偶同江郭看飛雲蚌還乍喜雙珠合
龍躍終愁兩劍分蹤迹每同樵客隱姓名已被世人聞
暫隨郡邑還歸去應念山中白鹿群

和友人過象牙潭韻

一曲寒山照水清
哀鴻驚鵲亂江聲
浪翻白雪千尋險
天接浮雲萬里平
前輩總隨煙霧盡
虛名真似羽毛輕
高懷欲棄人間事
同向天台訪赤城

寄西峰李緯之

漢家仙吏駕雲螭
遺迹空存碧蘚滋
井底龍飛山客見
峯頭鹿過野人知
芝田舊長千年藥
石室新題五字詩
寄語山中李道士
好將苦學慰深期

寄梁孟敬

菰山之陽隱者宅
日午隔溪聞讀書
時有門生陳八簋
再從家僕致雙魚
石門雨過篔簹濕
葦戶秋深薜荔疎
已約暮春攜稚子
詠歸沂上曳輕裾

到郡不入城寄彭聲之雪印大虛

鳳洲秋水日漸漸
江水渾如博士衫
草屋結來人假宿
檄文書就手親緘
裁詩久愛中丞麗
制酒難禁吏部饒
相見立談還即別
寸心搖曳似風縈

題宋能敏青壁軒

沓嶂層巒翠幾重
神光動處有奇逢
霧生深谷藏元豹
泉落陰崖化玉龍
丹篆曉書朱露濕
碧窓晝掩白雲封
何時攜我青藜杖
結屋來依五粒松

貢性之

送葉南夫

君家盛事古今稀
九十雙親七十兒
四百人中同戍日
八千里外獨歸時
尊前舞袖花前酒
畫裏關山卷裏詩
親故爭傳看遠客
不妨銀燭夜筵遲

越山清曉

曙光晴散越王臺
萬壑千巖錦繡開
敲枕僧鐘雲外落
卷簾漁唱鏡中來
樹藏茅屋雞聲斷
露濕松巢鶴夢回
安得畫圖分隙地
移家仍住小蓬萊

夜聞漁歌

一聲高徹一聲低
憑仗東風度水西
著意聽時腔轉細
斷人腸處思先迷
鴈驚何處沙邊渚
船泊前村月下溪

不道客愁愁不醒要隨羌管入雲齊

寓毗陵旅邸

月光涼墮夜堂深草草杯盤款款斟歡喜情懷無復舊
別離時節又從今坐銷爐篆清煙細聽徹壺籌玉漏沈
關隴祇緣頻作客翻令兒女訝鄉音

送別

江上船開起櫂歌離愁無奈故人何桃花流水春三月
楊柳東風雨一蓑送別轉嗟形影獨相思從此夢魂多
到時定有平淮策勛業終歸馬伏波

欽定四庫全書

御選元詩

卷五十七

二十四

約遊山阻雨

春事無多苦未晴數來花信過清明都將酒債兼詩債
付與風聲共雨聲燕落香泥露紙重蝶翻飛絮入簾輕
懷人久負南山約縱有南山不可行

接曹孟圭

曲江新漲黃梅雨雨裏客船江上來對酒肯辭今夕醉
有懷能向幾人開歌傳皓齒香生席舞按纖腰月滿臺

縱是金吾嚴禁夜也須容我更遲回

送陸景宣靖州從軍

蠻荒溪洞極邊頭仗劍從軍憶壯遊楊柳春風千部落
旌旗曉日萬貔貅路經彭蠡洲前過江自巴州峽外流
早報遠人歸聖化貂蟬從古出兜鍪

喜魏仲房見過

江上柴門掩夕暉客來剛被鵲先知出迎不較衣翻著
對飲寧辭殘倒垂話到更深無斷處起看月落幾多時
人生恨不如潮信暮去朝還有定期

欽定四庫全書

御選元詩

卷五十七

二十五

題畫壁

何處江山似此佳看君圖畫欲移家沙邊洲渚潮渾沒
雲裏樓臺樹半遮叢桂漫歌招隱賦種桃誰識避秦花
晚風吹送歸舟急一片征帆帶落霞

雪竹山房

此君節操獨凌寒冰雪叢中更耐看簾幙影迷金鎖碎
珮環聲動玉闌干只疑元圃翻瓊樹錯訝瑤臺舞素鸞

白戰幾時能著我萬竿深處一憑闌

次萍居留別韻

且勿長亭折柳枝離筵已判酒如池因思會面難期處
直使銜杯到醉時檣燕留人雙上下岸花迎客半低垂
計程明日毗陵道吟寄新詩欲倩誰

水竹軒

萬竹蕭蕭水繞門九街車馬自晨昏晴天波影搖窓戶
靜夜秋聲入夢魂曾為故人頻下榻每因佳客屢開尊

欽定四庫全書

御選元詩

卷五十七

二十六

百年清致今猶昔春雨深深長子孫

城南耕隱

愛爾城南隱者居春田繞屋下春鉏兒孫候暖晨驅犢
燈火分涼夜校書入社有懷占樂歲趨朝無夢候公車
相逢自歎飄零久投老歸來媿不如

贈別鄉友芮公

老去親朋見面稀見時無計得同歸遊絲落絮都成恨
社燕秋鴻各自飛杜宇叫殘孤館夢西風吹老故山薇

明年春雨南湖漲擬把長竿坐石磯

瑪魯

題葉隱居雪篷

朔風吹雪滿溪灣一葉憑虛獨往還擊楫正思歌玉樹
舉頭驚見失青山曉窮滄海糝糊外夜泛銀河浩蕩間
笑殺當年韓刺史苦寒騎馬渡藍關

盛或

送何彥文歸棟水

欽定四庫全書

御選元詩

卷五十七

二十七

東海何郎雪滿頭新聲一曲擅風流酒邊蘇小西湖路
夢裏揚州明月樓片片桃花吹畫鷁行行柳色亂春鷗
可憐冠蓋皆塵土莫倚清尊說舊遊

滑壽

遊白水宮

白水仙宮也罕逢十年兩度追陳踪寒流光垂玉蟬蛸
晴巒秀削金芙蓉臨溪無魚石磊磊采藥有路雲溶溶
明當挾我九節杖更來陟彼三台峯

丁鶴年

兀兀

數莖白髮鏡中新兀兀窮年媿此身
萬里雲霄雙倦翼
千尋江漢一窮鱗望鄉薄暮憑西日
去國中宵禮北辰
客路漸遙身漸老此生何以報君親

靳公子

中朝公子多才俊蕭灑風塵獨靳侯
白鴈久無天上信
黑貂漸散雪中裘虛堂簾影遲遲晝
別館燈光淡淡秋
到手深杯須劇飲醉鄉消得古今愁

欽定四庫全書

御選元詩

卷五十七

二十九

雪後泛東湖

雪後湖山玉作圍小舟乘興弄清輝
貪看月裏鸞回舞
不覺風前鷁退飛雲母屏空春闌寂
水晶宮冷晚霏微
仙家一笑乾坤老誰馭瑤池八駿歸

題鳳浦方氏梧竹軒

鳳鳥曾聞此地過至今梧竹滿丘阿
政懷翦葉書周史
却恨翻枝入楚歌金井月明秋影薄
石壇風細晚涼多

中郎去後知音少共負奇才奈老何

奉寄王宣尉兼呈九靈先生

別館新成足宴游珊珊環珮總名流
獨推南郭為高士
共識東陵是故侯天上鷲花三月夢
人間風雨五更愁
行藏盡付浮雲外爛醉豐年黍稌秋

寄餘姚滑伯仁先生

獨木橋邊薜荔門全家移住水雲村
猿聲專夜丹山靜
蜃氣橫秋碧海昏詩卷自書新甲子
藥壺別貯小乾坤

欽定四庫全書

御選元詩

卷五十七

二十九

陶漁耕稼遺風在差勝桃源長子孫

樊口隱居

萬里雲霄斂翼回挂冠高卧大江隈
春深門巷先生柳
雪後園林處士梅翠擁樊山邀杖屨
綠浮漢水映尊壘
誰能領取坡仙鶴月下吹簫共往來

戲贈劉雲翁

千金不惜買新聲贏得風流老更成
銀甕蒲葑浮臘蟻
金屏窈窕轉春鶯香凝宴寢頻開席
花暗閑房合度笙

夜燕未終賓客醉莫將明燭照華纓

長江萬里圖

右逾越雋左蓬壺萬里提封入壯圖斷石雲屯山擁蜀
驚濤雪立海吞吳蟠桃有實來青鳥若木無枝駐赤烏
秦漢經營人盡去獨留形勝在寰區

戲贈應修吉

硯溪居士神仙侶短髮蕭蕭雪滿簪暖老恨無燕趙玉
養生賴有坎離金牀頭酒熟留僧飲席上詩成對客吟

欽定四庫全書

御選元詩

卷五十七

三十

歲晚山空誰是伴北窓梅月最知心

夜宿染上人溪舍

雲去禪關戶牖空清溪碧樹有無中倒涵天影魚吞月
逆戰秋聲犬吠風見性本圖先作佛勞形翻媿早成翁
杜林老去歸無計來往那辭惱贊公

寄西湖林一貞先生

錦繡湖山世絕稀東風不放賞心違芙蓉楊柳臨清淺
佛刹仙宮繞翠微畫舫載春天上坐紫騮馱醉月中歸

高情獨有林和靖門掩晴空看鶴飛

海巢

海上巢居海若降三山眼底小如砭已攀若木為華表
更立博桑作翠幢蛟室夜光晴燭戶蜃樓秋影冷涵窓
鷓鴣夢斷無因到惟有同棲鶴一雙

渡鄞江後寄陸時敏陳可立

小艇橫江捷似飛故人凝睇送將歸過山殘照明紗帽
渡水浮雲亂葦衣沙鳥水鷗同泛泛岸花汀草各依依

欽定四庫全書

御選元詩

卷五十七

三十一

風塵來往慙經濟擬看漁蓑坐釣磯

元夕

燈火樓臺錦繡筵誰家簫鼓夜喧闐光移星斗天逾近
影倒山河月正圓金鎖開闕明似畫銅壺傳漏迴如年
五雲不奏霓裳曲空使揚州望眼穿

九日登定海虎蹲山

東海十年多契闊西風九日獨登臨天高雲靜鴈初度
水碧沙明龍自吟籬下菊花憐我瘦杯中竹葉為誰深

凭高眺遠無窮恨去國懷鄉一寸心

避地

避地長年大海東蕭條生計野人同
深春未報孤村雨落日帆檣遠浦風
那得文章偕隱豹聊將音問託歸鴻
平生自恨無仙骨五色蓬萊咫尺中

題東湖青山寺古鼎銘長老鍾秀閣

手開樓閣貯群經面對湖山衛百靈
玉鏡夜寒通沈澗翠屏秋靜倒空青
避煙鶴起簷間樹行雨龍歸几上餅

欽定四庫全書

御選元詩

卷五十七

三十三

我亦逃禪雲水客便應蕭散共松扃

山居呈諸道侶二首

日日看山眼倍明更無一事可關情
掃開積雪巖前坐領取閑雲隴上行
不共羽人談太易嬾從衲子話無生
劃然時發蘇門嘯遙答風聲及水聲

嬾散形骸不自持黃冠聊束鬢邊絲
頻來猿鶴渾相識久混龍蛇竟不知
養拙最宜情淡泊全生深藉德支離
看雲本自忘飢渴况有冰泉與石芝

次小孤山

峽東千雷怒擊撞危峰屹立壓驚瀧
山聯廬霍朝三楚水落荆揚限九江
鎮海重關當第一擎天孤柱故無雙
珮環月夜知何處露濕蓬萊玉女窓

題風雨歸舟圖

昔向滄浪弔獨醒中流風雨正揚舲
江空風捲潮頭白野曠雲迷峴首青
挂席正思遺珮浦推篷已過濯纓亭
襄陽耆舊今安在撫几長歌對畫屏

欽定四庫全書

御選元詩

卷五十七

三十三

奉次虞侍講先生見貽韻

玉堂棄跡若浮雲無奈雞林遠購文
推轂近聞推漢士避名寧計却秦軍
芝亭花發春醪熟鴻閣詩成夕磬聞
一飯未嘗忘北闕鼓琴誰識和南薰

吉雅摩迪音

寄穆爾古蘇院判

將軍辛苦事戎行麾下論兵總俊良
沙漠蘇卿多感慨鑑湖賀老自清狂
狂風塵滿眼青山舊天地無私白髮長

萬里君親俱在念扁舟何日賦滄浪

遊定水寺寄杜堯臣

水紋藤簟竹方牀山閣重陰雨後涼新月梧桐秋已老
孤燈機杼夜初長白魚入饌松醪熟紅稻供炊筍脯香
雲樹芝泉隨處好一時清賞肯相忘

鶴年弟盡棄純綺故習清心學道特遺楮帳資
其淡泊之好仍侑以詩

誰擣霜藤萬杵勻製成鶴帳隔塵氛香生蘆絮秋將老

欽定四庫全書

御選元詩

卷五十七

三十四

夢熟梅花夜未分枕上不迷巫峽雨牀頭常對剡溪雲

竹爐松火茶煙暖一段清貞盡屬君

阿里沙

題九靈山房圖

夢裏家山十載違丹青咫尺是耶非墨池新水春還滿
書閣浮雲晚更飛張翰見機先引去管寧避亂久忘歸
人生若解幽棲意處處林丘有蕨薇

題前餘姚州判官葉敬常海隄遺卷

潮汐東來勢蹴天一隄橫捍萬家全陵遷谷變人誰在
海晏河清事獨賢曉日山川神禹跡秋風禾黍有虞田
河渠他日書成績應並宣房與代傳

題鍾秀閣

檻外澄湖平不流窓間疊嶂屹將浮煙霞五色錦屏曉
風月雙清瑤鏡秋蒼筤濃香吹法席芙蓉涼影蕩仙舟
結巢擬傍雲松住迴首朝簪愧未投

吳惟善

寄東海鶴年賢弟

鶴臯東望接三山海上群仙日扣關虎守月爐丹鍊就
龍吟霜匣劍飛還故園松菊餘三逕老屋煙霞恰半間
為問林泉逃世者如公今有幾人閑

邵永

次復菴學士賢姪寒食雅韻

郊原春色正丰茸藍酒榆羹引興濃寒食庖廚煙竈冷
踏青巷陌翠簾重隨風細草無端綠著雨疎花為改容

欽定四庫全書

御選元詩

卷五十七

三十五

味道澄心方宴坐隔林孤起午時鐘

清明再用韻

暮春一日花紅茸頓覺園林晴色濃幾個沙鷗輕片片
數行煙柳自重重學知老大終無補髮白今朝不改容
正好出郊閑極目莫教和恨聽疎鐘

方道叡

和汪百可見寄韻二首

黃塵席帽黑貂寒歸卧懷慙飯一餐但有桑麻依杜曲

欽定四庫全書

御選元詩

卷五十七

三六

何須勲業夢槐安江山千里客愁集風雨三更春事闌
却笑今年衰嬾意閉門深睡落花殘

脩竹吾廬五月寒飯香吹麥腐儒餐綠陰黃鳥北窓午
清簟疎簾一枕安夢覺忽驚詩思好心閑並覺宦情闌
千年擾擾成何事笑似棋枰著未殘

和以敬兄韻

莫怪旁人笑我愚知非曾向玉堂居恩光夜賜金蓮燭
記注晨修石室書幸接鴛鴦通禁籞敢將苜蓿詠盤蔬

清朝不草相如檄棘道巴羌久破除

趙汾

和唐縣尹山居三首

早從上國接英遊晚卧滄江擅一丘無復謝公攜處妓
空餘陶令去時舟千章古木排雲起一派寒泉傍石流
客至不須談世事小亭已扁四宜休

絕無塵土到幽扃手把離騷傲獨醒弁嶺晚來雲自白

六湖春盡草長青沙邊忽復飛鴻鴈屋角隨常鳴鶴鷄

欽定四庫全書

御選元詩

卷五十七

三五

莫對江山重回首乾坤萬古一郵亭

塵事紛紛未有涯一舟聊復信年華閑過角里先生宅
謾訪孤山處士家有酒何曾留俗客無錢猶自買梅花
新詩寫就人先覓醉筆淋漓整復斜

和葉中茂過訪見貽

早識長材歎陸沈逢時况復重南金少年漫說從軍樂
志士常懷報國心已見奇功書幕府每傳佳句到山林
孤燈偶共抽青簡夜雨寒窓感慨深

屏山即事時周明甫來訪

地近仙巖日自長
短牆時度竹風涼
樓頭古木禁秋雨
檻外危峯倒夕陽
高榻坐聞金奏響
小橋行近翠盤香
清談况復陪賢達
始信他年未易忘

棲真別館贈松高鍊師

艤棹青林翠欲流
尋真勝復話英遊
上方道士紅雙頰
別館仙翁碧兩眸
絳節朝回瓊島近
金丹時就石壇幽
投書欲與鄉人別
長伴群仙駕十洲

欽定四庫全書

御選元詩

卷五十七

三十八

唐伯庸以詩謝作讀書林記次韻答之

塵居原不見紛華
矮屋疎籬只一家
雪後松筠初換葉
春深桃李自開花
讀殘青竹無人到
覽罷黃庭日已斜
此道從來成寂寞
似君端合向人誇

與葉宗茂遊山村

村北村南春事幽
故人亂後得相求
倉皇屢作經年別
邂逅能無一日留
丁令歸時空有恨
虞卿窮久不須愁
卜居共愛清溪好
先向沙邊具小舟

海月巖二首

踏盡崔嵬倚石門
海風山月滿巖巒
自言仙室依蓬島
不覺人寰變廣寒
千載揚塵安可測
一杯對景且為歡
巖前浴日皆詩景
喚醒東坡仔細看
架巖鑿石有規模
不學桃源舊畫圖
亭上人稀林鳥樂
錫飛天老野雲孤
雨餘石井泉深淺
煙淡虎門山有無
說與山靈莫分別
從教仙穴看浮屠

金洎

寄友人宋邦彥

故人別後見尤難
彼此詩盟尚未寒
寧暇對牀論契闊
謾勞折簡報平安
春山裂竹愁如海
流水落花紅滿灘
九十春光都過了
諸君何以罄交歡

重遊光明寺

梵王宮闕倚崔嵬
積翠繽紛圖畫開
啼鳥避人穿樹去
老僧迎客下山來
裁詩石逕書青竹
散髮雲林卧綠苔
自識箇中幽興熟
杖藜何惜重徘徊

欽定四庫全書

御選元詩

卷五十七

三十九

送李子威之金陵

金陵自古帝王州策馬飄然作勝遊一代衣冠新禮樂
六朝文物昔風流此時送別詩盈軸何處相思月滿樓
若見潛溪宋夫子勿云江漢有扁舟

喜雨寄楊伯容

江城曉夜雨浪浪并作芳齋六月涼倚杖出門田父樂
題詩呼酒野人狂不愁戰地多兵甲遂喜豐年足稻梁
問訊草元亭上客竹林疎篔夢秋光

欽定四庫全書

御選元詩

卷五十七

早

秋暮會楊仲章

矮褐淒涼淹別館故人一見話綢繆溪頭水落魚龍夜
塞北雲深鼓角秋爛醉豈知猶是酒相逢誰謂不封侯
江湖明日重分手滿眼西風獨倚樓

清德晚歸

酒留詩戀意遲遲回到中塗已落暉小蹇引秋行落葉
老漁隈冷坐危磯山間明月隨人出松外閑雲伴鶴歸
試問夜深何處宿欲從山下扣禪扉

方學士招飲不赴

我在林間鹿與羣君為天上玉麒麟莫將綵樹燈前酒
來醉梅花月下人白屋不生三閣夢青山那識五陵春
行吟每到看松處自有漁樵作主賓

送張學諭歸三衢

穩泛靈槎訪斗牛未容歸伴赤松遊尊鱸此去無千里
雞黍相期在幾秋澌水月寒梅入夢繡湖煙淡柳分愁
春風莫問田園計須趁功名在黑頭

欽定四庫全書

御選元詩

卷五十七

四十二

夜泊蘭江

江山歷朗雪初融坐見宵分碧落空世景固知光霽少
人生多在別離中影隨月下成三友春到梅邊第一風
此夕此情聊復醉馬蹄明日又西東

秋日山中

不記秋風幾日晴偶來林下見雲生野梧半脫無多影
山雉驚飛忽一聲短錫引船僧渡水小輿聯擔客歸城
溪頭聽得漁翁說近日前村酒價平

秋日客中

久客歸來靜閉門
秋風落葉自紛紛
夜來一暖做成雨
早起滿溪流出雲
山色祇宜閒裏看
鴈聲那可客邊聞
黃花開遍歸無計
吟老秋光又幾分

富陽舟中

終日推篷對酒杯
漁郎隔浦櫂歌回
路傍古屋無人住
山下疎梅獨自開
幾處汀洲分鴈下
滿江風雨送潮來
白頭篙叟休相促
明日天晴上釣臺

欽定四庫全書

御選元詩

卷五十七

四十三

城中歸志喜

城郭多時得一歸
小園幽館雅相宜
種荷池暝便鷗睡
儲粟竝空慮鶴飢
兩屐苔痕人立處
一軒秋影月來時
靜中自得其中理
此意無人會得知

曉發金華

一帶寒林古木齊
濛濛山色亂雲迷
沿村問酒難尋店
隔岸呼舟欲渡溪
夜雨草深蛙鼓鬧
曉風花落子規啼
可憐客路多岑寂
何處垂楊駐馬蹄

村舍

幾村桑柘遠相連
村北村南小渡船
茅屋有緣臨水住
閒身無事看山眠
孤林欲暮鴉爭樹
一雨及時人種田
昨夜隣翁喜相報
今年依舊是豐年

春日過繡湖

湖上晴光麗物華
行行幽興浩無涯
林頭新店去沽酒
門外小盆來賣花
天氣已非三令節
春風多在五侯家
茅菴兀坐無餘事
靜看遊蜂報午衙

欽定四庫全書

御選元詩

卷五十七

四十三

病後自吟



地僻柴門少客過
寂寥生計奈愁何
秋來得雨涼偏早
病起緣詩瘦更多
鶴立露枝黃墮葉
鷗飛煙渚翠翻荷
幾回夢入江湖棹
笑看雲山卧綠蓑

御選元詩卷五十七

謹案卷五十七第三十三頁後六行穆爾古蘇舊

作邁里吉思今改

欽定四庫全書



總校官庶吉士臣侍 朝
校對官檢討臣蕭九成
騰錄監生臣朱文佐

欽定四庫全書會要

集部

御選元詩卷五十八

欽定四庫全書會要卷一萬八千四百七十

集部

御選元詩卷五十八

七言律詩十七

謝應芳

除夕和諸葛用中韻

盡道王門可曳裾青山吾自愛吾廬新年且醉屠蘇酒
舊業重修種植書堂上弄雛慈母喜階前繫馬故人疎
東風一樹梅花雪折得南枝報鯉魚

欽定四庫全書

御選元詩
卷五十八

陳伯大先輩偕邾中義陳容齋張子毅見過酒
邊以茶瓜留客遲分韻得茶字

白鶴溪清水見莎溪頭茅屋野人家柴門淨埽迎來客
薄酒留遲當啜茶林響西風桐墮葉雨晴南畝稻吹花
北窗幾箇青青竹題遍新詩日未斜

丹陽陳天倪及其弟剛中奔牛陳心遠諸羽士
避兵洞庭山寄此代簡

洞庭林屋聚羣山問訊曾逢賣橘船湖上白魚多滿尺

詳校官原任主事李斯咏

山中朱果不論錢仙家犬吠雲連屋澤國龍吟月滿天
辟穀有方煩寄我吾將多與世人傳

顧國衡萬戶席上與乃翁及元璞長老數客把
酒賦詩各成七言四韻

客來寒食清明日每日清風醉玉山絲筆醉題鸚鵡賦
寶香頻爇鷓鴣斑簷前脩竹翠欲滴池上小桃紅更殷
按得錦箏新製曲隔花黃鳥共間關

子英云玉山顧隱君今於同里法喜寺樓居日

欽定四庫全書

御選元詩

卷五十八

鈔佛書至午而止餘暇則吟咏不輟雖親舊來
訪亦不往谷焉余因子英復去作此代簡

客來喜得平安信蕭寺樓居日掩扃湖近浪搖窗影白
地偏苔沒屨痕青羣賢方結蓮花社小楷猶鈔貝葉經
歲晚扁舟歸甫里好尋漁父過寒汀

奉寄楊鐵崖先生

光範門前三上書先生曾為發長吁畫橋楊柳藏書屋
鐵笛梅花落酒壺偶過故人論北海相思一夜夢西湖

由來海內誇長句肯寄浮家野老無

再和韻寄趙彥深

平原公子午橋莊草木當年雨露香桂樹不嫌招隱士
桃花應喜識漁郎錦茵醉酒冬宵暖冰檻垂綸夜月涼
我亦欲拈橫玉去為君三弄踞胡牀

寄章彥復

蘭省歸來日未斜閉門塵靜似山家教兒楷字謄詩彙
遺客生綃寫墨花太伯祠前人走馬姑蘇城上樹棲鴉

欽定四庫全書

御選元詩

卷五十八

知君觴處多懷古忍聽吳趨唱小娃

和陸宗魯韻贈夏師魯

百斛葡萄賸有餘一官不換只閑居窗含煙氣虞山近
門掩秋聲栗樹疎鴻鴈去來知幾度雞蟲得失竟何如
丈夫高蓋非無日聊遣閑情賦子虛

過震澤留別智愚隱長老蘇昌齡先生

淞江太湖春水生湖邊白鷗尋舊盟遠公沽酒壯行色
坡老賦詩慰別情燕子日長書屋靜柳花風颺釣絲輕

相過不負青山約一櫂夷猶兩日程

劉旭齋過婁江客舍作詩贈之

正欲題詩寄草堂遠勞移櫂過滄浪十年同飲三江水

一笑相逢兩鬢霜田野無人鴉種麥漕渠通海蟹輸芒

憑君莫話悲秋事且復持杯送夕陽

馬公振以久雨懷思作詩見寄適千墩諸友朋

為謀道旁之舍因和及之并發巨浸之歎云

芳草萋萋春復春花應笑未歸人數椽矮屋清溪曲

欽定四庫全書

御選元詩

卷五十八

四

一箇扁舟綠柳津且與往來乘款段從教圖畫上麒麟

老妻頗勝劉伶婦不惜春衣典酒頻

次韻荅許君善

小徑迂回草欲迷村居如在瀼東西為煎新茗頻敲火

自掃殘花恐汚泥白首十年吳下客傷心千古越來溪

羣賢何日能相顧重為湖山一品題

和陳思忠過王德修草堂

曲塘柳岸似蘇堤編戶菑畬比鄭陂春日鶯花圖畫裏

秋風雞黍古人期開樽許共傾蕉葉出妓應教舞柘枝
老我杖藜慵出入草堂遙望為題詩

黃宗禮

星查池館東牀客冰玉襟懷我所知百榼葡萄春澁澁

一闌芍藥畫遲遲門前送却催租吏枕上還吟夢草詩

只恐繡幃人早起又催京兆畫蛾眉

寄題無錫錢仲毅煮茗軒

聚蚊金谷任葷羶煮茗留人也自賢三百小團陽羨月

欽定四庫全書

御選元詩

卷五十八

五

尋常新汲惠山泉星飛白石童敲火煙出青林鶴上天

午夢覺來湯欲沸松風吹響竹爐邊

贈董明府惠炭

范叔寒多正不禁烏薪重惠比烏金賒來脫粟忙炊粒

留得焦桐好製琴環堵一龕春盎盎麗譙三鼓夜沈沈

硯池冰釋龍香暖寫我朝來抱膝吟

徙居橫山口號

為愛橫山山水清山前築室小溪縈老夫枕石看雲臥

兒輩求田候雨耕古井寒泉龍有宅孤村夜月犬無聲
廿年兩眼風塵暗猶喜如今見太平

重遊虎丘寺

不謁閭丘謁虎丘幅巾藜杖興悠悠飄蕭白髮三千丈
來往青山八十秋寶地近曾為戰壘劍池今復屬禪流
老松知我題詩意也學生公石點頭

次韻自述

百年有限恥求仙數口無飢賴薄田菰米熟來連日雨

欽定四庫全書

御選元詩

卷五十八

菊花開到小春天方從易外窮義畫無復詩中泥鄭箋
客至酒杯時一舉開籠放鶴舞蹁躚

過顯慶寺

六載重來釋氏家一甌新啜趙州茶杏花風後春何冷
柏子庭前日未斜拄杖賴能無潦倒闕文煩為補楞伽
要聽說法頻來往且喜平橋路不賒

懷詹伯遠

蚪蚪殘書補未全齋居一榻坐來穿楊花繞屋白如雪

溪水出湖青接天冠蓋不來騎馬客鷗鳧長傍釣魚船
多時欲問平安信伏日題詩寄竹邊

次韻送秦文仲歸海上

漂水先生挽不留故山回首鬱相繆落花飛送九年客
行李歸來一葉舟勲業鏡中成白首耆英會上冠清流
獨憐詩社今寥落無復尋盟集舊鷗

沈貞

湖上

欽定四庫全書

御選元詩

卷五十八

遠水晴山湖上村柳花飛雪擁柴門魚吹浪沫翻萍葉
鳥浴隄沙糝草根獨老一區揚子宅誰爭三里謝公墩
清吟冷館無聊賴皓首空招楚客魂

張庸

揚子江晚泊與同舟劉伯瑾諸公

東郭倦客家何許北固鐘聲暝却聞小汛候潮船已泊
上弦看月鏡初分憑君貰酒酬三益且自題詩咏五君
謾憶南湖垂釣處磯頭新水綠生紋

錢應庚

閏正月得復孺先生見教去冬寄懷之詩謹次

韻奉荅

忽見新詩慰闊疎好懷憐爾獨思予無由橫柳同垂釣
依舊庄山借讀書自惜交情嗟老矣即今世事轉紛如
西園寂寞梅花路腸斷春風處士廬

雅安

題破窗風雨圖

欽定四庫全書

御選元詩

卷五十八

八

幽人高臥窗仍破其奈蕭蕭風雨何寒襲書帷秋氣重
潤侵衣桁夕陽多挑燈看劍聞雞舞貫酒連牀待客過
不道有人青瑣內春風隨夢入南柯

周棐

寄沂陽劉廷鎮負外

故人相與最從容尚憶論詩向夜中白首無家千里別
青山何處一尊同夢回孤館燈前雨目斷西風塞上鴻
誰識離懷愁絕處野亭依舊穆陵東

秦衡

題燕穆之楚江秋晚圖

幾聲哀角起寒譙一夜青霜脆柳條浦溆未明滄海日
客帆應發楚江湖山經太白西來險鴈轉衡陽北去遙
愧我無才重弔屈忠魂千古有誰招

華仲庸

暮春山中即事

欽定四庫全書

御選元詩

卷五十八

九

翦翦東風生曉寒羣芳搖落自愁看牢籠詩景無神句
點檢花枝有月丹布穀催耕知雨足杜鵑啼血怨春殘
光陰代謝如彈指短髮刁騷不受冠

姜文震

題秀野軒

間君溪上結幽居地僻時通長者車山愛夕陽留几席
竹因涼雨潤琴書碧香蟻嫩新筍酒白味羹分小艇魚
我亦有家山水窟十年無地著茅廬

江輻

竹深處詩

萬玉深中構草堂風清幽致逼瀟湘羣龍垂影秋無際
獨客高吟興正長雲壓四簷飄翠雨暑消三伏墜元霜
清芬不許紅塵入寒溢苔花滿石牀

魏奎

秋日訪友席上賦錄似耕漁

開遍芙蓉菊未花杖藜隨意踏江沙水雲遠接青山色
林木深藏處士家酒熟一尊香漉蟻詩成兩袖墨塗鴉

欽定四庫全書

御選元詩

卷五十八

十一

兒童安識吾徒樂只聚飛蚊醉館娃

金信

赤松山

桃源洞裏時一到紫雲觀前今始遊黃冠洗藥丹井水
白羊化石青松丘丹光半夜赤於日天氣五月涼如秋
竹皮之冠小鶴髦何以真我神仙流

周衡

秀野軒詩

背郭幽居如畫裏斷林春水綠迴環樹連煙外啼猿寺
門對湖中過雨山送客馬嘶清蔭去鈎簾鳥度亂花還
十年奔走風塵際肯借凭闌一日閒

客中九日呈良夫先生

疎疎冷雨濕重陽遙對青山舉一觴白髮又饒今日醉
黃花仍送去年香只宜覓句醉秋意莫作登高望故鄉
不有幽人相慰藉客中那得散淒涼

丘處機

欽定四庫全書

御選元詩

卷五十八

十二

題天壇二首

峩峩峻嶺接雲衢古柏參差數萬株瑞草不容凡眼見
靈禽只傍道人呼鑿門洞府羣仙降煉就丹砂百怪除
福地名山何處有長春即是小蓬壺

四面諸山若附庸突然中起最高峰每看晴日移壇影
常說寒潭臥黑龍沆瀣要和千歲藥茯苓先斲萬年松
擬尋活計參真趣又隔煙蘿第幾重

初入峽門

入峽清遊分外嘉，羣峰列岫戟查牙。
蓬萊未到神仙境，洞府先觀道士家。
松塔倒懸秋雨露，石樓斜照晚雲霞。
却思舊日終南地，夢斷西山不見涯。

至回紇城暇日出詩一篇

二月經行十月終，西臨回紇大城墉。
塔高不見十三級，以甄刻縷玲瓏外無層級內可通行山厚已過千萬重。
秋日在郊猶放象，夏雲無雨不從龍。
嘉蔬麥飯蒲萄酒，飽食安眠養素慵。

梁大柱

凝神庵

庵廬占勝倚巖扃，中有高人謝俗名。
書卷獨存標月指，松風聽擬瀉潮聲。
袖磨銀鼠花生纈，墨洒金鸞草間行。
回首浮榮空一夢，潮光蘸碧遠山橫。

張嗣德

灤京八景 錄二首

龍岡晴雪

陰山積雪亘春秋，霽景玲瓏燦十洲。
玉展畫屏當黼扆

翠凝香霧繞龍樓，吟懷暖動鼠鬚筆。
酒力寒輕狐白裘，清暑年年動游幸。
冰壺六月坐垂旒。

灤江曉月

灤江曉月漾琉璃，皓景沈沈碧海西。
監牧平沙時洗馬，趨朝青鎖政聞雞。
鐘聲破霧騰珠刹，橋影垂虹枕玉溪。
夙德詞臣勞扈從，恩承紫誥又春泥。

馬臻

越中言懷

分甘茅屋老蒼苔，不是明時棄不才。
避社燕歸楊柳合，趁虛人散鷺鷥來。
半江落日明漁浦，兩岸回潮掠釣臺。
吳越爭雄俱一夢，年年杜若滿汀開。

初春即事

東風又到武林城，靜裏看春各有情。
怕說利名多晝睡，愛尋山水每閑行。
傍人冷笑營巢燕，求友翻憐出谷鶯。
世事不窮時易失，翠微深處夕陽明。

貴公子

麝沈灰暖瑞煙輕十二闌干轉畫屏翠袖閑調鸚鵡語
牙牌分勝牡丹名半垂簾幕因春冷未放笙歌為宿醒
颭颭流蘇風不定隔牆時送賣花聲

春日寫望

遠山重疊限空明淡拂生綃絕點塵半舸夕陽喧酒客
一樓寒色倚詩人早鶯懷舊隨時至芳草無情著處新
却憶城中有貧者杏花開盡不知春

寄越上友人

分袂沙邊兩歲餘生涯別後竟何如雲迷禹穴無來信
秋隔吳山有故居思斷碧天江漠漠吟低白日雨疎疎
郊墟昨夜新涼入珍重佳兒好讀書

擾擾

擾擾行塵應接勞絲來斥鷃樂蓬蒿胸中丘壑開圖畫
霞外光陰託酒醪未必漢廷疎四皓至今吳地祀三高
功成便合謀身退緱嶺春風正碧桃

春日閒居二首

滿院春陰半掩扉杏花猶怕曉寒欺
蘇痕帶露侵棋石山影分雲落硯池
貧久家僮生去意社遲梁燕阻歸期
詩成一餉無人說芳草連天寄與誰

數峯青處敞蕭齋自斫楊枝傍水栽
問字無人攜酒去消閑有客抱琴來
遙汀風急鷺雙起古岸日斜花亂開
袞袞光陰堪一笑城頭畫角為誰哀

送梁中砥歸句曲

家住華陽第幾峯又將琴劍去匆匆
地浮雲氣連山白露浴丹光入夜紅
千里音塵隨斷鴈百年聚散類飛蓬
吳頭楚尾關春恨盡在鶯聲柳色中

楊花

品題曾入百花名長恨濛濛畫不成
灞岸雨餘黏穗溼章臺風暖撲人輕
緩隨流水知無力閑度高樓似有情
想得山齋清影裏亂和蛛網惹柴荆

蝶

曾隨秦女踏青陽幾被鶯捎出建章
芳草夢寒迷碧色

杏花雨細宿紅香粉凝薄翅春無力恨入脩眉晚斷腸
寄語莫尋歌舞處五侯門第有高牆

雨久江邊餞別

別意千重酒暫停放歌一曲向君聽家貧禮數多相失
雨久支干盡不靈古巷聚人祠櫟社暮潮催客散樟亭
孤帆又傍誰家宿遙見沙田燐火青

新州道中

風沙渺渺客聯鑣時拂吟鞭慰寂寥車馬綠綠酸棗樹

欽定四庫全書

御選元詩

卷五十八

十六

野田青蔓苦瓜苗杜陵老去家何在阮籍愁來氣不驕
自笑閑人閑未得得閑終合隱漁樵

汶上即事

北關言別柳飛絲記得離家月又圓華髮流年身半百
黃塵匹馬路三千戍兵自裹錐糧送津吏遙迎傳驛眠
一夜南風吹汶水古榆深巷已聞蟬

旅興

客中白日送青尊燈下裁書眼漸昏南浦一年雲隔夢

西風萬里月當門酥凝瓔椀茶膏熟火慢筠籠楮被溫
未覺情懷殊冷落終身衣食是皇恩

回南

家在錢塘江上春京華投老獨漂零玉泉山外雪猶白
金水河邊柳又青帽底流塵春冉冉花間行李髮星星
分明記得經遊處一路吟詩寫驛亭

途中寒食

行裝迢遞轉孤城一路閑吟緩客程潑火雨晴錫粥冷

欽定四庫全書

御選元詩

卷五十八

十七

落花風暖筍輿輕感時已悟莊生夢遺俗空懷介子情
只有啼鶯解人意平蕪漠漠兩三聲

野外

野外蕭條景更佳牧童將犢臥晴沙白鷗長遶分魚市
紅杏深藏賣酒家倦向客程添懊惱老看春事厭紛譁
田翁也學青門隱料理荒畦自種瓜

謾成

暖催花雨溼行塵脈脈憑軒欲損神閑憶少年如昨日

只疑樂事是前身黃鸝紫燕春仍好剩水殘山物自新
可惜白鷗波浩蕩扁舟老却釣魚人

春日獨坐言懷

昔日歡娛憶此身名園歌舞接芳辰
蟄雷夜送催花雨香逕春迷鬪草人
合省樓臺形勢壯風流鶯燕語言新
眼前舊物渾狼籍休怪提壺勸客頻

桃花

淺碧繁紅又滿枝化工消息本無機
豔滋曉露鶯搖落

欽定四庫全書

御選元詩

卷五十八

十八

香漬春泥燕掠歸金谷園中芳草在
元都觀裏昔人非自從雲隔天台路
劉阮如今夢亦稀

行春

行春無侶自遲留汀草汀花暖更稠
馬接近來成矍鑠謝安應合減風流
乍驚語燕穿人屋無賴游絲絆客舟
老我光陰忽如此不拚尊酒復何求

閒居自遣

喜無軒蓋款柴荆靜裏天機見物情
德愧王良千里馬

食無婁護五侯鯖海翁豈為鷗防慮
稚子休烹鴈不鳴一笑行藏頭已白
新涼又到讀書檠

送楊仲弘之京

迢遞官塘官樹陰征鞍催發短長亭
荆吳雨漲河流白齊魯春歸岱嶽青
玉宇風雲開北極金臺日月聚文星
近聞下詔求賢急劉向終須論五經

和仇仁近歲暮見寄韻

瑤琴三疊此心閑目送飛鴻信手彈
千里故人行自遠

欽定四庫全書

御選元詩

卷五十八

十九

一聲白雪和應難賀公歲晚稱狂客
鄭老才高只冷官且向吟邊了身世
西山暮雨卷簾看

越上感懷

曾負琴書到越中別來三十五秋風
江山有待容回鴈歲月無情類轉蓬
禹穴荒煙寒木老鑑湖舊水野田空
騎鯨人去知何在擬向沙邊問釣翁

山居寫興

人事喧喧任奕棋青山數畝是歸期
分將藥草鋤雲種

買得松杉趁雨移，老去故人多入夢。愁來閑事總成詩，芒屨布鞵身猶健。十里莎隄信杖藜。

幽居

一徑荒涼長碧苔，竹門斜對遠山開。自操清白傳家譜，不受青黃致木災。穴鼠苦銜詩豪去，溪螿喜薦酒尊來。東籬滿地金錢菊，多謝西風為翦裁。

和山村見寄詩二首

休將野服染緇塵，大患須知為有身。藥餌任從留過客，是非終不到閑人。山中相隱懷弘景，谷口躬耕羨子真。午睡醒來春事晚，枝頭梅豆已生仁。

欽定四庫全書

御選元詩 卷五十八

十一

不成一事鬢先皤，朋友惻惻喜琢磨。千里音書歸鴈少，滿城風雨落花多。迸階新筍微過竹，脫繭春蠶欲變蛾。惆悵少陵身老大，壯心激越醉時歌。

秋日閑詠

西湖晴雨畫圖間，坐倚闌干自解顏。無酒可供千日醉，有錢難買一生閑。草衰春色來時路，鶴宿秋聲起處山。

橫笛吹殘天又晚，釣舟燈火入蘆灣。

吳全節

崇禧觀

曲林古觀水西流，天遣皇華駟玉虬。高士遠分龍虎派，哲人久伴鳳皇游。樓臺山色三峯曉，池館泉聲五月秋。雲篆凝香浮洞府，坐令和氣藹丹丘。

送原功太監南歸

漸覺文星闕下稀，奎章兩見送行詩。渭城朝雨歌三疊，湘水秋風賦九疑。國典細金藏鳳闕，詞臣步玉即龍墀。席前時有蒼生問，可向江南久別離。

送虞伯生使蜀

送別應思舊所經，秦川花柳短長亭。三峰高拊仙人掌，萬里先占使者星。錦水東流江月白，潼關西去蜀山青。當年不盡登臨意，待爾重鐫劔閣銘。

題饒氏雨樓

夜夢蒼虬遶屋梁，曉看飛雨灑浪浪。潤涵琴調清風遠。

欽定四庫全書

御選元詩 卷五十八

十二

涼入書聲白晝長翠壁凝雲流石乳綠疇翻浪沃金穰
何時翦燭西窗下却聽檐花共醉鄉

題葉氏四愛堂

方今文采重奎章光照芝山四愛堂梅蕊春融冰雪界
蓮花晚靜水雲鄉湘纍往矣蘭為佩陶令悠然菊泛觴
千古高風猶一日迢迢歸夢楚江長

玄妙觀

榴皮書壁走龍蛇池上芭蕉又見花北闕恩承新雨露

欽定四庫全書

御選元詩

卷五十八

三

西湖光動舊煙霞春風日長元都樹秋水星回碧漢槎
修月功成三萬戶蕊珠宮裏誦南華

季境舍人歸維揚朝中名公各贈以詩看雲八

十翁閒閒吳全節作唐律一首以授之

相君五馬牧饒時玉樹秋香生桂枝日麗鳳毛延世澤
風培鵬翼運天池平山堂北看紅藥析木津頭識紫芝
文獻通家遺一老塗鴉贈別寫烏絲

繫禧觀

門前流水泛桃花回首蓬山別一家曾把金莖餐沆瀣
閒揮玉麈看琵琶火存丹鼎春長好卷掩黃庭日欲斜
心與江湖天共遠大開瀛海駐吾槎

子昂諸賢賦天冠山五言詩二十八首模寫已
盡矣余遂作唐律一章題卷尾云

青山特地聳天冠聞說羣仙駕紫鸞浮世黃金空白髮
倚雲蒼玉尚元壇松根怪石千年化檜頂飛泉六月寒
弘景定辭神武去鷗波浩蕩錦江干

欽定四庫全書

御選元詩

卷五十八

三

壽慶堂

堂成仙子捧流霞文物衣冠見世家江上青山如玉壘
山中白石亦金華雲連壽櫟千年樹日映蟠桃幾度花
天府歸榮傳錦里行看丹鳳降黃麻

薛元曦

送文郎中奉使交趾

天子龍飛統萬邦玉符封檢下殊方遠人盡是雕題獠
奉使唯應粉署郎翡翠飛時銅柱濕鷓鴣啼處石門荒

炎風苦雨煩珍重，萋葉檳榔取次嘗。

送陳都事使雲南兼寄李仲淵廉訪

送君銓選使滇池，部落諸賢想自題。明月先經夔子北，長風却度夜郎西。山橫塞雨驂騑滑，花發蠻雲杜宇啼。為問霜臺李廉訪，白頭官滿尚羈棲。

宋顯父祕書惠海子北門之什次韻答之

得君佳句見君情，春半閑從海上行。紅杏啼鶯沙苑遠，綠楊嘶馬漢堤平。玉山地勢連雙闕，金水河流注夾城。

欽定四庫全書

御選元詩

卷五十八

五

萬乘以仁懷遠，過遊觀宜著魯諸生。

送朱本初之玉隆堂

西山紫翠簇芙蓉，師住逍遙第一峯。慎勿挽弓思射鹿，祇須鑄鐵學降龍。閒穿曉月鉏靈藥，醉拂秋風臥古松。應憶京華舊遊處，蓬萊坊畔五雲重。

題劉京叔歸潛室

獨構茅堂養道真，滿前俗事罷紛紜。磻溪夜釣波心月，汾曲春耕隴上雲。長笑熊羆勞應夢，直教猿鶴怨移文。

近來傳得安心法，萬壑松風枕上聞。

萬歲山次韻

萬歲仙山聳碧空，廣寒春殿最當中。橋連綺石通三島，路透銀河接兩宮。柳拂甘泉巢翡翠，花凝太液下冥鴻。年年此地經遊輦，自是承平樂未終。

張舍人遙碧樓

西北高樓入九天，楚雲吳樹淨娟娟。玉浮翡翠流青草，金削芙蓉列紫煙。方匱尚藏周典禮，故家猶繼漢神仙。

欽定四庫全書

御選元詩

卷五十八

五

想應公子登臨處，明月吹笙彩鳳旋。

慶黃晉卿任江浙儒學提舉

憶昨追隨到上台，鼇頭先奪錦標回。道人獨寶籠鵝帖，天子曾驚倚馬才。禮以二儀宗太極，名因三賦重蓬萊。只今教雨司吳越，絕勝文翁化蜀來。

大駕度居庸關

居庸雄據萬重山，南北門分作漢關。鼓角動時森虎衛，旌旗行處識龍顏。禪宮路轉風煙合，御苑春深草樹閑。

待得長楊圍獵罷又隨車騎此中還

次韻王侍郎上都見寄

灤水東風淨物華石鼇峯下駐仙車清明草檢歸黃閣
勝日開筵近紫霞萬戶砧聲聞別館九天秋色落誰家
仙郎賦罷長回首南去還乘八月查

寄贈華陽洞隱者

歸去華陽古洞天高情蕭爽絕凡緣牽蘿石壁書紅葉
散髮雲林臥紫煙長史玉經何日降隱居真訣至今傳

欽定四庫全書

御選元詩

卷五十八

三

江東却擬尋君去合景回風問上元

黃石翁

碧桃

洗盡嬌紅出翠帷玉人無語背斜暉綠華前度通仙譜
天水何年染素衣宴罷瑤池春夢斷影寒姑射夜深歸
禁煙時節多風雨莫遣繁英一片飛

張雨

馬塍新居

浮家泛宅意何如玉室金堂計未疎歸錦橋邊停舫子
散花灘上作樓居澹然到處自鑿井元宴閉關方著書
但得草堂資便足人間何地不樵漁

西湖放燈

共泛蘭舟燈火鬧不知風露溼青冥如今地底休鋪錦
此日槎頭直掛星爛若金蓮分夜炬空于雲母隔秋屏
却憐牛渚清狂甚苦欲燃犀走百靈

次韻段推官觀潮

雪濤卷入白螺杯雲夢吞將濫灑堆陳馬直從天漢落
颶風先自海門來青山一向開銀壁黃纒中央立露臺
好在畫圖留壯觀江頭白首不堪回

次韻虞公和斷江和尚種松

松下微吟愜病悰支離潦倒似支公頂因巢鶴翻成結
心為依禪畢竟空陸子壇前春古淡葛洪井上雨青葱
茯苓乞與楊員外誰復緘詩過浙東

遊華藏寺

欽定四庫全書

御選元詩

卷五十八

五

湖上亂峯如髻髮湖邊才子駐春鞍霜餘鸚鵡沙汀淺
日落麒麟墓道寒古僻風篁無盡意清尊雲海有餘歡
遠遊未羨鴟夷子直向飛仙乞羽翰

題雪景三香圖二首

春雪無聲入畫堂東風渾似北風涼
祇緣何遜題詩少信是徐熙落墨強
青鳥下迎羅襪步蒼髯來近玉臺妝
庄廬也入幽閨夢睡裏山花各自香

雪羽飛來雪意濃國香狼籍暝煙叢
倩誰與翦吳淞水

欽定四庫全書

御選元詩

卷五十八

元

愛爾能吟柳絮風翠袖佳人玉跳脫
平頭奴子錦熏籠
劍南畫手看前輩著粉施朱或未工

范以善雲林清遠館

華陽范監居幽眇不到元窗未易逢
山氣半為湖外雨松聲遙答嶺頭鐘
常聞神女騎龍過亦有仙人控鶴從
安用乘流三萬里小天元在積金峰

舟次瀟湖用柳博士夢薛元卿詩韻寄倪元鎮

兼懷鄭明德

遠思重逢茅小君香銷酒盡路三分
五湖歸思浮天水一霎秋陰過雨雲
柳子篇章渾可法花奴絃索共誰聞
惟應自洗唐溪石填得金泥小篆文

次韻劉伯溫御史春遊

草木幽馨澗道微白雲拄杖去如飛
獨尋玉女洗頭處相伴仙人採藥歸
幾疊翠微深杳杳一簾紅素亂霏霏
何堪酒債兼詩債老却江南白苧衣

題范德機編修東坊橐後

一編上有東坊字慚愧詩中見大巫
直想瘦生如飯顆竟從癢處得麻姑
咸池水淺孤黃鸝空谷天寒病白駒
擬共風流接尊酒祇愁塵土沒雙鳧

三月病懷

煮藥香中聽雨眠都緣未熟養生篇
雪消春水深三尺日上花陰過幾甌
世事悠悠高枕外衙門寂寂暮霞邊
自慚病鶴摧頽甚却顧雲霄意悄然

吾愛吾廬

吾愛吾廬聊復爾眼前白石與蒼苔水從林木陰中過
風自房櫺曲處來薄有餘情歸竹素竟無長物受塵埃
先生閉戶成真嬾詩債敲門不厭催

乙亥二月還錢塘書懷寄劉師魯

黑頭時與王孫別春草又生天一涯貧甚馮驩猶有缺
歸來丁令已無家葑田湖窄殘舟少墓道山荒剩屋斜
還憶菌巢書數卷雪麋應護手栽花

雪麋元洲白犬名也

十二月五日雪晴

欽定四庫全書 御選元詩 卷五十八 五
日光玉潔千峰立快雪晴時一氣凝當畫爐亭催埽巷
犯寒魚榜借收冰松皮石裂號飢鼠窗隙塵消觸凍蠅
青茁菜芽渾可愛倩誰春飲卷紅綾

鐵笛道人新居日書畫船亭作詩以寄

蘇州去訪揚雄宅近水樓居似月波東府官曹知者少
西山爽氣望中多臺招天上仙人鳳池養山陰道士鶴
誰和涼風吹鐵笛莫愁艇子柳枝歌

荅董子羽見寄

清都間已住多年鶴駕鸞驂與後先閭闔五雲宮樹暖
蓬萊初日羽衣鮮神仙翰墨唯皇象史館人材總孟堅
天上春風如舊識殷勤吹送寄來篇

再次韻實剌巴勒郎中春遊二首

楊柳三眠午未醒楊花飛雪散星星海中蜃氣春浮島
月下胎仙夜降庭尺素書來雲錦織紫鱗躍處浪紋腥
樓前政有三珠樹翦斷西山一半青

鄰近桃源雞犬家不緣迷路得看花衣裳總溼三危露

欽定四庫全書

御選元詩

卷五十八

五

服食惟消五色霞鶴塚浪磨崖上字漁舟潮閣渡頭沙
石盤棋子都狼籍莫向人間問歲華

八月十五夜待月

移牀露坐閑臨水浴鵝灣頭足芰荷秋已平分催節序
月還端正照山河老憐宋玉生悲思狂憶桓伊作浩歌
雲漢茫茫一卮酒白頭慚愧古人多

碧筒飲

採綠誰持作羽觴使君亭上晚尊涼玉莖沁露心微苦

翠蓋擎雲手亦香
飲水龜藏蓮葉小
吸川鯨恨藕絲長
傾壺誤展淋郎袖
笑絕邪溪窈窕娘

上京賜宴王眉叟有詩次韻

從事何緣過草堂
行都遣賜玉壺方
遠勞使者紅塵騎
爛煮仙家白石羊
中聖敢辭千日醉
承恩獨許四明狂
金莖賸有三清露
潤及葵心向太陽

次孫大方仙興詩韻

仙仗來時瑞霧屯
真人玉女侍靈軒
亭亭珠穗香煙直
爛爛扶桑玉色溫
花雨埽塵鸞帚溼
島雲承轡蜃樓昏
至今星斗天壇夜
望拜青都虎豹門

送人之茅山

挑竹齊眉草屨柔
江雲曉溼木棉裘
茅山一去五百里
楚月相望十二樓
林下甌香黃獨月
松根鉏冷茯苓秋
藥瓢料得歸來滿
多病微軀我亦求

雨裏郭子昭御史

洞戶靈雲晝不開
大茅南面水縈迴
深山此日蛟龍喜

舊雨故人驄馬來
澗道浮槎高寄樹
石幢陰篆溼生苔
銷愁底用金陵酒
賸引窪尊枕瀑雷

次韻荅吳興黃伯成

行盡松陰黃葉株
三义路口問茅廬
青山對語惟捫蝨
落日催歸獨跨驢
土木形骸嵇叔夜
波瀾文字木元虛
殘年記得相存問
莫道天寒無鯉魚

丹陽道中觀稼

行遍山東黃葉村
縱橫草路細難分
荒雞戶暗蟪蛄月
落鴈天黏穉稭雲
下澤車傍縣酒榼
延陵詞畔讀碑文
空山更覓牛羊逕
入獸依然不亂羣

賦西塞山送趙季文湖州學錄

往來苔雪舊山川
流水桃花思杳然
溪女浣紗春雨後
仙人把釣夕陽邊
漁歌未用朝廷覓
惠政先繇隱逸傳
不信青衫浣塵土
水晶宮裏住三千

猿臂笛

三峽家山已隔生
一枝玉骨尚堪橫
攀援遠似穿雲曲

吟嘯高于噴竹聲
栗葉霜黃天竺夢
梅花春老玉關情
伶倫且為相娛樂
誰問將軍善射名

夏商隱還京師

扈蹕行營三十載
王門不肯曳長裾
閑從角里先生飲
與說圮橋父老書
花外飛丸紅叱撥
月中采藥玉蟾蜍
殘骸尚有刀圭分
會向南山訪敝廬

和率性大滌十詠 錄四首

鳳洞

第幾峯前蒼玉洞
何年于此鳳求皇
梧枝宿久毛皆變
竹實餐多髓亦香
露溼紫苔春似錦
月明丹穴夜生光
我亦鷄行舊儔侶
雲中有路共回翔

翠蛟亭

誰見蒼龍劈石開
此峯元自勝飛來
闌干截斷山頭雨
巖巖翻將地底雷
寒甚祇疑雲是雪
霜餘每恨葉成堆
坡仙獨對無言說
慚愧搜詩日幾回

丹泉

涵渟萬象一泓中
欲探靈源未易窮
丹窖久埋泉眼赤
珊瑚長浸石頭紅
評來水味羞揚子
收拾砂牀贈葛洪
一醉流霞三萬日
年年分給羽人宮

天柱峯

此峯屹立浩無前
信是人間別有天
銅柱何煩天北際
蓬山寧在海東邊
采樵巨弱多無骨
擣藥靈禽或是仙
老我不能為狡獪
峰頭看月幾回圓

金陵僧來聞笑隱住持事繁風雨有懷

憶曾共坐繡經石
語我松華壓酒方
一自宜城居輔國
幾時天竺話連牀
栖栖春草元桑楚
歷歷風鈴替戾岡
乞得江東今夕雨
與君聊洗夢中忙

封蓋浮屠
爵秩之始

閏三月三日北山看花不與盟

應笑黃花厄閏時
後三仍復負芳期
老無劉几簪花分
閑有陶潛止酒詩
穀雨中先紫筍鬱岡
山口足黃鸝
韓湘自債奴星去
袖得瑤臺第一枝

盧大雅

舟中寄散木張外史

擢郎催踏春溪舫阻我辭君散木亭
江水未應春去漲鄉山偏向別時青
煙波釣艇新衝雨河漢仙查舊犯星
輸與仙都吉居士一簾山雨聽鶉經

薛毅夫

毛道士石田山房

數畝依山宅一區喜存硃碯勝膏腴
近因辟穀懷黃石也復耕煙種白榆
玉氣潤多山水秀松雲飄盡鶴巢孤
會當脫屣從師去乞取青糲顆顆珠

荅虞叔勝用文靖公韻

青城文思涌波濤子復長吟海上遨
瞻望白雲歌伐木記從瑤島得餘桃
百年風雅誰能記萬里煙塵共此逃
不是菊花知節序一杯負却蟹雙螯

富恕

垂虹

坤軸東南岸兩端巨靈擘華壓平川
玉鯨偃蹇吞三峽彩蛻連蜷落九天
有客吹蕭明月下何人曬酒大江前
闌干三百風煙晚獨立蒼茫歌洞仙

于立

簡玉山

我離城中五十日念子終日不相忘
驛回隴首梅未發鴈過沙頭書幾行
田間雞黍酒正熟霜後園林橘半黃
亦欲歸栖同一笑酣歌不減少年狂

次友人韻

落日晴江好放船西風滿棹未須牽
鯨鯢已靜波澄海鴻鴈初來水接天
過眼風光如隔夢近人風月也堪憐
歸來尚有黃花在暫醉佳人錦瑟前

伏

留題雲巖寺

閩閭陵谷是茲山往往遊人不厭看
草長荒丘曾虎踞藤牽古木作龍蟠
七層窳堵穿雲破百尺輓轡翻水寒

今古入吟無限意海天秋色滿闌干

圓至

送建昌黃綺秀才踰淮教授

還山羞聽紫芝歌旅館千門講四科絳帳未懸知己少
黑裘漸敝閱人多秋風白下沾巾別落日青淮照影過
莫對飯盤嗔首宿桑榆雖暖易蹉跎

英

夏晚泛湖

欽定四庫全書

御選元詩

卷五十八

三

楊柳陰中艤小船芰荷香裏聳吟肩雷聲驚起雲頭雨
塔影倒搖波底天羣鷺遠明殘照外一僧閑立斷橋邊
菱歌裊裊知何處滿袖清風骨欲仙

客夜憶傅森

深夜相思浣水邊情懷堪恨復堪憐雲山千里書不到
風雨一樓人獨眠蛩帶秋聲吟壁下鼠窺燈影出窗前
去年記得西湖上醉倒荷花香滿船

善住

春杪登蘇臺

獨上高臺小凭闌荒城寂歷水雲寬連天芳草雨初霽
滿地落花春又殘白髮不生還亦老青山無事且須看
吳王伯業消磨盡江鳥呼風野樹寒

送人還山

茅茨拋在翠微間即粟橫肩又獨還松樹別來巢鶴大
銅瓶歸去整龍閑西風黃葉埋寒徑落日青猿叫亂山
後夜月明誰是伴枕前飛瀑響潺潺

欽定四庫全書

御選元詩

卷五十八

三

送人入杭尋弟及謁山村先生

之子難忘骨肉情遠尋仲弟入杭城好山半向舟中看
佳句多於枕上成驛路牛羊歸暮色江橋鼓角動秋聲
端淳者舊今無幾為問湖邊老淨名

過石湖

十月吳臯霜露零田家收稻滿柴局湖中浪擁銀花白
天末山橫螺髻青寒色亂雅飛笠澤夕陽衰柳並旗亭
何時覓得清遊伴更買扁舟過洞庭

登報恩寺閣

高閣閑登四望寬
青山極目倚雲端
水村漠漠連天遠
隴樹沈沈帶雨寒
罷馬嘶風春草徧
倦鴉歸堞夕陽殘
豈知大道平如掌
今古人間行路難

舟次江亭

歸思悠悠極渺冥
暫維舟楫並長亭
春江水暖蒲牙白
野岸煙銷柳眼青
鳴犢帶聲登廢壠
征鴻和影度遙汀
不知何處吹銅角
獨立天涯淚欲零

月夜

明河如練月如弓
涼葉蕭蕭下遠空
水國正秋無過鴈
苔堦終夕有鳴蟲
故人自隔關河外
往信猶存篋笥中
一盞青燈伴孤寂
夢回吹殺破窗風

京口

車聲軋軋輾紅埃
北馬南帆日夕來
淮甸雪銷江水漲
海門月上楚天開
堤邊行飯多逢柳
野外尋詩不見梅
會散金山即歸去
春風催我上琴臺

次山村先生韻二首

嚴陵臺下水潺湲
漠漠高風去不還
處士隱廬遺路側
永公書甕出松間
山田磽瘠民生儉
郡邑蕭條吏事閑
幾欲清遊身未遂
煙霞盤礴鬢毛斑

定起空山尚有星
悲茄杳杳上青冥
僻間燈暗鴉啼樹
池上月涼魚闖萍
文錦薦枰風字研
綵繩穿夾梵書經
舌端解使天華墜
爭似無言對翠屏

錢塘阻雨寄山村先生

客窗燈暗曙鐘殘
泥潦從衡路未乾
滿目雲山留我好
一樓風雨見君難
湖邊雪盡梅應早
吳下春遲麥尚寒
南渡者英久寥落
豈知猶有故衣冠

如鏡師翦竹四竿
植為蒲桃架其一
適活要予賦詩
遂作此以塞請云

蒼筤翦得出遙林
架就危棚近僻陰
柔蔓未垂珠落落
短梢先挺碧沈沈
月明亂影翻秋几
露冷清聲入夜琴
養取閑門表孤直
莫教容易俗塵侵

經故人所居

桃花灼灼柳依依院落荒涼畫掩扉石沼水乾魚逝久
杏梁巢覆燕來稀隴頭未說人澆酒世上先傳客賣衣
欲對東風寫離恨郡譙吹角暮雲飛

落梅

晴雪霏霏灑砌苔浪蜂欲去更徘徊空傳淡影浮歌扇
不送寒香入酒杯隴首故人千里隔江南驛使幾時回
翠禽莫怨高樓笛一度春風一度開

欽定四庫全書

御選元詩

卷五十八

四

春晚

矮窗日月無今古閉戶爭知春去來清鏡靜臨多白髮
好花閒看半蒼苔鼉傳鼓吹池塘雨茶展槍旗澗壑雷
海燕未回寒尚在暮雲重疊鎖崔嵬

苦雨

積潦橫流路不分滿空煙靄暗朝昏烏鳶跼蹐隴荒圃
風雨瀟瀟失遠村芻米價騰愁白屋管絃聲沸醉朱門
無言桃李參差放似怯春寒欲斷魂

自陽山歸舟中作

小麥青青大麥黃澗松風急夜聲長屨穿細路春泥滑
花落清渠野水香嶺上獨留雲作蓋村邊多見石為梁
楓橋寺轉閭門近回首西山已夕陽

山中

寂寥空谷久相容行道何須向別峯山腹引泉因煮茗
嶺頭乘雨為栽松倚天傑閣巢靈鶴徹海澄潭臥毒龍
樵客豈能知住處草堂終日白雲封

欽定四庫全書

御選元詩


卷五十八

四

御選元詩卷五十八

謹案第四十三頁前四行回首西山已夕陽刊本
已訛一據谷響集改

謹案卷五十八第三十一頁前四行實喇巴勒舊
作沙刺班今改



總校官庶吉士 臣侍 朝
校對官檢討 臣蕭九成
謄錄監生 臣朱文佐

欽定四庫全書薈要

集部
御選元詩卷五十九

欽定四庫全書薈要卷一萬八千四百七十一集部

御選元詩卷五十九

七言律詩十八

明本

船居

世情何事日羈縻
做箇船居任所之
豈是畸孤人共棄
都緣疎拙分相宜
漏蓬不礙當空挂
短櫂何妨近岸移
佛地也知無用處
從教日炙與風吹

欽定四庫全書

御選元詩
卷五十九

水光沈碧駕船時
疑是登天不用梯
魚影暗隨蓬影動
鴈聲遙與櫓聲齊
幾回待月停梅北
或只和煙繫柳西
萬里任教湖海闊
放行收住不曾迷

人在船中船在水
水無不在放船行
藕塘狹處拋篙直
荻岸深時打櫂橫
千里溪山隨指顧
一川風月任逢迎
普通年外乘蘆者
未必曾知有此情

一鉞一盞寓輕舟
溪北溪南自去留
幾逐斷雲藏野壑
或因明月過滄洲
世波汨汨難同轍
人海滔滔孰共流

詳校官原任主事
李斯咏

日暮水天同一色且將移泊古灘頭

山居

胸中何愛復何憎自媿人前百不能旋拾斷雲修破衲
高攀危磴閣枯藤千峰環繞半間屋萬境空閑一箇僧
除此現成公案外且無佛法繼傳燈
數朶奇峰列畫屏參差泉石暢幽情青茅旋豎尖頭屋
黃葉頻煨折脚鐺雲合暮山千種態鳥啼春樹百般聲
世間出世間消息不用安排總現成

欽定四庫全書

御選元詩

卷五十九

二

見山渾不厭居山就樹誅茅縛半間對竹忽驚禪影瘦
倚松殊覺老心閒束腰懶用三條篾扣已誰參一字關
幸有埋塵甑子在待磨成鏡照空顏

頭陀真趣在山林世上誰人識此心火宿篆盤煙寂寂
雲開窗檻月沉沉崖懸有軸長生畫瀑響無絃太古琴
不假修治常具足未知歸者謾追尋

水居

道人孤寂任棲遲跡寄湖村白水西四壁煙昏茅宇窄

一天霜重板橋低驚濤拍岸明生滅止水涵空示悟迷
萬象平沈心自照波光常與月輪齊

水邊活計最天然物外相忘事事便門柳每招黃蝶舞
岸莎常襯白鷗眠雨蒸荷葉香浮屋風攪蘆花雪滿船
不動舌根談實相客來何必豎空拳
縛箇茅菴際水涯現成景致一何奢野塘水合魚叢密
遠浦風高鴈陣斜道在目前安用覓法非心外不須誇
一聲鐵笛滄浪裏煙樹依依接暮霞

欽定四庫全書

御選元詩

卷五十九

三

年晚那能與世期水雲深處分相宜菱蒲繞屋供晨爨
菱藕堆盤代午炊老岸欲隳添野葑廢塘將種補新泥
無心道者何多事也要消閒十二時

水國菴居最寂寥世塗何事苦相招去村十里無行路
隔岸三家有斷橋數點鴉聲迎暮雨一行魚影漲春潮
陳年佛法從教爛豈是頭陀懶折腰

次韻潘王題真際亭

高亭結構標真際體共雲林一樣閒山勢倚天忘突兀

水聲投澗自潺湲伽陀迴出言詞外海印高懸宇宙間
佇看凭闌人獨醒又添公案入禪關

梅花和馮學士海粟作

見非恍惚夢非神雪後霜前分外真疎影暗消三弄月
半聯淒斷獨吟人歲寒搖落孤根在江驛荒涼往事塵
碎嚼幽香清可挹玉奴無復更臨春

眼花落井眩雙神雪步迢迢見欲真澹墨畫圖橫玉影
黃昏庭院倚闌人唾絨猶認窗間跡啼粉空餘鏡面塵

欽定四庫全書

御選元詩
卷五十九

四

消得黃金鑄成屋年年雪裏貯芳春

水中仙子鏡中神夜夜相攜入夢真隴鴈哀殘埋玉地
朔風吹老弄蟾人寒添灞上雙眉凍愁壓江南幾屐塵
雪裏不嫌情味苦一枝占斷九州春

橫影伶仃似有神半清淺處獨呈真數枝沖澹晚唐句
一種孤高東晉人上苑清房誰耐雪廬山玉峽肯蒙塵
是中天趣那能識惜被東風漏洩春

題金山寺

半江湧出金山寺一簇樓臺兩岸船月到中宵成白晝
浪翻平地作青天塔鈴自觸微風語灘石長磨細浪圓
龍化楚人來聽法手擎珠獻不論錢

行端

山居

山木交柯莎滿庭馬蹄且不污巖扃篝燈對雪坐吟偈
擁衾遶泉行課經睡少每知茶有驗病多常怪藥無靈
金園一歲一牢落誰似孤松長自青

欽定四庫全書

御選元詩
卷五十九

五

題飛鳴宿食鴈圖

年去年來無定年中郎何處有書傳影橫薊北月連塞
聲斷衡陽霜滿天雨暗荻花愁晚渚露香菰米落秋田
平生千里與萬里塵世網羅空自纏

祖銘

南屏雨中

五月雨聲連六月南屏雲氣擁柴扉林巒有穴山精出
巖谷無人石燕飛詩句偶從行處得家鄉多在夢中歸

曉來杖策湖頭去春水溶溶沒釣磯

次韻免原懷徑山

蒼蒼喬木五峰齊十載江湖憶舊棲
丘壑芝蘭香霧上金銀樓閣彩雲低
秋風悵望遼天鵲夜雨悲涼冢上雞
但得閒身各安健會尋石壁灑新題

益

山居

亂流盡處卜幽棲獨樹為橋過小溪
春雨桃開憶劉阮晚山薇長夢夷齊
尋僧因到石梁北待月忽思天柱西
借問昔賢成底事十年騎馬聽朝雞

欽定四庫全書

御選元詩

卷五十九

六

自知疎拙不可變深入寒雲千萬層
夜火晴收楓塢葉午茶寒煮石池冰
青林有雀安知鵠碧海非鷗不化鵬
從此世人尋不到亂山無路石稜稜
荒徑歌斜挂籬蓬半蘿紅粟倩溪春
山中有客見真虎世上何人識假龍
秋竹走篔簹穿斷石老藤行蔓上枯松
晚風斷送雲歸去誰打原西寺裏鐘

題徑山

攀蘿捫石上崔嵬為訪名師特到來
碧眼望穿紅日際青鞵蹋破白雲堆
松濤振壑鳴天籟瀑布春巖動地雷
好境自然塵世別何須海上覓蓬萊

清珙

閒詠

柴門雖設未嘗關閒看幽禽自往還
尺璧易求千丈石黃金難買一生閒
雲消曉嶂聞寒瀑葉落秋林見遠山
古柏煙銷清晝永是非不到白雲間

欽定四庫全書

御選元詩

卷五十九

七

溪淺泉清見石沙屋頭無角寄藤蘿
夜深月下長猿獻苔厚巖前少客過
庭竹欹斜春雪重嶺梅消瘦夜寒多
寥寥此道非今古徒把甌來石上磨
優游靜坐野僧家飲啄隨緣度歲華
翠竹黃花閒意思白雲流水淡生涯
石頭莫認山中虎弓影休疑盞裏蛇
林下不知塵世事夕陽常見送歸鴉
滿頭白髮瘦稜層日用生涯事事能
木白秋分春白朮

竹筐春半曬朱藤黃精就買山前客紫菜長需海外僧
誰道新年七十七開池栽藕種芡菱

細把浮生物理推輸贏難定一盤碁僧居青嶂閑方好
人在紅塵老不知風颺茶煙浮竹榻水流花瓣落青池
如何三萬六千日不放心身靜片時

法道寥寥不可摸一菴深隱是良圖門前養竹高遮屋
石上分泉直到廚猿抱子來崖果熟鶴移巢去磔松枯
禪邊大有閒情緒收拾乾柴向地鑪

欽定四庫全書

御選元詩

卷五十九

覺恩

虎丘寺

東西兩寺今為一有客登臨見斷碑剩水殘山王伯業
苦風酸雨鬼仙詩樓臺半落長洲縣蕭鼓時來短簿祠
盤郢魚腸不知處轆轤千尺響空池

智寬

送王尚書轉漕還京

白髮蘭臺老鄭崇野人爭識舊乘驄青冥斧鉞來南國

碧海樓船駕順風夜指星樞天直北曉瞻雲氣日華東
趨朝正及端陽節細葛承恩出漢宮

送王景華道士之京

羽客思歸尺五天雙鳧直上紫雲端玉簫聲徹春空迴
寶劍光浮夜月寒夢入瑤臺香冉冉步趨青瑣珮珊珊
奉顏重進長生錄南極星迴太乙壇

文靜

天香室為定水見心和尚賦

欽定四庫全書

御選元詩

卷五十九

九

天香蘭若倚高岑雙桂花開秋正深鶴唳空山涼月白
龍歸古洞碧雲陰一窗風雨高僧定滿壁珠璣好客吟
拄杖何時問幽寂蒹葭檀林下遠相尋

懋詞

昨過定水獲觀中丞相君和見心禪師詩亦續
其韻

閒陪繡斧訪林墟丹桂飄香九月初濯足溪流山鳥近
論文香閣晚鐘疎禪翁愛客炊紅稻童子烹魚得素書

為問中興好消息江南忠傑有新除

處林

答定水堂上見心和尚

時危無計訪瀛洲何處山川可浪游天外羽書勞傳馬
江間戰艦起沙鷗正思蓮社香雲滿未見桃源春水流
東望雙峰情似海乘槎擬欲共賡詠

照鑑

歸泉寺

欽定四庫全書

御選元詩

卷五十九

十

憶別山泉歲月深暮雲秋草幾光陰鬢鬢盡換池邊影
少壯多移世上心舊逕林間無曲折前交座上總消沉
眼中唯有亭亭塔獨坐東峰第一岑

餘澤

送趙季文之湖州知事

日暮江南歌采蘋春風催起宦游人鷗邊水葉侵衣碧
馬首山花照眼新公子文章應獨步參軍案牘漫相親
也知伯仲能忠孝當上潘輿送喜頻

廣宣

玉山佳處以水衡玉壺懸清秋分韻得秋字

故人一別知幾秋相逢談笑便登樓圍棋細說東山法
酌酒應為靖節留蓮葉秋深纔綠淨蓀花露冷尚香浮
界溪文物風流在不減當年顧虎頭

元本

富春歸隱圖為鐵雅先生賦

小橋流水隔紅塵亦有漁郎解問津要路只聞收壯士

欽定四庫全書

御選元詩

卷五十九

十

好山還許住閒人每思李愿歸盤谷獨愛嚴陵老富春
便擬采芝歌隱曲白雲紅樹謾為鄰

泊雙井亭有感

涼颼微動水雲收鷗鷺無聲泊處幽露落梧桐雙井冷
月明砧杵萬家秋貪歡盡醉吳姬酒長往誰同范蠡舟
最愛多情鄭司馬琵琶和淚上江州

玉山草堂

每憶吳中顧野王門前溪水即滄浪寄來書法全臨晉

傳刻詩章已入唐翠竹碧梧歌鳳曲疎簾細簟坐漁莊
扁舟準擬來相訪稍待秋風八月涼

文信

送李提舉歸

白帝城邊落木秋峩峩嶺山上月如鉤少陵野老曾為客
太白山人舊所遊玉峽樓船煙雨暝錦官臺殿夕陽收
他年百丈牽江上訪子殷勤到孟州

自恢

書畫舫以春水船如天上坐老年花似霧中看

分韻得花字

綠波池頭書畫舫窗開晴日見梅花愛賢曾讀當時傳
好事嘗傳米老家座上酒罌傾臘蟻硯均書水滴文龜
艱時會合須謀醉莫向空江歎歲華

送海上人還荆門

徧禮南朝古佛宮荆峯春去百花濃江通楚蜀波濤壯
山入湖湘紫翠重柱杖穿雲隨白鹿軍持分水浴蒼龍

欲知後夜相思夢月落猿啼滿竺峰

子賢

寄翠峰寺敏仲謙

敏公遙住洞庭西咫尺煙波路欲迷落日斷霞山疊疊
揚舲鼓柁風淒淒魚龍出沒隨潮上橘柚參差壓樹低
東崦人家更清絕也思來此作幽棲

至真

寄玉山徵君

草堂風物靜朝曛春日題詩每憶君澗底松青疑過雨
山頭玉氣總成雲神鵬未展溟南翮天馬能空冀北羣
會見丹陽為內史笑揮白羽樹高勛
老去高情獨放歌新亭結構近滄波狎鷗泛渚知人意
稚子應門喜客過山色湖光春浩蕩碧梧翠竹雨婆娑
絕勝池上山公子醉著江東白鷺蓑

小徑升堂舊不斜幽居渾似杜陵家五株桃樹當春草
一帶溪流入浣花每自放船歌白苧也從漉酒脫烏紗

風流更憶瀛洲客應獻安期棗似瓜

春到江南野水濱絕憐幽事總相親風飄玉雪柳花落
雨濕琅玕竹樹新洗硯時時臨晉帖賦詩往往似唐人
向來為識江邨路此日過從莫厭頻

照

寄玉山主人

草堂東望白雲深主人愛書如愛金下榻每因楊執戟
得句長懷支道林松花滿樹可為酒竹筍隔簾成綠陰

欽定四庫全書

御選元詩

卷五十九

十四

我欲乘閒遠相過坐對石林彈玉琴

寄楊廉夫

絕愛才多楊執戟家住東吳錦繡場姓字已知傳宇宙
玉堂新誦好文章畫船百丈牽春雨鐵笛一聲鳴鳳皇
海上相望千里隔尺書無便為君將

題玉山佳處

玉山青青若蓮山中樓閣白雲連采藥相從赤松子
吹簫時約紫霞仙鮫人獻寶珠盈斗石壁題詩筆似椽

相去地無三十里會須騎馬草堂前

良圭

玉山草堂

傳道崑山有草堂風流不減百花莊窗前綠竹飛鸚鵡
井上高梧集鳳皇每想對牀延孺子近聞築室款支郎
乘閒亦欲攜樽酒雪裏清江泛野航

泉澄

玉山草堂

徵君家住玉山西雅集詩成每自題高爽只全崔氏宅
風流不減浣花溪碧桃春露迷青鳥翠竹晴沙散錦鷺
聞道白雲泉上客近攜瓶錫寄幽棲

超珍

碧梧翠竹堂分韻得陽字

碧梧翠竹蔭高堂堂上張筵引興長上客凌風還解珮
美人傳令更飛觴簾櫳冉冉香微動星斗沉沉夜未央
黃菊紫萸應爛漫江南風景在重陽

欽定四庫全書

御選元詩

卷五十九

十五

良震

題定水見心和尚天香室

上界金銀開佛宮六時鐘磬度溪風空王晏坐寒巖下
天女散花明月中石几爐煙秋澹澹碧牕香霧曉濛濛
幾時乘興登鳴鶴與子夷猶桂樹叢

淨慧

題楊竹西高士小像

鶴立長身大布襦綠光瞳子雪眉鬢才名恥列三生後

欽定四庫全書

御選元詩

卷五十九

天

文物看來兩晉無牛度玉關迴紫氣龍眠滄海抱遺珠

憑君更著東維筆畫作雲林五老圖

善行

送瞿慧夫上青龍鎮學官

丈夫求仕非無術只合明時作校官弟子日來供茗飲
先生時坐取琴彈澗山春樹簷前綠谷水秋風帳底寒
善舞不須愁地褊才名行且屬儒冠

志瓊

深秀亭暮春述懷

空庭雨濕聚華茵回首東風憶遠人玉砌香消行跡斷
雕闌吟徹別愁新樓臺半是前朝景桃李都承舊日春
歸燕多情還戀主銜泥雙拂畫梁塵

宗衍

秋興

一別空山舊草亭衣裳五見點秋螢沙沈短艇餘菰米
苔臥長鏡老茯苓弱水蓬萊那可到瞿塘滸瀨不須經

欽定四庫全書

御選元詩

卷五十九

七

歸帆早晚吳波裏嫋嫋涼風望洞庭

題趙松雪墨蘭

湘江春日靜輝輝蘭雪初消翡翠飛拂石似鳴蒼玉珮
御風還著六銖衣夜寒燕姑空多學歲晚王孫尚不歸
千載畫圖勞點綴所思何處寄芳菲

題仙山樓觀圖

琅玕珠樹隔煙霄仙子樓居積翠遙羽化夢驚元鶴返
丹成身與白雲飄杖隨麋鹿山深淺釣掣鯨魚海動搖

想像虛無圖書裏秦皇漢武若為招

子熙兩和詩寄再用韻以荅

梁甫吟餘自荷鉏南陽非復舊門閭春愁亂逐楊花起
秋興頻將柿葉書水落楚江尋瘞鶴草荒吳苑問蒸魚
遠遊憶母還歸省安得雲萍有定居

次韻瑛石至謝事雪竇歸吳江

草堂舊在吳江上江水江花照眼明久客歸來渾似夢
比鄰相見不知名萼香笠澤思張翰瓜熟青門憶邵平

欽定四庫全書

御選元詩
卷五十九

一夜西風吹白髮挑燈因自賦秋聲

送友人游溫台

天台鴈宕好林丘水竹風杉寺寺幽路轉山腰斜避石
渠通泉眼細分流經過遂欲留佳處險絕何須到上頭
八月錢唐望歸櫂江潮如雪倚江樓

寄李太無

不見能詩李謫仙東湖吟望兩經年丹光迴出青雲上
紫氣長臨碧海邊擬對襟衣論澗竹更留茅屋賦江蓮

疎鐘細磬匡山裏頭白歸來也自賢

惟則

遊茅山雲林清遠之館

華陽有客似重來新見雲林別館開寒日半巖松鶴起
腥風萬壑雨龍回琴牀流露滋瑤草丹鼎飛春上玉梅
居者未知清且遠人間咫尺望蓬萊

廷頃

題徐良夫畊漁軒

海內黃塵沒馬深林間雲氣護遙岑蘿牕竹峙千竿玉
苔徑花明萬樹金酒熟山瓢留客醉茶香石鼎共僧吟
也知風致多清絕短櫂何時一再尋

可繼

謝良夫惠茶

欲譜茶經喚陸郎三泉何事水湯湯金芽尚帶先春露
玉髓空遺舊日香清苦家風披肺腑亂離符讖說旗槍
閉門讀罷先天易驚覺王孫出醉鄉

欽定四庫全書

御選元詩
卷五十九

法智

泊安慶城

浮圖高出暮雲低
雉堞連陰碧樹齊
茅屋人家兵火後
樓船鞞鼓夕陽西
大江千里水東去
明月一天烏夜啼
欲酹忠魂荒塚外
白楊秋色轉淒迷

大訢

萬歲山

蜿蜒金翠倚青冥
虛谷時傳萬歲聲
葆羽旄旛雲氣濕

欽定四庫全書

御選元詩

卷五十九

五

玉龍鱗甲夜寒生
關河拱挹皇居壯
宮殿深嚴聖慮清
自愧山林麋鹿性
也隨鷓鴣到承明

高彥敬尚書墨竹

西域高侯自愛山
此君冰雪故相看
蒼梧帝子秋風淚
翠袖佳人日暮寒
妙處寧論鐵鈎鎖
深情莫報翠琅玕
誅茅何處陰崖底
靜看梢頭玉露漙

送郭幹卿學士赴奎章閣次趙魯公韻

歲晏俄聞上國行
安車可是暮年情
早朝翠霧霑衣濕

夜直銀河入座清
社稷憂勤霜鬢短
江湖歸夢釣絲輕
相攜不盡丁寧語
歌斷驪駒白下城

短褐寧陪衣繡行
相忘道術愧深情
光分玉樹精神合
氣肅金盤沆瀣清
孤鳳速歸阿閣晚
六鼇浮去五山輕
微蹤亦與扁舟約
煙水南詢第幾城

次韻王繼學侍御金陵雜詠十首

錄二首

東窗看山

微茫翠浪瀉青瑤
木末斜分鳥道遙
雲歛江亭初過雨

欽定四庫全書

御選元詩

卷五十九

五

月明津樹欲生潮
崖根橘柚知誰種
礪曲茅茨許共樵
不羨東山攜妓看
堆盤繪玉映紅消

賞心亭

碌碌從人媿把關
賞心應共鶴飛還
孤舟野水東西渡
落日長淮遠近山
神鼓乍喧香霧合
賓筵初散綠陰間
相思咫尺長相隔
一似河流九曲灣

次韻薩天錫臺郎賦三益堂芙蓉

華開未覺早霜殘
留伴仙人酒半闌
翡翠巢空秋浦淨

落霞飛盡暮江寒玉真對月啼雙頰楚袖迎風舞七盤
持向毘那聽說法病翁元作色空看

次韻王伯循僉事將上江東留別

江南江北白雲秋隨分高情且宦游醉著甌能歸月下
夢披葭葦釣槎頭光生玉宇秋先見氣肅銀河夜不收
明日繡衣終遠別看山不盡更登樓

善學

紙帳

欽定四庫全書

御選元詩

卷五十九

三

一團虛白墜輕柔護我禪林分外幽身在芸暉堂上卧
神於銀色界邊遊素雲助暖春常在霽月凝光夜不收
好是枕邊蝴蝶遶梅花有夢到羅浮

道中望靈峰寄秦上人

海門煙霧日沉東曙色濛濛帶雨風古寺半空丹壁裏
幽林一望畫圖中雲堆鶴夢松聲細石近龍泉水眼通
勝覽江山觀未足寫生留寄梵王宮

大圭

王丞石泉

白石藜藜屋上山泉聲一道碧雲間十分如練月同色
萬古不痕天照顏靜夜竹齋知雨意清秋茶鼎共僧閒
甘寒可濯功名念公子青袍鬢未斑

曇頊

次韻荅慈元恕

茅堂住在清江曲瀟灑渾無俗客過流水自懸春藥碓
落花閒度煮雲窩不航元石三年酒只賦梁鴻五噫歌

欽定四庫全書

御選元詩

卷五十九

三

退食歸來塵事少舊游回首隔風波

荅定水堂上和尙次韻

兵塵十載暗滄洲矯首東南憶舊遊夜壑松濤驚別鶴
春江柳色映眠鷗天香滿室澄還寂澗水涵空湛不流
車馬擁門多慕道雲興百問若為酬

金山寺

崢嶸兩岸市廛開愛靜人尋此處來水底有天行日月
山中無地著塵埃塔擎燈影明雲杪船載鐘聲出浪堆

自信平生有仙骨好風吹上妙高臺

送王宗禮尚書趣運還京

轉海雲濤萬里除長風指日望京華南州已入諸侯貢
北極初回奉使槎內燕宮花迎馬酒御溝官柳拂龍沙
從容好奏安時策還見車書混一家

智圓

送僧還四明

遠移瓶錫秣陵城又逐秋風過四明白石清泉尋舊約

欽定四庫全書

御選元詩

卷五十九

五

碧雲紅樹動離情路從朱雀橋邊去舟自丹陽郭裏行
惆悵客中頻送客更堪疎柳暮蟬聲

文藻

谷定水和尚

西江一派接天流浩浩東南日夜浮寶地珠宮金氣爽
神山碧海玉壺秋翰林雲錦時相寄覺院麟龍日共遊
猶有凌霄遺業在未應定水得淹留
芳林幽谷混漁樵國士筵中肯赴招天上簡書何絡繹

雲深島嶼自峇堯詩篇每向閑邊寫香篆常於定後燒
宗社人材還可數惟公玉立聳巖標

元旭

次韻谷定水見心和尚

曾次由來貫九流已將富貴等雲浮一溪春水蒲芽綠
滿室天香桂子秋投老河山成獨往題詩小朵憶同遊
即今海內風塵暗且向林泉好處留

白髮蒼顏谷口樵美人不見誰能招獨客春深但惆悵

欽定四庫全書

御選元詩

卷五十九

五

雙峰日落空岩堯貝章早起焚香讀金粟秋蒸埽葉燒
文采風流有如此雲霄何必羨杭標

淨昱

題丹山

白水丹山何處看清暉亭上一凭闌半空積翠三台近
萬丈飛流五月寒仙女吹簫來洞口山人采藥出雲端
我身亦是鄰峰鶴來往相從總不還

負怡然

借琴

桐梓年深半裂開
峯陽道士獨憐才
細磨蛇腹秋風起
輕鑿龍池夜雨來
此日銘邊重注字
當年燹下欲成灰
何時試鼓陽春曲
預拂空山小石臺

月中桂

霜風吹老桂
婆娑輪滿旁
枝長漸多萬
古秋香懸宇宙
一株晴影照
山河雲間銜
子無黃鶴天
上看花有素娥
折向人間應
不識九重清
露濕鳴珂

欽定四庫全書

御選元詩

卷五十九

元

客中除夕

瞬息光陰赴壑蛇
遲留此夕上天涯
三更孤枕兩年夢
四壁一燈千里家
是處送窮驚爆竹
巡簷索笑看梅花
明朝甲子頒新曆
飲後屠蘇莫歎嗟

若舟

館娃宮

白晝娃宮宴未旋
東風吹下越來船
捧心方如三千女

嘗膽誰知二十年
花暗簾廊蜂蝶困
草深香徑鹿麋眠
憑闌一段傷心事
都在西山夕照邊

古愚

題海雲亭

目前多少古今情
盡在太湖湖上亭
舸艦浮空雲葉亂
屬鏤沉水浪花腥
一杯潑灩吞雲夢
數點蒼茫認洞庭
明日慧山曾有約
又攜茶具汲清泠

玉峰

欽定四庫全書

御選元詩

卷五十九

北固山

獨上危樓眼倍明
無端風景動吟情
小窗近對金山寺
曲路斜通鐵甕城
山色四時當戶綠
波光萬頃接天清
箇中若許容吾宿
坐聽江流半夜聲

善觀

北固山

最愛招提景物饒
揭來乘興陟山椒
層雲縹緲青冥外
狠石爛斑歲月遙
一帶雲連京口樹
滿帆風送海門潮

天然圖畫真奇絕分付良工子細描

性嘉

北固山

十載樞衣登此樓江山有待我重遊景多人立海東面
天近鳥飛雲上頭雨過煙巒翠屏曉月明水塹鏡奩秋
世間無限丹青手誰寫蓬萊第一洲

茅山遊僧

謁張外史

欽定四庫全書

御選元詩

卷五十九

六

久聞方外有神仙只住華陽古洞天花徑不曾綠客埽
石牀今許借僧眠穿雲去汲燒丹井帶雨來耕種玉田
一自茅君成道後幾人騎鶴下蒼煙

何節婦賀氏

齧指血題詩

涇渭難分清與濁妾身不幸厄紅巾孤兒尚忍更他姓
烈女何曾嫁二人白刃自揮心似鐵黃泉欲到骨如銀
荒邨日落猿啼處過客聞之亦愴神

胡烈女妙端

題壁

弱質空懷漆室憂披山千騎入深幽旌旗影亂天同慘
金鼓聲搖鬼亦愁父母劬勞何日報夫妻恩愛此時休
九泉有路還歸去那箇雲邊是越州

馬彥奇妻盛氏

詠梅

古枝點點類瑤瑰不假天工為剪裁月夜孤標憐晚景

欽定四庫全書

御選元詩

卷五十九

五

冰溪瘦骨絕塵埃寒香溼血魂難返貞節凌霜志莫回
桃李未曾爭豔冶半窗疎影自徘徊

万俟蕙柔

題壽沙驛壁

夫官湖右妾江東三載孤幃日夕空葵萼有心終向日
柳花無力苦隨風兩行血淚孤燈下萬里家鄉一枕中
鴈到衡陽身即返有書難倩子卿鴻

王嬌紅

記懷

情緣心曲兩難忘，夢隔巫山蝶思荒。
春思嬾隨花片薄，愁懷偏勝柳絲長。
金鬆瘦削腸堪斷，珠淚闌珊意倍傷。
人自蕭條春自好，少年空爾惜流芳。

一點芳心冷似灰，蘭幃寂靜鎖塵埃。
幾時閨思多慳澀，昨夜燈花又浪開。
夢裏佳期成慘澹，想中顏色苦疑猜。
芙蓉帳小雲屏暗，一段春愁帶雨來。

咫尺天涯一望間，重簾十二擁朱闌。
斷腸芳草連天碧，作惡東風特地寒。
籠裏飛禽堪再復，盆中覆水恐難乾。
落花舞絮春如水，下却珠簾不忍看。

屈指光陰又隔春，朱顏枉負一生身。
情牽相喚鶯聲細，腸斷無端草色新。
露帳銀牀初破睡，舞衫歌扇總生塵。
幾回惆悵空悲歎，祇為無情薄倖人。

鄭氏允端

碧筒

主人避暑開芳宴，輕折荷盤當酒壘。
半朵斷雲擎翡翠

一江甘露瀉玫瑰，胃中爽氣飄飄起。
鼻底清香拍拍回，可笑狂生楊鐵遂。
風流何用飲鞮杯。

紅指甲

鳳花染就玉纖纖，別是風流幾種看。
鸞鏡勻脂丹髓濕，鵲鑪添火綵雲寒。
封題錦字春無限，彈淚香閨血未乾。
報道金釵斜插處，落紅飛上髻雲端。

葉正甫妻銘氏

寄衣

不隨織女渡銀河，每到秋來幾度歌。
歲歲為君身上服，絲絲是妾手中梭。
剪刀未動心先碎，針線纔縫淚已多。
長短只依元式樣，不知肥瘦近如何。

蘇小卿

題金山寺

憶自當年折鳳皇，至今消息兩茫茫。
蓋棺不作橫金婦，入地當尋折桂郎。
彭澤曉煙迷宿夢，瀟湘夜雨斷愁腸。
新詩寫記金山寺，高挂雲帆上豫章。

范秋蟾

達元帥詩

江頭沙磧正交舟江上人懷百戰憂力屈呆卿生罵賊
功成諸葛死封侯波瀾洶洶鯨橫海天地寥寥鶴怨秋
若使臨危圖苟免讀書端為丈夫羞

劉侍史

九日過上都

瘦馬行吟萬壑中浮萍身世幾西東山空雨洗千崖翠

欽定四庫全書

御選元詩

卷五十九

三

酒薄顏添半面紅滿徑荒叢推夕露一庭黃葉走秋風

今朝又是重陽節流落天涯愧老翁

孔進士

賈島遺卷

亂峰青抱石溪寒中有詩人獨倚闌夜月龕燈曾禮佛
秋風驢背偶驚韓殘碑剝落苔封篆古寺荒涼草壓壇
我有新詩吟未穩推敲相憶路漫漫

施翰林

偶題西藍

亭下紅蕖次第開翠淪溶漾絕纖埃林疎忽見遠山出
竹密不妨清吹來雲水卜居心未遂簿書堆案首慵迴
晚涼益快披襟興便欲援毫賦楚臺

倪公

經遊石門山

春雲醉日不成霞沙上刺桐三兩花白馬錦韉霄漢客
綠陰茅屋野人家浮生有酒且同醉公事勞人何用嗟

欽定四庫全書

御選元詩

卷五十九

三

頗覺三農了征稅藝麻薺麥足生涯

無名氏

美人紗帶

滿眼春嬌倚繡牀玉鈎新綰藕絲長鴛鴦機上舒晴雪
翡翠簾前蹴曉霜拾翠不知羅襪潤踏花猶隔繡鞦香
幾回暗憶吹簫侶背立東風詠鳳皇

仙壇

碧壇轟影蔭龍蛇騎鶴歸來棗似瓜仙女風前飄玉屑

道人天上剪雲霞
寒潭六月猶無暑
老木千年尚有花
采藥青童來借問
蒼煙起處是誰家

鶴夢

九臯寒冷寂無聲
一覺仙遊夢更清
清風過松巖酣未醒
煙生茶竈倦還驚
青田月下家千里
赤壁舟中夜幾更
香暖紫芝方睡足
莫教琴上玉絃鳴

鴈字

故國霜前省舊遊
夕陽影裏見銀鈎
都將塞北千年恨
寫破江南萬里秋
一畫如真橫遠漢
數行帶草落平洲
傳書莫到秦淮上
明月蘆花客正愁

欽定四庫全書

御選元詩

卷五十九

五

破屋

一番風雨一番顛
捲我書齋屋頂穿
紅日透光來枕上
白雲拖影到牀前
小鐙煮茗烹明月
古硯濡毫蘸碧天
寒士夜來讀周易
燈光直射斗牛邊

梅花燈籠

翠節玲瓏玉骨涼
分明照見鐵心腸
一挑銀燄勾春色

萬點金錢散野芳
帶月橫牕疎弄影
篩金滿地暗生香
幾回引馬歸來後
青鳥無聲更漏長

槽

斲木為竿駕客舟
翩然快我下中流
雙龍影落湘江晚
百鴈聲傳楚岸秋
素練撥開波浩渺
黃金攪碎月沈浮
長灘鷗鷺多如雪
一路驚飛不敢留

焦山

江上峰巒擁翠濤
神仙曾此挂丹瓢
中流坐席雲常護
六月樓臺暑自消
樹色遠迷淮甸雨
鐘聲遙帶海門潮
天開圖畫非人世
一葦相過不待招

欽定四庫全書

御選元詩

卷五十九

五

訪樵隱不遇

想是朝真去未回
空教人久立丹臺
冰盤露冷生瓊屑
元圃春深長碧苔
巖下響知松子落
洞中香是竹花開
拍闌一笑欲歸去
海闊天高鶴不來

安南王陳光昌

送天使張顯卿

顧無瓊報自懷慙極目江臯意不堪馬首秋風吹劍缺
屋梁落月照書菴暮空難住燕歸北地暖愁聞鴈別南
此去未知傾蓋日篇詩聊贈當高談

安南國王陳益稷

大明殿侍宴

班陪玉筍侍紅雲日表熙熙瑞氣溫萬派朝宗滄海闊
衆星環拱紫宸尊雍容湛露歌詩什髣髴鈞天入夢魂
孤孽秋毫皆帝力願殫忠赤報深恩

欽定四庫全書

御選元詩

卷五十九

五

駕畋柳林隨侍

仙仗平明擁翠華景陽鐘發海東霞千官捧日臨春殿
萬騎屯雲動曉沙白鷗翻山霧薄黃龍旗拂柳風斜
太平氣象同民樂南北梯航共一家

送元明善赴京

江流脈脈草離離黃鶴磯頭酒一卮報國寸心憐我老
論文半面識君遲正當重鼎調梅日又是長亭折柳時
滿載詩書歸路穩鳳城依約更相期

送李龍川平章赴闕

雪滿長亭酒滿斟楚山千疊水千尋梅青半識平生面
桐老相知太古心鴈影南樓孤月冷馬頭北闕五雲深
二毛越叟情無限獨向南窗袖手吟

駐馬渡頭

大別山頭漢口前吳王磯下沔城邊立殘秋水隔灘鷺
噪落夕陽何處蟬赤壁冷煙消魏卒黃州澹月照坡仙
英雄瀟灑名俱在我愛狂吟不媿天

欽定四庫全書

御選元詩

卷五十九

五

鄂館書懷

蕭然孤館起淒風半壁青燈照病容滴碎秋心窗外雨
敲殘曉夢枕邊鐘衡陽鴈斷三千路巫峽猿啼十二峰
不盡關山回首處暮雲疊疊水重重

秋晚睡覺

海水盈盈漏轉籌霜風吹角出譙樓夢殘澹月五更曉
心遠孤雲萬里秋玉帛幾年賓上國詩書半出老中州
平生事業渾如昨無奈青燈照白頭

謝青宮賜酒

黃封星使控麒麟騰踏高風拂路塵
仙醴釀成天上露
宮壺分賜臘前春恩沾南紀波濤闊
氣轉東皇草木新
拜徹雍容歌既醉遙瞻鶴禁喜津津

上都回宿赤城站

塗山執玉會諸侯宴罷回程宿嶺頭
白海雨來雲漠漠
赤城秋入夜颼颼皇圖萬里乾坤闊
客路幾年身世浮
驛吏驚呼詩夢破一聲雞唱隔雲州

欽定四庫全書

御選元詩

卷五十九

六

安南武威公段福

翠華臺扈從詩

叨從萬乘陟蘭峰一片青螺起夢鐘
日影仗霞祥彩徧
花明輦路景光重天戈肅肅參巖竹
仙樂泠泠響澗松
佇看玉毫明海國朱旗揮霍擁蒼龍

驃信

陟靈峰記興

遙望靈峰壯大邦
攀遊陟嶺過清江
日輝花影霞舒院

風襲爐煙霧透窗
谷口嬌鶯吟對對
闌間粉蝶舞雙雙
追尋不但憐芳興
將極基圖建法幢

輔義公陳秀峻

登岳陽樓

樓高百尺倚雲端
扶病登臨試一看
望眼直窮燕塞遠
吟腸須貯洞庭寬
烏沉谷口千林暝
龍戰波心六月寒
多少羈懷無處話
平蕪漠漠水漫漫

安撫賴益歸

元日朝會

聖日垂光被越南
驛亭官柳許停驂
車書今混四方一
冠佩咸呼萬歲三
香唾翠雲龍闕潤
酒翻金海鳳簫酣
羣臣舞蹈天顏近
眷顧恩深雨露涵

虞參議許公詠東山飄然樓詩

秋興亭前月去時
滿樓山色索新詩
心如柳絮沾泥早
身似蓮花出水遲
經卷已輸居士樂
酒樽宜與可人期
倚闌看遍郎湖景
塵俗紛紛總不知

欽定四庫全書

御選元詩

卷五十九

七

少保丁公文

陳郎中剛中自交趾還朝以詩餞行

使星飛下擁祥煙不道崎嶇路九千
雙袖拂開南海瘴一聲唱破下乘禪
妙齡已出終軍上英論高居陸賈前
歸到朝端須為說遠氓日夜祝堯年

盛熙明

遊補陀洛迦山

驚起東華塵土夢滄洲到處即為家
山人自種三珠樹天使長乘八月槎
梅福留丹赤如橘安期送棗大於瓜
金山對面無言說春滿巖前小白花

欽定四庫全書

御選元詩

卷五十九

四

御選元詩卷五十九

謹案第二十頁後一行宮殿深嚴聖慮清刊本嚴

訛萬據蒲室集改

欽定四庫全書

一



總校官庶吉士臣侍朝
校對官檢討臣蕭九成
謄錄監生臣朱文佐

欽定四庫全書會要

集部
御選元詩卷六十

欽定四庫全書會要卷一萬八千四百七十二

集部

御選元詩卷六十

五言長律一

耶律楚材

和李世榮韻

聖主題華旦熊羆百萬強兵行從紀律敵潰自奔忙百
谷朝滄海羣陰畏太陽黎民歡仰德萬國喜觀光堯舜
規模遠蕭曹籌策長巍然周禮樂盛矣漢文章神武威

欽定四庫全書

御選元詩

卷六十

兼德徽猷柔濟剛自甘頭戴白誤受詔批黃我道將興
啟吾儕有激昂厚顏懸相印否德忝朝綱佐主難及聖
為臣每願良翠華來北闕黃鉞討南疆明德傳雙葉寬
仁洽萬方九服無不軌四海願來王兵革雖開創詩書
何可忘洪恩浮曉露嚴令肅秋霜符應千齡運功垂萬
世昌繇繇延國祚皦皦受天祥多士咸登用羣生無敗
戕此行將告老松菊未全荒

和冀先生韻 并序

詳校官原任主事 李斯咏

東垣士大夫以興王聖德詩見寄用酬雅意

運出三爻允以太一推龍飛九五乾要荒歸化育豪哲

入陶甄有幸恩涵海無私德應天偏師收百越一鼓下

三川天子能身正元戎不自賢重光道同軌累聖德相

聯策決九重內功歸萬乘權羣雄哀稽顙多士喜摩肩

輔弼規左右丞疑贊後前開夷逾漢武平叛跨周宣冠

蓋通窮域車書過古堦覽機雲母障受諫翠華軒款塞

諸蠻洞來朝百濟船降王趨陛闕強敵列氓編淨掃妖

欽定四庫全書

御選元詩

卷六十

二

氛變潛消烽火煙詞臣遊館閣幽隱起林泉堯舜文明

盛商姬禮樂全九成合古奏二雅詠新篇世卜千百世

年斯億萬年宗親成蒂固國祚等瓜綿聖政與人誦天

威萬古傳勉旃封禪事不用策安邊

郝經

開平新宮五十韻

日月旋天蓋星辰合斗樞光騰掌內鐵氣繞澤中蒲金

帛羞重賜弓刀奮一呼真人翔灞上天馬出余吾尺筮

初開闢羣雄競走趨無勞為更舉乘勝即長驅蹴踏千

年雪驍騰萬里駒長城衝忽斷弱水飲先枯肅殺威靈

威驅除運會俱華夷塵瀆洞天血糝糊地盡諸蕃外

兵窮兩海隅九州皆瓦礫萬國一榛蕪誰與重休息徒

為妄駭吁治平須化日殺伐豈良圖聖子曾當壁神孫

會握符鐵山深蘊玉瀚海特生珠歷數終當在謳歌信

不誣欲成仁義俗先定帝王都畿甸臨中國河山擁奧

區燕雲雄地勢遼碣壯天衢峻嶺蟠沙磧重門限扼狐

欽定四庫全書

御選元詩

卷六十

三

侵淫冠帶近參錯土風殊翠擁和龍柳黃飛盛樂榆歧

山鳴鶯鶯莫野牧駒駝風入松杉勁霜涵水草映穹廬

罷遷徙區脫省勤劬階土遵堯典早宮協禹謨既能避

風雨何用飾金朱棟宇雄新造城隍屹力扶建瓴增壯

觀定鼎見規模五讓登皇極羣生賜大酺還聞却走馬

即見弛威弧簡策詢前代弓旌聘老儒恢弘一氣徼

幸絕多塗雷雨施龐澤乾坤洗舊汙直為提赤子遂使

出洪鑪遠檄收疲滿窮邊罷轉輸江壩遺鄂岳石窟棄

巴渝刀槩存殘骨膏梁換毒痛却令逢有道免使叫無
辜契闊還同室鰥惻得字孤八荒皆壽域六合極歡娛
白叟休垂泣蒼生獲再蘇只知期用夏更擬論平吳旭
日冰天透仁君雪國無終能到周漢亦足致唐虞過主
得知已逢時合舍軀弭兵通信誓奉詔敢踟躕頓覺心
田豁還將肝紙剗行行重回首瑞氣滿闔閭

劉因

送仲常遊北岳

大茂元都悶他山拱萬靈風霆凜神化河海盡襟形昂
畢空留影幽并未了青追風王制變僭祀世塵腥禮樂
心雖切煙霞骨有銘長懷七十戶為我謝仙高

王惲

送李郎中德昌北還情見乎辭

一自新河別經今已十年為尋江表傳重會嶺南天鴻
鷗乘風健驂駟得路先雞香芬省署襟誼動星躔洒落
生平契留連祖送筵自嗟衰病客愁臥瘴江煙歲月鄰

欽定四庫全書

御選元詩

卷六十

四

期耄鄉關近五千依依枝遶鵲跼跼水飛鳶外望何其
切中堅未易鐫崇高疇弗戀筋力若為前落日鄉音杳
秋空望眼穿委心歌已矣適意俟終焉行止雖存數周
旋正賴賢省臺公道在萬一故人憐

番禺杖

異種來番國知名自老坡杖才任操倚節目喜摩挲尺
度天然足柑黃氣色和竒姿含海霧孤植映江沱物眇
離鄉貴材稀審實訛聲音鏗爪甲鱗介訝蛟鼉鞭馭真

欽定四庫全書

御選元詩

卷六十

五

雷策批亢格魯戈重輕欣得所長短稱閒拖扶老攜行
便持危得力多金蛇僵自勁鮫背痒忘疴不自浮槎使
來從老伏波見歸情鄭重未許老婆婆入手嗟神物傳
看駭玉柯支頤看月出橫膝伴詩哦選勝尋泉石窮幽
入薜蘿有時兒女觸却恐鬼神呵蓋節空筇竹神鋒踏
太阿笑揮堪解虎靜倚可降魔靈壽輕無賴梅條皴可
按花藤昏玳暈斑點慘湘娥桃竹那能比枕榔未足歌
望塵甘却立斂跡總無過用舍時當審敲撞責果何更

防雷雨夜衝屋學陶梭

程鉅夫

壽李秋谷

薇省星辰近鑿坡日月遲上公開瑞旦舊學蔚明時玉
瑄微陽動宮壺喜氣隨已應蕭應昂復說傳騎箕琥珀
蒼松液珊瑚碧樹枝茂生豪傑士來作太平基憶昔公
初起方時事已隳艱虞身保障謀議國著龜赤手除蛟
虎丹心見藿葵一朝周典禮萬世漢官儀宗廟重鐘簾

欽定四庫全書

御選元詩
卷六十

六

乾坤再柱維泰階寒耿耿遐壤日熙熙大小陳綱紀神
姦鑄鼎彙桂枝增秀發蔓草極芟夷鄉校惟聞頌朝廷
總得宜端由天子聖亦在哲人推昭代才何盛斯文柄
獨持立言成準範析理貫書詩餘事歸青史新篇藹素
期朝趨雙闕內夕夢北山陸顧問常前席論思每執規
力援寒峻溺已視庶民飢姓字喧童稚仁恩被等哀功
高門似水心靜爵空糜報主期堯舜為臣志呂伊山河
分陝地勲業太常旂早達謙盈理居多寵祿辭戰兢存

夙夜顛顛負安危即此觀天道宜能永福綏直為天下
祝不是老夫私

郭昂

從軍

祆氛慘白晝天狼窺紫微世故人心迫秋高戰馬肥乾
坤增肅氣鼓角壯神威刁斗淒風急獵貅白羽揮陣雲
愁不散邊月澹無輝烽火千山起炊煙萬竈稀獸蹤驚
遠伏鳥影避營飛雷電奔長檄旌旗擁戟闌八風觀世

欽定四庫全書

御選元詩
卷六十

七

應六甲祕天機社稷悲雄劍肝腸快鐵衣樓船功可繼
銅柱願常違談笑一時了軒昂滿意歸太平方有象聖
德自微微

方回

次韻張耕道喜雨見懷兼呈趙賓暘

疲氓多菜色去守乏棠陰屬慮千峰旱俄聞六月霖
灘船欲澀茗務井還深香潤迴瓜圃聲酣起蔗林炎官
初恣肆道喝稍侵尋畏日方焦野油雲忽冒岑此涼甍

萬病厥價倍千金解郡雖逾歲留家尚至今田登欣米

賤屋老懼書淋遙念兒衣醜無虞婦竈沉淒清傳古調

憂悶豁煩襟拭汗紕練悅搔頭斷玉簪却思穿石罅共

坐聽泉音非脫鮮鱗縷梅芳煮醞斟一江同照影兩地

隔論心疑雪佳公子翰君日對吟睦有近城灘民以船

大井汲者衆故有麵灘船若務井之句趙賓陽和子雨

孔府判荃耘嘗官雲南今以餘瘴多病意欲休

官因讀唐書南詔傳為此詩問其風俗瑞邢州人

漢代哀牢種瀘南大渡河其都居善闡有水號牂牁丞

相祠諸葛將軍畏伏波石扶碑故在銅作柱難磨古但

羈縻耳今如震懾何一成平六詔萬旅削三戔跣足逞

機弩擅頭敢荷戈鬼王牽駿馭岷國效文螺梵供花優

鉢經傳葉貝多異香燃篤耨碩果噉波羅碧鈿懸珠珥

銀鈎摘象馱深秋如夏熱窮臘亦春和霧毒飛鷲墮風

腥巨蟒過已還生定遠猶類病維摩官思輕髦梗閒心

願澗阿此鄉非瘴土何幸小婆娑

送徐如心如婺源三十韻

之子成春服懽言駕出遊殘紅三月路疊翠萬山陬夏

后乘輜澤軒皇煉藥丘曠平初渺莽屈曲漸深幽比縣

干戈偃諸邨盜賊收室廬還舊貫邸店競新修蠶月門

多鐫秧田草盡獲畫龍沽肆古檻虎驛程脩天目蟠根

遠王干設險道徑紆橫巨石澗潔見游鯨岳勢攀衡霍

星文摘斗牛桑麻敦本業筍蕨具珍羞谷冷杉密岡

温旦茗抽宣平何處在太白此中求仙豈丹池火僧廬

野竹秋農談通稗史騷詠入樵謳楚雨三江外吳雲五

嶺頭夕陽彭蠡浦潮水淞河流西望番君國東思越相

州孰云民俗儉政爾士風優輿隸知周孔章縫盛魯鄒

聖賢一道續天地四書留闕里瞻庠序師臣拜冕旒永

懷粉梓故能奠藻芹不靈順王封廟華光佛氏樓端能

無鬼責焉所匪神庥矧是儒家彥初非賈客儔詩材工

摺撫意匠極雕鏤佳句垂千古浮榮等一漚吾家紫陽

下肯作寄書郵

前參政浙西廉訪徐子方得代送別三十韻

往時參大政諸老扈先朝合執調元柄猶乘問俗軺登
良爰改紀肅政各遷喬明甚奎文揭堅能泰岳搖吳山
懸夜月浙水噴秋潮薦拔皆奇士寅恭盡選僚重名三
翮昂古韻九成韶混合氛稜定因循習尚驕不扶儒學
起焉草庶風澆周繼言堪考殷因世未遙西湖舊精舍
南渡昔園橋祠植三賢仆書重萬卷雕武林增炳煥文
廟鬱岿堯不朽垂聲價無窮沸詠謠學肩游子夏謨過
益臯陶鵬運三千日龍飛九五朝遐方馳帶聘曲藝恥
旌招共擬膺三錫何煩奉六條有心思綠野無意上青
霄壯節甘恬退高風久寂寥一間如我願百病應時消
僉謂衣當衮公宜館有翹終須坐廊廟未許老漁樵世
道存元氣天時正斗杓圍腰堪玉帶畫像早金貂慶會
逢樛木思榮侈蓼蕭自憐航杜酒誰肯顧顏瓢每辱高
軒過無嫌閨市器七旬慙暮景三載傍清標再見知何
日臨風淚欲飄

欽定四庫全書

御選元詩
卷六十

戴表元

排律十七韻和阮侯得子

芳城春樹晚清海月弦初瑞世三神島光纏五馬車眼
中新驚鷺膝下小璠璣錦祿看爭羨犀顛畫不如試啼
賓錯愕獻夢媪勤渠庭舞張公鶴門填孔氏魚一時官
府慶數世甲科儲聞說衣冠里高增染戟閭民隨阮公
姓鄰禁宛溪漁東去龜浮印南遊雉繞輿陰移棠蒂蒂
騎擁竹舒舒政有兒童戀謠聽父老餘攢眉詢賦額正
色署刑書暗室天如鏡心田老自奮看騎金驪裏待弄
玉蟾蜍我欲歌三賈誰能說兩徐先隨湯餅祝聊當賀
錢釀

龔璠

病起試筆十韻

積雨迷空閣翩翩多去舟將家值早濕無事得清幽安
石非高卧文園已倦游壯心釋如意短髮寄搔頭病約
山容瘦閒窺鴈影浮雙扉寒自語一榻淡相留香篆縈

欽定四庫全書

御選元詩
卷六十

紆晚畫屏瀟灑秋黃花荒古道白日起滄洲不死千金
藥平生百尺樓暫分仙枕夢遙訪羽人丘

袁易

因公事留驛中遂登姑蘇臺晚望

古驛西風起中含水國秋官閒公館靜鳥下吏人休移
簾微涼入登臺晚興留亂蟬當檻急衆木抱城稠天迴
搏蒼鷲山橫走翠虬虛無疑地盡突兀并雲浮絕景嗟
才窘微吟怯語道煙霏生變態鷗鷺傲冥搜初月清如

欽定四庫全書

御選元詩

卷六十

三

濕殘霞散不收似乘牛渚舫若在武昌樓娃館今荒草
吳宮祇廢丘按圖非舊跡訪古莫深愁蘋浦漁歌斷楓
根鬼唱幽掠檐聞鶴警照席數螢流止舍慚昭子投亭
媿褚裒疏頑能稍稍漂轉付悠悠茲宇闕人久伊誰似
我儔途窮翻一笑鬢短耐千憂世故從飄瓦浮生等置
郵三更星斗落萬事入搔頭

陳孚

安南即事

聖德天無外恩光燭海隅遂頌南越詔載命北門儒萬
里秋持節千軍夜執殳前驅嚴弩矢後爨擁樵蘇曉彼
交州域初為漢氏區樓船征既克徵側叛還誅五代顏
王紐諸方裂霸圖遂令風氣隔頓覺版章殊丁連前猖
獫黎桓後覲覲一朝陳業構八葉李宗祖下俗澆浮甚
中華禮樂無諱嫌訛氏阮託制僭稱孤祭祀宗祊絕婚
姻族屬汗尊卑雙跣足老幼一圓顛陟嶠輕於鹿泗波
疾似鳧斜鈎青繒帽曲領黑羅襦語笑堂前燕趨踰屋
上烏抵鴉身偃承羅我背拳孤寺號千齡陋州名萬劫
愚笙蕭圍醜妓牢醴祀淫巫國尉青盤護軍振白挺驅
閔條親獄訟明字掌機樞勃宰官中容翦髻座上奴臺
章中贊糾邑賦大僚輸吏權檳榔稅人收安息租黃金
刑莫贖紫蓋律難踰安化橋危矣明靈閣友乎曲歌歎
時世樂奏入皇都龍慈常穿壁蔓藤不離五玳簪穿短
髮蟲紐刻頑膚有室皆穿竇無牀不尚爐星華舟作市
花福水為邪突兀山分臘茫茫浪注瀘鼠關林翳密狼

欽定四庫全書

御選元詩

卷六十

三

塞澗縈紆士燹祠將歷高駢塔未蕪鐵船波影見銅柱
土痕枯墟落多施榻顛崖屢改途千艘高斥鹵四穫粒
膏腴短短桑苗圃叢叢竹刺衝牛蕉垂似劍龍荔綴如
珠寶竿羅鸚鵡名香屑鷓鴣揭旌圖鬼像擊柝聚兵徒
鼻飲如瓠甌頭飛似輓轡蚶皮為鼓擊鰕鬣作筇扶家
必烹蛇虺人能幻虎軀魚鱗簷梁瓦鵲尾海浮椽水弩
含沙擲山豸出穴麤鱷魚鳴霹靂蜃氣吐浮屠寓縣傷
分阻生靈因毒痛舞階猶未格折簡豈能呼大社初傳

欽定四庫全書

御選元詩

卷六十

五

馮轅門合受俘貌貅微偃戢蛇豕偶逃遁天已殂渠惡
民猶奉僭離勢如純據隴政似皓亡吳鳳札重宣令狼
心更伏辜幸能寬斧鑕猶自戀泥塗獻頌尊天子騰章
遣大夫象鞅言可訂蠹冊事非誣功欲收邊徼威須仗
廟謨沐薰陳此什禮部小臣孚

翰苑薦為應奉文字二十韻謝大司徒并呈諸

學士

天上金鑾客人間第一流勢為唐內相禹拜漢元侯鯤

海三千水龜峰十二樓月寒紅燭夜風淡紫薇秋鳳詔
窺姚如麟篇振魯鄒珮隨宮漏遠衣染御煙浮淑氣騰
奎壁祥光射斗牛焜煌青鎖闥縹緲紫霞洲瑪瑙濡堯
甕珊瑚耀漢駒駝蹄中禁釜豹尾上方騶僕本師黃卷
生惟伴白鷗親庭雙鶴髮家事一漁舟偶預天官選來
為帝里游綠章蒙獨薦青史許同修故郡驚王勃新豐
異馬周隊隨魚圉圍角喜鹿呦呦勢似飛三鳳功如輓
萬牛桑榆終有望葑菲未為愁國士恩難報書生志易

欽定四庫全書

御選元詩

卷六十

五

酬誓堅冰雪操正色贊皇猷

借翰林學士劉東崖禮部侍郎李西山登憫忠
寺閣

天京朝萬國十二舜神州宮闕開中禁關河拱上游扶
桑彤氣近析木紺光流劔佩千牛衛旌幢五鳳樓玉泉
蟠地湧金塔插天浮北岳瑤符出南溟瘴霧收人皆躋
壽域我亦步瀛州智不如犀首癡猶過虎頭帝恩難獨
報儒術幸同儔偶此登阿閣悠然望薊丘長庚欣識李

太乙願依劉雪擁飛狐夜風號涿鹿秋黃花堆徑濕紅
葉帶城幽且盡一壺酒掀髯送白鷗

鮮于樞

寶林寺

越國龜峰寺樓臺曜錦暈許詢初有造徐浩久相依開
戶琅玕裂登山宰堵微昔聞禪板少今見講花飛禱雨
靈鰻躍看雲老鶴歸童烹羅漢菜客禮國師衣白足三
千指蒼松四十圍星河上界近煙火下方稀浮世自榮

欽定四庫全書

御選元詩

卷六十

六

辱深林無是非天台五臺遠何必更騶駢

趙孟頫

送董參政赴召

丹極飛明詔鋒車召老臣仲舒經術遠賈誼讜言陳
草懷殊俗安田慰遠人公心如皦日江國自熙春散亂
堆牀帙蕭颺滿案塵詭隨吾不忍高卧理還伸入奏能
回主當言莫愛身衮衣瞻望重丈席侍趨頻鉛槧工無
益樵蘇意已親白鷗波萬里浩蕩未能馴

投贈刑部尚書布呼密公

胄子何多士明公特妙年詩書師法在簪紱相門傳
履星辰上分光日月邊帝心知俊彥羣望屬英賢大木
明堂器朱絲清廟絃吉人詞自寡君子德為先斷獄陰
功厚優儒禮數偏我非天下士人謂地行仙山好雙遊
屐溪清一釣船賦詩時遣興好客恨無錢政爾韋編絕
俄間束帛爰風塵驅驛騎霜雪灑鞍韉別婦經春夏離
鄉整四千家書愁展讀旅食困憂煎郎位蒙超擢官曹

欽定四庫全書

御選元詩

卷六十

七

幸接聯屢聞哦鄙句信或有前緣知己誠難遇捫心益
自憐樊中淹澤雉春晚怨啼鶻驥病思豐草鴻冥羨遠
天仁言如借便白首向林泉

送瓜爾佳公分省陝西

憶從長楊獵於時始識公堂堂九尺幹落落萬夫雄補
衮彌縫密能書點畫工勞謙延士類豈弟到兒童黃閣
歸人望青雲有父風驅馳常扈從奏對每留中暫輟尚
書履榮分陝右弓泰山依畫錦燕雪感秋蓬粉署趨承

舊瀛洲忝竊同因公動鄉思飛夢過江東

題楊司農宅劉伯熙畫山水圖

移得山川勝坐來煙霧空牕中列遠岫堂上見青楓巖
樹參差綠林花掩冉紅鳥飛天路迴人去野橋通邨晚
留遲日樓高納快風琴尊會仙侶几杖從兒童疑聽孫
登嘯將無顧愷同微茫看不足瀟灑興難窮碧瓦開蓮
宇丹樓聳竹宮亂泉鳴石上孤嶼出江中籍甚丹青譽
益知書畫功煩渠添釣艇著我一漁翁

欽定四庫全書

御選元詩

卷六十

袁桷

次韻仲章過陳氏城南書隱十韻

矮屋參差倚平蕪黯淡看夢回榆塞遠愁絕翠峰寒白
髮游絲罽丹心古鏡蟠槐明金瑣碎菊鑄玉噴坑憶月
時看劍臨風復整冠鄉音憐過鴈古調拂離鸞去矣歌
招隱終焉樂考槃晚知交態薄老識宦途難口腹非真
累無煩饋一簞

壽李承旨四十韻

寶曆開三禩瓊章集萬神蒼龍迴插子玉兔候交辰潞

水丹騰渚壺關氣接旻道傳莘野正學比傅巖醇帝運
昌文統師臣秉國鈞清宮高贊畫潛邨舊經綸意得超
今古才雄異等倫春浮霞錯落秋映玉嶙峋三執中書
柄重開大國酌黃鐘陽脈脈瑤圃霧氤氳仙鼎神膏秘
宮壺掌露真恩醲錫麟脯味薄謝猩脣瞳碧光流漆顏
紅色耀銀垂紳凝泰岳設席陋平津手挈重華古心追
貞觀新至人專上壽八表樂同仁非虎耆年並猶龍祖

欽定四庫全書

御選元詩

卷六十

九

譜親息深忘蝶化機靜狎鷗馴蕩蕩心無競肫肫俗易
淳極知調鼎鍊不惜汗車茵竹帛千年事桑麻萬里春
管商謀可鄙房杜迹常遵斟酌扶元氣彌縫護國珍倚
風憐竹弱聽雪喜松皴玉署親裁詔青蒲獨奉宸蜀江
移戍罷浙土減租勻榻淨惟烏几堂虛且角巾手揮廷
下吏目送幕中賓習隱時思許題詩尚憶秦秦田溪溜
溜花鴨澗粼粼問俗停車緩貧賢倒屣頻藥囊儲赤箭
水鑑徹青蘋滄海收毫末空林絕隱淪藉功文館定約

法論堂詢出處關吾道安危佩一身政須陳蹇蹇直與
紀麟麟績藝慙斑馬抽才頌甫中占天徒有管望治眇
無垠閱歲桃成實知年海拂塵扶踈慙小草葱蒨託靈
椿

魯子翬御史分按遼陽作長律五十韻愛其精
密予今歲亦扈蹕開平因次其韻

象御天街正烏輪海觀昇省方秋戒慎扈蹕歲因仍石
迸根駢拇山迴勢左肱塵深疑帽重霧密覺衣蒸干頓

欽定四庫全書

御選元詩

卷六十

五

炊難熟宵征酒易勝解鞍心惘惘執轡念兢兢酪水分
罌缶通薪算斗升皮毛均製服脂腴或然燈統幕迷高
下烽臺閱廢興度關泉水咽出口月華澄狼戾官芻峙
魚麗輝粟徵千房雲疊疊萬竈墨層層列帳排衣甲行
營護棘矜旆旋環似翼鼓發去如繩斗北瞻紅棧雲西
指白登草肥青擺榼松聳翠峻增積雪疑忘象搏風訝
徒鵬屬車攢幄帳行殿儼茵憑白毳時逢賈朱衣定指
僧翠旄逼華蓋金甕耀觚稜觀闕天經界儀臺象緯凭

飲飛拳似虎鐵杖足如能竹帛司常煥丹書職貢增會

朝珠帽簇賜宴寶卮凝陞立齊垂索師行陋釋棚廣寒
通月窟高爽寄涼槽上聖英資異丁年武德弘天戈中

夜渡星檄百川承同軌嚴行夏明裡恥用鄙別州端首
冀分器定先勝德啟無疆服光傳有道曾皇威宣絕漠

陽澤散堅冰表正辰居所漸仁水集墉庭開下鳴鳳苑
廢罷飛鷹舉逸尊加壁掄材鄙販繒鄧林搜八柱瀛海

取三凌曲學慙繩祖孤聞賴得明沈思雲外弋冥索澤

欽定四庫全書

御選元詩

卷六十

三

中曾客議雞同鶴人疑驥聚蠅濡毫終有思執簡豈無
懲謂可魚遐邇胡云立愛憎清芬蘭珮結芳薦蕙葢丞
鴻筆吾誠忝輜軒子累乘共知心耿耿明對髮髻鬢馬
磨誰憐許龍門共企膺枚生詞過實揚子德徒稱盛化
乾坤闢王綱日月恒麟符昭炳蔚豹霧駭超騰虛白難
為繪空青不受矰欲追千古筆為付一枝藤

次韻伯庸畫松十韻

妙思通靈素元陰接帝青抗顏躬蹇蹇蒙頂髮星星颯

爽龍羞泰蕭疎鶴鍊形壁虛生地籟斗近界天經蝶夢
春濤湧蟲疑曉日冥雲生停筆候風入倚牕聽屈曲車
連軫騰竿簾列庭戀鄉思海岱封爵鄙雲亭月落孫生
嘯天寒屈子醒雄姿輕虎豹浮跡陋鷗鷺

五月廿六日大寒二十二韻

地界幽都正風傳委羽來陰機堅積沍空窺起荒埃炎
帝辭施設元神擅展裁氣疑翻溟津勢欲壓恢台北戶
嚴雲結中街宿霧霾曉流驚炙轂叨訝銜枚野曠狐

欽定四庫全書

御選元詩

卷六十

三

歸穴林荒雀下臺趁虛人瑟縮走驛吏徘徊舊篋裘頻
索殘鑪火易灰當陽紈扇棄薄暮酒尊催牛喘猶瞻月
龍藏敢挾雷曉吟肩峭直午睡髮培總締絡聊增襲簾
帷莫浪開鼎温延上客竈煬集羣孩鳥認南枝宿駝鳴
北路回沈寥河漢接慘澹雪霜堆重甲身僵仆銖衣說
詭誕已知鄒子的更覺杜生哀澤國朝曦赫畬田溽雨
催鴻鈞陶石爍金鑑煮冰摧舊俗慙卑窘新聞騁博該
廣寒今已到姑射不須陪

曹元用

上京次王繼學韻

觀光千里外載筆五雲邊計拙如工部文雄愧謫仙枕
流思洗耳懷祿敢垂涎疾目昏如霧衰髯白勝綿當辭
天祿閣歸種汶陽田曉日登山屐秋風下瀨船芝香雲
滿地龜鶴不知年

曹伯啟

陪翟沈二文學歲暮登宴嬉臺

一雨開新霽長空絕點埃眼明初出郭心遠乍登臺矮
塔培黃壤摧碑漬綠苔幾人遮日去雙燕受風迴稚柳
沿新塹神祠映古堆翠峰依舊好金菊為誰開日夕牛
羊下天寒鳥雀哀黃流隨去住元氣接周回風箒誰操
執雲衣自翦裁松杉誠異質樗櫟謾多材傲北衣冠變
平南士卒來功名殊未已伏臘迭相催弔古情何益噫
詩愧不才歸歟風景暮攜友且銜杯

秋夜西齋有感

因飲張氏席上故云

欽定四庫全書

御選元詩

卷六十

三

旅況隨秋變淒淒百感生白雲凝望眼黃鸝計歸程
樓臨邛服齏鹽漂母羹舊病雖少瘥新業竟何成財匱
交情淡門卑禮意誠淹留語世態出入論家聲眉鎖將
詩解心田杖筆耕尊鱸張翰興燈火退之禁雨積堪興
暝霜欺枕簟清天風篩竹響簷溜瀉階鳴伏翼生憐暗
飛蛾死趁明鴈鳴如有訴蟲語不知名兀兀心猶醉栖
栖夢亦驚鄰砧催薄暮樓鼓辨深更日斷家何在年衰
志未平自憐飄泊久坐起若為情

欽定四庫全書

御選元詩

卷六十

五

和陳愛山

拉友尋佳致迢迢遠市喧度山寧惜馬傍水得觀猿淨
盡羈人恨招回遠客魂樹頭參漢表石齒漱雲根植柳
人如在唵梅墓亦存風杉蒼晚節雨徑綠秋痕數畝栖
霞洞千年落照村誰憐丞相宅我愛故人樽叱道僧歸
寺還家僕候門賈留真有意誰可代晨昏

再和

酷愛西山景經年可避喧一聲何處鳥百樣此中猿地

雅僧成趣峯高客斷魂長藤梯藉力茂樹石黏根賤子
心君駭賢人手澤存水亭寒有素雲洞秀無痕古篆紆
清澗新圖掛遠邨乾坤雙斷梗身世一芳樽戍角催歸
路吟鞭懶入門五年申浦住卜宅媿吾昏

馬祖常

送文著作往鄂州諭南使

大化均天施黃圖象岳寧宣風依日月發號布雷霆貌
虎嚴分鎮鷓鴣蔚在廷芝莖聯孔廟蕙葉茂堯庭珠米
圓圓白樓桑箇箇青謳吟興隴畝游行及郊垌楚俗那
三戶滇童信六經已知含煦育復此仰儀刑使得皇華
美歌應湛露聽賜衣裁錦段官醞應瑤竝上國崇懷服
熙朝尚德馨魚書閒粉蠹雞卜枉軺星鄂渚翔鸚鵡燕
臺念鶴鷄歸途回四牡楓樹失江汀

秋谷平章生日

上宰儒宗重中臺位望隆承天施塊圮捧日照曠隴汾
洛精靈合文章運會通鄭侯生兆昴周翰降維崧姬正

欽定四庫全書

御選元詩

卷六十

五

逢陽復羲車舍斗中看毫齊紺髮仙骨炯方瞳鸞鳳翔
千仞貂蟬侍兩宮天池浮畫鷁公袞煥華蟲造命毗元
化書思沃帝聽山河尊社稷禮樂賴臣工韓國蕃宣永
高皇報施崇從來黃閣貴只屬紫芝翁檻竹沈沈翠庭
花灼灼紅道山藏畫象詞館轉詩筒洛下耆英盛人間
壽域同君王自養老何羨菊潭東

泉南孫氏園亭

鑿石通歸汐浮梁看浴暎鴨闌萍上甃鹿柵蘚生垣蔭

欽定四庫全書

御選元詩

卷六十

五

荀垂梔子簪當長竹孫書香芸辟蠹席暖錦裁鶴交客
登仙藉承家荷帝恩冰甌蜂蜜溜酒榼荔漿翻吹籥花
圍屋彈琴鶴舞園海雲春有態閩雪夜無痕誰謂衣裳
嬾予今杖屨煩拚鬚歌月地翹首望天門

次韻繼學三首

金爵層霄外銀猊曲檻邊含香俱國士持索半神仙豈
有遮塵手應無見麴涎池清天似水席暖罽如綿客送
蒲萄酒人分苜蓿田書思趨豹省挾藻賦龍船誰念馮

唐老為郎白首年

雞塞西寧外龍沙北極邊有天皆入貢無地不生仙鵲
玉光含水驪珠濕帶涎香清堪閉閣衣薄豈勝綿珥筆
遊鼇禁扶犁占鶴田酒來揚子宅人上剡溪船自信篇
章貴能歌擊壤年

丞相晨趨漏元戎夜拓邊碧雞崇漢時丹藥鑿秦仙敢
謂鼇頭選初逃虎口涎柳詞方濯錦雪賦已抽綿豔豔
金為屋輝輝玉滿田客衣隨楚製鄉夢逐吳船所賴三

欽定四庫全書

御選元詩

卷六十

五

階正螭坳記有年

陪可用中議祠星於天寶宮

教命司諸席元辰集醮筵星君符介壽歲紀輯安躔炬
燄天無夜熏焚樹有煙音如緱嶺上拜似竹宮前蕊笈
祥延世颺輪儼御仙日餘青燁接宿耀闕壇連象緯昭
重潤齋明祝大年步虛垂珮響奠幣織文鮮誠感將馨
祀神娛樂鼓淵蕃釐歸帝胄孚祐播農田

姚左司墨竹為賈仲章尚書賦十韻

江渚春生雨山楹夜宿雲撐鱗穿石錦節粉帶書芸元
玉昆刀削素絲并翦分魚竿方問野鳳管已招君莫作
宣房捷還歌華澤文露零忻鶴警星度恐螢焚影似風
榼見聲如雪幌聞裁冠終有製作屋更無氛移植驚燕
史盤根識楚妘中郎揮墨汁宗伯侑鑪熏

送宋誠夫太監祠海上諸神

上聖崇明祀元臣屬有文內香開寶炷制幣出元纁授
節臨前殿傳臚聽後軍酒清黃木廟魚祭武夷君颺母

欽定四庫全書

御選元詩

卷六十

元

應回雨天妃却下雲不勞風有隧猶願楚無氛漕粟琅
邪見還珠合浦間穹蒼天塊溝溟渤氣氤氳龍戶編魚
賦鮫人織霧紋時祠光炯炯宣室語欣欣鵬運連番舶
輶歸願冀羣觀書曾拜洛歌賦不橫汾越水琉璃靜閩
花茉莉熏伏波封莫請宵旰念華勛

求趙伯顯畫家山圖用唐李中韻

春鴈南來後家書一紙無山花應向日陂水計通湖羸
捋衣資絮生蠶薄藉蘆久宜拂白石強此伏青蒲琴客

分抄譜仙翁許借壺園紅榴火鍊沼綠艾盤鋪嵐氣飄
簷隙煙光鬱座隅呼雲橫蝶竦問月看蟾蜍倚杖心何
逸觀魚興不辜新開竹林逕并乞寫成圖

猗綠園

殖產吾何取開林我獨能縛船嘗取竹擣紙每移藤池
曲波濤小花繁霧雨蒸春雲同礎潤秋月共江澄鳳下
非因食魚來不可冒寫經還道士裹飯乞行僧筍屨新
青折荷衣舊翠凝浮甌茶有乳溢甕酒無冰香炮留文
篆書囊剩繚綾清晨餐玉罷東坐日初升

欽定四庫全書

御選元詩

卷六十

元

登雨花臺

積翠生層巖凝光浴巨濤吳城花覆井楚舸竹栽篙地
近魚龍逼天空鶴鶴高野橋皆蟬竦溪水盡蒲萄雨石
逢芝箭風林得鳳毛臙脂兒女小卷畫鬼神饗六代都
銜壁三山尚戴鼇故宮猶在苒古樹漫周遭仙洞歌瑤
草人家宴碧桃飯香非接浙酒好不芻糟綠霧春連閣
丹霞曉映袍攀躋忻境勝跋涉憚人勞老我才還劣清

資媿重叨採詩今有使問俗似無曹佳麗千年最聲名
一世豪歲時休澣日攜手可遊遨

寄舒真人

金闕來華蓋琳壇集羽衣石因鍾乳膩松為茯苓肥劑
墨香翻杵修琴玉布微天低臨象緯日近逼光輝竹裏
開長逕池邊蔽小扉紅迷霞綺錯綠漲水環圍仙杏葩
凝赤蟠桃萼翦緋龍來還獨宿鶴去更知歸割蜜蜂先
避銜書鳳自飛祠雷陳古磬符鬼掣靈旂丹井泉偏冽
欽定四庫全書 御選元詩 卷六十 三

送華山隱之宗陽宮

江閣魚龍近山房霧雨多地清天不暑池曲水無波筍
箨迎書帶櫻桃送錦窠呦呦呼伴鹿嗚嗚換經鷺養素
行編屨乘閒坐織蓑幾篇餐玉法一帙醮星科香地沈
銀葉衣裾佩紫荷丹光留海月絳景出松蘿醉憶泉浮
乳幽憐石爛柯神君攀綠桂天女踏青莎邀客登山頂

尋真入澗阿洞簫吹道曲雲紙寫漁歌予髮今如此君
心可奈何高談見明月為我問娑羅

張雄飛

碧雞山

北闕辭丹鳳南雲看碧雞紫苔移玉座瑤草濕金泥雨
霽龍歸洞風生虎渡溪尋梅穿竹徑採藥躡松梯白日
依山盡青天入海低寄書無鴈過擇木有猿啼花映高
低樹園分遠近畦飛星馳寶馬沈水吐銀猊魚戲蓮房
北鷗鳴荻渚西長歌漢頌罷刻石紀新題
欽定四庫全書 御選元詩 卷六十 三

貢奎

賦牡丹

得十
字

曲檻春如錦晴開曉日妍樹搖風影亂枝滴露光圓玉
珮傳湘女金盤拱漢仙翠填宮鬢巧黃染御袍鮮力費
青工造名隨綺語傳細翎層擁鶴弱翅獨迎蟬倚竹成
雙立留華任衆先久看心已倦欲折意還憐洛譜今存
幾吳園路憶千可應頻載酒相與醉華年

次王士容經歷賦廣東二十韻

巨鎮雄江表炎州介嶺巔通津波險涉接驛路高緣土
貢來遐遠輿圖接未顛獷民疲鬪蟻狡吏攫飢鷗盡念
山多瘴蒙知地出泉黃浮鳥影淡紅暈蜃光連石老苔
成蘚崖陰筍作鞭翠屏開近嶂素練沓迴川禽弄千般
巧花分四序妍九重嚴政治六轡選時賢喜際風雲會
同沾雨露天勝談蓮幕內妙句藥階前苦味檳榔好清
香荔子縣罕逢苑北馬富聚海南船古跡荒城碣晴炊
野墅煙行經韓子竄蠻恥越王偏賈客財常萬僧尼寺
或千整締冬亦爾乘屨俗依然人物生唐相儒風盛孔
編快心時小憩過眼境頻遷發興超言外消愁向酒邊
入朝應報最何得賦歸由

題虞少監小像

巖壑高堂上煙霞眼底清向來曾寄跡老去未忘情茅
屋蒼林掩藤崖白道縈遠峰雲際直孤嶂水邊橫宿雨
分濃淡斜陽閃晦明折梅驚雪墜倚竹待風生嶺斷炊

煙補沙迴甃岸傾雜花浮野意飛瀑送溪聲婦盪忻鳩
喚兒耕感犢鳴攬衣隨處坐曳杖有時行拄笏曾招爽
投簪每懼盈他年著書樂應不愧虞卿

舟宿荻港

冉冉秋雲暮衝寒買去船長江瀉吳楚故國澹風煙日
黯蘆翻雪磯危浪拍天蛟鼉潛暗壑鴈鷺起平川虎飲
沙遺蹟龍歸窟護涎岸崩縣老樹山暗失層巔靈廟森
長戟奔灘抱古屋漁家曾網集商舶鼓鉦闌登覽誰無
恐漂零客有篇浮生行役苦即合卧林泉

許有壬

水木清華亭宴集十四韻 并序

水木清華亭侍御史王公公儼別墅也位都城吳
隅出文明門餘里許園池構築甲諸邸第予客京
有年識公儼亦久而未嘗迹其地至正乙未春自
汴召入俄公儼由遼省拜中臺握手傾倒屢約宴
集塵冗不果致期宿具復有意外之撓乃七月二

十又三日始遂盍簪左轄呂仲實中執法杜德常
右司王本中左司尚彥文實同尊俎酒旨樂備物
映意勤適雨霽秋清庭空地迴庭木湧翠渚蓮散
紅北瞻闔闔五雲杳靄極目西望舳艫汎汎於煙
波浩渺雲樹參差之間蕭然有江鄉之趣不知其
為較擊肩摩之境也煩襟滯慮滌濯淨盡茲游奇
絕宜造物之不輕畀也公儼請曰人生四美百年
幾遇不可不紀也乃即水木清華亭為韻賦詩有

欽定四庫全書

御選元詩

卷六十

五

壬分華字其詩曰

世祿推門闕天墀幾拜嘉高情忘勢利大隱謝紛譁朝
市塵無染蓬瀛路豈賒眷言營別墅初不遠東華畫舸
堂前過青帘柳外斜晴紅迷菡萏寒翠接蒹葭揮塵風
生座扶筇雨壓沙萍開輕泛鴨荷側重擎蛙只訝神仙
府誰知宰相家賓朋元圃玉文采赤城霞麗曲凝雲表
鮮妝炫水涯添栽三徑竹遮賞四時花心事尊中物人
生海上槎相逢須盡興明日各趨衙

送馬明初教授南歸二十韻并序

後至元戊寅予得請歸江夏別業明年冬遊長沙
又明年二月安仁馬君明初來見於琅琊山其人
溫醇其文粹精傾蓋如平生同遊南岳更唱迭和
遂同歸江夏甫七日復參知政事命下以小兒累
之又同北馬至任城明初舟覆幾不免間關跋涉
不忍予棄用中臺翰林薦堂除緱山書院山長及
格擢右衛率府教授始釋褐衛官若胥卒皆國人
明初請收書教其子弟為華學官屬躉之鳩俸檄
明初買書江南因得歸省其家馬過予相下將別
請言吁世俗之交翻覆雲雨況延之館塾者其為
交不又密乎饜飢之不精不時也供侍之不慎不
及也脯脩之不腆也汲引之不酬也為主人者有
能不犯於是者乎人情久則狎狎則慢慢則隙生
馬賓主至是不竭歡者鮮矣而明初與予十年如
一日始終無間言有德君子哉述其槩為詩以餞

欽定四庫全書

御選元詩

卷六十

五

之其詩曰

吾子昔傾蓋瓊古渡頭袖文驚蜀錦懷寶重天球心
既同金斷膠因向漆投有邀須共往無侶不為酬南岳
朝聯轡湘江暮艤舟履窮峰頂寺詩滿水邊樓訪古由
來喜尋芳到處留遂移衡浦隱便作武昌遊坐席何曾
暖招旌遠見求高情安旅次遐躅又神州道路多嘗險
山川只薦愁埽雲髡兔穎鑿雪獎貂裘善誘兒何幸深
藏價未收忽看鴻鵠舉甘效壓蛩休洹水寒偏瑩林慮
晚更幽誰知三仕已相累十春秋公道先揚善真才自
拔尤恩袍明翡翠教鐸振甌緡行役仍清淡言歸甌阻
修臨歧惟一語音信莫悠悠

許有孚

柳巷

種柳圭塘路行行便向榮雨晴羞眼澀煙暖細眉橫色
比金猶嫩枝看翠易盈林疎無繫馬葉接有啼鶯線亂
柔條裊種鋪落絮平尋詩常獨往送客或同行歸院塵

欽定四庫全書

御選元詩

卷六十

五

難到還家月每明上通陶令宅不接亞夫營京兆時非
昔平康夢自驚陽關休疊曲司馬易傷情但恐春回馭
何將酒解醒託根因勝境由徑得嘉名莫訝公休吏詩
成句未精

何中

移菊

僅得林間趣閒尋菊本移人家深竹裏楓葉夕陽時汲
井澆畦潤將鉏下手遲護叢愁蕊損帶土怕根知每被
歸樵問深憐冷蝶隨寒香生徑術幽事補灣碕斗柄西
北落鴈聲霜露垂裴回繞叢畔自笑可能癡

皮氏逸亭

地僻藏吾逸隨宜託數椽池新何許水楓壽不知年竹
讓前林月花歸隔浦天綵鱗孤鏡照幽弄四牕圓曲几
清時裏閒心太古前八因添曉起出每及宵眠句得思
仙寄棊高許客傳乾坤餘蠹簡勲業老觥船智有過榮
計先求勝祖鞭太章短東極夸父恨虞淵世共稱工者

欽定四庫全書

御選元詩

卷六十

五

吾知付莞然他時耆舊傳應指某公賢

劉濩

贈臧曾山廉訪

肅政光華遠清臺啟擬公節移梅嶺北輶發桂江東楮
帳飾寒月柳杯鼓朔風瘦童恐挾杖負馬不裝狨微俗
三年問威名百郡雄星芒垂許洛雪色照賓融敷教有
虞廟講經夫子宮端嚴鉏獷戾易直牖倥侗吏猾加咎
竹官貪解印銅冤銷千褐父思浹萬黃童花縵施冬暖

欽定四庫全書

御選元詩

卷六十

六

斲笙吹歲豐仁頻芭嫩綠古辣釀輕紅象跡煙中堞鯨
波雨外蓬夷珠人有斛粵布我無筒剖決心如水驅馳
鬢已蓬六條方奏最四牡欲歌功為有澄清志遲輸獻
納忠織雲添衣繡鞭電亦乘驄楚尾吳頭會三湘七澤
通天文恢翼軫地蓋接潭洪牙纛聯分政旌旗列總戎
鷺爭肥似鴈罷搏猛於熊懷壁枉無罪見金忘有躬化
源安溷溷獄市積忽忽大器能繩物先聲已擊蒙道傍
豺果避窟底兔幾空勿珥終凶筆毋開報怨弓左饋并

右粥後稷更先種采菊賦歸老愛蓮無極翁理明輕勢

利語妙入盲聾文祖歐陽古詩宗魯直工挽回鉛槧習

超出簿書叢顧盼山須動掄揚石可礮羽儀傾振鷺啄

抱徧哀鴻念昔初騰踏時方息戰攻考工崖黯黯試壘

海隴隴赤帑彼三百素絲茲五總穩行卑劔閣善納小

雲夢甲子從頭數冠紳進秩穹階蘭香浣露田玉氣噓

虹世或探斯鷺吾寧牯爾撞察魚應小慧聽蟻豈真聰

靜躁聆微外剛柔省穀中江湖歸獨步宇宙涉丹衷德

驥曾思附仙舟偶未同耐寒衣故白好古佩仍惹夢枕

頻鮮荔羈帆幾落楓泥塗龜各曳霄漢鳳稀沖厲探期

霜柏吞聲等爨桐漸忘身顯晦得究學初終韓子哦雙

鳥莊生感二蟲樂莘晞行行憂杞笑忡忡選舉繫唐盛

方聞及漢崇貢琛凌渤澥懷組際穹窿穀欠防飢歛鹽

因析利龍駭民牛穀觶虛士鶴毳毳黼黻需耆俊饗飧

給老瘥會看楊綰貴不計孟郊窮温井占陽長明奎卜

道隆斯辭規愛助華髮尚狂伺

欽定四庫全書

御選元詩

卷六十

六

蒲道源

偶記少時小年能綴文詩

彼美誰歟子嶄然早見稱綴文當世有惟汝小年能稚
齒為星鳳清姿秀玉冰聯章成脈絡緝句合規繩穎悟
過長吉推揚自少陵可憐東魯客頭白短檠燈

王禎

園田

度地置園田相將水陸全萬夫興力役千頃入周旋俯

欽定四庫全書

御選元詩

卷六十

四

納環池地穹懸覆幕天中藏仙洞祕外遶月宮圓蟠巨

參淮甸紆回際海壖官民皆紀號遠近不相緣守望將

同井寬平却類川隰桑宜葉沃隄柳要根駢交往無多

逕高居各一廛偶因成土著元不畏民編生業團鄉社

囂塵隔市廛溝渠通灌溉塹互連延俱樂耕耘便猶

防水旱偏翻車能沃槁澆甯可抽泉擁綠秧鋤後均黃

刈穫前總治新稅籍素表屢豐年稔黍及億秬倉箱累

萬千折償依市直輸納帶逋懸歲計仍餘羨牙商許懋

遷補添他郡食販入外江船課最司農績治優都水權

富民茲有要陸海豈無邊祈奏載芟詠報歌良耜篇降

穰今若此蒙利敢安然壤土常增築風濤每慮穿積儲

趨日用防禦廢宵眠繫鼓供惟急苦廬守獨專本為憑

禦護或未免災愆誰念農工苦惟知粒食鮮并將農譜

事編紀作詩傳


欽定四庫全書

御選元詩

卷六十

四

御選元詩卷六十



謹案第十頁後一行曲藝恥旌招按方回桐江集

恥作齒今仍刊本

第二十五後八行鄴侯生兆昂刊本生兆訛初亦

據石田集改

欽定四庫全書



總校官庶吉士臣待朝

校對官檢討臣蕭九成

騰錄監生臣朱文佐

欽定四庫全書會要

集部

御選元詩卷六十一

欽定四庫全書會要卷一萬八千四百七十三

集部

御選元詩卷六十一

五言長律二

虞集

正月十一日朝回即事

宮樹春陰合
霓旌拂曙來
天光臨閣道
雲氣轉蓬萊
畫漏沈沈鼓
晨尊濫濫杯
香霏簾底霧
樂殷殿前雷
祥瑞儀曹奏
珍淳尚食催
舞庭分鷺序
效獻過龍媒
融雪微生草
輕風不動埃
老人南極至
王母上方回
玉色何多喜
金華得重陪
裁詩賀新雨
西閣待門開

欽定四庫全書

御選元詩

卷六十一

贈別兵部崔郎中暫還高麗即回中朝

束髮來東海
從軍護北門
珠光連旭景
玉氣達春溫
淵靜龍含德
門嚴虎列屯
從容參幄帳
慷慨屬橐鞬
拜表推黎獻
趨朝謁至尊
雲依温室樹
星入紫微垣
不道璠璣貴
仍嬰筦庫煩
利行雖近市
義守不窺園
春過忘身得
危難欲手援
懷邦維父母
於國實甥婚
草草還羈勒

詳校官原任事 臣 李斯咏

原原致壁飡魯連名竟重箕子教應存簡在從當日扶
持系宿藩清宮風肅肅驟乘火焯焯帝所為郎重王家
報禮博暫伸桑梓敬未愛李桃繁神闕秋期早康侯晝
錫蕃九成思閣鳳六月待冥鷗

送國王多爾濟之遼東

太祖收中夏元臣有武功建邦開土宇為位冠君公奕
世王章在諸孫相業隆春秋周正月禮樂魯新宮鹿幣
金遺耐熊侯莫失中河山仍鐵契寶玉右珣弓投筆鄒

欽定四庫全書

御選元詩

卷六十一

枚秀揚旂芮縮雄塞雲依碣石凍雨灑遼東戎器橐藏
盡賢書奏納同大夫勞誓御博史采民風

送陳碩 并序

莆田陳氏慶歷名法從故家也自衆仲來京師集
得友焉凡問學修己之事有益於愚陋多矣又從
知其父兄之賢也門所自出則南塘趙氏信乎其
學之有傳矣嘗以其從子碩來見予愛其端謹可
望南歸省父衆仲送之以文予不能忘也乃賦詩

曰

六歲過閩郡書聲憶滿城目盲今子夏心醉昔延平涵
叔同遊息吾文愧老成每分重席煖相對一燈明遠海
乘桴意高山伐木情願攜邛竹杖往看離支生辟掾青
衫舊趨庭綵服輕為言穿木榻亦未厭藜羹寶瑟留飛
鴈蘭舟及轉鶯珮懷湘渚贈綬向會稽迎去去江雲濕
飄飄島霧清重來知有意時我已歸耕

奎章閣有靈璧石奇絕名世御書其上曰奎章

欽定四庫全書

御選元詩

卷六十一

元王有勅命臣集賦詩臣再拜稽首而獻詩曰

禹貢收浮磬堯階望喬雲自天承雨露拔地起網緼擊
拊磬音合衡從玉兆分巨鼇三島力威鳳九苞文辨位
資乾坎為山填幅員固知興寶藏不假運神斤書帙侵
春潤香爐借宿薰煙光晴冉冉波影晝泫泫融結繇元
化登崇荷聖君瑞於龜出洛重若鼎來汾柱立尊皇極
磐安廣帝勲詎云陳祕玩因願獻前聞

送南宮舍人趙子期宣詔交趾

三年頒正朔五月向南交將命方離闕陪臣已在郊衣
裳鴻羽漸干戚虎皮已瘴霧衝風散瀧湍急雨捎朱鷺
窺土室白雉下槽巢夜浦鮫停織陽岡荔折苞初筵紛
氈罽後騎列茄鏡諏日修王貢無時眠客庖方言書爪
理海錯藉青茅漢柱苔侵篆秦林桂拂旂括囊無蕙苾
當戶有蠨蛸即見還英節無煩筮六爻

揚載

贈周景遠學士

朔易回元氣人才起俊流聲華當翰苑文采冠中州振
珮趨臺閣抽毫侍冕旒人傳鸚鵡賦家有鸛鶴裘式觀
饗宮立共惟祀典修一朝虞或缺六器俾旁求俎豆俄
成列蘋蘩遂可羞中朝方有道下士實同休已及歸鴻
候姑為食蟹謀朋簪多繾綣使節少淹留曉日花間酒
春風柳下舟篇章微品藻山水媿清幽鄭璞曾先辱隋
珠不暗投考槃雖自引闕觀亦吾憂簡冊銷長日蓬蒿
憚凜秋論高非縱誕興遠託賡酬尚憶駒千里胡能務

一丘何當把君袂相逐馭風遊

春雪次陳元之韻

寒氣何悽慘春空正杳冥東皇收索籥北帝駕軫混
沌包三極繽紛走百靈散珠分的礫擊玉碎瓏玲始試
朝藏日俄疑晝隕星危橋無客度曠野少人經百沸疑
奔瀨孤撐沒峻岭林荒顛凍雀崖滑墮哀狔袞袞隨風
舞颼颼雜雨零遺蹤初得免匿種詎憂螟眊昧傾農室
歌謠徹帝庭陽春將布德品類各成形捉筆題新句持
杯酌舊醪今朝須痛飲醉臥不須醒

送張仲實之宜興

南渡邦初造西山將獨賢立功何赫赫流慶尚綿綿報
國橫戈數登壇授鉞專風雲方際會江海固周旋控險
千鈞弩臨危七寶鞭忠誠深足仗智勇實兼全自返高
橋役端持宥府權兵威終抗敵人力可回天甲第無踰
者諸孫固穎然初生同燕頤有美自嬋娟善學間當代
能詩起妙年衛公猶故物鄭老竟寒檀矯矯青雲器冷

冷白雪絃同遊雖未達自視已無前政事兼留意時髦
孰比肩知機無轉石縱辨若奔川特達羣公薦酸寒衆
日憐姑為文學掾會見孝廉船必見公侯復無論雨露
偏秋風鵬鷲健萬里正翩翩

士開燕岳氏溪堂有溪山新月上江海故人同
之句邀予及張仲實曹克明同足成之

置酒秋風裏憑闌野色中溪山新月上江海故人同縱
浪情何極留連燕未終三鱸來上客五馬會羣公積水
輸清氣微霞銜近空將昏林尚白及早稻先紅極論追
遐古深情念困窮尚觀儀秩秩未遂樂融融才著當朝
傑文誇命世雄數君今日選宜爾集南宮

次韻黃子久喜晴三十韻呈汪知府

霞彩晨張錦蟾光夕挂鈎陰霾雖盡解淫潦豈全收
動遊遊興還聞唱和謳容容追舊賞歷歷破新愁騎氣
城邊縱龍光海際浮豔妝來士女盛服擬王侯在藻羣
魚躍依林白鳥啾河流交不斷山勢轉相繆物理歸含

毓人情釋怨尤娛娛從老穉燕樂逐明儔幄帟分郊次

瞻惟擁道周聯翩馳畫舫巖嶸累朱樓貿易通遐壤繁
華壓大州聚廬千井富接棟萬家稠已戒增周口仍催
決下流嘉蔬連隙地宿麥徧高丘曹事虞多廢胥徒戢
過求釀思方並育和氣與同游期會朝先往追隨暮不
休露花開的的風葉振颼颼拾芥非無日登禾即有秋
朝家期少試鄰郡固難侔共美光華著還矜德業修在
廷爭進薦當宁免垂憂玉漏傳臺角金樽出殿頭秉心
存正道造膝待嘉謀履直恒如矢防偏或類舟第誇繡
竹簡不省計牙籌善對慙鳴鶴能歌媿飯牛過情蒙許
與彌月為淹留

再用韻贈黃子久

自惟明似鏡何用曲如鈎未獲唐臣薦徒遭漢吏收悠
然安性命復此縱歌謳石父能無辱虞卿即有愁歸田
終寂寂行世且浮浮不假儕羣彥真堪客五侯高人求
款洽末俗避喧啾藜杖常他適繩樞每自繆與人殊用

舍在已寡愆尤濟濟違班列
儀儀遠匹儔能詩齊杜甫
分道偏莊周達飲千鍾酒
高登百尺樓艱危仍蜀道
留滯復荊州鶴度煙宵閣
龍吟霧雨稠東行觀海島
西逝涉江流自擬需于血
何期渙有丘古書嘗歷覽
大藥豈難求撫事吟梁父
馳田賦遠遊堂名希莫莫
亭扁效休休檻日吟東濟
牕風背北颺鳴琴消永晝
吹律效清秋雅俗居然別
仙凡迴不侔多聞踰東哲
善對邁楊修儘有匡時略
寧無切已憂塵埃深滅迹
霜雪暗盈頭始見神龜夢
終營狡兔謀雪埋東郭履
月滿太湖舟急景誰推轂
流年孰唱籌凌波乘赤鯉
望氣候青牛好結飛霞佩
胡為淹此留

寄王繼學二十韻

聖主敷皇極元臣建上台
虛心求俊乂削迹去姦回
拜命超凡品知君秉大材
淳風隨日播公道應時開
負鼎資烹飪操刀貴剝裁
銛鋒行肯綮興味合鹽梅
廟議常參決朝班復共陪
艱難須仗助豁達遠嫌猜
遺佚聞風

欽定四庫全書

御選元詩

卷六十一

八

起英豪接踵來經綸非董賈
辭藻亦鄒枚在野思羅致
盈庭想較推既將龍作友
惡假鴉為媒走也今留此
公乎可念哉執竿猶海上
扶耒即巖隈自守幽人意
寧虞俗子咄舊遊辭玉府
故事憶金臺落魄江湖阻
蒼茫歲月催丹心徒耿介
素髮已毳毳勿謂交如水
能忘恥及壘飛黃當駕馭
猶足異駑駘

送完者都同知

來遊天子學籍甚有聲華
論事依三策藏書至五車
姓名題鴈塔譜牒記龍沙
自可編青竹兼宜縮白麻
文工金有價貌美玉無瑕
興盡方豪飲篇終不浪誇
豈惟吟芍藥曾是賦蒹葭
事莫分難易人須辨正邪
月中初折桂天上始乘槎
勿待秋風起宮門聽鼓撾

贈郭集賢

衣冠趨近地藻翰集羣賢
給事黃門裏抽毫黼座前
佩龜金作紐賜馬玉為鞭
御酒傾壺滿宮花插帽偏
清光依日月逸思繞風煙
記憶踰三篋吟哦過百篇
自惟叨

欽定四庫全書

御選元詩

卷六十一

九

侍從不敢廢周旋秋著隨車獵寒當襍被眠蘇瓌才既
敏陸贄寵尤專自爾紆皇眷於馬理化絃詞臣方進用
才大畢騰騫可念如揚子蕭蕭獨草玄

悠然閣

高閣凭虛起登臨興甚長江流春渺渺樹色曉蒼蒼原
隰魚鱗布峰巒鳥翼張雲來兼北極雨過及南荒地大
遺民富時清致理康南山常在望懷古意難忘

寄周御史二十韻

同游河北後共抵浙西初獨倚知心舊翻成會面疎三
年仍契闊萬里更吹噓小子無奇氣先生有譽過見稱
司馬賦求授夏侯書倉卒排歸計淹留著寓居已非興
俊逸猶是主癰疽名士多親我諸公或請予駕言將采
芑即事欲連茹顧爾傷流矢居然恨倚閭驚心聞杜宇
過眼易蟾蜍忽召抽金匱俄徵論石渠文章殊賈馬謀
略匪嚴徐薄技終難效窮愁只自如尚矜存弊履不肯
曳長裾與作棲梁燕寧為涸轍魚儀形長日想懷抱幾

時攄奏疏間當宁抽毫待直廬烏臺絃既改鼇禁席仍
虛馬首何繇見分光興有餘

雲山圖為茅山劉宗師作

長江千萬里奔浪薄高雲龍見誰能覩猿啼不可聞迂
迴因地勢昭晰應天文劍氣秋如洗珠光夜欲焚連峰
俄筇迸斷岸復瓜分句曲臨東極巖頭有隱君

贈魏虛舟少府

西蜀文章伯東吳閥閥家族傳貞觀舊躅繼信陵遐雅
度人難測高名衆共誇為楨材不小韞積玉無瑕鳴鳳
占諧吉乘龍偶契嘉三牀邀納笏萬弩護排衙世賞官
仍及朝參寵復加天顏垂眷顧地肺侈光華緩步方鳴
玉高情欲泛槎翻然歸翠麓姑爾奉黃麻彭澤還栽柳
河陽不種花投閒銷日月訪古略煙霞臘蟻常開宴春
魚每看又興來恒放逸賓從任喧譁問靜塞珠箔窗虛
閤綠紗琴彈多古雅詩就輒妍媸願作梁間燕徒慙井
底蛙執鞭曾莫効抱瑟敢長嗟戀戀情終在悠悠道苦

賒春風吹去旆翹首又天涯

送丘子正之海鹽

珠生滄海底玉韞碧山中夜氣交明月陽精現白虹有
賢兼重價當代振英風好學由天性能書至國工知名
傳冀北作賦擬河東始欲徵揚子旋聞薦褚公陰符難
獨美遺教實爭雄絕藝雖宜進奇才自不同交遊傾上
國掄選屬南宮鄧禹官初試匡衡對漫通海邦終寂寞
學館尚穹崇已注千人錄當成五典功星辰皆在水渤

欽定四庫全書

御選元詩
卷六十一

三

澥信浮空把酒歡何限乘槎興不窮文章趨浩瀚物態
入牢籠子必登芸閣吾方守桂叢索居彌寡陋荒業孰
磨礱弗獲披雲霧惟思對華嵩知音期郭泰流俗易王
充江海從茲逝飄飄任短蓬

招真觀圖

欲學無為道來居小有天精神消物怪采色變風煙恬
澹知天德虛無象帝先高風何特達古迹尚流傳地涉
鴻荒表山開混沌前谷幽疑鬼聚峰巧類人鑄疊起三

重閣分流百道泉巖穿留虎跡石冷逗蛟涎放浪曾無
日遨遊未有年古經披覽罷毛骨為醒然

寄沈少微金華山隱居

巖前通細路嶺外接危峰梯磴踰千級煙霞過萬重緣
崖收異莽步壑數長松隔屋疏朱虎當窗現黑龍蘅蘭
爭酷烈桃李角鮮穠隱士多相過仙人庶可逢第能安
性命何患改顏容練鼎丹砂熟傾壺白酒醲微茫追絕
響瀟灑振孤蹤鄉里宜同好他年必子從

欽定四庫全書

御選元詩
卷六十一

三

送侯尊師歸蜀

北上關河遠南歸歲月賒飄飄攜短劍杳杳泛靈槎別
岸秋濤掩前山曉霧遮欲攀青桂樹先採白蘋花天道
元無極浮生即有涯舉杯吞夜月引袖拂晨霞獨跨沖
天鶴能追赴壑蛇祇應投老去長日煉丹砂

春晚喜晴

積雨俄經月新晴始見春蒼苔侵別墅綠水過比鄰性
僻居宜遠身閒景易親無詩排世累有酒縱天真循圃

花粘履憑闌柳拂巾歌呼從穉子談笑或嘉賓漸喜漁
樵狎仍欣鳥雀馴幽情延薄暮浩思集清晨養拙元非
病為文敢自珍杜門綠底事作計嬾隨人

范梈

贈李提舉之官豫章

公孫閣下士多似魯諸生昨者聞高誼茲行起盛名文
亭南斗近征旆北風輕余亦懷鄉郡今猶滯帝城關河
驚半面雪霰念孤征芳宴絲簧咽新詩錦繡成長塗心
果怯令節眼增明渺渺飢鷹度嗷嗷旅鶴鳴露凝秋浦
白雲散夕堂清是物關流動何階計合并會須繫桂楫
相共啜蓴羹徐孺亭前水因之幸寄聲

立春日和王翰林

北斗紅雲上西城皓雪邊歲華今若此宦味故依然節
輜荒冬後寒驅夾日先樓臺通帝極井落散人煙登眺
臨無際歡娛信有年客情關外地農事庾陰田只有傷
絃促那能效履穿幾時歸櫟社盡日接芳筵寶鼎昇平

欽定四庫全書

御選元詩

卷六十一

五

瑞金播淡蕩妍透迤朱鳳集瀟灑白鷗眠遠業嗟何就
高明賴必傳道雖沾世用意漫逐時遷顧過頻頻數欣
榮頗倍千江湖萬里興爛漫百花前

寄甄氏訪山亭二十二韻

問子亭何許滹沱舊水頭谷陵千載異風物四時幽城
郭長無事琴尊或此游窗櫺平野秀戶接亂泉流猿鳥
相賓送漁樵互獻酬太行晴日近碣石晚煙稠莽莽青
天外離離碧海陬都將神迹化只可笑談求大檻花周

欽定四庫全書

御選元詩

卷六十一

五

映虛階葉竟抽豈容黃壤汗祇為白雲留更就諸峰老
寧須萬戶侯心知嗜好酷勢肯去來休予亦尋山者人
疑避世儔偶然依紫闕不是謝丹丘薄與江湖遠頻嗟
歲月周夢嘗經五嶽思屢繞三洲室宇憑誰寄園林誓
自收把書消旦暮種藥引春秋地僻澄官冗天空埽旅
愁幾時攜古劍萬里覓扁舟賸想高人趣空懷賤子羞
猶勝徐市俗瀛島計悠悠

贈裴秀才

江邊見立春花老問征人物色隨鄉異風光逐候新朝
廷方貴士經術足謀身舉世皆騰踏如君獨隱淪鳴山
應鸞鷲在野決麒麟已用遺經試寧辭累牘陳飄颻行
李別繾綣酒杯頻四海多英俊諸公自等倫雲霄開大
道溟漲接通津百轉倉庚近雙飛蛺蝶勻款留俱醞藉
歸到莫遂巡肯薄傳家賦猶堪博釣綸

題翰林宅山水圖

敏絕丹青手驅馳翰墨場力能移地軸藝直破天荒素

欽定四庫全書

御選元詩

卷六十一

十一

壁清風起蒼崖旭日光喬林支混沌巨石偃滄浪鶴背
夫容影牛頭薜荔香參差殊不謬奔峭亦非常仙去遺
真館人來倚釣航向知萬里近不費一生忙擬乞丹砂
洞長尋碧草鄉松喬如可及結友更何方

揭傒斯

集賢大學士趙國公王開府慶八十應制

昭代雍熙日詞林賦頌時紫宸丹詔出甲第五雲垂裕
廟青宮裏王公玉樹枝朝趨陪綺用夕待接龍夔際會

真難及飛騰已在茲暴公初繡斧方叔更藩維霜簡驚
風采天官肅羽儀還迎代邸入竟被漢文知位望躋三
少權衡俯百司每蒙天黼黻直許國蒼龜鳳吹廣寒殿
龍舟太液池羽觴春侍宴玉座夜觀基德業前賢繼辭
華後進推高情晞廣受餘事擬徵珪全趙山河富瀛洲
日月遲九卿看絲服八袞表龐眉皇覽逢初度殊恩介
壽祺黃封中使出玉食尚饗移國老陳嘉慶

李韓公
作序 羣

欽定四庫全書

御選元詩

卷六十一

七

百歲期聖心誠念舊政用作臣規

奉送全平章赴江西

聖主思南土明公起集賢直期凋瘵後共致太平年金
虎分符重文龍賜服鮮權綱兼將相標格近神仙天地
三江外星辰北極邊丹心齊出處素志在陶甄請迷江
南事都非大德前但微扶弱美竟坐抑強偏無復同憂
樂徒令舞智權平疇吹渤澥暗室伏戈鋌貪黷明相訓
忠良默自憐民心隨日壞世態與時遷况復兵饑接仍

聞病癘纏誅求殊未已
蠹賊轉相挺若擬寬憂顧
先須解倒懸久飢寧擇食
多病但求痊一語堪懲勸
微飢足轉旋已知平似水
更道直於弦遙想間公至
渾如望歲然九重天上別
百丈霧中牽日月明金節
山河入畫船四方初息馬
五月正鳴蟬豐樂田多黍
生香滌有蓮岱宗標魯地
廬嶽壓湖天水怪收崩浪
山靈掃瘴煙歡呼麟鳳出
踴躍吏民先笳鼓趨雄鎮
旌旗覆廣川下車和氣應
袖手頌聲延膏雨侵淮甸
仁風扇海壖忠貞真世
方名在蕃宣

欽定四庫全書

御選元詩

卷六十一

元

送李掾自北回歸省長沙因簡趙宣慰張徵士

呂宗二判官

萬里風沙斷三湘日夜流
名成親白首歲暮客扁舟
黃鸝延歸思丹楓替別愁
眼穿迴處鴈心靜狎餘鷗
細雨黃陵廟殘陽杜若洲
漸深桑梓敬翻畏友朋留
送遠慚羈旅臨分憶舊游
鐘聲衡岳曙帆影洞庭秋
風壤通蠻

微煙霞拂帝丘交歌明月市
傾旆壓雲樓訪菊逢徵士
行爪識故侯為言憔悴客
散盡黑貂裘

黃潛

九日登石頭城

背郭巖塵遠高秋川岳清
幽懷初曠蕩陳迹故縱橫
遙望龍盤舊長憐蟻穴爭
紺園隨處闢粉堞向來傾
發草窺簪井看碑驗故塋
門開蒼耳路亭愛翠微名
遠樹淮南出滄江鳥外明
人煙川浩渺風物歲崢嶸
吹帽仍佳

欽定四庫全書

御選元詩

卷六十一

元

節傳觴但老兵愚生雜鼉
鼉浪走媿璜珩去去帆檣
盡蕭蕭蘆葦鳴登高未成
賦覽古獨含情政復哀王
桀何堪厭禰衡散廬滄海
曲日斷白雲生

柳貫

贈別宋季任赴甘肅提舉二十韻

寧塞洮河外甘州瀚海隅
羌髻通別譯封域界中區
氓俗風丕變王靈德誕敷
粵初聯吏治近亦好文儒
左學將興蜀西庠昉自虞
懷章煩遠役鞭馬戒前驅
驛路爭

迎傳關門不用繻水經張掖弱山對賀蘭孤禹鑿班班
迹幽詩往往圖發時梅未萼上日草應芻元宰親加豆
諸生肅詠霄職司雖翰墨佩服已銀朱會覩天荒破端
令士氣羸槎明星是客鄉大酒為徒請播言斯在居夸
聖豈誣高才每流蕩平世匪崎嶇只作三年夢須輕萬
里塗旃廬春襲襲茹管曉烏烏漿豔葡萄盃馥寒翡翠
鑪新篇多慰意許可寄潛夫

次韻答鄉友吳立夫見寄之作感別懷歸情在

欽定四庫全書

御選元詩

卷六十一

其中矣

宇宙方來事江湖獨往人扶搖遺短翮濡沫到窮鱗誤
作軒裳夢終慚稻錦身迹雖倖燥濕學豈混疵醇跼步
逢多躓虛懷待一振屈伸乘卦氣消息候天均喜際三
雍啟還依六籍親馬羈從幸日螢案潔餐辰騰口虞官
謗稽謀信卜陳踐更非顯陟遷秩遂為真清廟方悖禮
容臺忝末塵早早論燕雀憲憲望麒麟緬想間居賦猶
存弟子紳國鄉誰尚友輿阜或稱臣飛翰因來客分光

官照鄰之人芻有束何物稼盈困雙圃初登射驪山適
罷巡玉全遭別足淵靜得藏珍接席連芳晝看花惜好
春言筌開窈窕理窟至馴馴蓄思文俱銳修名實與賓
逝將熙孔業由此樂顏仁淹泊思同社羈孤若異倫宜
休寧俟斥漸老最憂貧夙願惟畊釣浮榮謝鼎茵滅行
無聽漏觀涉即知津狐首求吾正蝨斯詠爾詵粉榆應
不改蘿蒿重相因惜遠接青菊期歸睇綠蘋題詩絨恨
去離緒極紛綸

欽定四庫全書

御選元詩

卷六十一

大雪戲咏

霰集先驚密雲垂陟覺低穿帷纔巧入擁砌已深迷蟾
影宵翻鵲犀光晝駭雞投虛知井幕蒙險失巖梯九地
藏膏澤千門委壁圭黃輿增厚載元武蟄幽栖忽灑聲
尤急中休氣轉淒辨方惟有服封谷不須泥稍喜夷塗
闢多憂陷穿擠世將還樸素壤盡徹青黎固欲殊廉角
於何畫町畦溟池涵上下瀼岸渺東西縞舉仙人袂窗
明玉女閨混淪收日脚軒豁露坤倪翦毳巾成氍吹灰

室覆緹氛隨蕩析闡茸謝槌提勁竹猶遭挫疎梅恰
吐齊若為散鱗甲無已戮鯨鯢現日消遲見豐年卜可
稽漁歸裝襪襖兒戲象狻猊正苦貧衣綻那禁凍面黧
曉瞿初撥醴午椀更吹壘幾夢斟羔唱徒聞索飯啼掩
關誰埽軌返擢却尋溪踐迹嗔鴻爪全生媿馬蹄莫抽
梁苑思爭效漢衿題

送翰林書寫邵從聖赴臨淮尹

故人為縣去聽我說臨淮白水濛濛溢青山岸岸排牛

欽定四庫全書

御選元詩

卷六十一

三

畔多種秣魚糝亂編柴貴險民常足知柔俗易懷無庸
輕保障尤欲念顛厓美錦休傷製清琴莫近哇心將千
古契興與四時佳池影花當檻簾陰草滿階揮毫還有
待退筆未須埋禁嚮羅三館招旌下兩涯煌煌良史策
寂寂太常齋豈必長安客東方獨好俳

吳萊

嚴陵應仲章自杭寄書至賦此答之

故舊何懸絕閒居欲反招幽并風雪緊楚越水雲遙短

褐緇塵破長鐔寶氣銷門垣成隱逸筆積到畊樵逆旅
呼燈夕修闈徹棘朝囊書題蒼藓發論獻芻蕘舌欲真
熏灼胸兵劇鍛敷乘軒南國鶴解鏃朔庭鵬幹運天垂
斗蜚騰海作潮荃蘭騷地變橘柚貢年凋色采黃金蔽
音聲徵角韶潛身甘蟄蠖賦命類苔鷓筮仕龜無兆攻
經教有條秦灰完竹帛漢粕味單瓢畫品翎毛貴雞場
爪距驕文章通政理道義勝官僚歲月嗟悠久湖江耐
寂寥花濃攜酒榼柳霽賣錫簫制虎搖金錫驅龜駕赭
橋流連光景賞播蕩別離謠世笑烏非鵲吾憐狗續貂
呼號三則璞忼慨五陵鑣落落山中桂叢叢澗底苗依
然百將略付與霍嫖姚

憶寄方子清時子清久留吳中

一別嗟何處相思撫舊蹊月明施瀨北雲起蠡巖西跋
涉舟車動過從笈篋攜鄰光因借燭道味肯吹壘好學
螢分照論交鴈擇棲丘園心薜荔海國氣鯨鯢卷帙籤
翻蠹謳吟硯發鬣經筵參老易樂府錄鏡鞮治法推周

欽定四庫全書

御選元詩

卷六十一

三

稼淳風仰漢綈談元知野馬考字守家雞土域標鞮象
天圖辨輝鐫遺文多廢墜妙契極端倪獨樹盤桓久平
蕪眺望低霜林紅玳瑁霧雨碧玻璃屏跡依狐兔銷愁
對鷺鷥塵書投梵夾美餉挈童觴榭葉時遮峒藤梢或
肯谿龍居睨雪瀑虎路躡霞梯出入恒聯袂追隨幾杖
藜竹山香嶺嶠花島繡湖隄尚義開覺始延儒振席齊
生徒修棗脯祭品授菹藟錦石看還數蒼松倚却題吾
伊朝屢集渾灝夜同稽自謂菖為歎人疑穀似稊中怡
真抑鬱外物總筌蹄歲序空流邁濤波益慘悽故袍寒
擘繭雄劍滑膏鵝綠映牽帆水紅黏曳屣泥娃宮釵鈿
拾甫里筆牀齋鶴市歌喉引鱸鄉繪手揔吳趨誇粉黛
越產購珠犀富業連橙圃菑霖潰稻畦占歸仍浩渺結
客重酸嘶彼此身如寄參商夢欲迷蓬飛甘埽軌桂落
得通閨俠眼收丹電仙襟化素霓貧期金埒騁賤許玉
階躋病矣長憂痼閒哉敢恨睽撈除須爾鑷磨刮更予
篋本欲睇王貢茲猶慕阮嵇猖狂疏奏牘輒弱謝明犁

習靜求神悟超羣畏俗擠清琴桑有鯉鉅弩蹠非籬教
駕傳街轡觀隅識椽枿耒芝鯨受謫抱璞踰閭啼性命
緣窮鬼功名屬嬖奚悠悠鸞與鳳泯泯鹿將麋白谷今
安駟青霄古執珪毋寧枉隱逸辛苦等黔黎
去歲留杭德興傅子建夢得句云龜鼉滄海賦
龍馬赤文書間以語予及其鄉人董與幾山空
歲晚恍然有懷為續此詩却寄董
觸目懷招隱興歌託遂初俗塵多汨沒天籟幾吹噓晚
景翻濛汜秋潮洩尾閭祥雲旗鳳鳥瘴雨弩鯨魚灑淚
鮫人室漂魂建木墟龜鼉滄海賦龍鳳赤文書上谷空
豪舉西河久索居蠻琛遺翡翠魯價掩璠璣遠矣鳴鶻
箭悠哉薄笨車影拙青薜荔光璨白芙蓉自昔攻佔畢
於今載耒耜彈冠身有待鑄研志非虛蘇子縱橫術韓
生內外儲乾坤瞻魏闕日月夢周廬炫燿螭雕珮踰躡
隼建旗列衣騰朔漠膠棹入黃淤趙女絃鴻鵠奚兒駕
駟驢詞林應聘汝俠窟肯愁予結騎幽并窄掄交楚越

疎竒功生昂鷲猛氣死遽條藥物金鷲採兵鈐赤鯉魚
中條分雍豫四序出堪輿小榻琴心展長纓劍膽舒按
圖稽獬廌觴酒笑鷓鴣野屐偏求蠟山中尚著練貧猶
思祿士老不廢耕畬卓犖才終用猖狂習未除文章同
一默歲月或三餘策竹登元圃然藜問石渠定須追樂
毅端為謝曹蜍

寄張子長

世豈無推挽人誰有典刑稍懷南國彥恒媿北山靈萬

欽定四庫全書

御選元詩

卷六十一

三

里麻衣敝千年竹筒青義文先索象魯頌或歌駟祀梓
儒林挺魚龍俠窟鯨塵埃完結綠粉黛飾娉婷脫略蘇
張弇漸摩管樂矧道塗餘雪屨巖穴但雲扃本擬陳三
策吁嗟守一經跡卑淪燕雀蹤遠及獠挺種菊行荒援
看松俯絕陁仙棋閒度日旅劍懶占星故里青桐巷雙
溪白鷺汀交游多握手歲月此忘形志氣需來哲才華
歷妙齡秦坑收末燼漢柏浸竒馨正氣陳籩豆專門識
鼎錘犇騰鞭用駿袒裼剖分腥卓立撐喬嶽孤流混濁

涇鵠飛持或布鯨吼扣非筵別袂逢秋怯鄰燈入夜熒
沈沈猶在野憲憲欲揚廷舜殿瞻儀鳳堯階數歷莫螭
坳文錦蓐獸闈紫金釘列徽環霄漢游車發震霆細書
官命史吹律樂求伶迅奮君須競棲遲我未寧簷風歌
警枕井雨泣羸瓶古陌垂楊柳空山老茯苓只今馳尺
楮何所問南溟

寄柳博士

試續儒林傳南州定幾人清標騰鳳翼素手截鯨鱗卓

欽定四庫全書

御選元詩

卷六十一

三

犖初觀國軒騰早致身燕秦爭騁俠鄒魯共稱醇旅劔
渾如淬冢璫在一振於焉徵有道自此教成均學術諸
生識才名六館親土牀然燭夜茸帳結餐晨上下笙鏞
間縱橫俎豆陳岐原周鼓老闕里魏碑真白日需前席
青雲仰後塵山林稽猛駁文字到祥麟豈獨呻佔畢猶
應逐縉紳討論抽祕典扈從得良臣絕漠幽州暗滄波
碣石鄰鸞旗飛旖旎草輅歷輪囷御苑才官集離宮突
騎巡赤狐翻遠譯黃鼠割時珍法酒葡萄熟天花芍藥

春遡風沙鶻健衝雪野駝馴北海誰求隱東都或對宸
三關寧設險八極總歸仁悵望懷今古賡歌邁等倫短
衣曾見寵長缺每忘貧共往仍聯駟同吟更接茵玉山
森巨石金水濯芳津本擬追枚乘終然愧卻詵鹿鳴來
已再鵬擊去何因色挺淮王桂香生楚客蘋聖朝初薦
士江漢有垂綸

吳師道

次韻王繼學參政胡古魚編修翦燈詩

欽定四庫全書
御選元詩
卷六十一
三
剡渚推冰紙并州翦水刀輕明新雅製麗巧極纖毫不
讓琉璃貴渾疑錦繡韜皺紋縈細縠曼縷引長縵花草
形相錯鷓鸞勢欲翔騰光宜秉炬透色賤塗膏愛著詩
聯綴嫌逢騎驛騷香風翻玉帶華月湧雲濤良夕娛佳
賞元臣念小勞都人應共樂歌舞送春醪

觀南陽高武宣王詰詞其子渾璞治書徵賦

歷數歸真主英雄起壯年挺身辭汝蔡仗劍走幽燕武
略紛誰敵神鋒奮獨先攻城蒙矢石拓地攬山川淮甸

威如埽蠻方命已懸長驅越東角直擣海南邊名冠三
軍帥功開半壁天至仁惟不殺偉績更無前鐵馬戈鋌
息貂蟬佩服鮮曹公創尚在鄂國志逾堅星隕悲蒼漢
山宗想故阡分祠徧南紀遺像儼凌煙疏傳曾開國承
家復象賢繡衣躬入奏丹陛詔仍宣聖代昭恩數王封
衍土田風雲攄壯氣日月漏重泉制闢奚斯廟光增太
史編哀榮千載少忠孝一家全奕奕丹青繪綿綿帶礪
傳桐鄉修秩祀願薦侑神篇

欽定四庫全書

御選元詩

卷六十一

分題蕃宣樓送山僉憲之閩

大府開閩土危樓鎮海涯飛雲浮畫棟麗日照高牙昔
駐蕃侯馬今迎使者車三山歸指顧萬井仰光華縹緲
臨城處逍遙散吏衙榕陰千樹翠荔子半空霞嶺嶠俱
清謐賓僚亦靜嘉宣風問民俗作屏扞皇家去去青冥
樾依依紫禁花登高應有賦留待碧窗紗

次韻許可用參政從幸承天護聖寺是日陞左

丞

西北羣山迴盤護帝鄉玉泉流海閣金刹倚雲翔四
月龍舟邁千官馬首驤落花繁綉佩高柳拂帆檣采女
遙分隊材官近綴行和聲宣鼓籥珍獻集梯航天雨清
初霧湖波靜不揚瓦光浮璀璨鈴語振鏘鏘梵唄雷音
偈醍醐雪色漿玉林敷御座翠殿散天香內宴有初秩
仙韶樂更張騶虞游近野黃鸝下回塘馳道風隨輦行
宮月轉廂應同游上苑何似幸雲陽心共斯民樂謨咨
上相良傳宣升列輔稽首荅休光勲業期千載精神萃
一堂序調堯歷象澤浹舜要荒盛事傳新句迂儒乏寸
長願將歸美意絃誦播修廊

欽定四庫全書

御選元詩

卷六十一

七

歐陽玄

贈經筵官酒次蘇伯修韻

鼇極天初補娥池月已修鮮甍生廣厦清旭映垂旒玉
漏聰無壅重瞳視不流凝神思燕翼虛已納鴻猷章撤
金爐池筵收玉笋浮甘泉歸步遠太液便程優鸚鵡棲
宮樹鷓鴣避客舟商者爻漢幣瀛俊膳唐羞名輩應相

語明時豈易酬徘徊西掖晚鴈影度延秋

宋聚

馬伯庸淮南別業號石田山房指韻求詩仍依

次用

官曲愚公谷紫旋戴氏池人從西掖召文任北山移畦
稻收新粒巖花艷故枝地因人愈勝心共景相宜戶晝
孫常閉園春董不窺紛華忘世變衷素付天知暗篠藏
仙客喬林叫竊脂淮流紆大帶楚岫作修眉輞水堪摩
詰樊川稱牧之山房空蕙帳猿鳥望歸期

欽定四庫全書

御選元詩

卷六十一

七

盧疎齋趙平遠小像

盛德不孤世鉅邦尊二賢盧翁官察訪趙使職旬宣契
分元偕白襟期甫暨虔柏森松競秀珪瑩璧相聯高誼
雲霄外清標几杖邊句投時絡繹杯算日纏綿宵候丹
砂竈秋鳴綠綺絃岳躋同謝妓湘泛共膺船釀酒矜方
妙裁衣鬪品全教嬉驅腰裏笑詠撫嬋娟密通通家好
留連對榻眠閉關常習靜揮塵或談玄間潔山中相脩

搖地上仙儀刑人倏逝丰度世爭憐肖貌開光霽垂名著簡編精神棲落月思致薄凌煙豈直江潭重應齊宇宙傳長沙多勝境並祀待他年

王士熙

和馬伯庸寄表學士

白雪賡歌少朱絃詠歎長天池鷗獨運霧谷豹深藏舊地收華戟新田買石房間情齊綺皓時論佇班揚瑚璉登周廟宗彞畫舜裳西昆分灝氣南斗避寒芒六月灤

欽定四庫全書

御選元詩

卷六十一

三

陽扇三秋鏡水航彈琴無俗曲辟穀有仙方玉海羞麟脯金莖饋露漿書空忘吐吐文陣擁堂堂翰府聯芳遠樞庭奕葉光名山留史策烏國售詩章節擬芝田鶴音諧律管鳳寫經酬道士立塔禮空王藉草連裾碧分鱗注酒黃竹牀吟几小紗幘鬢絲涼離別三生夢歸依一瓣香升堂乖笑語在野媿才良雲擁鄞山雨潮生定海洋何時宣室召四馬驟康莊

虞祕監山林小像

棧閣通秦鳳蓬山壓海鼇石泉當壑圻琪樹出雲高夜月青筇杖秋風白道袍長吟趨谷口獨往下亭臯偃蹇三峰卧逍遙八表遶竹深時宿鶴溪淺不容舸經席天顏喜邨居世網逃神全勞畫史才美擅時髦憇迹惟松檖充飢有澗毛滄浪誰唱曲華屋意蕭騷

省中書事

玉京長夏裏畫省五雲邊終日身無事清時職是仙縹緲分馬乳銀葉薦龍涎細草煙籠罽垂楊雪妬絲客懷天外鶴農事雨餘田染翰逢歌扇揮金向酒船鼇峰孤絕處閒坐似當年

欽定四庫全書

御選元詩

卷六十一

三

御選元詩卷六十一

欽定四庫全書會要卷一萬八千四百七十四 集部

御選元詩卷六十二

五言長律三

王思誠

賦得雲夢澤送宋顯夫僉事之山南

兩儀開混沌二澤積泓渟匯溢巴丘腹陂泔楚地形龍
蛇蟠窟宅蛟蜃駕空冥餘潤蒸巫峽層波接洞庭汀花
迎日白岸草際天青使節光卿月仙槎泛客星扣舷歌
楚些鼓瑟舞湘靈憂世嬰多病傷懷憶獨醒清風吹碧
渚明月漾滄溟迢遞山南道乘驄舊所經

再拾前篇餘韻

龍洞朝雲薄牛山暮靄冥一天風浙浙千里雨泠泠幽
壑濤飛箭虛簷溜建瓴空中無走電地底不轟霆紅濕
千株杏青滋五葉蕒汗潮蒼石礎澤潤碧窗櫺牆外迷
樓觀橋邊失渭涇隔巢鳩谷谷在野馬駟駟年稔逢人
說懼聲到處聽故鄉歸未得客枕夢初醒返哺慙烏鳥

傷懷憶鶴鶴沁園春欲暮且醉酒雙瓶

中條山

崛起巨河邊奔騰欲上天遠臨滄海盡高與太行連大
塊橫為脊他山立似拳土膏繼舜耒石險任秦鞭洞黑
狂吹雨峰青冷罩煙店荒檀道絕寺古柏梯懸淹漏微
茫雪巖垂浙瀝泉迸根通砥柱斜徑入閒田北笑恒藏
寶西輕華聳蓮三門遙托跡五老迴差肩落實樵夫指
靈苗本草傳柱空擎鴈塔倒影蓋魚船繪畫終無手封

崇必有年鹽池浮翠靄蓮澤媚漪連陰壑乖龍蟄枯松
凍虺穿圖經標數郡神異產羣賢呼壽嵩何諂升中岱
豈專斯文如已矣此地可終焉暫看猶驅病頻登合得
仙許昌休自負吾什亦銘鐫

楊丹

偕王天祥登瓊雲山

瓊山高不極佳樹鬱相臨虎跡層巖上龍吟古徑陰琳
宮溪溜繞仙陞石臺侵結構何迢遞窺觀極廣深庭參

新舞鶴鐘送暝歸禽木圓風便細芝田雨忌淫優游仙
境日瀟灑昔人心采藥衝芳霧吹笙過茂林兩君俱俊
彥並馬陟欽盜賤子陪冲賞空齋接誨音隨行溪百折
眺迴巘千尋暑少慵揮扇斟餘足解襟興深思返駕意
遠欲鳴琴安得遺軒冕從茲訪一岑

班惟志

送舒嚕元帥開閩分題得越舊

郡初名越舊漢昔撫酋豪宿溜巖為室炎蒸地不毛射

欽定四庫全書

御選元詩

卷六十二

生餐血肉淫祀灑腥醪奮臂搥銅鼓吹脣舞洞刀溪山

防虺蜮藤樹嘯狻猊狀纏綿角嘲謳變楚騷自憐無

統御推長治逋逃繫起鄰讐殺詞連牧過餐弘思惟在

格薄代忍言塵公極兜蓋選門兼閱閱高建侯嫌詭道

投策塞深壕陣密嚴三令機深備六韜警烽隳土壘妖

宿隕天牢雲慘回盤鵲潭移失斷鼇降幡迎露布奏凱

卷歸旌壯節雖能効清朝亦幸遭宣麻重鎮過開閩賞

勲勞符煥文犀帶香熏錦獸袍我慚沾益友祖送盡時

髦岸暖泥抽草冰消水沒篙旗亭折楊柳篋琖酌葡萄
糾糾千城虎馴馴守圉焚先聲馳部曲遺惠怵童曹耀
武時長獵巡邊可遠遶沙乾騏驎足劍瑩鷓鴣膏落雉
穿金鏃飛鷹掣繡絛宴閒陪士樂罰信絕羣噉吹月橫
柯竹簪花列倩桃服威全學亮好詠喜賡陶親上平夷
頌曾髡草檄毫懷柔安鞠育寒餓免啼號職貢來方物
江郵就戰舠策良無妄撓戈偃肯輕操鳴鶴林思野聞
天等在臯待書良將傳未盡片言褒

欽定四庫全書

御選元詩

卷六十二

陳樵

送烏經歷歸二十韻

大府羅賓彥修門得俊賢明時優外任密畫制中權曉
日卿雲麗高秋白月懸千尋看壁立百鍊識金堅殷浩
名無忝崔羣美可專緋袍臨僻壤華髮憶流年山揖金
華秀城當婺女躔民風仍皞皞王道故平平元暢塵囑
外芙蓉夾氣邊憲臺依翠柏幕府擁紅蓮法謹持三尺
書應受一編公言歸可否德意賴承宣歛郡推夷直河

陽贊巨川可能蓋噲伍豈復媿盧前淵媚珠含彩林輝
玉吐煙豫籌纒婉婉歸思忽翩翩趨拜麒麟殿違離玳
瑁筵幾時嗟蠖屈後日看鶯遷空遺參軍紙曾辭太守
錢雙溪清若許明月送歸船

丁復

次夏允中禁體雪詩六十韻

衾夜生孤擁樓更死屢過墨雲常黯黯絲雨先鬢鬢半
醒身何所全迷意罔涯露眠當莽蒼風泊在蒹葭乍起

欽定四庫全書

御選元詩

卷六十二

五

平行地訛聽亂撒沙羣慙搖始覺衆怪語仍譁慢卷爭
成片裳霑祇見些尺深良可待寸測即頻差熾炭肌還
粟張燈眼暈花闔明和月澹學舞逐風斜在臘時能應
祈年歲必嘉競投牕內隙密糝砌旁窪尾亞攢槍竹肪
分破刃瓜恍疑行朔幕只訝失胡茄賸有開甕貯渾無
樹屏遮廊飄黏畫翠庖炊泣炊赧靜凝檐頭髓清垂瓦
口牙迴溝填小曲側巷積微衰夕氣干牛斗豐城瘞鏤
鉚暖融團腐草晴綴嵌空槎易化行人路偏多隱者家

池心堅暮日山脊晃晨霞馬齒沈虛屐羊腸阻峻車荒
藜喧餓雀垂蔓抱僵蛇縮頸牛如蝟拳毛馬盡驅自須
明潔淨誰敢訾疵瑕公子添重錦夫人儼副珈聚羣沙
簇鴈作隊野屯鴉鬢縷搔驚似髻珠貫暫呀淵宮裁斷
織閨服帽初髻晉女吟稱謝唐人賦憶又大田將有穀
沃壤早宜麻久晚偎牆色寧論在土芽舞娥臨月桂才
士縱天葩朽壓傷顏架長支惜偃芭梅封新蓓蕾新燹
濕杈材京洛多豪富長安有狹邪埽開交擁篲戲聚互

欽定四庫全書

御選元詩

卷六十二

六

推爬帶洎張魚苟凌晨沒免置卧來窮就捉跳出捷從
叔粒食何煎迫萍壑漫吐嗟跣趨哀蹶躡志肆笑矜夸
數戰肩逾竦頻訶指更接脣呼吟蟋蟀足跌伏蝦蟇嬾
出從嘲鼈甘貧任處蝸市春窮也糶鄰酷薄猶賒

王璋

送傅擴齋廉訪秩滿歸長安

南國皇華使東維列宿光選掄應近侍敬歷且殊方地
鎮江陵重天連蜀道長班荆非客宦負弩盛朝章問俗

魚鳧國傳杯杞梓堂舞看渝水曲歌倩竹枝娘叔子心
期遠文翁政術良巡巡持漢節處處即桐鄉瑶歷更新
號崇臺整舊網五驄鳴宛水軒鶴憩陵陽落筆霜威重
隨車雨氣涼澤中集鴻鴈道上屏豺狼舉錯消羣枉封
培惜衆芳春回魯宮藻詩咏召公堂有客棲南郭無人
薦蜀莊分庭寬禮數退食問行藏古道今安有深心矢
不忘方欣為李御旋報促曹裝送客聽雞唱征帆拂鴈
行楚江楓葉赤陶宅菊花黃未識長安第還分漢署香

欽定四庫全書

御選元詩

卷六十二

七

他年懷舊德帳望繡衣裳

汪銖

水西山中

五峰聯氣脈一徑入煙霞晴井蒸陰雨旱渠流落花山
依東晉廟溪對古官衙門障延青海灘流湧白沙虎羊
列蟠踞翁仲半敲斜劍履局幽室衣冠憶故家經鐘朝
聽擊齋鼓晝聞搗竊火猿燒笋淘泉僧煮茶暖蕉翻貝
葉朝樹曬袈裟石竇秋澆蕪巖池夏漚麻山居元寂靜

塵徑自紛華此意高人解移居未有涯

薩都拉

題進士索士巖詩卷士巖與余同榜又同為燕
南官由翰林編修為御史臺掾兼經筵檢討除
為燕南廉訪經歷

憶昔登天府文華萃帝鄉俊才魚貫列多士鴈成行寶
劍懸秋水驪珠耿夜光三場如拾芥一箭已穿楊上策
師周孔蜚聲陋漢唐鳳池開御宴虎榜出官牆賜笏丘

欽定四庫全書

御選元詩

卷六十二

八

山重恩袍雨露香天花皆翦翠法酒盡封黃冠蓋遊三
日聲名滿四方歷階超宰輔捧表謝君王第甲分三館
鐫碑立上庠曲江嘉宴會合席盡才良契誼同昆弟比
和鼓瑟簧誓辭猶在耳離思各驚腸臺閣需材器儒林
作棟梁超遷烏府掾輝映繡衣郎迫晏封幾事平明出
奏章日披墳典舊時念簿書忙檢討超經幄論思近御
牀聖朝稽古道日暮下迴廊羈旅然薪桂長吟出錦坊
弱妻貧且病羸馬瘦仍僵窮巷迴車轍空廚泛酒漿故

人傳奏日請便趣行裝皇極三臺重燕南各道昌承恩
辭魏闕攬轡去恒陽曉暮芙蓉露秋空柏樹霜諸司循
直天羣吏肅宏綱漢水浮神馬岐山出鳳凰行須冠獬
廌已見走豺狼慚媿蓬蒿翼乘風亦下翔

郭囉洛納新

益清堂 并序

閩海憲使合魯桓穆公歸休嵩山之下鑿池引流
列植卉木扁其燕處之堂曰愛蓮公沒堂池逮廢

欽定四庫全書

御選元詩

卷六十二

九

其孫國子生張閻伯高謙恭好學思繼先志乃復
增葺而新之國子先生陳伯敷易其名曰益清伯
高謂余曰與君世寓南陽且支裔聯屬不可無作
因賦律詩十有四韻以復其命云

嵩嶽雲峰近高居水竹幽築堂依別墅甃石帶芳溝翠
苻合風弱紅蕖著雨柔菱歌花外發蘭漿月中遊卷幔
紅雲亂開尊碧露浮使君曾弭節持斧照南州綠野池
臺晚平泉草樹秋吾宗多秀發公子獨清修屢接何蕃

武長懷賈誼憂拾瑩供夜讀走馬散春愁朋友頻相過
琴觴每唱酬籍通青瑣貴文擅省闈優歸思勞清夢高
情憶故丘卜鄰端有約歲晚共綢繆

羅稚川山水十韻為甬東應可立題

平生丘壑趣偶向畫中傳雨氣千峰外江流落日邊
蕪青滿渚芳樹綠參天渺渺溪雲淨涓涓石溜懸崖巔
何處閣谷口小家煙漁唱來秋浦僧鐘落夜船瞥驚飛
鳥過疑有壑龍眠竹徑能留客桃源竟得仙丹青誇絕
代賦咏藉名賢千古滄洲意含情憶稚川

欽定四庫全書

御選元詩

卷六十二

陳旅

次韻陳景忠見寄

用世已無伎高人方據梧詞林忝供奉客舍候徵呼拓
落需微祿騫騰失壯圖為文下枚孺力穡後孫愉春草
生湖曲暮雲飛屋隅論交尊有螳憶別履非鳧擬泛鷁
夷舸重遊泰伯都山泉剡雪乳石笋淪瓊酥作鱸溪庖
近聽猿野磴紆松風吹綠鬢花雨落紅綸佳什勤相贈

幽期媿獨踰煩君語宗長為我謝寅夫

陪趙公子遊蔣山即席次李五峰韻

弭擢丹陽郭鳴鞭白下山晴原煙翳翳幽樹烏關關石
液玻瓈碧雲根瑪瑙殷佛巖開細菊僧逕入叢菅雨洗
川容淨潮隨野色還六朝有遺事盡在夕陽間

次韻許左丞從車駕遊承天護聖寺是日由參

政陞左丞

銀甕呈山麓地名巒輿際水鄉離宮疑馭娑行殿仿飛

欽定四庫全書

御選元詩

卷六十二

十一

翔細浪魚鱗襲輕颺鷓首驤扶桑明遠岸析木度高檣
屏翳時清蹕豐隆夙啟行衛兵環越棘舞女蹋吳航漸
覺仙樓近微聞梵鐸揚石壇登案行瓊佩雜璆鏘夕渚
休蘭擢春壺瀉桂漿伊蒲頌內供簷蔔散林香罷宴蛻
旌動開帆獸錦張美田依碧樹馳道出金塘畿甸嚴車
輔臣鄰重室廂方欣麟在楸復喜鳳鳴陽聖主需賢急
嘉猷賴弼良從容承顧問烏奕拜恩光文采堪華國芳
菲正滿堂協忠成泰治流澤遍遐荒援古言應切匡時

慮更長誰哉疲土木況乃象為廊

南山詩

山在龍虎山南張宗師藏劍鳥之地曰丹丘有小洞門玉津澗月橋天鑑池

金砂井躍泉漱雲亭山雲閣丹桂陂桃花源云

江左羣山囿仙丘倚太霞上清分亢爽南谷抱谿訝臺
觀黃瓊宅林巒赤虎家天池開寶鑑日井射金砂桂霞
秋巖栗桃烘曉岸葩泉香通美竹雲液漱靈芽俯澗松
偏潤緣崖徑自斜幽亭宜水繞晴閣受嵐遮神鳥丹局
祕元關紫氣賒石橋留月色銀浦渺皇華願解延陵劍
終乘博望槎臨風一解后食我棗如瓜

欽定四庫全書

御選元詩

卷六十二

十一

送葉天根南還

我識天根子於今二十年吹簫來翠嶺鼓柁入丹淵日
出扶桑底雲生建木巔人間方夜半海上得春先老我
江湖迴微官歲月遷荒泉流竹里冷雨侵芝田髮短何
為者君歸重惘然飛霞浮夕景定在石林邊

傅若金

壽陳景讓都事四十韻

種德由來遠流芳信有苗名門多令器夫子最高標地
迴瞻崧岳天清見斗杓聲名從結髮問學自垂髫江漢
棲遲久林亭興致饒紫蘭敷月露蒼竹倚風颺畫艇移
書放秋燈把劍挑微名寧屑屑高志獨囂囂五氣乘昌
運羣英集聖朝武功收赫怒文治付宣昭歷數初歌禹
聰明已贊堯求賢多晏食夢帝起中宵石室仍高隱中
臺歛見招賜書縣日月乘傳出雲霄議論紆三顧榮光
動百僚入宮催護壘趨府聽鳴鑣郊社陳周禮神人協

欽定四庫全書

御選元詩

卷六十一

十三

舜韶出關春衣繡分陝夜乘輅解觸心彌壯豺吞膽共
銷封章猶懇切歸思遽飄飄袞職江湖隔鋒車道路遙
凝旒思穆穆行李發蕭蕭典祀尊原廟承釐洽大寮步
依文石進香近黼裳飄白日明驄馬清霜急阜鵬帝裾
遮道引諫草避人燒佐省持三尺繩民究八條兵曹多
暇豫郎位益崇起所向才華冠何曾意氣驕臺評推妙
畫士望慰深翹引拔連茅茹芬芳雜桂椒銀章看且佩
金鼎竟須調小草方慚出浮萍久恨漂文章殊豹隱篆

刻近蟲雕徐穉矜縣榻蘇秦惜敵貂敢期充砥礪猶幸
致芻蕘黃鵠追高舉青松託後凋火行占孟月星聚識
生朝壽酒開雲液仙音出鳳簫祇應成遠業未可慕松
喬

送孔惟中再謁祖林

吾郡稱文物君家績聖賢尼山縣日月野樹隔雲煙追
遠逢昭代游方及盛年北通三仲譜南下九江船鴈起
垂綸外鷗飛解纜前水涼聞雨坐沙暝望星眠岱岳遙

欽定四庫全書

御選元詩

卷六十二

十四

臨海河流遠自天路詢洙泗境人指鄆謹田日觀朝輝
接風雲暮色連閔宮俱寂寂闕里獨綿綿翠合知林墓
翬飛識廟堦趨庭槐氣潤拜下柏陰圓科斗殘書帙旋
蟲壞樂縣圖稽始祖出世別小宗傳遠近論昭穆尊卑
齒後先杖藜楷木淨冠截檜皮堅舊俗聞詩禮遺儀見
豆邊玉傾當別酒珠寫贈行篇古道嗟環轍長塗勸著
鞭京師同逆旅瀛海限飛仙賦或君王問貧應故舊憐
苦吟冰合硯危坐雪侵羶魚目從人貴蛾眉祇自妍猶

懷薛氏劍未絕伯牙絃卒業思歸魯離羣遽發燕霜蹄
終奮迅風翼整迴旋文憶來時把詩要去日聯綠蕪
思滿青柳別愁牽為客慚烏鳥因君感杜鵑充城多驛
使頻寄彩雲箋

寄題番陽周子震金潭山居

大氣生旁薄元功接杳冥江開吳楚白山直斗牛青玉
牒呈天祕金潭泄地靈百盤工取勢千疊互殊形石吐
高低筍峰羅大小屏忽如森隊仗復似倚娉婷六六移

欽定四庫全書

御選元詩

卷六十二

五

諸洞三三映列星靜宜營道室幽或下仙駟客有依文
物兒皆尚典刑卜藏思買宅佩訓謹趨庭娛老心能遠
登高步每停艱難成宿志窳窳慰千齡雨潦供漂木神
祇助薦牲史留徐穉傳碑勒蔡邕銘碧水通銀漢蒼霞
護石扃暝迷中谷路晴見隔溪亭鳳穴含飛旭龍湫蓄
震霆倚廬浮晷行徑俯清冷鸞鶴軒羣岫龜蛇汎遠
汀陰陽皆抱負存沒總安寧種竹期成實栽松擬伏苓
久居鄰吠息清誦野猿聽夜燭吹藜杖歌饗啜土銅馬

卿能作賦葦氏舊傳經伯仲翔鷓鴣東西念鶴鷄辟雍
初識面京國共漂萍磊落珠藏積光芒刃發矧即看培
遠業誰得限修翎何日過彭蠡從君醉醪醕遂求靈運
屐一往眺林垞

送孔學文之湘鄉州判

郡邑頻騷動朝廷失撫綏君繇先聖出政學古人為北
極迴旋裏東門祖餞時家從天上挈官自日邊移雪樹
違燕市風帆掠楚祠大江開浩蕩靈岳見參差候吏迎

欽定四庫全書

御選元詩

卷六十二

六

皆喜州人到恐遲苔虛蔣琬宅竹淨褚公池閒暇應攜
酒登臨得賦詩此邦稱富庶今代益蕃滋地氣湘潭會
天文翼軫垂山川曾屢涉風土向來知秬稻金纏穗松
杉翠壓枝魚肥春雨窟牛滿夕陽陂禹貢連三澨虞巡
接九疑至仁終遠被淳俗未全漓豹隱多文采鴻飛足
羽儀五兵間警邏千耦樂耘耔聽訟寧求異觀風政在
茲治成聽舉最萬里慰衷思

送蘇伯修侍郎分部扈蹕

扈聖千官出分曹六職俱侍郎精古學議禮應時須車
蓋連諸郡衣冠接兩都句陳殿內拱屏翳肅前驅灤水
開宮殿龍門起畫圖仗依雲氣肅人望日華趨馬酒來
官道馳美出御厨露疑金作掌冰想玉為壺地絕分寒
燠天清習曉晡會朝常咫尺奏對祇須史舊俗懷周雅
今賢誦禹謨愛君期得道憂國況為儒久客嗟牢落諸
公念撲愚路經南粵險心戴北辰孤汲引勞脩綆吹噓
倚大爐臨風思何限相送獨勤渠

欽定四庫全書

御選元詩

卷六十二

送楊翼之還清江

同郡晚相得還家君獨先艱難萬感集離別衆愁牽盜
賊凶荒後干戈餽餽前故園思縮地行路歎登天郡國
方收馬江湖總稅船遂嫌居鬱鬱竟作去翩翩芝嶺寧
忘世桃源似欲仙游鯤輕萬里歸鶴畢千年已謝蘇秦
印無論祖述鞭道瞻匡阜雨山背薊門煙遠色芙蓉浦
濃香穉稭田藏書猶有壁坐客豈無羶我亦懷三釜誰
能乞一錢將書不敢寄多是斷腸篇

奉送達蕪善御史赴河南憲僉十二韻

聖治尊儒術賢才翼帝躬立朝防觸廌行路避乘驄復
道河南去先愁冀北空激揚元自任出處豈謀同地絕
看持節天長惜轉蓬繡衣今日把尺素幾時通別酒花
開裏征帆木落中薊門縣夜月梁苑度秋風古縣藤蘿
碧霜林果蓀紅咨詢行每徧閒暇賦能工白日明高岳
黃河繞故宮登臨興何限題寄北飛鴻

登岳陽樓

馳傳自青天憑高憶往年闌干映水迴埤垵與雲連江
合沅湘大山侵楚蜀偏屋郎通別井龍女宅重淵日月
鴻濛裏風沙浩蕩前驪珠秋後冷犀火夜深燃張樂猶
疑奏乘槎欲並仙登臨停去騎寵餞惜離筵地氣南交
接天文北極縣賦慚王粲作詩擬杜陵傳渺渺衡陽鴈
迢迢浪泊鳶早春回漢節應得泛湖船

奉和蘇授經八月二十九日明仁殿進講勅賜
酒饌許乘舟汎太液池趨西苑之作

欽定四庫全書

御選元詩

卷六十二

聖明思善述者舊倚交修虎豹開閭闔山龍照冕旒日
臨丹扆動雲拂翠華流獻納稽前古都俞協大猷几筵
花氣合圖史竹光浮當宁經綸遠尊賢禮數優內廚深
出饌西苑近迴舟禁鬻由來貴溪毛庶可羞遥勤三顧
問各奉萬年酬牢落南州客相望奈九秋

送廬陵范會宗入京省兄朝宗

大范留京國齋居接棟梁端門通籍晚望苑曳裾長遠
客逢難弟諸公比季方題詩晴望岳載酒夜浮湘萬里
懷燕市三年厭楚鄉旅游成獨往兄在慰相望馬酒宜
風土狐裘耐雪霜況聞周選舉不廢漢賢良紫電依龍
種青霄屬鴈行故人多在北應念獨南翔

雅勒呼

上執政四十韻

聖主飛龍日求賢似拾珍典謨皆故老登用必元臣日
月當黃道風雲擁紫宸華封歸帝力壽域囿吾民旭旭
時將旦熙熙物自春唐虞風未遠鄒魯俗還淳往者三

欽定四庫全書

御選元詩

卷六十一

九

靈墜扶持賴有人斬鯨清海沸鍊石補天迤工絲趨刑
辟臯夔起隱淪明公辭政久首詔趣裝頻渴慰蒼生望
飢憐赤子貧朝陽先覩鳳春籟正書麟總代天成化俱
為政入神五朝居輔弼三世掌經綸皇春恩波闊元功
德澤均房謀兼杜斷蕭律繼曹遵歷法義經祕書文頡
篆新山河由秉筆社稷在垂紳衆水宗南渤諸星拱北
辰濟為舟楫重任託股肱親玉燭調元氣金樞運大鈞
都俞間密贊諫論喜重陳聲教流沙外謳歌碣石濱烏
臺分繡斧鳳詔繼華茵練達時無匹公忠世絕倫棟梁
支大廈柱石表重闈天下皆桃李人間靜棘榛中台方
正席東閣又延賓有客懷吾道無媒致此身窮經甘寂
莫抱拙忍酸辛虎榜叨前列鴛墀接後塵即潛嗟吐吐
吏隱歎逡逡十口長為旅三年屢卜鄰稻梁猶不足抱
負豈能伸養母留甘旨居官守誨諄正言期董賈枉道
恥儀秦草芥難終棄芻蕘尚可詢修塗多駿足涸轍有
潛鱗未遂風雲信猶霑雨露仁天瓢能一滴咫尺是通

欽定四庫全書

御選元詩

卷六十一

十

津

李裕

奉和王治書紙燈韻

香壘凝脂薄金刀逐意妍輕清籠絳蠅晃漾映羅箋巧
異雲藍瑩光同燭火然好花迎宿靄初旭眩晴煙製陋
秦宮炬工慙漢綺蓮映空珠網密照夜綠璣圓燄轉虹
垂浦輝分宿麗躔薄能欺霧縠暎欲暈冰筵春淨波如
感雲輕雨未懸東風愁剪剪華屋鎖神仙

欽定四庫全書

御選元詩

卷六十二

三

劉汝

言志敘交四十韻答歐陽元翁

衮衮滄江去茫茫暗谷移黑頭那敢恃華髮會相欺遂
起紛如歎能忘逝者悲著書誰發憤追古獨忘疲講授
嘗咕嗶研窮幾下惟犀經元奧妙百氏苦支離索隱妨
修業談經失秉彜反身惟一理遵道豈多歧新意方來
際陳言盡去時夏蟲冰莫訝越犬雪休疑浮世春榮過
幽園夕秀遲後凋終有待直養可容虧向使常汙混寧

逃具眼嗤投閒欣事省掃跡畏人知環堵差堪戀長沙

去若為趨庭因泮藻贈客且江蘿回顧舉比冷還思寶

玦遺羈愁生雨外鄉夢落天涯每慨淵明菊將羣綺季

芝未諧萊氏隱頻念鹿門期友誼今逾薄儒流子尚奇

剛腸俱比石末俗竟如脂綴曲唯同病論詩固解頤率

更仍翰墨六一再文辭解接家聲遠兼扶士氣衰墳麓

參雅奏椿桂亞高枝正始音能續元和脚肯隨渾雄親

漢魏綺靡却陳隋浪許鯤魚舞雲看駿馬馳駑駘差抗

欽定四庫全書

御選元詩

卷六十二

三

臆鱗鱗愧揚鬢不盡沙金揀猶煩璞玉治受辛驚絕侶

勝已辱先施歐治加鋒鏑劉牆力墜茨吾儕非敢傲兒

輩自宜摩學要千年蘊名須萬古垂匪徒攀屈宋深望

沂濂伊天運流無息人生志勿卑操憐松鬱鬱節撫竹

猗猗盡擬冷風御何曾俗骨醫煎膠得麟鳳歲晚願深

資

王明嗣

龍首關

萬里雲南道壯哉龍首關氣吞西洱水勢軋點蒼山天
矯盤青秀蜿蜒躍碧潺地靈吁可駭天險邈難攀井絡
稱雄鎮坤維倚大開周章無六詔俯仰了羣蠻聖代提
封閩元戎遴選難度遼推世胄越雋靖神姦虎節先推
轂犀毘響賜環銘功崖畔石寧羨玉門班

宋元

揚州即事

玉壘開方面金湯控上游連營驃騎宅重柝鴈行樓疆

欽定四庫全書

御選元詩

卷六十一

五

弩虛空發飛橋日夜浮煙生烽燧地草死虎狼秋此處
兵威震當時國步憂六年襄郡守三策蓋臣謀大將深
圍陷長江萬里休兩淮先按堵孤注獨橫籌破竹纔乘
勢聞風已置郵乾坤機軸轉海嶽版圖收春變山堂柳
波通汴水鷗平坡南下馬遠渡北來舟無復瓊花夢猶
餘芍藥愁塵埃何豎子還擁黑貂裘

蕃釐觀感瓊花

后土嗣南裔坤維媿室家國封嚴典禮宮祀尚褒嘉不

是神靈異焉能眷過遐應須有玉女到此賞瓊葩麗服

從空降明妝倚日斜同揮五雲扇共駐七香車月姊羞

調粉風姨罷散花青童迴絳節金母屏彤霞故事唐時

盛佳名數代誇塵根雖下界天意在中華雪讓瓏璫巧

冰銷刻鏤瑕人間惟獨爾地上更何加萬蕩殊寥落羣

芳避豔邪玫瑰誠執御芍藥等泥沙聖運俄驚輟兵強

忽肆孳舛訛難核實真贗遂聳牙雷雨還驚蟄潛藏重

發芽旁枝微舊岫新葉謾榮華尤品終蕪沒珍莛逐水

欽定四庫全書

御選元詩

卷六十一

五

涯兩朝成草莽九廟雜龍蛇古殿蘭旗暗殘爐桂燎賒
薜顏愁想像珠樹絕驕奢寂莫無雙譽徘徊但自嗟入
仙聊免俗消得寶闌遮

憶舊寄金陵馮壽之

憶昔江東日離居託孟鄰儒家見君好談席偶情親南

斗文昌近西山爽氣新驪珠驚俗眼瓊樹倚芳晨大雅

今重覩奇才豈易倫珊瑚生海網汗血出天津句滿雞

林賈名齊鴈塔人傳經心入聖用筆意凝神射策應先

手藏環定後身巨流思待濟吾道詎當伸落魄傷遲邁
依棲笑隱淪三年為倦翼萬里作窮鱗伏枕思霜橘歸
溪戀紫萼鴻稀石城信魚隔太湖濱故宅間多草空船
獨採蘋夜吟酬蟋蟀暮景歎麒麟老恐襟期斷悲懷轍
跡陳舊峰還似洛淮水想猶秦勝地登臨數殊鄉夢寐
頻潮吞李白月花動謝安春有興須相覓無聊謾自呻
休疑交契闊尚覺膽輪困遠物那堪贈佳音欲細詢勞
歌因奉寄題罷更沾巾

欽定四庫全書

御選元詩

卷六十二

五

詠石得天字

肢脈崑崙析胚胎混沌先靈分元島峙秀聚景雲鮮覆
壓風雷窟枝撐宇宙穿峻嶒歌篠霧歷棘聳蘿煙業業
棲危壁磷磷過瘦涓雨攻繩眼斷浪擊彈窩圓筆架珊
瑚豎屏圍瑪瑙偏骨攢獐鬼竦脊凸老蛟跽劍卓空蒼
色矛森紫翠顛醜宜鑄鳥篆剛可利龍泉怪漬潮紋溼
頑和地軸連貧管梢映帶薜荔葉紫纏磊砢蛇身縮崩
崢鳳勢旋蘇侵題字處藤絡倚筇邊碎磔鋪文貝尖鋒

斫黛蓮竇深膏乳滴甃潤土花沿儼若峨冠者昂如峻
士馬磴危欺木屐磯滑怯苔藓移恐嵐光動捫噴野蔓
牽衝湍聲類磬謝瀑韻成絃硬性辭斤鑿嵌形欠畫傳
鼓歌傷莫續昂句歎難聯砥礪誠由著磨礮學及遷畜
奇希抱璞鍊餌訖飛仙寸勢垂千仞鬼胎結幾年巖輝
知產玉峽束見奔川織女支機穩山人作枕便隕星沈
戰域敲火出漁舩異或稱羊化疑應訝虎眠龜埋遺碣
下麟仆古堊前屹立中流壯平施大礎堅懷沙嗟放逐

欽定四庫全書

御選元詩

卷六十二

五

凝魄惜嬋娟德必穹碑記詞當巨硯研險思經濫瀕功
擬勒燕然高岱歸諸掌蓬瀛寄一拳不須填碧海直欲
補青天

谷無住和太初韻見寄

寶地人來少樛陰自晚晴片雲依石潤孤磬出花清竹
筧分泉細檀煙上氎輕勒銘留水寺應供宿江城適楚
濤喧定歸吳雪滯行雨苔黏凍屐廊葉覆閒枰琴為蛇
紋買書因鳥跡評眼高無佛祖詩癖有山兄句妙唐風

在心空漢月明晝禪休樹影夜梵雜松聲夏減遊方興
秋添住岳情何時修白業去結嬾殘盟

送陳行之之信州推官

漢守曾懸榻家聲復世綸贊廉推雅士列郡重嘉賓
昭代詳刑讞賢僚體聖仁袴襦憐故老狴犴念冤人
英幹登時望文華異等倫固宜膺寵渥豈但活罷民
江左名藩舊風流佐幕新平反須有頌剛決看如神
却鑿初榮養黃香早締姻錦還鄉已畫綵戲室俄春
自補尋山履

欽定四庫全書

御選元詩

卷六十二

七

誰親塾雨中拊循恩易洽煦嫗俗當淳曲動陽關疊
尊移祖帳陳未能忘手握何得更情親羨爾丹霄貴
悲余白髮貧尚期金鼎藥猶客素衣塵巖壑將幽賞
煙霞欲隱淪交游千古事離別百年身楚澤寒多鴈
吳波暖見鱗相思不相見音問莫辭頻

寄眠雲處士

聞說華陽洞人間第八天茅君旌屢降弘景駕常
延地吐黃金氣潭流碧玉泉神丹光夜發朱草葉
春妍羽容

家相接麟洲派共連山遺秦女藥鋤得漢朝錢處士懷

貞遊長生契宿緣童顏曾辟穀鶴相合成仙嘯傲三峰

上披研萬象先囊攢五行物劔握七星權石鉞青精飯

風鑪紫朮煙赤松齊遠躅元俗並遐肩九轉功將就雙

親念復虔却攜瓊笈轉歸枕白雲眠薊子家常歷壺公

訣盡傳路回蓬島下杖化葛陂邊經案苔侵徧閒枰雨

滴穿池留洗瓢水壁挂斷琴絃蕙帳猿空怨蘿牕月自

懸品存容悵望澗去意潺湲局久碁多變寰清鼎又遷

欽定四庫全書

御選元詩

卷六十二

七

衲衣期異日築室定他年季世嗟予晚幽棲志獨堅欲
隨蒲坐具已辦布行纏學道無如此遊方恐未然尚遲
甘旨奉更被苦思牽腦慮精難滿心憂影或偏鮮壇情
願埽茶竈手能煎根究嬰兒後參同混沌前求真不易
遇師匠早哀憐

荅馬懷秀兄弟見訪

移家連晚歲屏跡值春寒舊業遺松逕幽棲遠杏壇數
椽容膝易五斗折腰難有客來排闥無人為整冠諷詩

稱鮑照卧雪念袁安下里余誰和
高山爾自彈迎門屐
齒折扶病帶圍寬乍喜交時彥
相尋到冷官鄰驚都騎
盛僕出草堂看光價連城壁
風流藝苑蘭老嗟傾蓋晚
貧覺布衣單午竈添茶具煙
衰罷釣竿傳呼聞杜曲榮
耀滿江干文雅多歆豔殷勤
少接歡長鯨鈎上掣巨闕
匣中蟠筆力千鈞弩襟懷百
丈瀾籍通金馬選詔待紫
泥乾樂毅曾強趙夷吾遂霸
桓貴應聯萬石功定服三
韓留取刊彝鼎勲名未汝闌

欽定四庫全書

御選元詩

卷六十二

七

甘露寺放舶至瓜洲風作

天造西來險山迴北固形
斷崖纏赤日孤柱擘滄溟
此地何能限長江或有靈
然犀夜照浪飲馬曉吞星
鐵鎖沈寥廓樓船沒杳冥
乾坤一衣帶吳楚兩郵亭
擊楫人倦吹茄處處聽
海門沙自白瓜步草猶青
夢墮浮家樂魂遭換枕醒
計程秋獵地問舍暮漁汀
倏忽波濤變息忙網罟停
疾飈移蚌室暗雨卷龍庭
巖巖龜鼉壯谿碣樹石腥
危檣連偈仄高岸失玲峴
世事無深測生涯

獨未寧愁煩復消釋題咏記曾經

張翔

杜甫祠

諫署言清切忠君思鬱陶
赤膚行翡翠碧海掣鯨鼈
詩律嚴秦法詞源汲楚騷
珠明鳳皇髓玉潤鸚鵡膏
航句頭空白謀心計轉勞
揚雄慙德薄賈誼累才高
抵觸逢牛角攬槍起蝟毛
盪胃雲夢澤埋骨耒陽皋
竒數終無遇窮途竟不遭
秋風悲草樹落日哭猿猱

欽定四庫全書

御選元詩

卷六十二

七

趙鼎

題手植檜

擢秀真儒宅垂陰數仞牆
封培因聖力茂悅得靈長
根踞龍蛇蟄枝延鸞鷲翔
勞功施禹稷蔓草雜韓莊
偃蹇明堂幹蕭森岱嶽場
圍欺漢武柏愛掩召公棠
日月成塵劫乾坤屢戰場
思仁感樵牧忠厚及牛羊
不有神明護寧逃剪伐傷
歲寒千古色宜並子孫昌

王守誠

送傅與礪廣州教授

京國今多士君詩獨有名才能諸老薦辭命遠人驚陸
賈慚分橐終軍謝請纓一官何足免三益亦堪榮臺閣
專相待山川暫遠行且令南海上文物變風聲

蘇天爵

送南宮舍人趙子期出使安南

聖德隆千古皇威奠九邊金門頒鳳詔玉節使龍編博
雅資專對才華屬妙年郎中初遴選省府昔周旋文治

欽定四庫全書

御選元詩 卷六十二

主

中華盛仁恩漢國宣清風消瘴雨麗月淨蠻煙跋涉思
銅柱委蛇跨錦韉堯天新正朔禹貢舊山川聲語時難
解雕題倍可憐明年春色早歸拜御階前

張翥

送成禮部誼叔察訪守令河南山東

歷數開千載明良會一時朝廷嚴守令宵旰為黔黎南
服方多故東州復阻飢郎官膺簡拔使者出詢諮此命
於今重如君衆論推直陳廉察往肯作畏難辭靈雨隨

華轂流風度綵旗草兼驄一色柳與轡同絲梁宋分淮

甸青齊並海涯政苛嗟虎猛民散念鴻離罷與寧勝任

姦貪只自私中年因雉見單父得魚知或有隳其職誰

能慎所司張弦從急緩朗鑒各妍媸治道誠先務皇心

實在茲俱為良吏選足慰遠人思空闕青雲步孤高玉

樹姿暫傾冠蓋錢行赴簡書期事業懸鍾鼎光華映羽

儀歸來前席問請入史臣詞

寄題顧仲瑛玉山詩一百韻 并序

欽定四庫全書

御選元詩 卷六十二

主

至正九年秋海道糧船畢達京師皇上嘉天妃之

靈封香命祀中書以翥載直省舍人彰實徧禮祠

所卒事於漳還次泉南臥疾度歲乃仲春至杭遂

以驛符馳上官而往卜山於武康克襄先藏秋過

吳門顧君仲瑛留燕草堂之墅宴賓十又二人分

題玉山諸景詩皆十韻盡歡而別舟中筆硯少暇

因敘事述懷累成百韻語繁則易疵聊以記行役

耳錄寄仲瑛泊席上諸君子他日或遊崑墅當為

一亭一館賦之也

治理逢熙運欽明仰聖皇至仁侔履載上德配軒唐大
業勤弘濟元臣協贊襄賢科收俊造庭實粲珪璋入貢
徠符紱儀韶下鳳皇普天均雨露絕域總梯航每念京
師食遥需漕府糧神妃所庇護颶母敢飛揚前隊貔貅
發先驅罔象藏冷颼鼓萬柁朱火耀連檣帝勅申嘉惠
祠官按典常賞勞兼湛濊時賜省臣漕臣酒幣甚厚旌烈特魏煌僕
本中林士久陪東觀郎遂叨乘驛傳徧與禮靈場蕩節

欽定四庫全書

御選元詩 卷六十二

雕龍飾華旗畫隼翔衝流度鄞越陟險過泉漳緬彼涓
洲嶼嶄然鉅海洋蛟穿崖破碎鯨蹴浪撞塘震鼓轟空
閣奔帆截渺茫島存迎使舸瘴霧避天香嘉薦歆芬苾
陰功助翕張精誠致工祝景貺谷禎祥賈舶傾諸國輿
圖奄八荒身雖距閩嶠志已略扶桑裴洞三生夢溫陵
十月涼茲遊平昔冠夙願一朝償女髻皆殊製蠻音各
異鄉地偏宜荔子人最貴檳榔釀鹿肥漂酒燒蠔液滿
房招賢簇車騎揮掃積縑緗窮臘纔竣事暄春始趣裝

劍津傳警急汀賊起彼猖獗咎旋戡定藩垣慎扞防思
親彌切切行役更遑遑狐死嗟奚首龜占喜允臧封崇
宴鳴內木拱計峰旁薄宦祇牽率孤蹤易感傷暫為江
左客誰灑墓頭漿逝矣川塗阻淒其涕淚滂南園恰曉
鳩北路復鳴蜩粵若婁東邑由來漢太倉機雲存故宅
吳會畫雄疆迹跡高士謂有梁鴻山遺風挹讓王厥田尤
沃行比歲適豐穰老契張承吉新知顧辟疆間君占形
勝築室恣徜徉鐵笛留巖客青錢乞泰娘杏靨紅叱撥

欽定四庫全書

御選元詩 卷六十二

蘭柱繡鴛鴦闥徑通佳處栽桃帶柳塘修梧羽葆蓋美
竹碧琳瑯列岫濃螺色澄湖淨鏡光鳥邊嵐漠漠魚外
水泱泱鶴駐遊仙館鸞鳴種玉岡投竿釣月檻隱几讀
書牀雲結芝英秀花園桂樹蒼舫齋青篠箔漁舍綠苔
牆棟宇環相屬園池鬱在望直疑金谷墅還似輞川莊
未獲窺詩境相邀到草堂開尊羅綺饌侑席出紅妝婉
態隨歌板齊容綴舞行新聲綠水曲穠豔大隄倡宛轉
纏頭錦淋漓蘸甲觴絃鬆調寶柱笙咽炙銀簧倚策駢

聯轡鈎簾燭遠廊焚僮供紫蟹庖吏進黃麋卜晝寧辭
醉留歡正未央分司莫驚坐刺史欲無腸是集俱才彥
虛懷共頡頏珠璣散欬唾律呂應宮商鄭老經術富于
仙詞翰長琦初鏗並照郊華驥同驥壁也牋毫健吟篇
綵繪彰拈題爭點筆得句脩盈箱勁敵千鈞毅精逾百
鍊鋼語奇凌鮑謝體變失盧楊瑛甫蚤有譽亨衢那可
量搏扶看怒翼騰跼待蜚黃既篤朋情重仍持雅道昌
披襟視肝膽刻琰播文章永契欣依託哀蹤頓激昂盍

欽定四庫全書

御選元詩

卷六十二

五

簪承偉餞投簡藉餘芳自鄙冥搜拙徒令屬對忙端如
享做帚何異貯奚囊談笑聊堪接賡酬曷足當吾猶鄙
以下公等楚之良瓠落渾無用艱難實備嘗擬為夢駕
馬竟作觸藩羊筋力頻馳騫功名幾慨慷不嫌成晚合
深幸際時康邂逅因斯會睽違又一方息息把別袂眷
眷賦河梁鴻鴈清秋日蕪葭昨夜霜關山凝朔氣星斗
麗寒芒疾病家多難歸休歲亦陽苦心甘寂莫短髮任
蒼浪漏屋愁荷蓋塵衣惜蕙纓杜陵非固懶賀監豈真

狂回首長追憶緘詩遠寄將乾坤浩今古此意詎能忘

分題送京兆趙耕師尹之臨安路帥府照磨得

通海湖

萬頃平湖碧浮光映沈寥秀山純浸影滄海暗通潮瘴
黑雲相蕩春澄雪未消潤霑蒙部閩川合河河遙秔稻
收田利蒲魚入市饒雨歸龍氣濕晴浴鶴媒驕夾樹迷
深箬流花落野椒瓊來蠻婦漂船放焚僮橈帥閩開荒
甸英才屈下僚此心同逝水日夜向東朝

欽定四庫全書

御選元詩

卷六十二

五

成廷珪

上丞相多爾濟國王

江浙省

太祖開中國元臣起朔方八荒歸版籍千載際明良奕
世兼茅土間孫列廟堂白麻新命相紫誥舊封王鏤玉
為符契鎔金作印章既徵扶社稷仍查理陰陽遼海風
塵靜梁園草木芳精忠存北闕化澤被南荒翠織龍衣
密黃封蜜酒香三吳歌盛美百辟仰輝光士已賡麟趾
人爭覩鳳皇小儒狂斐在有頌繼甘棠

王彥芳御史名其所居之堂曰繡禁諸公有詩
因題卷末

上國疏恩重中臺拜命初兩朝司內府十載奉宸居甫
歷參謀選俄膺御史除天機織文綺月姊繡華裾獬廌
冠偏稱麒麟錦不如羽標金鷲鷲花隱玉芙蓉六轡青
驄馬雙輪白鷺車胸蟠五色線腹橐萬言書被服身何
忝彌縫志必攄芬芳流簡冊光彩照門閭退戶香煙裊
垂簾化日舒小山蹲怪石活水灌清渠昆季年皆妙公

欽定四庫全書

御選元詩

卷六十二

七

卿駕不虛謾誇詔作帽寧羨豹為祛庭訓言猶在鄉人
禮未疎每蒙招宴集詎肯棄樵漁鶉結慙無褐蝸藏僅
有廬深期換朝服紫帶映金魚

李孝光

陪薩使君飲酒鐵塔寺分題得籜龍軒分韻得
而字

琅玕盡靈種玉立近東池已與風雲會終含冰雹姿氣
酣猶鼻鼻鱗動覺之而雨暗思雷澤天清入葛陂鳳毛

當戶見蛇影到杯疑神物煩呵護應看變化時

元真館飲酒分韻得衝字

良朋謝惰悒仙賞屬元冬野淨梅將發山乾雪不封生
萋近芳節出日媚川容愁用詩澣洗寒憑酒折衝幽人
每多暇俗子自無悰聊以供娛悅詎知縻萬鍾


欽定四庫全書

御選元詩

卷六十二

七

御選元詩卷六十二



謹案卷六十一第十頁前三行才大畢騰審刊本

畢作必據元四家詩改


卷六十二第三十四頁前七行老契張承吉刊本

契訛我據蛻菴集改

第三十七頁後五行分題得箴龍軒刊本箴訛擇

據別本元詩改

欽定四庫全書



總校官庶吉士臣侍朝

校對官檢討臣蕭九成

騰錄監生臣朱文佐

欽定四庫全書薈要

集部
御選元詩卷六十三

欽定四庫全書薈要卷一萬八千四百七十五 集部

御選元詩卷六十三

五言長律四

周伯琦

至正元年復科舉取士制承中書檄以八月十
九日至上京即國子監為試院考試鄉貢進士

紀事

上國興王地神州避暑宮規摹三代廓聲教萬方隆至

欽定四庫全書

御選元詩
卷六十三

正儒科復留司造士充周南麟趾厚冀北馬羣空積雪

寒無夜清秋月正中瓊闈環壁水彩筆扇祥風殿陳寧

韜劍先登不待弓豹斑開曉霧雉羽爛晴虹障候瞻鄒

魯都人想鎬豐簾分堂上下區別院西東副楮行鴉螳

緘名畫鳥蟲厲防周四署塗抹眩雙瞳理到無優劣辭

修有拙工神明終日鑿造化四時公讎校稽魚豕詮題

辨鷄鴻固知散繫博敢以贖為聰天淨文星麗寒收士

氣叢臺萊浮渭洛杞梓出恒嵩偕計先章甫前驅軼小

詳校官原任李斯咏

戎有人爭覩鳳何處兆非熊合志官聯樂連牀笑語同
獸爐團炭熾魚燭綴花紅雕豆羞有炙金卮奉酪醕環
廬帷毳罽侍史服貂鼯肩鑄度朝暮閣兵慎始終更移
壺滴瀝衙報鼓籠銅事憶歐蘇遠詞懷賈董雄驛程心
歷歷雅奏日颯颯聖統乾坤久人文日月崇灤河天上
出銀漢定相通

貢師泰

上京大宴和樊時中侍御

一元開大統四海會時髦畿甸包幽薊天門啟應皋犀
黎皆屬望百辟盡勤勞蕃國來琛獻邊陲絕繹騷劍韜
龍尾匣弓屬虎皮橐列聖尊皇極元臣異節旄宗盟存
帶礪世胄出英豪歲駕嚴先蹕居人望左纛平沙班詐
馬別殿燕梭毛鳳簇珍珠帽龍盤錦繡袍扇分雲母薄
屏晃水晶高馬潼浮犀椀駝峯落寶刀暖茵攢芍藥涼
甕酌葡萄舞轉星河影歌騰陸海濤齊聲纔起和頓足
復分曹急管催瑤席繁絃壓紫槽明良真曠遇熙洽喜

欽定四庫全書

御選元詩
卷六十三

三

重遭化類工成治聲同士赴磬隆恩雖款洽醉舞敢呼
號拜命榮三錫論功取二桃重華躋舜禹盛業繼夔臯
燕饗存寅畏遊畋戒逸遊乾坤春拍拍宇宙樂陶陶爭
獻公車頌光榮勝袞褒

吳炳

古鏡

鴈去悲銀海螭蟠泣鬼工黃腸迷漢柏野火上秦蓬濃
翠凝螺黛鮮朱漬守宮漆漆燈暈黑文滅繡奩紅一旦
珠還浦千年劍出豐霧餘空黯淡雲在月朦朧伏獸銜
絲結蒙絺畫羽蟲粉綿施婉轉臺玉剡玲瓏匪茹曾申
誠惟明可保躬他時賜盤盞來照夢中熊

趙奕

玉山與邳九成自姑蘇來吳興僧可傳邀余陪
遊弁山之黃龍洞時有紫霞同席遂分韻得花
字
盤屈度磳礧欽奩復給訝龍居潛石洞花暖護蜂衙峭

欽定四庫全書

御選元詩
卷六十三

三

辟生蒼蘚清泉長赤砂松濤響雲壑竹翠滴桃花杖屨
丹梯險籃輿綠磴遮攀藤嘯猿狖並草臥麝麇絕頂望
笠澤傾溟想女媧遙天連島嶼遠水接蒹葭道士來邀
坐仙童為煮茶林深多虎跡地僻少人家對景詩情逸
尋芝道氣遐窗幽塵不到境勝興無涯堪種茅山木宜
栽邵圃瓜寶書傳正法靈劍挂青蛇徑滑崎尤峻苔荒
突又窪淙淙流暗澗聒聒叫鳴蛙下嶺日欲落登舟路
更賒平田飛白鷺別墅宿歸鴉犬吠柴門近鶻啼野樹

欽定四庫全書

御選元詩

卷六十三

四

斜菜畦黃撲菽麥壟碧交加老態倦跋涉哀形獨歎嗟
山翁荷鋤鋤村婦倚籬笆駐舫攜紅袖停杯挾紫霞金
爐熏篤耨玉手弄琵琶錯落傾香釀玻璃插豔葩歌姬
聲縹緲醉客笑喧譁擊柝城將閉吹笳鼓尚撾卷簾風
滅燭溼幔雨垂麻今日雖云樂他年還共誇更闌歸去
連燈影照籠紗

鄭元祐

送李舉人克明任教職

職教同時雨郎官等列星吳區都水監閩國道山亭兩
地頭逾白諸公眼為青身名金玉質文采鳳凰翎鼓柝
辭江郡攜書入漢廷河山秋肅肅宮闕曉冥冥夜月鴻
遵渚秋風馬在垞李嶠初夢筆劉向老傳經樸棧材千
尺菁莪翠一庭天邊期中鵠囊底任枯螢歸路梅花發
長歌為子聽

陳高

同諸友游宴豐山

并序

欽定四庫全書

御選元詩

卷六十三

五

至正戊子春正月七日甲辰永嘉陳高與黃巖商
尚敬施謙訪朱君伯賢於臨海之鳳嶼越翼日乙
巳伯賢與其季伯良持酒俎邀予登豐山時黃君
順德章君子皓陳君大章欣然從游已而陳師聖
張子材偕弟子溫亦至遂相與上絕頂望巨海還
飲浮圖寺席既撤復舉盞松樹間酒酣因賦二十
八韻
新歲多幽興清游出縣城故人留款曲好友復逢迎整

屐當清曉登山寄遠情嵐光寒不起樹色寂無聲徙倚
巖邊憇逶迤谷底行路蹊窮屈折峯頂上崢嶸俯瞰滄
溟闊渾疑地軸傾天光連浩淼海氣變陰晴沙鳥雙雙
白風帆葉葉輕波瀾看浩蕩島嶼見分明宇宙真無極
虛浮歎此生似堪扳若木可擬即蓬瀛眺望移時立稽
留半日程那知身是客但覺思逾清古寺藏深竹禪窗
蔭白檉倦依林樾坐靜聽鼓鐘鳴高論窮千古彈碁謾
一枰旋呼茶滿椀騰出酒盈甌珍重開華席頻煩勸兕

欽定四庫全書

御選元詩

卷六十三

六

觥嘉蔬烹筍韭異味雜螺蛭浩飲俱勅敵沈酣及老成
狂吟驚虎豹至樂謝筭筌忽返青林興其如白日征扶
攜重舉盞真率遂班荆自笑何為者空傳漫浪名梗萍
慚獨客冠蓋動羣英勝賞殊堪紀高懷孰與并明朝歸
北郭回首暮雲平

黃鎮成

投贈鄭守光遠三十韻

累洽開皇極分藩重守臣列茅周土舊分竹漢符新師

帥能宣化儀刑最近民隼旗張日月雉閣麗星辰地紀
逾荒服天光照遠人選材歸德器分命聳朝紳一代文
章伯犀心怙恃親祖風光藹藹家學早振振聽履曾馳
譽工書固絕倫九苞騰鸞鷲千里驟騏驎伏引陪供奉
官聯屬選掄河源通析木星象擁勾陳暫輟中朝紱來
紆外府輪土風連太末山節聳全閩佐乘臨漳浦塞帷
入劍津近河能借潤依燭解光鄰化雨蘇民望祥風洗
瘴塵袴襦歌已決刀劍俗咸悛山郭惟樵郡封鄰接海

欽定四庫全書

御選元詩

卷六十三

七

濱地偏田少沃土狹戶多貧捐瘠饑瘥并流亡寇役頻
震凌思大厦枯林溪洪鈞幸借循良牧咸依撫字仁晝
長簾似水更靜月如銀赤社分南服清都拱北辰報看
三月政和覩萬家春少日探經筍積年媿席珍雨畦仍
把耒風艇自牧緡喜見瘳民瘼無由傳吏循祇須成德
化濡筆頌堅珉

陳方

華彥清登常州元妙閣

地接三吳口人操衆楚音樹迷晴漠漠花亂夕森森碧
是當時血春非昨日心翻思當矢石猶暇惜冠簪丞相
戈如雪將軍志比金倉皇驚破竹踴躍念披襟壞堞仍
存舊高標獨峙今星河垂綺戶雲霧出琪林鳥去蒼茫
閣帆歸迤邐深諸天欣共賞勝地肅同臨突兀雄連棟
依微隔遠岑紫霄傳廣樂白日閔層陰倒影何多美空
歌試一吟悠悠江海興冉冉市塵侵

胡天游

送姪胡文學修江館

我祖文章伯餘光耿未休聖朝崇學校猶子重箕裘
簡三生債畚比幾度秋登高還小魯觀禮復從周琴為
知音鼓珠寧暗室投小奚藤作笈長缺蒯為緹細柳牽
征袂飛花餞去舟嗟予倚市拙壯子異鄉遊白酒春風
席紅燈夜雨樓生徒交授受賓主迭賡酬章甫儀刑重
湯盤德業修多能宜下問博學更旁求勿謂青瑣冷毋
貽素食羞句休吟首藉交重擇薰蕕忽忽山川異行行

欽定四庫全書

御選元詩

卷六十三

歲月道竹林難共醉江樹攬離愁暮阜山前屋脩江月
上鈎白雲飛暫遠莫惜重回頭

雅勒布哈

陪幸西湖

北都冠蓋地西郭水雲鄉珠樹三花放鸞旗五色翔雞
翹輝鳳渚豹尾殿龍驤駕擁千官仗帆開百尺檣屬車
陪後乘清道肅前行河漢元通海湖山遠勝杭經綸屬
姚宋制作從班揚瑞繞金根動聲搖玉珮鏘春陰飛土

欽定四庫全書

御選元詩

卷六十三

雨曉露挹天漿御柳枝枝綠仙葩處處香葵傾惟日向
荷偃借風張寶馬鳴沙路華舟迴石塘金吾分禁籞武
衛四屯箱小大濡深澤仁明發正陽皇皇星斗潤落落
股肱良朝野崇無逸邦家重有光賜租寬下國傳詔出
中堂布政親巡省觀民或怠荒麥禾連野迴桑柘出林
長樂歲天顏喜回鑿月下廊

陳肅

和許集賢春夜寓直

通籍趨香署分曹隸瑣闈金泥疏奏簡珠檢蘊朝衣竹
靜憐鐘迴花深覺漏微絳河低綺綴紺斗入羅帷薄夢
先雞發閒情信馬歸幸因披豔藻謬用接清輝

送董副樞鎮益都

推轂選才雄分符寄總戎鏡簫驚海上旌節耀山東百
將乘黃道三軍出絳宮營開知偃月陣轉識偏風龍躍
蓮花劍烏號棘竹弓旄頭天苑鑿斲齒地隅空奏凱青
春外飛書白晝中誰當采金石願紀太平功

陳基

送謝叅軍十八韻

惟幄掄材日君侯許國年三吳修職貢六合倚蕃宣絳
灌功難並龔黃政獨賢金湯新設險琴瑟重張絃借冠
心雖切安劉策最全肯甘周顛泣勇著祖生鞭殺氣連
區夏妖氛互海壖丹心期捧日赤手欲擎天綠愛蘇堤
柳紅依庾幕蓮此行真特達臨別更留連夜感西湖席
春回震澤船輕風吹解纜落日慘離筵浩蕩十年容衰

遲百慮牽眼青慚阮籍頭白事孫堅迹吞樞機近恩沾
雨露偏委身同草莽報主之埃消知己青雲上忘形太
古前願君容一壑隨分老林泉

張憲

投贈周元帥十韻

玉帳臨江近金城鎮海遙鼓聲秋動地劍氣夜衝霄露
下星河白風高草木彫山寒旗獵獵沙淨馬蕭蕭左廣
初傳駕西船已畏燒五離纔散鼠六博又成象豪傑乘
時奮賢材早見招紫樞虛上座黃閣待清朝會見擒奸
操歸來醉小喬恩波門外柳長拂富春潮

楊維禎

送謝太守

湖秀今三郡循良第一人武林非復舊文比要圖新海
岳東南會湖江左右鄰曾開天水國直問尾箕津府大
同京尹居崇異國賓提封家萬戶易俗力千鈞惜也承
平久於焉值亂頻煙華餘故市風物感殘民今日襄庄

濟乘時好拊循念君多意氣滿腹貯精神別地梅凝曙
寒江柳孕春過船沙沒屐駐旆雪埋輪黽勉猶無及窮
愁不敢嗔贈言知面報取醉寄情真勿袖烹鮮手須閒
牧犢身推誠歸簡妙植善息頑罵亂後無家世漁中有
隱淪千年黃鶴返萬里白鷗親莫學張京兆應如召信
臣貂蟬從岳牧圖畫可麒麟

張昱

送天使僧

欽定四庫全書

御選元詩

卷六十三

三

釋子承天語儒臣撰寺碑萬間靈谷見一切布金為寶
界山河大璇題雨露垂丹青人所仰壯麗古尤推鈔幣
勤中賜恩榮拜曲施文章尊典誥億兆頌皇基騫舉鸞
迴筆光華鳳吐辭繡幢天上遣金錫日邊移赫赫瞻行
邁遙遙賦載馳在公無候謁於禮有嫌疑道路承傾蓋
言辭見誦詩斯須知久要造次亦委蛇宗廟觀壘洗雲
霄式羽儀乃知修白業動輒守清規空谷行春律餘生
共聖時頂祈摩佛手目願覩堯眉慶讚諸天會觀光夙

世期叩頭雲陞遠舞袖草堂卑枝繞貪生鵲池支服氣
龜睽違難折柳嚮仰只傾葵復命蒼龍闕覃恩白玉墀
握蘭前席對侍草近臣知仙樂停宮扇天花散殿帷一
人膺大慶萬宇受繇禧立雪時將至拈花事未遲有緣
皆弟子無念不慈悲軟語敷甘露清齋却紫芝頻煩尊
者問慚媿老夫衰在德寧忘報惟心不可欺朝宗江漢
水日夜注懷思

王逢

讀國信大使郝公帛書

欽定四庫全書

御選元詩

卷六十三

三

西北皇華早東南白髮侵雪霜蘇武節江海魏牟心獨
夜占秦分清秋動越吟蒹葭黃葉暮首宿紫雲深野曠
風鳴籟河橫月映參擇巢幽鳥遠催織候蟲臨衣攬重
裁褐貂餘舊賜金不知年號改那計使音沈國久虛皮
幣家應詠橐砧豚魚曾信及鴻鴈豈難任素帛辭新館
敦弓入上林虞人天與便奇事感來今

公羈旅日有以
鴈四十餘公內
一鴈體質稍異公命畜之後鴈見公輒張翮引吭而鳴
公感悟擇日率從者二十七人具香北拜二人解鴈跪

其前手書尺帛親繫鴈足且致祝曰粟臣某敢煩鴈卿
通信朝廷鴈其保重欲再拜鴈奮身入雲而去未幾虞
人獲之于苑中以其所繫帛書託近侍以聞上惻然曰四
十騎留江南曾無一人鴈比乎遂進師南伐越二年宋
亡書今藏諸秘監河
南主客劉澹齋云

奉題執禮和台平章丹山隱玉峯石時寓江陰

昭代優勲舊平章謝闕班堂開新綠野玉隱小丹山
曉文璫錯乎尹氣往還崑丘元圃畔台嶠赤城間不假
工凋琢元承帝寵頌靜容賓從仰明燭鬼神奸秩禮均
恒岱謙光俯粵蠻儼持周勃節秀擁楚巫鬢樹錯珊瑚

欽定四庫全書

御選元詩

卷六十三

五

朶苔封翡翠斑座袖聯綺縠車轂映朱殷或改雙公鳳
時窺一白鷗爐香嵐勃勃簷雨瀑潺潺地縮三鰲島天
長九虎關文鏡淫翫好靈運癖躋攀日月由來繞風雲
不暫閒殷曾求傳說漢亦聘商顏金匱盟藏券青春詔
賜環皇基同永固國步罷多艱館閣題千首琮璜價百
鏤願移銘盛烈褒史著人寰

贈別浙省赫赫左丞國寶自常州移鎮徽州三

十韻時歲癸巳

武德興元運文恬近百年一隅初難作四境遂兵連奔

辰朝元早彤弓授命專馮岑材並濟李郭駕爭先路入

延陵邑星分左轄躔著名黃閣上虛位紫宮前汗血駒

千匹跣跣士兩甄帳寒龍守劍城曙虎飛旃跡掃齊門

瑟身親楚醴筵慧山屏列野震澤鏡涵天刁斗軍中堠

鉏犁亂後田白無遺朽骨青有績炊煙插羽書閒署封

泥詔撫邊陣容催畫鼓蓬氣動樓船舊政猶霜肅新安

素地偏蜃精嘗感夢帝子或逢仙漆葉雲羞密茶花雪

欽定四庫全書

御選元詩

卷六十三

五

妬妍誦弦家櫛比冠蓋里班聯鄒魯流風洽甌蠻習俗
遷比來疲賦斂沉復值戈鋌餽稍官曹待謳歌父老傳
挽屯吳幼節總體漢文淵裴度歸休近羊公臥治便鼎
彝今燁赫韋布數周旋小閣牛行炙長楸鶻試拳王融
五雜組孫武十三篇華夏殘河汴神州歸薊燕殄除纜
蚘蠊睥睨滿鯨鱣狂斐言姑及高明義莫捐憂君尚有
疏儻寄麥光牋

題馬洲書院 并序

馬洲書院者孔聖五十二代孫元度昆季所建也
其五世祖若罕高抗不羣長于春秋當宋南渡自
闕里將之衢留滯泰興見河流達南江詢之老人
曰此龍開河也西北通淮泗因歎曰吾洙泗龍泉
之支流其在茲乎遂築室河上與其子端志各授
弟子業從遊日衆乃有苗田百畝人助以力官復
其稅戒子孫治生勿求富讀書勿求榮邑大夫嘉
之易名龍開河曰啟教示崇化也年六十卒葬河
之陽端志克守父道薦辟不就淳祐元年冬邑燬
于北兵元度避地是洲咸淳間書院落成教授復
如初然皆無後今崇聖寺旁惟破屋蔓草遺像瓦
爐而已逢懼變遷殆盡故敘其槩于壁間庶後之
起廢者得以考焉詩曰

蚪斗秦皆廢靈光魯獨存豆籩漂海國丹雘暗淮村苔
蘚花侵礎蒲蘆葉擁門青春深霧潦白日老乾坤德化
三王並威儀百代尊郊麟初隱遁野兕遂崩奔先輩俱

冥漠諸生罷講論斷編塵樹冷遺像網蟲昏盡變衣冠
俗終歸禮義源江南遊學士瞻拜敢忘言

送郡知事李仲常還金華

列郡歌岑旺孤城頌李膺文華仙掌露人品玉壺冰畫
本黃荃學詩兼畢曜能關河千里道風雨十年燈薦鴉
知無忝登龍貴早承朔雲依紫禁東壁映青綾郎署新
帷幄儒門古豆登龜梁初隱見羽檄遂飛騰軍事諸曹
服元僚太守稱芙蓉秋獨臥驃騎日同興衆仰寬民力
誰堪作帝肱埽除塵瀕洞屏蔽雪侵陵野戍銷鋒鏑田
家罷棘矜昆侖天柱正宸極泰階升顧此心常切多君
興遠乘崇桃紅霧斂豐草綠波增喻蜀漢司馬歸吳張
季鷹宦情輕比蛻行色澹于僧三洞金晶發雙溪白練
激過家饒賞咏來紙細緘滕

戴良

詠雪三十二韻贈友

暮雲凝黯黯曉雪隨縱橫騎巧穿窗牖乘危集棟甍挾

風潛作黨雜霞暗分聲綴柳如欺弱紫梅似妬清銀盤
浮石出縞帶逐車成增勢初堆岳含光復灑瀛即卑猶
避污飄急未忘爭細度歌帷遠斜侵舞袖輕試深筇屢
擲驗密手頻擎裏樹形披介推篁韻嘯笙堞遙迷暉晚
岸斷接坳泓罅隙仍仍掩高低故故平陵鋪看象闕庭
積羨猊獰照曜連金闕微茫混玉京林寒催雀聚檐白
誤雞鳴浪走兒應喜狂號犬自驚烏輪埋欲沒鼉極壓
將傾獻歲先期見豐祥此日呈及時消癘疫潤物達萌

欽定四庫全書

御選元詩

卷六十三

六

生列賀喧朝貴騰歡沸野毗第嫌災因約仍訝助驕盈
冷豔凌迴騎寒光媚飲觥風流梁苑宴悽惻灞橋行亦
有離鄉客遠居邊海城底穿嗟履屐路斷歎門閤孰動
乘舟興誰憐臥寢情映書空舊習授簡豈前榮倚望勞
晨策吟哦費夜檠枉煩歌玉樹寧許媿璇英刻畫移羣
象搜羅億五兵身孤慚待伴思沮詫羞明聊示輕微體
殷勤比贈瓊

歲除示姪十六韻

時將遊
西浙

客裏光陰速天涯道路長漂流知幾處奔走已三霜似
汝年猶壯如余老足傷應慚謝氏父徒憶阮家郎識曠
惟游行時艱可薦揚第須依竹徑未用羨羅囊卜賣嚴
公術醫鈔陸姓方暇仍研史冊閑亦愛詩章運至終超
達道窮姑退藏晴窗開藥籠雨館倚書牀苔水支支綠
松雲片片黃客行隨處是旅食在身彊白首推顏甚青
春奔迅將頻年同患難此去莫淒涼木德迎新節條風
換歲陽萍蹤如可合處困更何鄉

欽定四庫全書

御選元詩

卷六十三

九

秦湖漁隱為袁桂芳賦

履運已成昔名湖尚說秦避時端有意把釣可無人若
士居姚水遺風似舜民地雖占越上境實慕河濱已忝
歸漁業何言託隱淪月浮孤艇夜雨著短蓑春泊渚多
依藻窺汀或傍筠羽沈疑中餌絲動訝拖鱗竭澤知難
脫殃池數已屯競多聲失厲得雋語忘嗔獺怨誅求盡
龍嫌蕩漾頻腥風連巷陌濁浪接沙塵水際呼兒急牆
頭喚酒新謳歌便野習嗜好任天真行媿清狂客名傳

放逐臣家臨煙浦近門對雪鷗馴釣渭心徒苦興周迹
已陳子陵辭漢日賀老別唐辰事業今如是棲遲固足
珍青雲人既遠白首我還親衰謝無知己飄零偶問津
但期連郡邑豈料結比鄰東主方懸榻西風且釣緜扁
舟如可具同老此湖濱

張田

送鄭同夫歸豫章分題滄浪池

滄浪池上水無日不東流披竹尋幽徑攜壺趁小舟雜

欽定四庫全書

御選元詩

卷六十三

三

花分兩岸叢樹掩雙丘旭日金波亂微風碧霧收登臨
增慷慨笑語漫夸猶野老閒相過漁人自對謳芙蓉晴
絲落菡萏晚香浮樂事連長句忘機狎衆鷗時逢采芹
士為說故園秋翠影侵碁局晴光漾酒甌醉深偏繾綣
義合愈綢繆席故儒官冷堂升弟子優年華欺短髮霜
落暗征裘畫鷁行將去驪駒唱未休柳疎縈馬首帆飽
出江頭別思隨煙浪懸懷倚柁樓山昏雲盡宿林暮鳥
相投今夜中吳月分光照薄愁

郝經

婁東述懷寄示龍門上人玉山居士

寂寞婁東寺經過歲暮時後凋霜柏古亂點石苔滋方
外尊吾友龍門得老琦十年今幾過早歲故相知震澤
三江入虹橋五色垂水西春酒熟花下晚尊移聯句應
題竹留餐更折葵那知俱是客各以業為師蓮社招呼
費茅堂出處早也馳支遁馬而向習家池何物譏臣朔
如人怪舞逶迤今兄弟急豈但友生疑落落情偏好悠

欽定四庫全書

御選元詩

卷六十三

三

悠事莫期參商天上路萍梗海之涯嚮憶身猶白前修
道不緇君攀獅子座我把桂花枝吳子非無學周胥亦
有為龍泉終再合豹管未容窺泥滑雙扶屐燈明共奕
棋笑言方款合交誼更堅持好客囊羞澀捐人佩陸離
初筵俄列豆屢舞竟揚解醉揖都輕別醒吟每重思優
哉聊復爾舍此欲何之伐木鳴幽鳥械笳寄阿誰玉山
投美璞珠水照摩尼為說饒清事從游盡白眉載觀名
勝集多是故人詩自笑如張翰何煩識項斯江帆風去

逆林館雨留遲紫硯元香潤紋窗紫几宜翔鸞開粉紙
直髮引烏絲燕坐書成癖窮探字識奇雄文毛穎傳小
隸武梁祠韓柳文章在雲龍上下隨兩家才並立千喙
語難追小子真狂簡前賢詎點唾百金寧取直三絕且
聞癡漫與非神品居然奉令儀異時傾孔蓋八字讀曹
碑回首高飛隼行歌倒接羅剎溪歸盡興沁水樂忘飢
野閣延疏廣韋編拾散遺儒冠傲軒冕農耒力畚耒明
月懷人遠長林鼓瑟悲平常要久契翻覆訝羣兒願把
平生意毋求小有疵天心同白水披腹獻丹墀把袂寒
潮上還家夜雪吹上人逢顧愷馮謝拙言詞

葉顥

故園梅花

身世水雲鄉冰肌玉色裳靈均千載恨和靖一生忙南
國遺高躅東風遞暗香久同松柏操肯學杏桃妝冷淡
孤山月高寒半夜霜鶴猿常款狎蜂蝶任猖狂

劉永之

新歲有感寄簡席煥章胡居敬

積雪蒼茫裏寒山慘澹中艱難經日別漂泊此時同筋
力年非壯詩書道未通狼煙春戍火禽語夜溪風心似
西橋水滔滔日夕東

遐想亭為憲史劉原善作

柏府多清暇西曹愛苦吟結亭修竹淨開徑古苔深拄
笏延朝爽抽豪對夕陰色分滄海樹興接紫山岑鶴唳
雲侵戶烏啼露滿林冰紉韜羽扇素錦藉瑤琴佩響玲
瓏玉杯浮錯落金管寧應有約早晚共幽尋

胡居敬助教來訪雨中有述

日月歲年邁風霜道路難晨刁傳警急夕火報平安江
遠連三峽山危過七盤轉蓬嗟共逐落葉喜同看散帙
依松几抽豪點石闌劒神終兩合壁美竟雙完雲物含
朝慘琴尊盡日歡慈烏低避雨鷺鳥急衝寒迢遞吳天
迴蕭條楚塞寬魏年心獨切目斷北飛翰

池閣獨坐懷周伯寧諸公

沓閣林光合冰簾水霧消虛池含碧鑑古甃疊青瑤境
託祇園迴泉分別圃遙雙桐陰覆地疏竹幹陵霄珍鳥
銜珠果金魚蔭翠茗輕颺吹白苧涼露濕紅綃鸚鵡懷
深酌空侯想緩調含情寄柔翰幽賞憶清杓

酬寄伍朝賓

才子多文藻京華富友朋價同千里駿情似九霄鷹學
省然官燭侶樓對市燈醉傾光祿酒渴飲凌人冰馬惜
障泥錦人輕半臂綾御溝紫似帶馳道直如繩青瑣彈

欽定四庫全書

御選元詩

卷六十三

五

冠入朱門躡履登時清周道泰運否楚氛騰六郡良家
選千金國士徵星馳千載鳥露宿騎縣柵荏山河隔
蹉跎歲月增鯨鯢依巨浪虎豹嘯高陵野燒兼風起邊
烽共月升候雞晨喔警鼓夜鑿鑿水市船通賈山村
屋近僧陶尊深泛蟻竹簡細書蠅交愛虞生好詩憐辛
子能遠書同客寄遺囊借人騰古道時因棄孤忠世共
憎相思愁極目惜別淚霑膺日晚凋琪樹天寒落翠藤
願堅松柏操海宇遲中興

貞性之

清江圖

江驛背孤城江流繞舍清露枿松下奕驛騎柳邊行帆
落晴窗影鐘傳雨寺聲堆牀餘簡帙列坐總耆英燕語
能留客鷗馴解結盟詩郵趨堠吏衙鼓集關兵薄俸尊
仍滿新知蓋屢傾不才翻自媿何以荅深情

題畫山水

山水東南勝遊遊歲月遷登高頻折屐載月屢移船鏡
水荷花裏秦雲嶺樹邊猿偷霜果下鹿借石牀眠野趣
閒誰適詩懷靜自便洞深通窈窕澗曲寫之元采藥時
逢虎看碁或遇仙僧留題竹字鶴避煮茶煙捷徑惟增
媿移文只浪傳種桃春萬樹別有武陵天

丁鶴年

逃禪室述懷十六韻

出處兩茫然低徊每自憐本無經國術仍乏買山錢故
邑三千里他鄉二十年力微歸計杳身遠客心懸桃李

欽定四庫全書

御選元詩

卷六十三

五

誰家樹禾麻傍舍田鴉衣秋屢結蝸室歲頻遷逝水終
難復寒灰更不然久要成齟齬多病復沈綿俛仰衷情
倦棲遲野性便延徐誰下榻訪戴獨迴船恥灑窮途泣
閒修淨土緣談元分上下味道悉中邊有相皆虛妄無
才幸苟全棲雲同白鹿飲露效元蟬高蹈慚真隱狂歌
媿昔賢惟餘空念在山寺日逃禪

送鐵佛寺盟長老還襄陽

盟居襄陽父死方在
殯遇亂奉母逃難江

南餘三十年常典藏鑰于蔣山主武昌鐵佛
寺而重興之及今道路既通乃奉母北歸而

欽定四庫全書

御選元詩

卷六十三

其父喪士大夫以為方外所未有咸作詩
大美之鶴年因製五言排律二十韻附卷末

襄漢揚波日江湖避地時行行隨老母處處禮名師雲
水元無住風塵信所之睦州勤奉養江革備艱危掌鑰
鍾山下傳燈鄂渚湄剝龍藏典幾咏鶴樓詩深嘅叢
林廢真成一木支銅山頻閱世鐵佛重開基法几雕文
具窮旛刺絲絲雲鐘晨縹緲月殿夜參差已悟無生法
還興罔極悲他鄉流徙遠先壟奉遷遲瀕洞今方息旋
歸故可期望雲雙淚瀉計日寸心馳官柳催飛錫曇花

侑奠儀既明埋玉理豈是繫珠癡定應牛眠兆母生觸
鹿疑春暉憐舊線秋露薦新祠生死俱無憾諸方起孝
思

馬臻

歲暮偶成

古人不可見養拙謝時髦隱傍淵明柳飢懷曼倩桃鑿
坏誰敢望抱甕豈應逃義見馮公偉仁依范叔豪乾坤
心浩浩江漢日滔滔老境誠難料繁荆未易薶親朋隨

欽定四庫全書

御選元詩

卷六十三

七

宿草歲月掩秋濤夜短難籌促天寒象緯高燕情傷局
促松節感持操姜被流離析鄒裾揖讓勞亂雲迷鶴路
短髮問魚舫念與追攀絕心辭寵辱熬世情甘木石我
輩豈蓬蒿萬事差池裏長歌對濁醪

尹志平

盤山棲雲觀

盤山路不深道院正當心一谷水流細滿山松布陰庵
前閑散髮亭下靜披襟羽客朝春藥幽人夜撫琴雲生

添瑞景風動轉清音此地全真樂予知勝萬金

吳全節

重登第一峯

重登大峯頂曉色正蒼涼華構煙霞壯幽居日月長碧
雲浮洞戶清露沁衣裳水淺元龍躍林深黑虎藏去天
疑咫尺勝地豈尋常屏俯金峰畫爐分玉案香會仙猶
有市濟世得無方藥圃多春意丹房耿夜光何時結茅
屋稽首禮華陽

欽定四庫全書

御選元詩

卷六十三

天

張雨

書懷二十韻奉呈虞集賢

昭代千齡運斯文一柱功初當延祐日晚識廣陵公朝
士因推轂先生猥擊蒙啖乖遺廿載寤寐接孤風太史
山川彥仙儒館閣崇置身清切上用志杳冥中句法黃
初過才名冀北空朔南馳使節江漢借歸蓬酒問餘杭
姥泉尋六一翁境非秋水觀寺即紫微宮侍坐要王遠
移家近葛洪於焉承欵唾足以振罷癯卓爾身為貴胡

然老見攻戰肥終道勝德重豈途窮玉趾閑迂步麻衣
病鞠躬茶煙窗冉惹墨沼樹玲瓏飢甚無瑤草招來有
桂叢輸心何落落把袂輒匆匆易進乘軒鶴難追戲海
鴻明朝去吳會長笑為誰雄

元日雪霽早朝大明宮和辛良史省郎二十二

韻并序

延祐改元三月民瞻石宰相遇京師承需鄙作且
辱先施之惠林下朽生不能造館閣綺語幸于言

欽定四庫全書

御選元詩

卷六十三

元

句外求之愧悚而已

纔設中庭燎俄看密霰飄歲開環甲紀星動指寅杓鳳
集天門榜珂鳴月殿橋卿雲同四表和氣集三朝陞級
昉初截雲層玉旋雕句陳分彩隊步輦簇青腰積屑承
盤重吹花到笏消遙迤光斧座凌亂綴珠翹樂共爐煙
合班隨翠袖招閣風游廣漢玉局道逍遙北戲魚龍舞
中巖虎豹調旌旗攢員履冠劍掠招搖穆酒曾觴母洪
崖及見堯萬年臨紫極一日慶璇霄朝會儀如此騫騰

意頗饒身唯參寂寞世豈絀紛囂姑射消疢癘蓬萊倚
沈寥瑤華攬戴勝珠樹引回鑣有術探鴻寶何人識爨
焦竟須窮海岱直擬並松喬書就神牀寫香從別室燒
憐君守華省琢句廢青宵

宗行

送樂子儀侍兄之京

祖帳閭門外送君江水濱關山深積雪蠻海尚飛塵獻
策思奇士觀光得上賓棣花行處好楊柳別時新解纜

欽定四庫全書

御選元詩

卷六十三

三

占風色登程記月輪預期當到日猶可見殘春首肯能
肥馬蒲萄解醉人衣冠雲縹緲宮殿翠嶙峋地接煙霄
近天垂雨露頻如蒙前席問先願及吾民

大訢

送趙公子去疾侍平章魯公歸蜀

所羨還鄉樂茲行得侍親魯公黃閣舊宣詔紫泥新給
傳舟車備承筐玉幣陳會靈奔岳瀆移次動星辰父老
懷遺愛朝廷眷大臣百年輕重計一舸去留身子職共

承重親知囑諭諄行庀供膳早張燕進觴頻寶瑟調銀
甲周盤繪玉鱗雲林還弔古風物獨傷神地勢金城壯
山光錦浪勻江喧初上峽樹遠欲通秦牛女天河夜魚
龍野水春豐碑臨奠負高冢撫麒麟側聽歌淇澳猶聞
起渭濱上尊羅甲帳仙仗擁蒲輪朽櫟依瓊樹飛華懸
錦茵峨眉尋舊約谷口卜芳鄰願結香山社終陪綠野
賓相期無遠別萬里月隨人

次韻張夢臣侍御遊蔣山五十韻

欽定四庫全書

御選元詩

卷六十三

五

勝遊還送客秋日淨郊原別酒歡逾洽行厨禮不煩楓
林生晚吹鞠沼媚晨暎滿座金貂貴斯人玉雪溫絲綸
承異渥黼黻進嘉言宥密皇猷重才華大雅渾披雲簾
挂玉前席錦為墩接武夔龍地冥懷鴈鷺村外臺分重
寄南服占名藩登麥初橫塌迎春及賜幡馮高荒墳沒
弔古斷碑昏種竹期招鳳尋僧共聽猿洞呀獐蟒化海
立怒鵬騫珠鈿沈胥井金鋪委壞垣國初遺老在江表
故家蕃及物多膏澤為邦固本根化行民自信身退道

彌尊美俗時丕變吾人溺可援山川還寂寞歲月去翩
翻廢館弦聲絕虛龕繪像存苔斑飢鼠走梅臥野蜂屯
除道看驄馬來儀集采鷲傳呼驚鹿鋌笑語答江喧撫
跡多遺恨懷人欲斷魂馭風寧有待斷壘妙無痕師表
儒林盛賢勞王事敢不求金躍冶但愛土為墳陳寶徒
祠雉桓溫苦化龜青山隨地好朱實著霜繁充味和椒
桂同馨佩芷蓀衡廬肩可拍參井手先捫說劍雙龍吼
揮毫萬馬奔築臺先自隗學圃恥如樊破衲多年冷窮

欽定四庫全書

御選元詩

卷六十三

三

檐傍午暄不才甘朽櫟何幸枉高軒蕪穢煩芟制泥塗
賴力掀班揚鋒遠避屈賈氣還吞舉世懷燕石惟吾重
魯璠三光開渾沌萬派出崑崙喜接東山屐叨陪北海
樽辱知榮篚帛懷德報壺飡多稼欣逢歲嘉蔬更滿園
雲霄翔鶴鶴溟渤偃鯨鯢寒士勤嘘拂諸生淑討論望
塵趨末路立雪候重閣緣忝三生舊心冥萬化元崇陰
思召伯柳色憶王孫精衛慚填海神鰲力負坤他時愁
遠別此意竟難說萬華相從去重窺玉女盆

述懷送觀空海歸臨川七十韻

幼慕空門貴高蹤世可遺功名輕閱閱塵土豈磷緇澄
觀難居俗湯休不廢詩三生猶有習四海豈無師身去
江湖遠山空雷雨垂諸方驚老宿同舍走羣兒素昧平
生願居然會面期解牛須肯瘖相馬必權奇壯業期軒
輊新功日倍徙氣豪空虎穴戰勝失魚麗五載靈谿寺
千章白雪詞清遊忘旦暮物論不瑕疵奎畫前朝秘清
霜古佛規巖空狐有塔山古寺無基松燎供宵讀芹香

欽定四庫全書

御選元詩

卷六十三

三

助午炊凍泥蛙似蟹春雨茵如芝遠客愁猿狖村童抱
鹿麕雲藏吳猛廟雷護柳公碑物色紛難數雄材應接
疲願終盤谷隱恥事北山移未覺歡娛盡深蒙造物私
寒巖徒刻畫元氣忽淋漓共喜師門盛何嗟友道睽青
山吳甸沒白水楚天涯落日三年望浮雲兩地思驛書
勞白鴈貞信卜元龜果爾期雞黍同心感鐵磁羣公來
雜選餘子去委蛇風日矜神駿雲霄刷羽儀古今存道
統師友得網維今代誰潛子宗門一器之聯芳端不忝

清要合如斯自許奔流象何知測海蠡芟夷開樸椒洗
滌脫瘡痍弔古多閒暇登臨甚忸怩山河秦百二宮闕
漢果愚黃壤侵銅狄春風動兔葵林蘇俱異物標畫不
同時志大交難合歌長聲愈悲近人山擁座照席月臨
池正擬追金玉方將脫帛羈不才還涉世中道遂分歧
相失嗟狼狽無謀晒鷓鴣交情淡於水真味美如飴衣
綻寒分絮囊空遠貸貨鴿原兄弟急犴獄簡書疑仁者
應無敵將軍自數奇波濤孤梗汎風雨一巢危亡命憐
張儉逃生愧范睢百年俱縶綫千里許驅馳誓欲同生
死那能顧渴飢推恩豈望報菲德竟何為吾道縣孤注
叢林失一夔老師甘屏棄弟子頌期頤逝水歸東壑流
光及崦嵫空餘匠石斲誰善宰夫胹行獨招羣忌名高
得謗隨長鳴悲病鶴老氣臥孤羆入室猶橫榻承顏或
奉匣樓孤金驛遠河直玉繩敬未厭從師樂其如念母
慈江雲連襪極山雪溼茅茨短世驚炊黍成功付覆碁
何曾犀首貴空作虎頭癡白日真成去青春有別離風

煙辭北固江漢抱南箕浪穩饒蛟睡天長白鳥遲鄉關
迷遠近雲樹暗參差幸喜收蠻獠於今靜鼓鞀詩成須
數寄清響播墳蕪

送何彥敬赴山東憲幕

風物中州美人材聖代優恢恢光岳合肅肅羽儀修省
署千官盛臺綱衆目收諸公多汲黯文掾獨何休健筆
回天險精機洞鬼幽霆奔犀墊奮鼉負五山浮責已常
存恕知人庶寡尤平生周禮樂後世魯春秋西極銷鋒

鎬坤維得綴旒元功推衛霍首罪竄共兇陳寶無祠雉
桃林已放牛九天行日月一命重山丘幕府非閒散山
東且勝遊馳車馳羽檄霜刃避吳鉤白下諸侯酒淮南
使者舟風清捐退鷁月冷動潛蚪歷數無雙士誰為第
一流託交慚素昧道術得相求塵土緇衣浣山林白髮
羞送君因有感暮色起滄洲

御選元詩卷六十三

欽定四庫全書薈要卷一萬八千四百七十六 集部

御選元詩卷六十四

七言長律

馬祖常

畫古木

桑空河上生賢相
楓老山中化羽人
未借九關當地軸
還曾八月上天津
雷燒桐尾琴材古
玉刻龍形劍具新
雨蝕蒼皮苔護石
泉春玉乳月翻輪
東隄楊柳春煙暖

欽定四庫全書

御選元詩 卷六十四

西浦芙蓉曉露勻
偃蹇孤根巖壑氣
我知棧樸不為薪

畫海棠圖

石家五尺珊瑚樹
海國千房火齊珠
風雨春寒圍錦護
豔陽天暖倚闌扶
浣時應貯芙蓉水
香處重熏翡翠爐
紅膩不隨蜂背蝕
粉勻終為蝶身敷
歲蕤綵纈盤仙綬
襞積雲羅落舞襦
青帝化成非幻有
杜陵吟老却知無
催開每賴斟鸚鵡
吹落還因唱鷓鴣
曾見赤城花亞蕊
丹鉛此去不須圖

虞集

題喀爾子山尚書凝春小隱六韻

羣玉府中香滿袖
凝春亭裏看花開
綵雲近席微風動
紅日當牕好客來
西海珊瑚階下長
東家蝴蝶雪中回
竹深每聽尚書履
池暖時分大液杯
鳳味浮煙金錯落
鶻羣隨水白毡毳
人間應得函封帖
青李來禽繞舍栽
次韻杜德常博士萬歲山

欽定四庫全書

御選元詩 卷六十四

祕閣沈沈便殿西
頻年立此聽春鷓
風搖翠岸新生柳

雨泥銅池舊產芝
玉几由来常咫尺
衡門此日遂棲遲
中生欲去柴車在
杜甫長吟雪鬢垂
墨沼遊魚翻宿藻
畫簷飛燕翳晴絲
山中竹簟涼如水
應共釣天九奏時
次韻宋顯甫御溝

御溝雪融三月初
鳧鷖鴻雁總來居
蒲萄水綠可為酒
楊柳條青堪貫魚
迤邐天河起箕尾
澗澆雲海浮青徐
舟前花落傍飛燕
隄上風來濕舞裾
翠輦時留金駃裏
錦波不著玉芙蓉
臨流宋玉偏能賦
莫待東都客問予

揭傒斯

劉承旨父大司徒邢國公慶九十應制

聖主尊賢遂及親邢公盛事更無倫身躋九表瞳方碧
貌過耆年鬢未銀鳩杖乍頒寧畏噎龍章游拜欲忘身
上公建土山河富光祿分壺雨露頻析木天清雲五色
梁園花發月重輪錫宴梁氏園三宮寵錫驚殊數四座稱觴
半老臣瑞錦爛編迎化日兼金條脫照芳春素煙冉冉
晴熏上白雪泠泠豔曲新先世勲庸歸琬琰名家父子

欽定四庫全書

御選元詩 卷六十四

三

映冠紳三槐已驗移居日五柳翻如寄傲人澗底桃花
曾閱世枕中鴻寶自頤神詞臣欲繼莊生作才薄何堪
論大椿

宋聚

御溝

泱泱穿雲出澗初千迴百折到皇居行人不敢來飲馬
稚子時能坐釣魚內史府前晴滉漾雲巖觀後晚舒徐
波漫略行通丹禁風颺輜駟映畫裾三月霏煙著楊柳

九秋涼露泣芙蓉荒唐莫說流紅怨自是清漣解起予

和杜德常萬歲山暮春

霧香雲深日馭西紅稀綠暗鬧黃鸝雙娥有淚仍啼竹
四老無情謾采芝游冶喜逢三月閨芳非空度一春遲
誰家甲第歌聲咽何處名園舞袖垂祇有情懷似中酒
那能心緒及遊絲少年笑我真癡絕一日閑愁十二時

王思誠

題金雞堡思鄉廟壁上

欽定四庫全書

御選元詩 卷六十四

四

金雞堡峻壓崇墉襟帶關山幾萬重芮伯故城連境內
羌戎舊邑入疆封山頭百折顛軫坂水面三門砥柱峯
驥負鹽車逢伯樂賢傭版築遇殷宗但聞虞虢亡脣事
不見巢由洗耳蹤柱鼓石尖寒日淡煉丹爐口晚煙濃
年華冉冉如飛去人世悠悠似轉蓬天地無窮生物意
山川不改舊時容清沿澗谷涓涓溜翠拂祠堂鬱鬱松
且喜巡行公務簡賦詩聊復慰疎慵

河中形勝

關設蒲津扼兩壩城臨天塹控三邊朱堯傑構重華殿
翠琰穹題廣孝泉五老山高橫晚照二妃陵古起秋煙
龍門北顧思前聖雷首南觀憶昔賢渡口鐵牛唐室建
汾睢寶鼎漢家遷海神望秩時仍故河濱居歆歲不愆
城郭一般猶舜日山河萬古是堯天蕨芽舊采余偏嗜
桑落新筍衆所便陶邑器成還苦窳帝鄉民雜更顛連
盛時揖讓皇風泯叔世交侵霸習傳比屋可封今已矣
畫衣不犯亦茫然五刑弼教焉能措三木收威未易捐
少似夷齊能避國多如虞芮好爭田郡侯司牧銓衡重
部使分行黜陟專持節我當勤察訪更弦汝在謹承宣
共期風化隆先代咸五登三億萬年

丁復

送楊文質侍父之西臺

御史乘驄西入關郎君曉服擁欄編東風柳色寒猶淺
南國桃花春未殷後騎送官過白下前驅衛士負黃間
州城獬廬我冠度里社鷄豚衣繡還問膳早朝河畔驛

舉鞭遙識陝中山道塗來往爭加額父老邀迎各解顏
渭水東流連二漢蜀都南去帶諸蠻秦中兵饑仍凋瘵
劍外人風更阻艱勤讀古書探要渺與論時政及餘閒
他年先後聽周魯迭拜螭頭最上班

壽龍翔長老訢笑隱

元雨高秋集九龍東天震旦主諸峯青峴座踞黃金築
紫鳳書銜白玉封賜到屢鳴官寺鼓召歸魚聽御樓鐘
雄文獨步專三氏大法全提正五宗筵擁方來無數衆

倉分鄰住有餘春詩留杜甫頻茶碗社許陶潛更酒鍾
涼夜熱眠貧夢蝶清朝苦思因吟蛩墨華世界慚吾晚
桂子天香喜氣濃住世幾何論小劫陳書再拜謝疎慵
隨班作客應長席歸醉從兒拄小筇

郭囉洛納新

送道士張宗嶽奉賀正旦表朝京竣事還龍虎

山

大明初啓日蒼涼天子垂衣御萬方花織錦茵雙鳳翥

雲浮玉座九龍翔珠懸殿幄晨光動燈轉紗籠刻漏長
銀漢星槎來萬里綠章雲篆賀三陽烏趨青瑣煙霏繞
酒出黃封雨露香芝草繡衣金纂纂芙蓉紉佩玉瑄瑄
重瞳屢顧真希幸罷渥頻承特異常辭陞更瞻天日表
賜環應在水雲鄉留侯印綬將歸璧使者旌旄已趣裝
河朔游塵隨騎氣江南清夢入詩囊仙源路近桃花發
鬼谷山深柰葉芳後夜相思京洛士黃精還許寄來嘗

投贈趙祭酒二十韻

字子期宛丘人

欽定四庫全書

御選元詩

卷六十四

七

三朝元老國著龜山立精神虎豹姿高步瓊林開官轍
早登華省被恩私棟梁材器明堂用臺閣文章聖主知
輦下懇辭郎署久斗南爭望使星移諫垣屢賞朱雲節
宣室重陳賈誼辭錦綬還鄉迎駟馬繡衣行部去襜帷
談經秘閣重祠坐扈蹕甘泉載索隨玉節引班朝謁早
金蓮擁騎夜歸遲尚書曳履登鸞閣給事含香近鳳池
冰蘖操持心似鐵廟廊贊畫鬢成絲久聞陸贄頻憂國
盡許匡衡善說詩百世斯文開絕學四門胄子得名師

絃歌濟濟承周禮冠佩踴踴舉漢儀掌故傳經編竹簡
諸生脫穎擅囊錐鄙人自致慚無術男子平生謾負奇
久望車塵空感激欲趨門屏媿驅馳王陽豈待彈冠慶
孺子還應下榻思輒效詩人陳賦頌敢從閭吏候旌麾
何蕃獨重陽司業嚴武深憐杜拾遺懷寶山林當一出
平津正在禮賢時

傅若金

送觀至能赴廣西憲司經歷

欽定四庫全書

御選元詩

卷六十四

八

薊門官柳徧鳴禽馬上離人酒強斟久以才名稱闕下
忽持風采照江津三湘曉雨開衡岳百粵春深接桂林
何遜到官勞賦詠謝安攜客喜登臨吏人靜住山城僻
部使閑過幕府深溪裏藥苗寒自綠道傍榕樹畫多陰
蠻夷比歲頻騷動巖壑何人更討尋明日孤帆逐君發
長沙南望最傷心

奉和宋翰林顯夫御溝詩韻

宛宛長波切太虛霏霏晴霧濕高居雲涵度影翻元燕

日映圓紋散白魚，遙轉石陰通樹細。稍侵花底出宮徐，
橋邊市起春鳴轂。閣裏朝回晚曳裾，天子數臨窺碧藻。
詞臣時敕賦金蕖，龍池浩蕩恩波接。草木無情亦勝予。

宋无

贈竺練師

姓疑乾竺古先生，霞外幽棲近四明。履斗星移冠劍影，
步虛風引珮環聲。蕊宮夜喚青鸞降，花洞朝騎白鹿行。
長使芝童看藥竈，為耽瓊液過蓬瀛。鶴傳仙語歸華表，

欽定四庫全書

御選元詩

卷六十四

九

魚寄丹書上赤城，怪石醉中拈筆畫。險碁靜裏按圖爭，
玉桃竊慣慵留種。瑶草尋多盡識名，縮地日攜龍作杖。
卧雲時約鳳吹笙，海邊定與安期遇。關上當逢尹喜迎，
我本翠寒山道士，相隨便欲採黃精。

寄山中僧

名山舊隱巖巖秀，精舍蕭閑殿閣虛。像禮旃檀千古佛，
經翻貝葉五天書。獸依草座跏趺後，禽下花臺施食餘。
空翠濕衣橫即采，紺泉澄盞涌芙蓉。鷲峰夢繞雲中寺，

鹿苑身棲物外居，清梵夜迴松月冷。孤禪晝起柏煙疎，
曙鐘寒韻侵虛籟。午供春香入野蔬，道念有時憐老病。
塵緣無計問真如，遠公若許來同社。陶令何妨去結廬，
便向東林傍尊宿。菩提從此發心初。

素士元

喜雨三十韻 并序

重光大荒落之歲，自春而夏不雨。魚月東作幾廢，
郡幕有為民憂者。控辭力請齋齋，呂鍊師設壇致

欽定四庫全書

御選元詩

卷六十四

十

禱不三日，甘澤霈然。官吏交慶，實五月一日也。因
以三十韻紀其事。

仙術由來能致雨，誠心所感可回天。公家既盡祈禳禮，
洞府宜分造化權。明處浙東雖大郡，鄞居海右乏深淵。
每罹暵旱憂為甚，況歷饑荒恐復然。春後一犁方欲動，
田無勺水絕堪憐。木龍謾吼江頭月，秧馬猶沈屋角煙。
病暵征夫心正折，望霓農叟眼將穿。此時奚啻千金直，
民命危如一綫懸。郡幕有官偏惻隱，昊天無路莫資緣。

選才幾度詢諸老薦口咸推汝獨賢閉戶固辭徒至再
下車力請寢勤拳一箋丹悃求嘉應即喜元機妙斡旋
衆覽但知惟兀兀神飛誰識自翩翩心香虎闥初無阻
膏澤龍宮詎敢專蜥蜴捧符來洞口神祇森仗立雲顛
頓驚百辟爭趨事始覺羣巫乃備員雷逐劍光纔動處
雷轟印令未施前天瓢乍滴終傾倒月額初開漸復連
別院始看庭積雷前村已見水行田秧斜被潤青而秀
菜甲分甘綠且鮮壤畝田翁驚破塊井甃竈婢喜添泉

欽定四庫全書

御選元詩
卷六十四

十一

乾禽漂羽鳴溪樹涸鮒揚鱗躍澗川疇見桑麻還鬱鬱
行吟花竹正娟娟槐邊市有新鳴屐柳下塘無久繫船
已掃螟氛消毒暑漸清燕寢飽高眠童謠爭唱昇平曲
祖帳高題志喜篇試術葛元應效社論功束皙可隨肩
世人獨歎重元祕真宰多憐一念虔往歲作霖頻復見
鉅公題石久曾鐫誰知白首當今日猶為蒼生作有年

成廷珪

送張可道赴嘉定府太守

秦中百二漢關河曾記乘驄舊所過棧道地形天下險
嘉州風物古來多分符又叶三刀夢入境先聞五袴歌
父老扶筇親引導將軍負弩疾為訶錦袍錯落金為帶
白馬聯翩玉作珂興學固當崇俎豆防邊還為戢干戈
四川畫省勞詢問一郡蒼生望撫摩樓倚青冥來萬景
山橫紫翠接三峨題詩別館魚堪寄退食公堂雀可羅
西蜀考功當第一他山有石為君磨

題周伯溫待制為蘇老人篆七十古來稀有字

欽定四庫全書

御選元詩
卷六十四

十三

後

天上詞臣小篆書方今端合比瓊瑤肯將南極仙人壽
題向東臆隱者居玉屑露凝金錯落錦茵春暖繡芙蓉
纏腰信有揚州鶴垂釣寧無渭水魚方士曾分燒藥火
諸孫親御看花車黃金意氣留賓客白髮風神照里閭
世上虛名皆寄爾人生此樂復何如芝蘭香裏渾如畫
百歲傳家慶有餘

贈六合縣宣差伯士寧因兵亂淞泗之間獨縣

境肅然作詩以敘其實

風塵千里暗淮堧六合孤城獨晏然保障正符明主意
歌謠爭頌長官賢公庭吏散門如水驛館賓來酒似川
疏水為湟成重地返風滅火動皇天軍需會計多雄畧
兵會森羅總少年典學未聞忘俎豆防邊仍見戢戈鉞
編民闢地增輸賦遠客移家願受廛封壤遠連瓜步外
妖氛不到瓦梁邊魚鹽山市宵鳴柝米麥江橋晚泊船
十邑自今稱第一前程誰為隔三千王綱正爾關名教

欽定四庫全書

御選元詩

卷六十四

十三

民瘼何人解倒懸輿論已傳霄漢上豐碑立在縣衙前

鄭元祐

顧氏綠陰亭

顧家亭子綠陰陰楊柳菰蒲岸岸深鷺下積陂明霽雪
鶯啼叢薄度鎔金涼雲覆地苔黏屐疎雨沾衣露滿襟
境曠始知清晝寂舟行忽見白鷗沈錦香承宇花如霧
星采當堦月在林荷鑿課童栽藥物開牕傍水候梵音
湛癡元自能談易稔鍛何妨善鼓琴況是松醪釀初熟

公餘莫厭客同斟

渡江

突起金鼇玉作圍天於設險出神機衆流不息朝宗意
元氣長浮落日輝雲葉暗吹神女珮浪花應濕定僧衣
魚龍不礙中流舞鴻鴈能忘北首歸桃葉翠顰揚子渡
麥苗青茁蒜山磯不因慷慨投鞭衆自是艱危擊節稀
總會華夷民阜雜分征玉帛使舟飛射蛟人去空英傑
化鶴仙來歎是非西日柁樓仍浩浩南冠鬢髮故依依
書生閉戶堪終老跋涉何勞與命違

欽定四庫全書

御選元詩

卷六十四

十四

書生閉戶堪終老跋涉何勞與命違

書畫舫小集分韻得春字并序

久以物景艱棘不到界溪溪之上顧君仲瑛甫讀
書績學尊賢好士當太平之時無事不過從也睽
違幾二年近以嘉平之三日扣君之扉荷君留連
不忍言別已而河東李君廷璧甫亦挈舟來訪遂
置酒書畫舫夜參半酒已酣折杜律句春水船如
天上坐老年花似霧中看平聲字為韻人各賦詩

而俾遂昌鄭元祐為序因拈得春字李君得船字
餘各以坐次分韻而賦云

雪舫夜寒虹貫日溪亭臘盡柳含春將軍結髮開全武
隱者逃名媿子真醉裏都忘詩格峻燈前但愛酒杯頻
笔羹青點沿牆薺斫膾冰飛出網鱗稽古尚能窺草聖
送窮端欲致錢神周南老去文章在同谷歌終手脚跛
擲鬣歸來還自笑聞雞起舞意誰嗔盍簪豈料有今夕
明日桃源又問津

陸宣

遊汾河

翠巖亭下問棠梨上客同舟過柳溪花下停橈聽鸚鵡
竹間把酒引玻璃緋桃照眼春無賴石洞關雲路轉迷
金粟彈箏銀甲冷珠簾曲度翠眉低錦帆捲浪風生座
羅襪生塵草被堤屢舞不妨飛野馬醉歸遮莫報鄰鷄
楚王臺畔空陳迹鮑氏池亭憶故棲鐵笛吹殘山月白
竹枝唱過駟橋西

欽定四庫全書

御選元詩

卷六十四

十五

宋沂

送趙御史仲禮之任南臺并東兼善達公經歷
元載王公用道孔公二御史

天子龍沙拜受官議郎新戴辟邪冠曉辭漠北冰霜重
秋到江南草樹寒諫疏頻煩明主聽題詩長共故人看
應憐閭里誅求急尚布朝廷禮意寬幕下風清鳴一鶴
臺端雪霽見雙鸞寥寥渡海三冬翮粲粲凌空五色翰
晉代新亭蒼蘚合梁朝舊寺土花殘石城慷慨悲素粲
別墅風流憶謝安千里憑高麾繡斧幾回攬轡並銀鞍
諍臣事業須公等努力明時非素餐

吳克恭

送牛彥伊之金陵兼寄曹德昭御史

苦憶茅山陶隱居此行白下子何如未逢名士收通刺
還有高僧與讀書五月蘭苕棲翡翠千年桂樹傍蟾蜍
紫簫聲徹臺山鳳綵筆香生墨沼魚昨喜故人來舊隱
始聞御史拜新除深期古道酬家業東魯文貞謚不虛

欽定四庫全書

御選元詩

卷六十四

十六

送張中丞之官翰林

中丞獻納道如何內相絲綸罷莫過槐閣地聯文石陞
杏園春滿曲江波陰陰雨露深青瑣介介星辰濕絳河
花蕊隔簫宮漏近柳條當戶曉鶯多中官送酒青絲絡
上苑垂聽白玉珂豈獨寸心圖補報要須元首及賡歌
太常禮樂還相問閣老才名迴不磨通國此時同悵望
憶公何處最委蛇鼇峯巨石森蓬島香殿微風拂御羅
延佑得賢俱第一野人白首卧林阿

欽定四庫全書

御選元詩

卷六十四

十七

陳基

次韻垂虹橋泊舟倡和

何年代石駕危橋鯨浪翻江白雨飄勢控三吳虹倒影
氣吞七澤水通潮重淵有怪犀難照蔓草無名火不燒
伯國黃金聞鑄像王門白玉想為標功成海上身先退
膾熟江東興可邀歲月幾何流水逝山川如舊古人遥
鴻飛增繳何由篡鶴去樊籠不可招浩蕩扁舟歸鑑曲
寂寥方丈似中條越人尚以雞為卜楚俗相傳鵬類鴉

自把文章論倚伏敢將交態較淳澆五湖煙景隨時異
萬里風萍觸處漂却憶春暉樓上去為君裁取玉為簫

次韻叔方寄沈仲說

公子新成江上宅更依西渚結幽亭時清墟里還無警
月黑柴扉不用扃流水暗和琴瑟響好山濃入畫圖青
故人白雪歌難和孺子滄浪曲自聽每厭狂夫談酒譜
還從處士授茶經庭前賸折忘憂草不負君家玉膽瓶

張憲

欽定四庫全書

御選元詩

卷六十四

十六

送海一漚十韻

尊者來從乾竺國畏途生出玉門關地窮西北河為帶
水盡東南島若環劫火自如潮勢吼禪心已似石頭頑
法華雨施金盃水貝葉經挑錫杖鏤幻境萬家蝴蝶夢
滄波一箇野鷗閑染輕龍女花難著德重天厨食自頒
瀨氣秋橫銀色界白蒙夜破鐵圍山滄溟此日浮杯去
葱嶺何年隻履還佛日未應違下國甘霖直欲遍人間
探窮大地蛟蛇窟歸立螭頭虎豹班

遊黃公洞十八韻

十月山城氣候偏黃公洞裏看春妍五紋鷓鴣雀嬌疑鳳
千葉蟠桃大似蓮巨彈落星天狗碎神君出土佛牙堅
雜花冉冉張紅錦芳草茸茸卧綠氈崖瀉蜂腰橫斷杵
巖撐虎口抱空峯澗邊野雉如人立松下馴麋傍母眠
峯隱金雞啼曉月瀑翻銀漢下長天十圍龍竹高逾樹
五頂神芝秀結拳薛壁冷雲封鬼谷寶函金穴祕神淵
枰遺商皓碁三角劍缺黃巢石半邊丹火有人留蛻骨

欽定四庫全書

御選元詩

卷六十四

十九

楊維禎

紀夢中作書遺報復元

九月九如三月三五湖山水盡清酣西瞻林屋三天近

南上風帆一日貪潮蹴濫堆青不動雨縣花洞氣長鎗
月中簫鼓神君殿雲下龍鸞帝子驂猛虎護林依董奉
毒蛇避井施蘇耽脂塘暗清塵起縹緲峯高碧落參
落日大堤花杲杲西風茂苑草參參越人仕倦秋思棗
吳女情多夜擘柑自是王仁僧好伴為予善唱望江南

王逢

送宋宗道歸洛陽

選郎分手楚天涯萬里春明穩到家庭下已生書帶草

欽定四庫全書

御選元詩

卷六十四

二十

馬頭初見米囊花汴淮淡漫經梁苑星斗參差犯漢槎
中國未應風俗異舊京寧覺路途賒鮫宮獻珮當明月
鵲殿吹笙隱太霞韶散世憐蘇季子賦成人哭賈長沙
若為撫事傷遺跡正用懷才待物華聞道鄉閭諸父母
杖藜期看馬鄉車

顧瑛

至正十年秋七月十有三日起文高先生自姑

蘇汎舟攜酒殺過玉山會飲芝雲堂上座客于

匡山琦龍門相與談詩疊疊不絕酒半龍門分
藍田日暖玉生煙為韻余探得藍字坐無長幼
能詩者咸賦焉

高堂政在玉山南竹色梧陰積翠嵐秀結紫芝雲作蓋
先生珠樹玉如藍每勞飛鳥花間使時有翔鸞月下騶
客至酒尊聊劇飲僧來塵尾聽清談行盃長待纖歌發
分韻還將險字探佛印固知元九九文殊何必說三三
莫忘石上三生約且盡山中十日酣當檻荷開香屢度
隔牀花落雨同瑣鹿門何處真成隱雞舌他年自可含
送別江亭折楊柳西風應愧雪盈簪

欽定四庫全書

御選元詩

卷六十四

三十一

書畫舫小集以春水船如天上坐老年花似霧
中看平聲字分韻得如字

為人性癖愛幽居結得幽居畫舫如沙嘴曉風開幔入
簷牙晴日落牕虛厨空尚有仙家酒歲晏能來長者車
汲澗綆寒因煮茗鑿冰船發為叉魚米顛癡絕尤耽畫
鄭老窮愁却著書爐篆寶香熏篤耨硯泓春水滴蟾蜍

紙浮玉色供臨榻月吐紅光照卷舒許結老年三絕社
須君好事寫歸歎

秋華亭以天上秋期近分韻得秋字

開宴秋華亭子上共看織女會牽牛星槎有路連雲渡
銀漢無聲帶月流取醉不辭良夜飲追歡猶似少年遊
分曹賭酒詩為令狎坐猜花手作闌最愛柳腰和影瘦
便聽鶯舌弄春柔金莖露落仙人掌錦瑟聲傳帝子愁
絡緯豈知都是怨芙蓉莫恨不禁秋碧空珠斗微風動
重欲移尊為客留

欽定四庫全書

御選元詩

卷六十四

三十二

李瓚

牡丹一章奉寄玉山公子

巷南亭館春風樹魏紫姚黃取次開翠羽當牕林影麗
紅雲繞坐國香來凝酥暖泛金壺釀羣玉晴籠錦帳埃
浦外何能誇芍藥番禺自足媿玫瑰竟須高宴煩燕女
左手持花右酒杯

李廷臣

和書畫舫聯句韻

樽桑旭日紅半壁草色如天青滿簾入海雀羣應化蛤
逐風龍唾或生鹽長雲帶水連三島落月和星轉四簷
靈穴怪鯁潮捲尾山中老兔頽濡尖仙姬具飯青精細
庖吏儲鮮異味厭翠釜出駝行玉碗繡帷熏麝啟銀奩
吹簫公子鸞凰語擊劍將軍虎豹髯雪飄飄詩總好
蒲萄濫濫酒頻添酣歌更上層樓頂萬頃波光上下黏

邾經

欽定四庫全書

御選元詩

卷六十四

三十三

營海軒詩

兵後澄江失散廬何曾奏策似隋初丈人舊憶河間渚
營海新題泖上居滄瀆山橫遺戰壘松江水近足羹魚
慣聞地與潮聲轉時見龍將雨氣噓槎路不通星是客
桑田頻改日愁予螺舟莫厭過從數我亦羈窮欲著書

舒頌

有懷諸公

龜鼉出沒黃田蕩龍虎盤踞白下城才俊滿前勞顧問

愚蒙在下冀昇平波濤江漢暫時險煙霧山川有日清
文士負才徒倚馬武夫挾勇祇談兵朝廷安用生疑慮
田野何由覩聖明薇露每憐東日上柳雲猶帶北風橫
羣公退食方云喜數子馳心尚慕榮澤國暮春觀撲滿
江湖深夜炯撓槍鄉村落落真堪歎冠冕我未足驚
黃犬東門憐往事白頭南上憶歸耕

郭鈺

袁寅亮讀書深山萬木之中以避暑文瞻為賦

欽定四庫全書

御選元詩

卷六十四

三十四

長句因次韻以寄

獨向陰崖結構牢一時文采擅風騷雲間客見疑猶淺
山下人行望始高蒼樹攀巢馴鶴鵲翠藤結蔓挂猿猱
遙知高卧多標致何問長齋代骨毛洗耳未應徒見許
攢眉但恐不容陶山僧進謁多題竹野老相過或獻桃
綿絕暫陳存故事棘闈嚴備遠周遭鑿平巖罅安書籍
埽集松花釀酒醪醉後賦詩題石壁興來送客釣江皋
蘇門傲睨惟閑笑康樂登臨豈憚勞雨霽傍松延薜荔

晚涼疏水灌蒲萄明朝使者求顏闔只此山中不用逃

丁鶴年

題建昌王子中橋亭八景

橋亭風景洞天如中有儒仙舊隱廬春漲按藍涵蟠蚪

澧波春漲內曉嵐滴翠濕芙蓉龍滌朝嵐內受詩華嶽

有石梁長橋浮丘館中華翠嶽峯頭說劍香爐許令居香爐紫煙峯

有浮丘仙宇仙雲外懸崖飛屐上天寶雨中沃壤帶經鋤田東疎鐘

鯨吼霜華重聖容長笛龍吟月色虛雲原老我塵寰懷

欽定四庫全書 御選元詩 卷六十四 二十五

勝景追遊早晚命中車

釋祖伯

戲題陰涼室塔前芭蕉

新種芭蕉繞石房清陰早見落書牀根露零露北山潤

葉帶濕雲南澗涼得地初依蒼石瘦抽心直並綠筠長

雨聲夜響巔崖瀑晴碧朝浮海日光樗櫟自慙全壽命

梗楠合愧託巖廊觀身正憶維摩詰草字寧追懷素狂

白晝棲遲吾計拙青霄偃仰汝年強歲寒要使交期在

莫畏空山有雪霜

欽定四庫全書

御選元詩 卷六十四 二十六

御選元詩卷六十四

謹案卷六十三第八頁後五行壯子異鄉遊刊本

子訛士據傲軒吟藁改

第三十三頁後三行恥事北山移刊本事訛視據

蒲室集改

欽定四庫全書



一


謹案卷六十三第十四頁後七行赫赫舊作黑黑

今改

欽定四庫全書



二



總校官庶吉士臣侍朝

校對官檢討臣蕭九成

謄錄監生臣朱文佐

謄錄監生臣傅瓌芳

欽定四庫全書薈要

集部
御選元詩卷六十五

欽定四庫全書薈要卷一萬八千四百七十七 集部

御選元詩卷六十五

五言絕句一

郝經

同關彥舉南湖晚步

荷花臨水殿綺月轉簾腰晚吹動銀管暮涼生翠綃

促織

亂聒霜前夜忙催機上秋無衣汝何益重作旅人愁

欽定四庫全書

御選元詩
卷六十五

楊奐

錄汴梁宮人語

歲歲逢元夜金蛾鬧簇巾見人心自怯終是女兒身

殿前輪直罷偷去賭金釵怕見黃昏月殷勤上玉階

人間多棗栗不到九重天長被黃衫吏花攤月賜錢

畫燭雙雙引珠簾一一開輦前齊下拜歡飲辟寒杯

一向傳宣喚誰知不復還來時舊鍼線記得在牕間

遊嵩山十三首 錄四首

詳校官原任事_臣李斯咏

輟轅坂

盤盤十二曲石嶺瘦崢嶸
脚底有平地何人險處行

少室

方若植嵬冠森若削寒玉
明月夜中遊誰家借黃鵠

五渡水

幾時落東溪曲折卧天漢
語似登山人可飲不可盥

少姨廟

路傍雙闕老蔓草入荒祠
時見山家女燒香乞繭絲

欽定四庫全書

御選元詩

卷六十五

二

許衡

別友人

永懷不得遂偃卧惜分陰
沁北田園計山東故舊心

張弘範

述懷

太古一輪月浮雲幾度漫
陰晴從萬態桂影自高寒

劉因

春日

游絲困無力欲起重悠颺
芳草落花滿相思春晝長

白樂天琵琶行圖

冀馬嘶寒風逐臣念鄉國
江浦聞哀絃長吟望南北

村居雜詩

鄰翁走相報隔牕呼我起
數日不見山今朝翠如洗

黃昏雨氣濃喜色滿南畝
誰知一夜風吹放門前柳

獨立偶懷古臨風還自傷
一聲樵唱起回首暮山蒼

削樹題詩句畫沙知酒籌
他年成故事蕭散更風流

欽定四庫全書

御選元詩

卷六十五

三

題山水扇

山近雨難暗樓高秋易寒
憑誰暮雲表添我倚闌干

絕句

溪童出門望鷗鷺滿空下
江水淡無情盡是忘機者

溪橋步月圖

山中有幽人獨步溪橋月
莫問興何如披圖亦清絕

春露亭

老樹含春容寒泉動幽響
念彼山中人風露恣清賞

王惲

望淮

朝日慘無色昏昏水氣間到淮猶數里隔岸見尖山

夏夜

庭竹影扶疎清風晚騷屑夜涼人未眠卧看牕間月

披襟

涼風東北來蕩盡中夜熱起視河漢星微雲淡明滅

程鉅夫

欽定四庫全書

御選元詩

卷六十五

四

題採蓮舟杯

攀翻葉上露釀作杯中酒可能君不醉負此摻摻手

題仲經家江貫道瀟湘八景圖 錄三首

煙寺晚鐘

僧定鐘聲緩依稀聽不真渡頭風正急喚醒未歸人

洞庭秋月

萬頃玻璃上輝輝玉一環望中青似粟約莫是君山

瀟湘夜雨

昏昏風浪裡瑟瑟打篷聲騷客千年恨靈妃萬古情

盧學士詩卷

渺渺蒲江遠年年桂樹秋空餘詩卷在天地與長留

舜舉畫棠梨練雀

霜暈棠梨臉風梳練雀翎含毫心欲醉開卷眼還醒

長江歸棹圖

藹藹天始晴蒼蒼景將晚江波日東流遊子何時返

端陽新月

欽定四庫全書

御選元詩

卷六十五

五

五月初三後天衢夜不扃遙看一痕月搗破楚天青

張經

瀟湘八景 錄二首

遠浦歸帆

極浦一帆回招招近岸開停船試相問莫是故鄉來

煙寺晚鐘

野寺煙初暝僧添寶篆香鯨音送殘照敲落楚天霜

方回

晚春客愁

春老魚苗動江肥雪水來大孤山下路何日汎舟迴
十載干戈後辛勤時牡丹豈知身是客惜與別人看

偶題

不寐常歌枕無言獨倚樓江淹猶匪恨庾信始為愁
落木包生意來鴻定去期如何蕭瑟氣有許楚臣悲

龔繡

泊舟

小舟尋夜泊明月散風瀾故人相別處雙鷺立前灘

洛社東泊

放舟山水間舟上載青山薄暮臨溪坐青山相對閒

題水村圖

澤國漁無定秋霜柳不凋幽人意晚晚此日畫蕭條

素易

郊居寓目隨事輒題四首

雨洗萬象出暄和風日新鷗聲春命侶山色暮迎人

欽定四庫全書

御選元詩

卷六十五

六

絕江捕寒魚赤鱗巨莫逃鯨鱈翻有神騰出如銀刀

把酒清江上扁舟送夕暉行雲杯裏度白鳥鏡中飛
泱泱堰根水跳珠終日鳴班荆坐忘返中有激湍聲

白珽

續演雅十詩錄二首

誰令珠玉唾出彼藜藿腸仁人不為寶良賈宜深巖

有尼能吐
珠玉雜寶

兩駝侍雪立終日飢不起一覺沙日黃肉屏那足擬

欽定四庫全書

御選元詩

卷六十五

七

雪盛命兩駝跌其旁終夜不動用斷梗架片瓊
其上而寢處於下煖勝肉屏且不起心兵也

郭麟孫

再題水村圖

分湖新卜築適與此圖同如今不是畫真在水村中

甘泳

與危見心同和完顏御史沂聯步踏月韻

明月送人歸明月照人宿月落夢醒時清霜壓寒屋

小絕

一夜睡不著小牕天忽明林塘寒鳥聚聽得最初聲

早睡

病來貪睡早推月出山前月色不相捨小牕還自妍

暫憩

平生湖海遊南北東西路幾度夢殘時雲深不知處

吳澄

題漁舟風雨圖

蓑笠寒颼颼一篙背拳曲有人方醉眠酒醒失茅屋

欽定四庫全書

御選元詩

卷六十五

八

題張尹書巢

醯雞甕裏天露蟬殼外身此巢何處著六合一微塵

富珠哩翀

題周益公墨蹟

今觀益公帖老氣肅鋒鋌孫氏青氈永宜開寶墨堂

高克恭

做老米雲山圖

青山半晴雨暹現行雲底佛髻欲爭妍政恐勤梳洗

松濤軒題畫為鄧善之

春雨欲晴時山光弄煙翠林間有高人笑語落天外

種筆亭題畫

積雨暗林屋晚峯晴露巔扁舟入蘋渚浮動一谿煙

鮮于樞

題紙上竹

陰涼生硯池葉葉秋可數京華客夢醒一片江南雨

題高房山畫

欽定四庫全書

御選元詩

卷六十五

九

素有煙霞疾開圖見亂山何當謝塵迹縛屋住雲間

周馳

題李仲賓清秋野思圖

蒼筠倚喬木古色秋逾好誰著結茅亭相伴此君老

程瑁

九月十日折菊花數枝持玩久之插置瓶中

重九昨朝是無人送酒來柴門終日閉辜負菊花開

安熙

錢雪溪宮人圖

露冷月華白悠悠方寸心夫君渺何許悵望碧雲深

何失

方鏡

鑿地作方池背帶千花草萬磨愈不情一照一迴老

十八事舅姑機杼任蓬首照面不照心照心妾不醜

蕭國寶

冬夜

虛室寒侵骨疎梅月影牀三更孤鴈唳悲怨不成行

贈寂堂和尚

冷雲和衲定悟到覺身輕地靜人偏勝山空木亦清

張著

村居

危橋入孤村老木倚絕壁幽鳥啼一聲萬象動寒碧

趙孟頫

題秋山行旅圖

老樹葉似雨浮嵐翠欲流西風驢背客吟斷野橋秋

題萱草蛺蝶圖

叢竹無端綠幽花特地妍飛來雙蛺蝶相對意悠然

黃葵

仙掌鬱金衣朝陽風露晞可憐蜂與蝶祇解弄春暉

題太白酒船圖

瀟洒嵇山道風流賀季真相思不相見愁殺謫仙人

寄題真定明遠亭

未到新亭上先題明遠詩雲間歸鴈小山外夕陽遲

獨夜

秋風動林葉夜雨滴池荷孤客睡不著亂蛩鳴更多

題李仲賓野竹圖并序

吾友李仲賓為此君寫真冥搜極討蓋欲盡得竹之情狀二百年來以畫竹稱者皆未必能用意精深如仲賓也此野竹圖尤詭怪奇崛窮竹之變枝葉繁而不亂可謂毫髮無遺恨矣然觀其所題語

則若悲此竹之托根不得其地故有屈抑盤躒之
歎夫犧尊青黃木之災也擁腫拳曲乃不夭於斧
斤由是觀之安知其非福邪因賦小詩以寄意云
偃蹇高人意蕭疎曠士風無心上霄漢混迹向蒿蓬

天冠山題詠

龍口巖

峭石立四壁寒泉飛兩龍人間苦炎熱仙境已秋風

長廊巖

修巖如長廊下有流泉注山中古仙人步月自來去

金沙嶺

攀蘿緣石磴步上金沙嶺露下色熒熒月生光炯炯

寒月泉

我嘗遊惠山泉味勝牛乳夢想寒月泉攜茶就泉煮

玉簾泉

飛泉如玉簾直下數千尺新月橫簾鈎遙遙掛空碧

一線天

醯雞舞甕中井蛙居坎底莫作一線看開眼九萬里

題周秀才此山堂

青青雲外山炯炯松下石顧此山中人風神照松色

曉起聞鶯

暑氣曉來清時時聞遠鶯還思故園路松下綠苔生

素桷

信州招真觀雜詠

鬼谷巖

縱橫太古石短長千歲藤感彼巖居子獨飲古澗冰

寒月泉

曉吸寒泉清明月各在缶缶空不見月引水復在手

玉簾泉

截玉作明簾不知簾外事應有碧眼仙隔簾見人至

月巖

顧免樂嬉遨入地不得騁化為白玉泉彷徨返東井

丹井

金鼎閱寒泉真火彌不壞年深定飛騰子夜吐光怪

朱窩楊柳青地近滄洲余愛其名雅作古調三

首

朱窩楊柳青明日是清明地下不識醉悲歡總人情

朱窩楊柳青黃河瀉如注還俟飛絮時相同入海去

朱窩楊柳青自愛青青好亦如送行客相逢不知老

題應德茂遊吳紀事

澗凍冰泉咽松懸月露清何人會真趣細坐與君評

欽定四庫全書

御選元詩

卷六十五

十四

聽鶴鴛湖曉呼猿鷺嶺昏十年南北恨無語獨銷魂

張養浩

郊飲醉歸

昨朝醉田間欲借山為枕青山不肯前却枕白雲寢

馬祖常

送客西歸

陸機初入洛王粲却歸秦春草無愁思楊花送遠人

雪中登郡城西亭

石路屐齒滑天風吹高寒花明喜珠綴竹瘦愁露溥

楚甸無層冰露露土膏濕更憐三角湖澄徹瑩寒碧

僧院蜀葵

紫暈成丹景黃身綴綠幢何因女冠子却近老僧牕

閒題樹葉上

秋意鳳城多涼颭奈夜何題詩滿霜葉不見洞庭波

山水圖

石壁雲生樹濤江雨閣船居人屬仙籍長負免丁錢

欽定四庫全書

御選元詩

卷六十五

十五

畫鷹

側視窺霄漢低飛近草萊金鞵時一脫肉飽更須回

題猿圖

江渚無來雁山樊有宿猿秋高盧橘熟巴月樹連村

黃河

塵海東南下雲山西北高黃流蕩中涵萬里飛波濤

獨石

秋瀨喧石梁臨流不肯渡與客坐忘歸山寒日將暮

王約

題錢舜舉碩鼠圖

六月汗如雨誰信農家苦一粒未沾唇先飽田間鼠

王結

市莊

烏府振弘規鳳閣司宛畫退食休別墅逍遙古樂國

沃若成都桑爛斑青門瓜隱顯亮殊途高致惟一家

晨鐘趨朝班日盱遊市莊兩兒帶經鋤奕世流芬芳

欽定四庫全書

御選元詩

卷六十五

十六

若人孔氏徒臺閣揚清風休日植杖耘高揖荷蓀翁

城居匪湫隘桑果連畛畦吾廬有高興何必空山棲

老我縛塵纓山林渺遐想羨君市有莊取魚兼熊掌

胡炳文

濠觀亭

魚不知子樂何必濠上觀子樂子自知月白秋江寒

虞集

燕陳公子宅贈燕學士

落日照大隄花間聞馬嘶城頭鼓角起相送五門西

宣和墨竹寒雀

灑墨寫琅玕深宮春晝閒蕭條數枝雪不似紇干山

上馬

眼昏身手鈍上馬怕風沙祇好扶藜杖循籬看落花

雙鴛圖

戢翼石梁陰秋風日夜深使君莫行野江水蕩人心

畫雙蝶

欽定四庫全書

御選元詩

卷六十五

十七

舞罷庭花落池邊看睡鳥無端雙蛺蝶飛上繡羅襦

捕魚圖

網罟日相從天寒澤國空釣竿長倚樹老却渭川翁

題柯敬仲雜畫

北苑今仍在南宮奈老何青山解浮動端為白雲多

雨過蒼苔石雲生野岸泉幽懷春冉冉稚子秀娟娟

鐵石餘生色冰霜作曉妍春雷明日起何處尚龍眠

昔過箕營谷鈎衣石角斜儼尋龍作杖拾得上天槎

黃金千瑣甲瑤玉六簾鈎雨送鴛鴦夢煙籠翡翠愁
娟娟生玉潤楚楚作金聲羽扇迎風定羊車過月明
峽口春雲重江南夜雨多水深桃葉渡風急竹枝歌
平陸蒼龍起近山生遠煙前村三萬頃明日水平田
莓苔生石路翠竹自交加不惜青鞵濕臨流踏白沙
昨夜採樵去偶逢三尺株山人不到海不識是珊瑚

題李溉之學士湖上諸亭

煙蘿境

欽定四庫全書

御選元詩

卷六十五

十八

玉女乘煙霧松間采薜蘿飛行了無迹明月送空歌

金潭雲日

金沙灘上日潭底見行雲祇有琴高鯉時時或作羣

漏舟

春水如天上秋潭見月中如何列禦寇猶欲待冷風

紫霞滄洲

洞裏琴鳴澗洲前棹入雲儼尋雲谷叟同訪武夷君

秋水觀

湖深山影碧天淨月光空幸自無波浪蘋花謾晚風

無倪舟

三周華不注水影浸青天不上銀河去空明擊棹還

紅雲島

日出湖邊曙雲生島上紅綵舟移曲岸白塵對微風

題汪華王子昂蘭石

海內出珊瑚枝撐碧月孤鮫人拾翠羽泣露得明珠

參差不可吹紉佩寄遠道遂令如石心歲晚永相好

欽定四庫全書

御選元詩

卷六十五

十九

抱玉下天河繞叢秋露多天寒翠袖薄日暮欲如何

春妍帶雪圖

玉茗深宮裡春妍帶雪殘可憐五色羽相並不知寒

江村秋晚圖

依約米家船疎林薄暮煙新詩吟未了槎上釣江鱸

題饒世英所藏錢舜舉四季花木

錄三首

黃蜀葵

花萼立清晨鵝黃向日新金杯承玉露偏醉蜀鄉人

芙蓉

丹霞覆苑洲公子夜來遊終宴清露冷折花登彩舟

家茶

萬木老空山花開綠萼間素妝風雪裏不作少年顏

京師秋夜

風竹撼秋聲天寒夢不成如何今夜月偏照客牕明

燕文貴小景

行盡長松逕溪頭有小舟鑑湖如賜與終日弄清流

欽定四庫全書

御選元詩

卷六十五

二十

楊載

題高尚書竹石

矯龍疑蒼筠踞虎肖白石倘乘風雲會變化那可測

題墨竹為鄭尊師

風味既澹泊顏色不媚媚孤生崖谷間有此凌雲氣

畫竹

翡翠含春霧琅玕振曉風清聲來枕上秀色入簾中

范梈

秋江

秋生洲渚靜露下蒲荷晚忽憶釣魚時人家楚鄉遠

建昌小湖望廬阜

青雲覆疊巘白鳥度平湖釣嶼夜來雨山深知有無

我懷貞練士多在巖谷陰惟有高林月長知望遠心

絕句

障擁芙蓉競燈垂柳移繁星臨迴野疎雨過高池

鄉路西州是延平那向東片帆儂會使祇是怕隨風

欽定四庫全書

御選元詩

卷六十五

三十一

水如青銅鏡山似綠芙蓉中天明月上此處好相逢

看東亭新筍

問竹何年有親曾共歲寒昨傳新筍發扶杖繞林看

送別

為君垂別淚更向楊花側斗酒問離鴻幾時歸故國

秋江圖

雲裏衡陽雁網下武昌魚石門秋共遠江樹雨餘疎

芙蓉

芙蓉生石壁雲錦映青松那憶南州路歸船處處逢

揭傒斯

曉出順承門有懷太虛

步出城南門悵望江南路前日風雪中故人從此去

畫鴨

春草細還生春雛養漸成茸茸毛色起應解自呼名

寒夜作

疎星凍霜空流月濕林薄虛館人不眠時聞一葉落

欽定四庫全書

御選元詩
卷六十五

三三

題王山仲所藏瀟湘八景圖卷

瀟湘夜雨

泔泔暗江樹荒荒楚天路穩繫渡頭船莫放流下去

遠浦歸帆

冥冥何處來小樓江上開長恨風帆色日日悞郎回

漁村晚照

定從海底出且向平沙照漁網未全收漁舟還下釣

山市晴嵐

近樹參差出行人取次多板橋雙路口此世幾回過

煙寺晚鐘

朝送山僧去暮喚山僧歸相喚復相送山露濕人衣

洞庭秋月

顛氣自澄穆碧波還蕩漾應有凌風人吹笛君山上

平沙落雁

天寒關塞遠水落洲渚濶已逐夕陽低還向黃蘆沒

江天暮雪

欽定四庫全書

御選元詩
卷六十五

三三

孤舟三日住不見有人家昏昏竹籬處却恐是梅花

題信上人春蘭秋蕙

深谷煖雲飛重巖花發時非因採樵者那得外人知

孤芳不作幹奕葉自含滋白石蒼苔路落花流水時

山深風露冷何處有花開直入雲林去香沿石澗來

幽叢不盈尺空谷為誰芳一徑寒雲色滿林秋露香

和歐陽南陽月夜思

月出照中園鄰家猶未眠不嫌風露冷看到樹陰圓

天清照逾近夜久月將遠
牆東雙白楊秋聲隔牕滿

黃潛

山中偶題

古苔隱石色寒花明藥叢
有時白澗雨終日青松風

夜坐

涼風動千里孤坐思滄洲
白露洗明月青天此夜秋

柳貫

賦王氏新安嶺南山居十詠

欽定四庫全書

御選元詩

卷六十五

三十四

清江釣月

月魄秋在水景光依蓼蒲
神魚不受釣腦滿生明珠

空谷耕雲

濕濕雲生岱曉晴山崦紅
仙人來種玉二耜亦同功

蒼峰卓筆

黔川數斛墨發地見龍從
怪來聞石語山立銳頭公

碧巖開屏

松門纔數曲疊翠似鈎連
玉女有時下香爐開紫煙

松林巢鶴

林表浮丘宅蕭椽一蓋張
髦毛見飄墮有客拾松黃

雲澗浮龜

巖窟太古雪參差洛書文
罡風恐吹裂騎去入元雲

峻嶺扶車

前驅破犖確見石不見車
誰實挾兩轂吾行得舒徐

圓岡揭斗

坡陀九點煙象斗排雲端
疑此精化石即是星宮官

欽定四庫全書

御選元詩

卷六十五

三十五

雙溪合壁

洩竇泉始漫洄流凍未消
熒熒玉氣合湛湛劍光搖

古寺垂虹

僧歸度橫釣笠影在清溪
嗟彼善幻者喫水投虹蜺

吳師道

東津暮泊

四山斂暝色百蟲沸哀聲
夜久月未出川光虛自明

鷺

振振風生柳沾沾雪點磯白攢秋水立青映暮天飛

蓮藕花葉圖

玉雪竅玲瓏紛披綠映紅生生無限意只在苦心中

歐陽玄

為所性姪題小景

林廬澹疎煙歸帆泊沙渚披圖得空濶總是經行處
寒屋茅簷古疎煙野樹春遙遙濟川者應是此中人
浦口歸帆落沙頭行客回林間酒旗出快著一篙來

欽定四庫全書

御選元詩 卷六十五

二十六

宋賢

子昂風竹橫披

筆意出天機翛然仰復低稍須風勢定應有鳳來棲

公安早行

誤聽野雞鳴揚鞭趣驛程平明見茅屋方覺冒霜行

王士熙

天冠山二十八首 錄十二首

龍口巖

飛泉龍口懸平石鼇背展高會瀛洲人一笑滄浪淺

玉簾泉

天孫織玉簾懸之千仞石垂垂不復收滴滴空山碧

長廊巖

誰謂山中險長廊亦晏然花開春雨足月落山人眠

金沙嶺

峻嶺接仙臺仙人獨往來蕭聲吹自老鶴翅拂雲開

靈湫

欽定四庫全書

御選元詩 卷六十五

二十七

龍神蟠泥沙宅此巖之阻遊人勿輕觸歷歷聽秋雨

道人巖

道人出白雲空谷為誰碧獨往誰得知時有鶴一隻

雷公巖

谷口陰風來山頭暮雲舉但見飛電光山人賀春雨

老人峯

何年南極星墮地化為石至今明月夜清輝倚天碧

月巖

飛泉何許來明月此夜滿登高立秋風妙趣無人欸

石人峯

仙人立危峯欲作凌雲舉飄然閱浮世獨立寂無語

鳳山

孤鳳棲山中白雲護清境朝陽早飛來月落空巖冷

磔潭

山川萬古祕雲雨一潭幽何日卧龍起碧潭空自秋

楊敬惠

欽定四庫全書

御選元詩

卷六十五

題郭主簿摹摩詰輞川圖卷并序 錄五首

摩詰嘗與裴迪唱和二十絕紀輞川之勝至今讀

之如身遊其間此本甚精致尚可想見其景與詩

會之時也因追而和之

文杏館

種杏白雲間因之葺茅宇鶯聲煙中曙虎跡夜來雨

南垞

亭亭一風榭脫履席可即階前雙白鶴相迎似相識

歌湖

岸中臨水滢酒醒呼隱君收緝玉梭起搖蕩空中雲

白石灘

湍駛風逾清水明石可把倚杖獨移時白鷗翩然下

辛夷塢

迎春發蒼柯映日在瓊萼欣欣各自私先開還早落

胡助

石鼓嶺

欽定四庫全書

御選元詩

卷六十五

經過石鼓嶺不見石鼓文兩澗流黃葉半山生白雲

陳樵

蘆鴻四詠飛鳴宿食 錄二首

肅羽遵寒渚渡江蘆葉黃誰云南去遠不敢過衡陽

沙汀棲處穩夜漏有奴看月暗蘆花白一身秋夢寒

丁復

題李息齋枯木竹石圖

霜柯洞庭寒露葉渭川冷幽人美清夜獨寫秋燈影

題牧牛圖

邈爾三尺童御此兩轂
蘇春風笠底回前村
燒痕綠

題宣和畫卷

澹意夫容外閒情翡翠
邊波翻太液水分送向
南船

送僧還洪

颿開建業水人上豫章
臺許令蛟腥起滕王雨
色來

飲酒

北闕諸公貴東門幾客
還椒來缸面酒攜坐屋
頭山

欽定四庫全書

御選元詩

卷六十五

三十一

贈孟通

孟通朔方彥領薦過昇
州花發瓊林苑題詩向
上頭

送吳景賢赴廣東

秋浦同為客金陵祇得
君天風復戲我吹作嶺
南雲

隱之千載後共喜遠孫
來為酌廉泉水殷勤寄
鳳臺

汪銖

畫蓮

捲綠新如染酣紅睡未
醒真疑貯風露不似出
丹青

薩都拉

畫

樹色濃堪掬癡嵐撲雨
秋道人巖下住屋角挂
奔流

過高郵射陽湖雜詠

飄蕭樹梢風浙澀湖上
雨不見打漁人菰蒲鴈
相語

秋風吹白波秋雨鳴敗
荷平湖三十里過客感
秋多

野鶴如人長迎風理毛
羽獨立秋雨涼人來忽
飛去

雨濕鼓聲重風勻湖面
平官船南北去帆影挂
新晴

欽定四庫全書

御選元詩

卷六十五

三十一

白鷺愛秋水獨立仍自
行得魚固偶爾驚飛亦
常情

秋水落紅衣秋波日瀟
灑不見采蓮人惟逢捕
魚者

霜落大湖淺漁家懸破
罾此時生計別小艇賣
秋菱

捕魚湖中水賣魚城市
裏夫婦一葉舟白頭共
生死

大罾一丈濶小舟一葉
輕相傳子與孫終古無
人手

病中雜詠

為客家千里思歸月滿
樓木犀開欲盡病裡過
中秋

門繫青驄馬多因問病
人小官好疎散莫訝懶
衣巾

病形如瘦鶴照影向清池自有冲霄志游魚莫見疑

郭囉洛納新

寶林八詠為別峯同禪師賦

飛來峰

千仞瑯琊石飛來鎮越州江波欲浮動還被白雲留

應天塢

獨上峯顛塢秋清曙色開憑闌望東北潮向海門來

大布衣

大布僧伽衲流傳六百年攜來香滿袖猶是御鑪煙

鐵鉢盂

鐵鉢溪頭洗冰花六月寒山僧偶彈舌引得老龍蟠

羅漢泉

錫杖虛空落靈泉發地中忽看流菜葉始信石橋通

靈鰻井

甃石瀦山溜蜿蜒竹色青風來忽涼冷雨氣隔林腥

深竹堂

欽定四庫全書

御選元詩
卷六十五

三十三

一笏清涼地森森萬玉齊月明時倚杖閒看鳳來棲

盤翠軒

石磴藤花落山牕嵐氣浮晚來高樹暝一榻似新秋

陳旅

題陳氏瀟湘八景圖

洞庭秋月

軒后不張樂白月照野水泠泠水影中瑤瑟泣湘鬼

煙寺晚鐘

西崦生夕霏歸僧度林巖但覺山路長不覺鐘聲遠

山市晴嵐

百貨集亥市莫徭偏買鹽山日出未高翠雨濕酒帘

平沙落鴈

倦翮久欲下涼風起湖北官客各挾弓莫近白沙驛

漁村夕照

落日楚江深倒影在高樹曬網茅屋頭分漁石梁步

遠浦帆歸

欽定四庫全書

御選元詩
卷六十五

三十三

南浦草仍碧高樓日易斜歸帆傍水廟簫鼓下神鴉

瀟湘夜雨

江氣行雲暮忽失巴陵樹一夕洞庭波都向蓬上注

江天暮雪

寒雲不成雨暝色凝江楓巫峽梨花夢飄浮過郢中

題段氏扇子

上有一枝
著色竹子

江上竹枝歌為君顰兩蛾秋風團扇底零落黛痕多

秋荷圖

欽定四庫全書

御選元詩
卷六十五

三十四

持衣寄所思欲寄不得遠水國風露涼徘徊九秋晚

傅若金

金竹道中書所見

日上清霧開山虛翠煙集紛紛羣木中時見孤松立

陵州

遠道千峯隔長河萬折流風帆不可住今夕過陵州

題衡陽驛

南來山不盡北望意何如恨殺衡陽雁來時不帶書

題雜畫

空江白鷺起遠樹蒼煙合日落汎舟時長天見孤塔

墨石枯木

人傳月中樹恐是山河影片石補天餘參差碧雲冷

黃清老

題友人古樂府

早晚臨妝鏡秋容怯玉鈿君心如日月照妾似初年

采苻歸來午花梢日轉廊綠陰涼似水不用洗紅妝

欽定四庫全書

御選元詩
卷六十五

三十五

生愛東鄰女蛾眉畫不如近來機杼廢臨得右軍書

漫道從軍樂風霜只獨居三年遼水上不得一行書

今夜中秋月含情獨上樓辰星三兩點偏照玉簾鈎

自見南樓月頻頻夢楚州無端今夜雨秋作小山秋

露井疎桐晚風亭碧藕秋卷簾山月上水宿見雙鷗

堂上春花老流泉日繞山願為雙白鶴雲路載君還

望雲

日出五丈高白雲浩如海城郭在雲中山人在雲外

楊鎰

惜別

飲馬月明裏曉牕聞洞簫夜深人不見竹露滴芭蕉

周權

雜興

流水數家村青山白雲隔春晚落紅深夜寒溪上雨
涼蟾淨如洗酒醒夜初寂山簷宿雨多空階響餘滴
枯藤墮晚花竹外溪光滿山僧出幾時石上雲猶暖

欽定四庫全書

御選元詩

卷六十五

三十六

晨光爛烏几博山穗煙碧山童汲泉花來作硯蟾滴
寒童引羸驂路入蒼嶽去深處有人家雞鳴白雲樹
西陽轉林腰水木愈清麗歸雲不肯棲浩蕩弄山翠

柯九思

題張萱畫橫笛士女

纖手銜宮徵紗痕薄暮霞畫眉人去後深院落梅花

題黃筌畫紅蕉十二紅

故國三千里名禽十二紅白頭供奉在揮淚濕東風

題芙蓉畫眉

誰道秋容淡名花帶露濃畫眉聲欲碎莫放曉妝慵

題邊武畫蒼松圖

疎竹搖秋雨蒼松凝晚煙王孫歸未得誰復效春妍

題蘇叔黨畫竹石

別墅促煎茶溪邊路不賒藍橋曾種玉春笋出仙家

題畫蕙

一幹生數花春風折香玉持之贈所思幽人在空谷

欽定四庫全書

御選元詩

卷六十五

三十七

予舊為顧長卿作梅竹圖明年其弟仲瑛於姚
子章席上索題遂成口號云

晴雪禁梅蕊春風裊竹枝美人應失笑記得捲簾時

王都中

武夷山

層崖疊空翠臺閣倚雲開靈函鎖仙蛻神物護蓬萊
溪清照眉髮棹舉揚清波何當結茅屋時與神仙過

詹景仁

浮光亭

幾水黃金碾珍羞莫與儔玉光吹不散碗面一輪秋

杜本

天冠山同諸學士為祝丹陽賦

鍊丹井

鑿石通泉脈鑄鼎鍊丹砂丹成騎鶴去滿池生雲霞

逍遙巖

鵬搏九萬里籬鷄飛只尺所以達觀人亦各適其道

欽定四庫全書

御選元詩

卷六十五

三六

玉簾泉

燦爛金為屋玲瓏玉作簾飛泉夾百道定有老龍潛

石人峯

臨風衣自整對月影偏長獨立經寒暑真成石作腸

小隱巖

山深人寂寂澗曲水沄沄顧爾非忘世遺身在白雲

韓性

定善寺

開人宴坐時大千入毫髮兩山不受招胡為在吾閨

陳深

題秋塘圖

水落秋菰老夕寒煙樹微絕憐雙白鷺飛去似知幾

題畫扇騎驢踏雪

雪沒驢腰白行行詩興催不因太清絕那肯犯寒來

題扇上畫

古木排山立幽牕傍水開直疑林處士獨櫂小舟回

欽定四庫全書

御選元詩

卷六十五

三十九

劉詵

白木槿

潔比何郎白淨如寶兒慙秋風竹籬暎日暮道人菴

假寐

梅援幽鳥鳴山客睡初起空齋晝無人寒日在書几

蒲萄

枯葉展大蝶低枝屈長蚪露寒壓成酒無夢到涼州

山居即事

井口橘依塹井頭桃覆屋山家秋日晏閉門數脩竹
村墅薄生理門靜如招提柿葉大如扇滿地無人題
竹架已藏扇陶餅時煮茶疎疎十日雨開盡黃葵花
靜意便野性新涼足高寢山屋夜雨來歌枕談歲稔

春陰

短短麥苗遠泠泠溝水清北山晴雨裏一樹李花明

新春

淑氣已著物晴雲時弄陰隴梅坡麥外別自有傷心

欽定四庫全書

御選元詩

卷六十五

四十一

春雨曉坐

衆木蔽春塘花落如墮鳥山莊苔滿階久雨來人少

御選元詩卷六十五

欽定四庫全書卷要卷一萬八千四百七十八 真部

御選元詩卷六十六

五言絕句二

宋无

牆頭杏花

紅杏西鄰樹過牆無數花相煩問春色端的屬誰家

萍

風波長不定浪迹在天涯莫怨身輕薄前生是柳花

欽定四庫全書

御選元詩

卷六十六

一

淵明

心寄羲皇上生逢晉宋時風流千古意只有杜鵑知

蘇堤

漢苑花何處唐陵柏已空相逢大堤柳令我憶蘇公

商人婦

日日湖頭望望夫夫未回無情春水恨祇送別船來

琵琶

一片相思木聲含古塞秋琵琶是誰製長撥別離愁

燕

銜得香泥去花間日午時玉人方睡起莫訝卷簾遲

洪希文

書畫扇

世上無名鳥人間絕色花始知天地濶未盡入唐家

夜坐偶書

燈晦客無寐牀空夜不眠淒涼心下事月到小牕前

秦景容

欽定四庫全書

御選元詩 卷六十六

王喬崗

突兀高千丈仙踪雲氣孤攀援無石磴何處覓雙鳧

郭君彥

閒居春晚

深巷絕行人一鳥鳴高樹不知春色深花落夜來雨

秋郊

路穿黃葉林馬嘶秋色裏白鳥何處來飛下野塘水

林鍾

題馬待詔山居小景圖

水抱雲根淨林含雨氣涼征鴻飛杳渺秋思滿瀟湘

周景行

題墨竹圖

秋夜涼如水蒼竿戛擊清噴泉珠錯落帶月弄寒聲

王奎

鳳山

秋風吹竹實朝陽照梧樹定有吹簫人來此山中住

欽定四庫全書

御選元詩 卷六十六

吳荃

墨竹

倚杖看明月停杯唱竹枝美人期不至對影立多時

繆仲林

客夜

城頭燈影寒鴉陣聲悲咽東歸一葉舟夜泊松江雪

林傳

長廊巖

虛屏開脩廊回風走落葉夜月照無眠披衣來步月

宇文公諒

題小米戲墨卷

山氣鬱籠從流雲漲林谷乞我苑三間讀書貧亦足

題仲穆看雲圖

橫杖坐松下看雲起遙岑惟應陶靖節會得此時心

成廷珪

澹香亭

幽芳不自媚白日淨依依風露已如此山中人未歸

和饒介之春夜

酒量尚一斗鬢絲餘幾莖辛夷開欲罷何日問歸程

李孝光

題倪元鎮紈扇

野水見落日幽人殊未還白雲滿洲渚搔首問青天

題松雪竹石

幽篁碧悄悄白石白粼粼帝子吹笙罷月明愁殺人

欽定四庫全書

御選元詩

卷六十六

四

子昂畫

汀洲木葉下斜日倚湘娥我欲采芳草洞庭秋水多

倪氏雨竹

落日楚江深鷓鴣啼遠林相思不可見池上寫春陰

飛來峯

山似琅玕小地將秦望雄越王歌舞處長作梵王宮

貢師泰

蘇子瞻畫像

老龍起深夜來聽洞簫聲酒盡客亦醉滿江空月明

龍虎山十詠錄四首

金雞山

巨靈劈山石飛出黃金雞至今山下人猶聽雲中啼

象山

載寶出西域獻琛自南溟仙人一叱之化作青峻嶒

龍井

寶劍落深潭時時見光怪鱗甲飛上天白晝風雨快

欽定四庫全書

御選元詩

卷六十六

五

雲臺山

天星二十八下作漢廷將功成歸帝傍精彩射石上

盧琦

縣齋間坐偶成

庭樹雪初晴雙雙鳴鵲聲六花消未盡猶照葉心明

朱德潤

晚春即事

柳絮覺春歸輕盈著處飛東風好收拾莫遣墜征衣

欽定四庫全書

御選元詩 卷六十六

六

誰道林鶯老金衣薄更新春來復春去老却聽鶯人
柳絲綠十丈蘸水綠條鮮何事江邊客相過不繫船

秋江

堤邊古木風江上飛鴻影秋江待渡人立到前山暝

過西山

黃塵飛白日黑雨洗青山水靜漁舟渡林深倦鳥還

吳炳

山中

山人寄聲至酒熟期共酌呼童抱鳴琴起赴林下約

引杖深溪流今朝添幾許定是岫中雲去作山頭雨

趙雍

即事

獨坐對明月遙遙千古情西風兩三日庭樹已秋聲

鄭元祐

朱澤民山水

吹簫江浦秋舟蕩碧雲幽擬遡巖松下詩盟訂白鷗

欽定四庫全書

御選元詩 卷六十六

七

岳生畫竹

脩篁含雨餘披拂清風起掃破碧玲瓏高堂淨如洗

雲林小景

雲起野橋西層峰翠隔溪欲尋清閣閣古木亞簷低

王元章梅

明月西湖上清光擬舊時東風露消息香雪滿南枝

屠性

竹桃

仙子吹笙處碧桃花正開花邊有竹實留待鳳歸來

竹菊

曾向山中住黃花爛漫栽主人緣愛竹三徑不教開

竹棠梨

石畔竹扶疎棠梨結子初坐來山雨過濕翠欲沾裾

竹梅

美人湘浦去翠袖倚琅玕橫笛吹霜曉遙知不耐寒

陳高

欽定四庫全書

御選元詩

卷六十六

八

送興童都事還京

日照離筵酒風吹去客舟不知東海水相送到神州

題畫

茅舍雪初消幽牕夜方靜美人期不來月照梅花影

愁來生白髮問爾復何愁應被春光惱多情雪滿頭

題子昂折枝竹

帝子啼痕濕湘江暮雨寒絕憐樵采後留得一枝看

絕句

地濕泉流礎庭虛石卧雲井闌行小蟻蛛網挂飛蚊

雲合虹腰斷風回雨脚斜淺灘屯宿鷺高樹競棲鴉

紅葉

片片染秋霜枝枝映夕陽縱饒紅勝錦只是惱愁腸

龍從雲

題破牕風雨圖

雨歇荒雞叫山空木葉堆玉堂雲霧景多向此中来

王冕

欽定四庫全書

御選元詩

卷六十六

九

紅梅

深院春無限香風吹綠漪玉妃清夢醒花雨落胭脂

題曹雲西山水

旭日耀蒼巖翠嵐生嫩寒幽人詩夢醒清響得松湍

郭翼

杏花鶻

溪上好鶻賓相呼雪一羣柳根春水暖來泛杏花雲

絕句

山根秋水落江樹與船清
遮莫歸來晚東頭月未生

和李長吉馬詩

騾驥連錢動金鞍
鏤玉羈無人尋穆滿借與閑風騎
肉礪錦纏髻流雲汗似紅
太平無戰伐驂驪走沙蓬
龍性非凡質騰波出紫雲
檀溪飛過日應識漢將軍
綉霞橫虎脊珠汗抹龍章
落日青葱嶺霜高草色黃
龍印留宮字霜花剝暗毛
長鳴愁顧影祇憶九方臯
霞口鏤衢鞍霜蹄削玉寒
曉看經邏北暮已薦樓蘭

欽定四庫全書

御選元詩

卷六十六

十

瘦骨如山立臨流飲渴虹
誰憐中道棄首宿老秋風
出河水在鬣昂首動驚飈
伯樂不再活誰復扼金鑣
神駿知無匹驍騰絕域來
流沙一丈雪夜拂白龍堆
天子飛黃馬牽來賜近臣
玉階新雨過風滾落花塵
內廄玉花驄班班歎肉駿
奚官新浴罷沙苑踏春風
佛郎通上國萬里進龍媒
曉日開閭闔虹光射玉臺
天馬誰能馭和鸞駕紫微
年年清暑去霹靂逐龍飛
大奴司虎苑驃騎牧龍廷
不擬歌秦鐵重看賦魯駟

騾牝三千匹雲屯十二閑
六飛當御駕喜色見龍顏

霧漲蒼龍鬣風鳴紫玉珂
駟羣空冀北天象動滎河
踏鐵超雲影拳毛散玉花
相將馳鳳苑寧復困鹽車
元宗愛舞馬錦色看如雲
離宮三十六樂動半天聞
赤驃何神駿應憐識者希
賢才生並世騰踏看追飛
莫言淹宅棧也會蹋麒麟
逐電疑無影如龍自有神
煌煌金絡腦裊裊紫游韁
看花不畏晚相逐過橫塘
秦皇七匹馬追風箇箇輕
不聞東海北采藥上蓬瀛

欽定四庫全書

御選元詩

卷六十六

十一

驥子大宛種房星夜降精
漢家求不得兵厭貳師城

鎔渙

初夏即事

野色滿庭戶晝涼清景佳
一雙白練帶飛上石榴花

偶成

雪色西蕃馬臨流顧影嘶
似嫌金絡重蹴碎落花泥
舞女花前過輕如小燕飛
教坊新結束翠羽織春衣

春日漫興

莫道梨花瘦楊花更可憐隨風消雨恨總在客牕前

魯貞

題塔山

天低雲有影日午塔無陰極目三秋望登高萬里心

吳鎮

陳賢良隱居

發策名猶在回頭事已非池塘春草綠空憶謝公歸

露竹

晴霏光煜煜皎日影瞳瞳為問東華塵何如北牕風

題畫

老楓化為人老杉化為石莊周與胡蝶後來誰復易

寫菜

菜葉闌干長花開黃金細直須齧到根方識澹中味

畫竹

霏霏桃李花競向春前開何如此君子四時清風來

亭亭月下陰挺挺霜中節寂寂空山深不改四時葉

欽定四庫全書

御選元詩

卷六十六

十三

野色入高秋寒影逝湘水日午思晚涼清風為誰起

竹牕思闌寂銅博香委曲胸中無用書寫作湘之綠

逕深茅屋陋樹倚夕陽斜行遍青山路何丘不可家

抱節元無心凌雲如有意置之空山中凜此君子志

忽見不是畫近聽疑有聲落落不對俗娟娟長自清

湘妃祠下竹葉葉著秋聲鸞鳳清宵下吹簫坐月明

短梢塵不染密葉影低垂忽起推蓬看瀟湘過雨時

碧篠挺奇節空霏散冷露十年青山遊得此幽貞趣

欽定四庫全書

御選元詩

卷六十六

十三

片片落花心悠悠飛絮意清風明月中此風不可企

日日行青山無竹不可留可憐春風中桃李多春愁

黃鎮成

西牕畫雨

三春驚過半靈雨灑牕西鵲腦添爐炷春鳩隔樹啼

夕泛

秋淨山如拭江清一棹橫挂帆延暮眺跌坐待潮生

陳柏

與茅山李道士同宿石門

山空萬籟沈論語對青燈君本無心侶吾真有髮僧

李存

周伯清秋江曬網圖

曬網夕陽斜攜壺入荻花平生誤識字恨不作漁家

懷友

美人不可見煙雨一登樓隔岸誰家竹娟娟不解愁

張師曾

欽定四庫全書

御選元詩

卷六十六

十四

留山中

倚澗惜魚逝升丘送鴻歸遙林暮色至漠漠上人衣

何景福

水石為陳太初賦

石潤非經雨林空豈借秋詩成清不禁髣髴到滄洲

潘純

題顧周道畫濯足圖

脫屣白石上濯足清泉中悠然天際想木末生微風

吳克恭

蝶

失意穿羅袖緣情戀繡牀妒遺衣上粉狂覓酒邊香

曹知白

秋林亭子圖為月屋先生作

天風起長林萬影弄秋色幽人期不來空庭倚蘿薜

余寅

靜安八詠

欽定四庫全書

御選元詩

卷六十六

十五

赤烏碑

仙苑羣居鹿豐碑紀赤烏三分遺故國千載祝浮屠

陳檜

海波浮玉殿寶網拂珊瑚座上來聽法龍精即老夫

鰕子禪

老禪不解事眉白鬚莖稀曹溪一滴水鰕子作龍飛

講經臺

飛花掃香雪古臺生白雲娑羅雙樹下去寂無聞

滄瀆壘

我過素崧宅重尋滄瀆津英雄千載下遺壘大江濱

湧泉

趵突回江脈跳珠薄梵縷勿令牛口涎我耳與俱清

蘆子渡

風冷花飛雪秋清水到門醉眠船不繫江月淨無痕

綠雲洞

華蓋結空綠洞門生畫寒網縕浮玉氣石上有琅玕

欽定四庫全書

御選元詩

卷六十六

十六

韓友直

題仲穆看雲圖

結屋山中住尋幽曳杖行獨來松樹下坐看白雲生

趙覲

題雲林六君子圖

天風起雲林衆樹動秋色仙人招不來空山倚晴碧

韓璧

靜安八詠錄六首

赤烏碑

斷碣餘蒼蘚高文記赤烏浦深春水濶天遠野雲孤

陳檜

重元古吳剎雙檜尚陳時悵惘臨春樹秋風一夜哀

鰕子禪

神僧茲遁迹妙理自幽探鰕子升雲漢天花落寶龕

講經臺

蓮葉石臺古貫花金字封座空人已去護法有天龍

欽定四庫全書

御選元詩

卷六十六

十七

蘆子渡

明月滿汀雪西風兩岸秋棹歌江上發思與老禪遊

綠雲洞

竹雨曉蒼霖松風陰碧圓道人禪定處神在蔚藍天

余闕

題合魯易之鄞江送別圖

欲去更還顧依依戀所知今朝去京日似子渡江時

題溪樓

溪水綠悠悠高樓在溪上日暮望江南舟中采菱唱

汪澤民

金陵別友

煙草六朝夢鶯花三月游秦淮風雨夜楚客別離愁

陳有定

送趙將軍

縱橫薄海內不愴別離難幾載飄零意秋風一劍寒

王翰

欽定四庫全書

御選元詩
卷六十六

六

晚宿楊愷舟中懷魯客

螢度星依草鷗來霜滿汀故人不可見天際亂山青

李祁

題畫鷹

勁翮排霜戟天寒氣轉驕草間狐兔盡側目望青霄

張憲

畫扇

渴龍飲清江江水皆倒立風雨滿山來石楠半身濕

楊維禎

嬉春體四絕

燕子衝簾過胡蜂採蜜歸折花香露濕不惜繡羅衣

水暖鴛鴦渡風寒燕子樓桃根與桃葉都在曲江頭

月過薔薇架雕鞍未到家小娃猶帶酒攔路奪人花

花氣不成雨鶯聲都是春戎裝飛上馬疑是漢宮人

月梅

天上清虛府人間香影家吳剛斫桂斧只合種梅花

欽定四庫全書

御選元詩
卷六十六

十九

雨竹

倚石添新筍爭妍箇箇添佳人聽春雨笑隔水晶簾

詠石榴花

密幄千重碧疎巾一撈紅花時隨早晚不必嫁春風

秋雁圖

野水江湖遠秋風蘆葉黃南飛舊兄弟一一自成行

湖上感事

湖水碧于天湖雲薄似煙鴛鴦不驚亂飛過岳墳前

海嶠浮西日關梁轉北風蘇郎書未返愁絕雁來紅

錢惟善

題子昂疎竹遠山圖

玉立湘江濶東風不自持巫山何處是春雨掃蛾眉

偶成

苔花洗春雨藉此聽潺湲終日無客至滿樓都是山

張昱

水殿納涼圖

別殿紅綃女無風亦自涼闌邊是湖水夜夜宿鴛鴦

七夕

乞與人間巧全憑此夜秋如何鍼線月容易下西樓

別劉博士

祇為情如雨從教醉似泥免看楊柳色相送出城西

峽川

石與青天近浮雲向客低自然堪下淚不是有猿啼

題揚州左史臣畫扇

后土祠前路金鞍憶舊遊春風雙燕子渾似在揚州

鄰牆梅花

臘後春纔到寒香襲素袍梅花如有意不在粉牆高

別故人

未別欲千言臨別無一語惟此舊時心隨君渡江去

白頭翁

疎蔓短於蓬卑棲怯晚風祇緣頭白早無處入芳叢

題宋子障太守畫

老樹含青雨平林澹白煙隔溪茅屋在好泊米家船

王逢

萱圖為李恒題于茂清軒中

暄風宜男花涼日忘憂草一種兩含情親容夢中老

顧瑛

虎丘十詠錄六首

千頃雲

觸石起膚寸悠然散千頃我來坐東軒妙趣心獨領

小吳軒

雪沒羣山盡天垂落日縣馮虛俯城郭隱見一絲煙

五臺山

海湧如來室清涼即五臺春風山頂雪飛度雁門來

生公臺

生公聚白石塵拂天花墜可憐塵中人不解點頭意

致爽閣

高閣對西山飛嵐落几間開襟致秋爽心與白雲閒

欽定四庫全書

御選元詩

卷六十六

三十二

陸羽井

雪霽春泉碧苔侵石甃青如何陸鴻漸不入品茶經

倪瓚

二月廿二日潘子素王叔明來慰藉臨別為寫

水傍樹林圖并題

積雨開新霽汀洲生綠蕒臨流望遠岫歸思忽如雲

竹石圖

雨過黃陵廟風生渭水波當時却帆處苔石倚喬柯

郊韶

題胡廷暉畫

仙館空青裏春船卷畫中鷗波千丈雪漁笛一絲風

題元鎮畫

斷靄生春樹微茫隔遠汀梁谿新月上照見惠山青

高江新水生微月流雲度美人胡不知相思隔春樹

秋林才子

殘照下西嶺微雲翳輕陰寒驢行落葉歸思在秋林

欽定四庫全書

御選元詩

卷六十六

三十三

姚文真

茅山

山雲護芝田山雨清茵閣中有學仙人吹簫待鸞鶴

吳仲圭折枝竹

鳳去梁王宅苔荒習氏池阿誰春雨裏見得翠蛾眉

呂誠

雜詩

三月江南渡行春屬晚晴留連花下榻釀酒待潮生

開船收雨色新水達春江
鷓鴣元無侶睢鳩自一雙
青天歸燕喜密樹坐鶯深
落日春愁裏懷人浩蕩心
城門蹋青草城下楊華度
荒墮無耕人三月輸官賦
近江喬木裏強近棣華栽
葉覆青青蔓相沿別樹開

周砥

絕句

朝朝感霜露昔昔夢鄉關
何以慰親念空悲行路難
東城三百里南雁一封書
整待今晨發秋風吹敞廬

欽定四庫全書

御選元詩

卷六十六

三十四

失身紅塵裏世路轉愁深
不及寒泉井何由清我心
朝露塗野草顏色暫輝光
不知秋節去朝露變為霜

張簡

和楊鐵崖小臨海

雨過積金頂夫容萬朶青
神魚不飛去風伏翠濤腥
憶坐松根石相看說大還
昆侖雲一朶喚作九華山

陸友

題米元暉畫山水

翳翳雲中樹亭亭江上山
秋風生柁尾蕩漾碧波間

張遜

聽雪齋分韻得花字

夜宴玉山家春風舞雪斜
佳人歌白苧零亂落梅花

顧敬

題馬遠雪景圖

雪埋門徑失壓樹白差差
知已年來少無人訪戴逵

陸仁

柳塘春

晴雪散河堤春雲晚復迷
鯉魚跳藻葉燕子拂蘭蕤

沈右

中酒雜詩

中酒如卧病天寒露為霜
東軒候朝旭曝背屢移牀
太丘海岱士肆情丘壑間
考槃詩賦罷采菊對南山
歲閏寒酒薄風迴水自生
杖藜隨小步極目大江橫

邦經

欽定四庫全書

御選元詩

卷六十六

三十五

題映雪圖

夜雪明書几寒風入緼袍如何燒鳳蠟只解醉羊羔

舒頌

春日雜言

石煖苔衣軟谿春荇帶長化工無限意袖手立斜陽

華幼武

次韻題畫

海石涵秋水風篁生晚涼孤蓬初歇雨和月度瀟湘

欽定四庫全書

御選元詩

卷六十六

二十六

葉顥

疎齋晚步

睡足白雲窩行吟青草坡夕輝流月屐空翠濕煙蓑

遊三洞金盆諸峯絕句

徘徊三洞天拚作十日留何當約安期共為千載遊

大山巖而尊小山婉而秀往來兩山間巖霏濕吟袖

犬吠人家近鳥啼春晝晴澗草有幽色野花無定名

莫愁煙艇

莫愁江上艇月夜扣舷歌甚欲尋遺跡江空煙浪多

郭鈺

題分宜縣橋

雲從溪北生雨過溪南響溪上蓑笠翁倚闌看水長

重到山家

紅雨長茶芽東風吹柳花行人今日到先自補牕紗

吳姬別思

霜月五更殘如何去又還誤簪釵鳳小落在枕屏間

欽定四庫全書

御選元詩

卷六十六

二十七

劉永之

寫墨竹二枝并題與章子愚

落日洞庭曲曾聞唱竹枝十年江海別風雨謾相思

題墨竹

新雨收金玦輕風轉玉環截筒為九寸吹向武夷山

寄彭聲之

新蓮已屢摘君子意何如憶在湖西舍花間獨釣魚

題綠野春陰圖

野色連青靄春流澹碧沚
蘼蕪隨處綠離思滿南雲

秋日同友人泛舟

來把青竹竿學釣水中魚
經年消息斷疑有故人書

子昂竹石

古硯麝煤香書傳雨漏牆
高齋對松雪隨意寫瀟湘

貢性之

墨菊

醉折東籬朶看如隔暮煙
莫驚顏色改不是義熙年

欽定四庫全書

御選元詩

卷六十六

三十八

題畫白頭雙鳥

笑殺錦鴛鴦浮沈浴大江
不如枝上烏頭白也成雙

題畫

石瀨清冰合黃山白戰塵
道人禁得冷扶醉過溪橋

雀

野雀振雙翰卑枝立自閒
莫愁風力緊絕勝紆干山

荆棘半低垂幽禽祇自悲
可憐棲不穩不似上林時

題畫

樓倚溪頭水溪環竹外山
扁舟垂釣者相對白鷗閒

畫梅

月下獨吟時寒香暗襲衣
直疑春信早胡蝶作團飛

王宥

題雲林竹圖

堂上娟娟竹翛然悟澹遊
南風時隱几不復夢洋州

丁鶴年

題天柱山圖

欽定四庫全書

御選元詩

卷六十六

三十九

拔翠五雲中擎天不計功
誰能凌絕頂看取日升東

畫蟬

飲露身何潔吟風韻更長
斜陽千萬樹無處避螳螂

題江亭柳色圖

有懷故人
劉庸道

昔年醜酒地江漢一茅亭
同會人何在東風柳又青

長江萬里圖

將歸武昌
自賦

長江千萬里何處是儂鄉
忽見晴川樹依稀認漢陽

長嘯還江國遲回別海鄉
春潮如有意相送過滄陽

題落花芳草白頭翁

草長連朝雨花殘一夜風青春留不住啼殺白頭翁
吉雅摩迪音

題畫竹為董文中賦

雨過蛟龍起風生翡翠寒但存清白在日日是平安

沈中

題馬遠雪景圖

暮雲天一色飛雪滿江干野艇歸來晚推蓬不厭看

欽定四庫全書

御選元詩

卷六十六

三十

陸顥

倪迂著色山水小景

萬壑爭妍處重泉鬪響時石梁無過客孤與白雲期

徐恒

贈畫師朱叔重

落筆山雨至夜樓生遠思風流朱叔重不似虎頭癡
倚柁寫秋色曹娥江上頭樹聲連塞雁天影落沙鷗

金信

東山

東山秋色淨處處樵歌起涼風早催霜落葉下如雨

張志純

桃花

流水來天洞人間一脈通桃源知不遠浮出落花紅

泰山喜雨

岱宗天下秀霖雨遍人間高卧今何在東山似此山

馬臻

欽定四庫全書

御選元詩

卷六十六

三十一

客夜不寐偶成短句十首用渭北春天樹江東

日暮雲為韻 錄五首

丈夫慎出處功成乃身退古人夫如何八十釣清渭

縞素製野服誤染京華塵舊業在何處梅花江上春

吟苦不成寐寒牕凝夜釭千古誰知心遥遥賈長江

此身如斷蓬飄蕭隨北風錢塘一望地家住西湖東

客慮千萬端長吁愁不出誰能事低眉揮盃送白日

題畫卷

翠疊鴻濛色雲凝淡沲春高寒不可到應有採芝人

雜詠

幽芳泣露質好鳥啣春聲盡向東風裏悲歡各有情

榮貴如風花安得長美好馮唐不解事却恨髮白早

涼露老荷葉蓮房亦已空可憐紅蓼花搖搖受西風

薛元曦

題雲林子南村隱居圖

山高白石秀竹密綠陰濃牕映風光埽溪流月影重

欽定四庫全書

御選元詩
卷六十六

三十三

張雨

夜思

空山嘈夜雨幽人坐惆悵今夕楚澗泉明日秦淮浪

奚官洗馬圖

曾侍赤墀東天池看浴龍晚涼湖上夢猶立柳陰中

鶴臺

靜夜颯靈風神君語帳中至今雙白鵠時下五雲峯

王若水梨花山鵲

山鵲語查查驚飛白雪花清明人載酒寒食客思家

芍藥白兔圖

妥帖紅雲朶迷離玉兔兒揚州行樂地惆悵鬢成絲

于立

題墨竹

種竹滿山阿蕭蕭風雨多會當成翠實鳴鳳一來過

題管夫人竹與玉山同賦

煙空湘月明露落湘波冷翛然林下風吹折琅玕影

欽定四庫全書

御選元詩
卷六十六

三十三

響屨廊

山中老禪寂同坐說吳王時有風前葉錚然下屨廊

方從義

彷彿小米雲山圖

石路絕經過山雲自來去欲共麋鹿羣當在幽深處

英

絕句

正月梅花落二月桃花紅榮枯元有數不必怨東風

山中景

六月山深處松風冷襲衣遙知城市裏撲面火塵飛

山中

一聲山鳥啼幽夢忽喚醒起來開竹扉日上中峯頂

牕前瀑布寒林外夕陽薄清風何處來撲撲松花落

宗衍

題小畫

秋高山氣佳木落江水靜意固不在魚魚驚釣絲影

欽定四庫全書

御選元詩

卷六十六

三四

題懸崖蘭圖

居高貴能下值險在自持此石或可轉此根終不移

善住

送人還山

偶隨流水出間趁白雲歸步石苔侵屐攀松露滴衣

春興

冉冉春將暮悠悠日欲殘東風特地惡不道杏花寒

西齋秋夜

晚雨過江城西齋秋氣清夢回孤枕上無處不蟲聲

秋夕

孤館燈初暗虛牕月正明寒衣猶未補風遞擣砧聲

早行

拂曙駕柔櫓溪山行幾重雲昏不見寺依約但聞鐘

雨後

小園春雨後碧草弄輕寒花片無煩掃新泥尚未乾

大訖

風水不可期知君定來否何處唱歌聲月明大谿口

欽定四庫全書

御選元詩

卷六十六

三五

期石室不至

風水不可期知君定來否何處唱歌聲月明大谿口

米元暉江山秋晚圖

紅樹宜秋晚澄江媚落暉扁舟如喚我莫待白頭歸

畫牛

草暖犢子肥牧閒牛耳濕誰知荷蓑翁風雨租稅急

如砥

題小米墨戲

寒雲何黯淡老樹更婆娑寂寞山村外柴門掩薜蘿

寶月

題界溪顧處士竹逸亭

竹色團蒼翠溪光凝碧流徵君頭半白於此獨夷猶

元本

題梅花道人墨菜圖

茅屋澗江東春深多白菘披圖成一笑清味野人同

善學

欽定四庫全書

御選元詩
卷六十六

三十六

書木葉寄友

述我山居事寫葉頻寄與意匪外葉間情還出葉底

大圭

桐下井

曉風吹銀牀蕭蕭古桐樹時有新汲人餅攜落花去

江晚

長天鳥飛盡兩岸蘆花發何處一舟來清江上秋月

五峯山

一尋五峯老孤塔在雲端鐵策已古色石房空畫寒

龜峯絕頂

危石青入雲上有千歲木我來卧其間天風響巖谷

憶梅山隱者

夢入青山去獨尋雲侶遊依稀攜手處月出石門秋

智圓

竹深翁拜徵命奉贈

花邊停去馬柳外聽啼鶯曉渡丹陽郭春遊建業城

欽定四庫全書

御選元詩
卷六十六

三十七

張節婦劉氏

賦庭柏

羣卉枯落時挺節成孤秀既保歲寒心不在遐年壽

蕙蘭

綠牕詩

燈前催曉妝把酒向高堂但願梅花月年年映壽觴

采閣閉朝寒妝成擬問安忽聞春雪下喚婢卷簾看

粲粲梅花樹盈盈似玉人甘心對冰雪不愛艷陽春

小小春羅扇團團秋月生
蟠桃花樹裏繡得董雙成
自拂雙眉黛何曾慣得愁
若教如翠柳便恐不禁秋

魏國夫人管氏

奉中宮命題所畫梅

雪後瓊枝嫩霜中玉蕊寒
前邨留不得移入月宮看

王嬌紅

寄申生

雲重月難見風狂雨不成
尺書從寄意傾淚若為情

欽定四庫全書

御選元詩
卷六十六

三六

鄭氏允端

桃源

秦季干戈起中原幾變遷
誰知避世者自有一山川

毛女

我亦斯人徒偶然櫻世網
撫卷發深思何當共長往

蘭

並石疎花瘦臨風細葉長
靈均清夢遠遺佩滿沅湘

筍

竹林春雨過瘦筍迸苔長
坐待成高節清標出短牆

蓮

本無塵土氣自在水雲鄉
楚楚淨如拭亭亭生妙香

梅

歲寒冰雪裏獨見一枝來
不比凡桃李春風無數開

劉侍史

過陸丘縣

白露擁蒼石紅葉侵寒水
騎馬下山來啼鳥忽驚起

欽定四庫全書

御選元詩
卷六十六

三九

無名氏

古木竹石圖

竹樹色依稀蒼蒼擁翠微
枝頭應帶潤疑是泣湘妃

丹立竹圖

故人能寫竹標格似湖洲
靜對西牕下清風滿紙秋

申淑

歸鄉詩

畊田消白日採藥過青春
有水有山處無榮無辱身

崔灑

雨荷

胡椒八百斛千古笑其愚如何綠玉斗終日量明珠

欽定四庫全書

御選元詩
卷六十六

四十

御選元詩卷六十六

謹案卷六十五第十一頁前一行老樹葉似雨按

趙孟頫集似作先今仍刊本


卷六十六第十六頁前一行滄瀆壘刊本壘訛疊

據別本元詩改

第十九頁前三行燕子衝簾過按楊維禎鐵崖集

燕子作燕燕今仍刊本

欽定四庫全書



總校官庶吉士臣侍朝
校對官檢討臣蕭九成
謄錄監生臣傅瓌芳

欽定四庫全書薈要

集部
御選元詩卷六十七

欽定四庫全書薈要卷一萬八千四百七十九集部

御選元詩卷六十七

七言絕句一

耶律楚材

過金山和人韻

金山萬壑鬪聲清
山色空濛弄晚晴
我愛長天漢家月
照人依舊一輪明

過濟源登裴公亭用閒閒老人韻

欽定四庫全書

御選元詩

卷六十七

山接晴霄水浸空
山光濼濼水溶溶
風迴一鏡揉藍淺
雨過千峰潑黛濃

掀髯坐語閒臨水
仰面徐行飽看山
竹裏忽聞春雪落
天教著我畫圖間

和薛伯通韻

黃華紅葉滿秋山
月浸銀河夜未闌
寂寞梧桐深院落
有人何處倚闌干

戲景賢并序

詳校官原任主事_臣李斯咏

景賢彈雉朝飛予作詩戲之蒙寵和有若有餘陰
乞一枝之句予再用前韻以拒之

遏住行雲不敢飛一聲還噎一聲悲蠻兒深愜龍岡意
唱得香山楊柳枝

劉秉忠

有懷遂長老

雨過幽庭長綠苔東風時為掃塵埃無人曾見春來處
門外桃花只自開

欽定四庫全書

御選元詩

卷六十七

二

山疊崔嵬水渺茫故人萬里未相忘飄零更惜天邊雁
獨駕秋風不入行

孤城寒角噎南樓黃葉關山過雁秋憶起溇沱相別處
一牕風雨夢西州

三月

背陰花木錦成叢幽谷鶯啼上苑中李白桃紅楊柳綠
天涯無處不春風

春曉

海棠微露濕胭脂楊柳輕風弄碧絲一片春光都是恨
佳人睡起倚樓時

雨過登樓

錦里春光曉望中雨餘花潤草蒙茸青山尚在浮煙裏
樓上分明見幾峯

小溪

小溪流水碧如油終日忘機羨白鷗兩岸桃花春色裏
可能容箇釣魚舟

欽定四庫全書

御選元詩

卷六十七

三

溪上

蘆花遠映釣舟行漁笛時聞三兩聲一陣西風吹雨散
夕陽還在水邊明

清明後一日過懷來

居庸春色限燕臺山杏凝寒花未開驛馬蕭蕭雲日晚
一川風雨過懷來

閒書

千里家山入寸眸碧天無際月橫鈎書成得得秋風夜

一線微鴻獨倚樓

征西回

春回三月過西州芳草青青不斷頭
多少凍溪凝住水盡隨歸客向東流

春始來

三月南州草木長落花飛絮滿池塘
東君也惜天涯客盡放春光過界牆

焚勝梅香

春風吹滅小檠釭夢斷壚香結翠幢
簷外杏花橫素月恰如梅影在西牕

劉秉恕

白雲樓

旌旗嫋嫋入隨州江漲祥煙散復收
黃耳不來家信遠西風腸斷白雲樓

郝經

九日郭外

欽定四庫全書

御選元詩

卷六十七

四

溪上蒼煙一道開誰家日夕採菱回
片帆不舉波間過無限好山波底來

帥正堂

秋渚芙蓉淡淡香新亭無氣釀新涼
晚風吹斷溪南雨一片金煙挂夕陽

長蘆舟中遇風

海風栗栗刮鯨涎吹裂西南一半天
暝色忽開隨酒散浪花和月上船舷

欽定四庫全書

御選元詩

卷六十七

五

燭花

江城深夜作輕寒金粟堆盤蠟炬殘
應是燈花憐久客故隨人意報平安

正月三日見月

小雪初晴卯色天虛庭搖曳動江煙
忽聞歸雁驚回首新月梅梢又一年

丁卯新館寒食無花

四圍擊柝鎖重扉春去春來總不知
腸斷東城中酒後

春衫走馬拂花枝

陽和渾不到空齋深院無人長綠苔為報監門暫開鎖
少分春色入門來

館內幽懷

狂花野蔓滿疎籬恨殺絲瓜結子稀獨立無言解蛛網
放他蝴蝶一雙飛

儀真觀中雜題

心事悠悠逐去鴻夢魂渺渺入西風無邊木葉無窮恨

欽定四庫全書

御選元詩

卷六十七

六

一夜秋容滿鏡中

持節江頭久食魚館人供雁意踟躕呼兒細看雲間足
恐有中原問訊書

楊奐

涿南見蠶婦本汴梁貴家

蠶月何曾出後堂干戈流落客他鄉羅衣著盡無人問
自把荆籃摘野桑

出郭作

燕姬歌處轉鶯喉燕酒春來滑似油自有五陵年少在
平明騎馬過蘆溝

答客

仕晚自知為學拙家貧人道治生疎滿山薇蕨春風老
昨夜鄰翁有報書

泛舟

燕子迎風掠水飛樓前楊柳綠依依十年不作南塘夢
怕見殘陽上客衣

欽定四庫全書

御選元詩

卷六十七

七

杜瑛

征南口號

春早雲南麥已黃瀘江蒸霧不如湯馬蹄半帶陰山色
變作人間六月涼

趙復

覃懷春日

江南江北半浮生蹤跡居然水上萍竹雞啼罷山雨黑
蠶子生時桑柘青

許衡

宿卓水

寒缸挑盡火重生竹有清聲月自明
一夜客牕眠不穩却聽山犬吠柴荆

大暑登東城

三丈危城日暮登暑威殊不霽
憑陵何時太華高峰上細嚼松陰六月冰

風雨圖

南山已見霧昏昏便合潛身不出門
直到半途風雨橫

倉惶何處覓前村

楊果

邨居

草堂有燕賀新成沙渚無鷗續舊盟
滿徑落紅風掃靜一渠春碧雨添平

春波澹澹卷寒漪長日蕭蕭靜竹扉
邨舍蠶催桑葉大

山田鹿食麥苗稀

史天澤

巡歷太康

奉使孤城駐馬蹄霜風獵獵戰旌旗
一鈎薄暮天邊月照見禽荒舊地基

巴運

軍迴過梅嶺留題

馬首經從庾嶺歸王師到處悉平夷
擔頭不帶江南物只插梅花一兩枝

張弘範

槐井

翠園石甃雨苔青影落寒泉墮
月明酒醒渴懷無處著綠陰風送轆轤聲

遊春

閒逐東風送馬蹄一鞭詩思曲江隄
行行貪詠梨花雪却被桃花約帽低

墨竹

麝墨芸香小玉叢淡煙橫月翠玲瓏小屏春瑣綠牕夢也勝湖江煙雨中

新燕

海棠開後月黃昏王謝樓臺寂寂春柳外東風花外雨香泥高壘畫堂新

青杏

落盡殘紅綠滿枝青青如豆釀酸時佳人摘得新嘗怯一點春愁鎖畫眉

欽定四庫全書

御選元詩

卷六十七

十

柳絮

東風帶殺柳梢頭吹去香棉得自由不到池塘成翠縻顛狂飛入酒家樓

聞角

戍樓一曲老龍嘶霜滿秋空月影西客裏夢回聽不得殘燈明滅伴人啼

寒食後

家家鑽火露新煙花褪殘紅柳吐綿底是遊人腸斷處

杏桃影裏拆鞦韆

燭淚

惜別終宵話不休煌煌燈燭照離愁蠟花本是無情物特向人前也淚流

拆鞦韆

畫柱青苔卧寂寂綵繩無計戀春嬌可憐明月梨花院閒殺春風第一宵

春信

欽定四庫全書

御選元詩

卷六十七

十一

庾嶺梅花噴雪香灞橋煙柳弄鶯黃故鄉望斷無消息獨倚東風雁數行

柳眉

睡起紗牕對曉窗暫時初識遠山尖多情笑殺張京兆應恐香螺浣玉纖

商榷

水仙花

海上三山壁月明人間誰識許飛瓊秋風吹上青鸞背

來散天香與素英

明月珠衣翡翠裳水肌玉骨自清涼不隨王母瑤池去

來侍維摩病几傍

李冶

瀟湘夜雨

遠寺孤舟墮渺茫雨聲一夜滿瀟湘黃陵渡口風波暗
多少征人說故鄉

王磐

百門泉

濟南七十二名泉散處坡陀百里川未似共城祠下水
千窩并出畫樓前

半空風雨山頭樹十頃玻璃水底天孤客南來無著處
相宜只有百門泉

王鶚

至盱眙

盱眙山色勢巍然淮泗波光接遠天好景畫圖收不得

欽定四庫全書

御選元詩

卷六十七

十三

都將勝事付吟篇

李昶

寄王總管

華陽東下古梁州五馬旌旗擁上游腸斷寒江衣帶水
令人空望鎮南樓

布呼密

過贊皇五馬山泉

相彼山泉源本清太平君子濯塵纓泠泠似與遊人說

說盡今來古往情

劉因

挹陽南軒

下瞰懸崖老木稠輕風毛髮散涼秋蒼苔白石夢初覺
霽月疎雲山欲流

春景

病餘身世淡無情但覺春來暖漸生送客出門花已謝
問知昨日是清明

欽定四庫全書

御選元詩

卷六十七

十三

山家

馬蹄踏水亂明霞
醉袖迎風受落花
怪見溪童出門望
鵲聲先我到山家

溪上

坐久蒼苔如見侵
攜筇隨水就輕陰
松風自厭灘聲小
雲影旋移山色深

早秋

昨朝一葉見秋生
今日千巖萬壑清
欲借西風蘇病骨

欽定四庫全書

御選元詩

卷六十七

十四

暫來石上聽松聲

春盡

草閣垂簾晝掩扉
客來知我出門稀
鳥鳴淡與人相對

花落方知春已歸

庚辰元日

曾記西湖酒一卮
乾坤和氣入新詞
六年未盡冰霜怨

又到春風滿面時

乙亥所作詞有春風花柳消盡冰霜殘怨之句

下山

翠霞騰暈紫成堆
收盡雲煙酒一杯
想見浮嵐在眉宇

人人知道看山回

探春

道邊殘雪護頽牆
牆外柔絲露淺黃
春色雖微已堪惜
輕寒休近柳梢傍

睡起

晚醉城南不記回
虛簷高枕藉莓苔
酒醒涼意瀟瀟在
應是前山送雨來

欽定四庫全書

御選元詩

卷六十七

十五

山寺早起

松牕一夜遠潮生
斷送幽人睡失明
夢覺不知春已去
半簾紅雨落無聲

萬壽宮館舍

來時殘雪點征衣
落盡庭花尚未歸
夢裏不知身尚病
春衫歸路馬如飛

宿洪崖觀

雲山不受壯心降
無限西風撼客牕
應是夜深知月出

却收風雨入清江

雪嶺遇雨

天為西遊餉我晴野花啼鳥效平生今朝雪嶺初逢雨

應是郎山帶帽迎

土人謗云郎山帶帽十日無道

故園寒食

一坏新土寄餘哀故老相邀信步來行到水西邨盡處

桃花無數未全開

聞角

欽定四庫全書

御選元詩

卷六十七

十六

人間無物比悠揚誰道一聲隨夜長餘哀到曉無尋處

吹作南湖十里霜

新居

雪擁閒門儘未除小齋人道似禪居年來日歷無多事

只有求方與借書

孟攀鱗

春浦帆歸圖

涵空水色碧於苔照眼山光翠作堆疑是桃花源上客

輕舟天外得春來

張礎

關山風雨圖

山氣凝寒雨不開江濤拍岸雪成堆漁翁慣識風波惡

天際孤舟已早迴

陳祐

琴臺書事

四郊麩麥接雲平綠野人家曉又耕怪得公堂人訟簡

欽定四庫全書

御選元詩

卷六十七

十七

閭閻原有讀書聲

申屠致遠

無絃琴

靜空有物即縈心物象相忘趣轉深為報柴桑陶處士

無絃爭似更無琴

王暉

梁園對月

兒時曾住汴梁城二十年来重此行一片鳳皇池上月

向人還似舊時明

春夜獨坐

讀書聲歇燭華殘
潤入琴絃覺夜寒
寂寞小牕雲影薄
隔簾梧葉雨聲乾

同劉勸農彥和葛縣令祐之遊蒼谷口

四山遮盡外來風
山崦人家不覺冬
獨立蒼崖重回首
山形渾似入居庸

九龍分部中天雨
何處癡蟠睡不開
一勺鳳皇臺下水

欽定四庫全書

御選元詩

卷六十七

十八

有時風雨洗天來

方山忽斷兩崖開
中有蒼河自北來
行出山門俱不見

玉龍翻作地中雷

地爐火在壁燈昏
睡覺山堂笑語溫
豆粥一盂官事了
緩搖吟轡出山門

遊棲巖寺

一徑縈紆入杳冥
望川亭迴夕陽明
欲知眼界寬多少
放出秦川似掌平

關山秋霽圖

望京樓上晚凭闌
長記居庸八月還
一段紫煙吟不盡
枉分秋色與南山

遊青蓮寺

上方曾閣倚晴煙
回合諸峯聳碧蓮
午枕不容詩夢就
天風吹雨下危巔

顯宗墨竹

離離香粉淡爭妍
莫作荒寒景趣看
絕似承華宮檻畔

欽定四庫全書

御選元詩

卷六十七

十九

春風和露濕闌干

春江獨釣圖

渺渺春江碧若空
一絲斜裊釣壇風
富春莫擬幽棲穩
已在君王物色中

山行雜詩

太行元氣老洪濛
草樹風前帶潤容
山色只宜差遠看
近移空翠上高峯

西來遊宦半忙閒
六日迢迢道路間
回轉羊腸三百里

天教馬上飽看山

滕王蝶蟻圖二首 錄一首

粉香金翠夢能甜
細寫春棕入筆尖
却恐尋香飛便去
六宮爭下水晶簾

萬壽節同宋太常弘道出左掖門口號

禁漏穿花夜已央
宮槐籠曉色蒼蒼
殷勤一點東華日
先到紅鸞扇影光

隔夜端門分板位
平明簪笏列鸞行
紫雲低覆千官拜

潤入金爐百和香

羯鼓聲高吹管清
九天合作鳳鸞鳴
侍儀贊唱三成後
磬折齊呼萬壽聲

花映巖廊近紫宸
官官行酒過三巡
共攜滿袖香煙出

散作都城十日春

對品班分玉笋行
一時望拜殿西廂
百官燕出宮闈靜
疎雨濛濛濕建章

汴梁清明

欽定四庫全書

御選元詩

卷六十七

三十

連日風沙此日晴
東君有意作清明
垂鞭醉入宮城去
一片傷心畫不成

寒食日過隆德宮

當年陸海駭珍歲
此日繁華墮渺茫
春草不隨人事換
依然分翠入宮牆

樓居春望圖

翠斂雙娥底事愁
不緣春去落花稠
歸鞍未得朝天信
望斷東風燕子樓

遊百家巖雜詩

月池懸溜落蒼崖
巖竇分居可百家
不羨碧瀾秋色好
倚天驚絕赤城霞

太一宮

庭樹瀟瀟綠滿廊
日長深鎖碧牕涼
隔簾遙見秋來處
一葉輕黃墮井牀

玉堂閒適圖

醉岸烏紗殿影東
宮花低映酒波紅
興來草罷長楊賦

欽定四庫全書

御選元詩

卷六十七

三十一

獨占高槐灑晚風

潤州

望空北顧無雙寺行入西津第一州江影隔山搖素練
行雲和夢鎖朱樓

題錢舜舉畫梨花

掖西千樹鬧春華莫把芳容帶雨誇看取一枝橫絕處
洗妝還是漢宮娃

疎梅寒雀圖

長記扁舟過武夷仙家梅竹滿清溪山禽盡日憐幽致
爭揀寒枝趁晚棲

枯木寒鴉

枯樹寒梢凍欲冰野鴉翻影若為情錦鳩呼雨煙林外
紅杏香中過一生

王旭

南湖道中

漠漠煙中小艇回芙蓉花外有軒臺平湖一月三千頃

高卧南風看雨來

氣涵雲水草堂虛莎末風來午夢餘起逐鄰翁上船去
藕花深處看叉魚

三年夢不到江湖慚愧煙波舊釣徒今日扁舟復何日
卧聽風雨鬧黃蘆

程鉅夫

呼喇珠御史還臺索詩二絕為別錄一首

曾此觀風慣土風老榕能識舊花驄如何又踏秦淮月

不待炎州荔子紅

十一日活禽登舟

江清照見石粼粼貌得遊魚態度真說與長年輕蕩槳
放他深處著潛鱗

喬達之畫江山秋晚圖

別來事事可名家獨我空添兩鬢華天際有山歸未得
遠峰休著淡雲遮

早行圖

欽定四庫全書

御選元詩

卷六十七

二十二

欽定四庫全書

御選元詩

卷六十七

二十三

萬山迴合路紆縈獨策羸
驂款款行却憶麻源三谷裏
畫橋攜酒聽溪聲

趙大年小景

足馬衝寒踏落花杏園深處曲
江涯何如相對風軒坐
喚得漁船傍酒家

張孔孫

風雨迴舟圖

風雨來時撥棹迴濟川
心事有誰知停舟且做江湖夢

欽定四庫全書

御選元詩

卷六十七

三十四

浪靜風恬未是遲

宋銜

觀出獵

金鉞染血犬銜毛倒臂蒼鷹掣錦絛
紅日下山秋塞澗
齊歌野樂陣雲高

平原馬首雁行齊
狡兔深藏鳥不飛
環立傳觴人半醉
斜歌貂帽雪中歸

徒單公履

春日雜詠

東風簾幕半塵埃
歌舞臺空畫不開
試問雙飛新燕子
今年社日為誰來

元淮

小滿

子規聲裏雨如煙
潤逼紅綃透客氈
映水黃梅多半老
鄰家蠶熟麥秋天

春詞

欽定四庫全書

御選元詩

卷六十七

三十五

繡被春寒掩翠屏
家常只繫石榴裙
鮫綃誤落花磚上
旋向沈香火上薰

午寢

鶯來踏碎亂紅翻
盡日簾垂畫水閒
午睡覺來香味遠
金猊猶有鷓鴣斑

南園新柳

萬縷依依帶嫩黃
斜穿紅杏弄疎狂
畫長舞得東風困
半倚鞦韆半拂牆

春閨

杏花零落燕泥香
閒立東風看夕陽
倒把鳳翹搔鬢影
一雙蝴蝶過東牆

寒食

城西爛漫拆桐花
珠翠郊原散綺霞
試問漂陽新燕子
今年寒食又無家

南園杏花

胭脂萬點怯輕寒
蓓蕾枝頭絳雪乾
昨夜南園春雨過

欽定四庫全書

御選元詩

卷六十七

二十六

玉人曉起揭簾看

北望

公餘信步上譙樓
雲淡天低萬里秋
遙望神州煙靄裏
夕陽紅處是瓜州

秋閨

團扇初隨碧簟收
畫簾歸燕尚遲留
閒階弄影穿明月
笑捻流螢說早秋

天水鑑對月

昨夜新霜釀曉晴
晚霞入海耀南閩
可憐天際鄉關月
也到金困照旅人

南樓

向晚西風入翠微
樓西一隙透斜暉
寒蟬底事聲淒切
催得飛鴉打陣歸

郭昂

宜春贈別

微茫煙浪浦帆開
一曲琵琶淚滿腮
江水不如湘水好

欽定四庫全書

御選元詩

卷六十七

二十七

送人東去復西來

方回

過湖口望廬山

江行初見雪中梅
梅雨霏微棹始迴
莫道無人肯相送
廬山猶自過湖來

春晚雜興

豈有邪溪父老錢
無朝無暮在樽前
櫻桃豌豆分兒女
草草春風又一年

溪魚山荀佐新筍大勝長安上酒樓春老猶寒宿醒困
酴醾花下擁綿裘

城市塵埃不見詩西村東塢可尋誰夏前十日嘗新麥
恰是江南最好時

芳草茸茸沒屨深清和天氣潤園林霏微小雨初晴處
暗數青梅立樹陰

王干三嶺

澄練平臯水屈盤青蒼松櫟擁峰巒霜晴村落全如畫

欽定四庫全書

御選元詩

卷六十七

三十八

一見都忘上嶺難

村女

青荷葉傘茜裙紅隨母歸寧省外翁莫笑梳妝未京樣
兵餘猶見太平風

飲歸

潑灑紅深百盞澆醉歸不覺路迢迢臨分情味慙慙甚
暗遣人扶過畫橋

過長安市

算橘租菱小市詳堰頭橋尾約千家人家已盡無人處
時見芙蓉一岸花

過崇德縣

枯柳無風影不搖敗牆頽屋意蕭蕭忽然喚醒承平夢
猶有紅闌夾畫橋

曉發富陽縣

長山礮石片帆斜小雨初晴日眩沙回首遙看富陽縣
青煙低罩一叢花

欽定四庫全書

御選元詩

卷六十七

三十九

江行大雨水漲

客路由來但喜晴山深何況更舟行孤蓬酒醒三更雨
滴碎愁腸是此聲

舟行青溪道中入歙

夜寒如覺有猿吟積翠重蒼萬壑深下水輕舟弦脫箭
盤山細路線穿針

刺桐花發草如藍欲卸綿袍翦紵衫一夜春霜忽如雪
江南天氣不宜蠶

巖峯欲動若抽芽節近清明路近家五日緩行三百里
夾溪隨處有桃花

春寒

燈節蕭條雷後雪花天料峭雨餘霜經旬不出無情緒
恰見鶯兒似酒黃

櫻桃花

淺淺花開料峭風苦無妖色畫難工十分不肯精神露
留與他時著子紅

欽定四庫全書

御選元詩

卷六十七

三十一

桐花

悵惜年光怨子規王孫見事一何遲等閒春過三分二
憑仗桐花報與知

惜硯中花

花擔移來錦繡叢小牕餅水浸春風朝來不忍輕磨墨
落硯香黏數點紅

清湖春早

樓上春陰覆曉雲一河天淨碧云云雨宜不驟風宜細

閒倚闌干看水紋

三天竺道中

三天竺路漸平登高似雷峯塔幾層山到無人行處好
松陰萬樹立孤僧

清明大雪三日

半月雕梁燕子歸怯寒著盡舊綿衣何人醉眼西湖路
錯認楊花作雪飛

員炎

欽定四庫全書

御選元詩

卷六十七

三十一

隆德宮

林花細妥臘脂色水荇輕澹翡翠泥歌舞留連嫌晝短
樓臺縹緲覺天低

燕集東平湖亭

北海樽前人似玉東原城下水如天滿眼荷花三百頃
採蓮人語隔秋煙

賈竹

題天平谷六峯

六峰聳翠白雲間
頓使幽人眼界寬
早晚隨師更深處
杖挑明月一輪寒

王鼎

游林慮山

燕子來時春色賒
海棠開盡未還家
醉眠不覺東風惡
吹起布帆滿路花

戴表元

湖州

山從天目成羣出
水傍太湖分港流
行遍江南清麗地
人生只合住湖州

西興馬上

去時風雨客恹恹
歸路霜晴水樹紅
一抹淡山天上下
馬蹄新出浪花中

蝴蝶

春山處處客思家
淡日邨煙酒旆斜
蝴蝶不知人事別
繞牆閒弄紫藤花

夢中作

晴霞冠嶺朝紅潔
新漲連空晚綠酣
惆悵春風倦遊夢
木蘭亭上望淮南

題江干初雪圖

斷樹寒雲古岸隈
漁翁初撥小船開
看渠風雪忙如許
還有魚兒上釣來

題趙大年蘆雁

寒更索索警霜叢
兄弟當年意自同
猶是江湖大平處
未妨沈著卧秋風

感舊歌者

牡丹紅豆艷春天
檀板朱絲錦色牋
頭白江南一樽酒
無人知是李龜年

桃花寺石臺

臺前藤蘚碧交加
臺下清流直又斜
待得丹成知幾日
春風隨分野桃花

過姑蘇

水天彌望接青蕪雲氣漫漫近又無一色好風三百里
挂帆安坐過姑蘇

仇遠

題李成寒雅圖

老樹枯苔雪乍晴飢鳥飛集噤無聲蒺藜沙上花開早
且讓春風與燕鶯

題趙松雪迷禽竹石圖

錦石傾歌玉樹荒雪兒無語戀斜陽百年花鳥春風夢

欽定四庫全書

御選元詩

卷六十七

三十四

不是錢塘是汴梁

題和靖先生觀梅圖無懷上人徵予作

癡童懼鶴冷相隨笑指南枝傍小溪到處一般香影色
孤山只在斷橋西

趙子昂陳仲美合作水鳧小景

良工苦思可心降底事文禽不解雙欲採芳華波浪濶
芙蓉朶朶隔秋江

岳山

岳姥峰高翠倚天洮湖春水綠無邊不知楊柳蒹葭外
何處泊君書畫船

閒居十詠 錄六首

鶯花韋曲舊時遊老去閒情已五休却笑東風無檢束
又隨飛絮過南樓

烏雀喧啾未肯棲狂風吹樹影離披屋邊尚有斜陽在
更看山人一局棋

風挾濃雲起破車捎腮雨脚亂如麻山中茅屋應安穩

欽定四庫全書

御選元詩

卷六十七

三十五

不向溪聲送落花

新竹修修綠覆牆讀書門外亦陰涼道人清福不肯受
却入西山看夕陽

茶甌紗帽慣迎賓不是詩人即道人細雨斜風君莫出
綠雲門外有紅塵

珠簾玉柵綺羅叢猶有承平京洛風飲罷歸來遊騎少
一庭明月夜方中

泊桐鄉

雪晴霜樹勝春紅回首臨平杳靄中正是詩人棲穩處
青山明月滿歸篷

白珽

湖居雜興八首 錄七首

御舟初出賞春菲傳道諸王與后妃香霧漸深蓮幕暗
日斜惟見澹黃衣

脈脈吹香屋角梅背風移燭小簾開鳳城幾日元宵近
一片簫聲水上來

欽定四庫全書

御選元詩

卷六十七

三六

龍舟曉發斷橋西別有輕舟兩兩隨春色可人晴較穩
酒家爭出柳梢旗

相國平泉水竹居吳中花石世間無遊人馬上休回首
一半春風在裏湖

雨後林塘夏亦秋一葫蘆酒在船頭醉來深入荷花去
卧看青天飛白鷗

三賢猶得仰高風冠服雖殊氣味同後五百年無繼者
桃花含笑夕陽中

萬樹芙蓉兩蕊宮秋風開遍水邊叢白牆遮盡紅牆出
只見紅牆一半紅

胡長孺

題風雨漁舟圖

細柳新蒲春已滿飄風急雨亂如顛漁人若解忘魚意
繫却扁舟卧碧煙

龔璠

天平道中

鼓聲依約分魚市不負儂家白酒鮮杭稻新秧及時插
苧衣清楚入梅天

素易

首夏村居雜興

穿徑幽篁破嫩苔遠池漲綠潑新醅薰黃梢蝶鷺還起
翠碧窺魚去復來

綠樹荆扉晚更幽鱸魚菰菜近堪求故人有興能尋我
但覓吳淞欲盡頭

欽定四庫全書

御選元詩

卷六十七

三七

湖上即事

浙東山色渡江青
眼底新詩向此成
天盡雲低看鶻落
日斜風細待潮生

題畫黃葵

憶昔戎葵花下飲
金杯春灑綠鬟歌
祇今花似金杯側
獨對西風詠折枝

陳仲淵別室

琴中流水瀾翻落
畫裏秋山雜沓開
更欲移牀傍修竹

欽定四庫全書

御選元詩

卷六十七

三十八

卧看飢鶴啄莓苔

章彬

白鷗

草暖蘋香月上遲
白鷗黃雀往來時
雲山隔斷一千里
日日相過人不知

趙時遠

四景詩和孫僉判
頽叔韻錄二首

荻塘柳影

午天雲淡日遲遲
水面長修帶影垂
不是纖腰渾不定
自緣無力受風吹

禪院荷風

荷風細細晚生涼
暑氣氤氳入座香
飲盡碧筒人笑語
花邊驚起睡鴛鴦

陸鵬南

晚涼湖上

唳鶴灘頭水拍天
養魚池上月籠煙
眼前好景無人管

欽定四庫全書

御選元詩

卷六十七

三十九

時有漁舟泊柳邊

石巖

題米元暉五湖圖卷

曉牕白髮戰西風
一笑青雲往事空
惟有南山是知己
相逢多在畫圖中

御選元詩卷六十七

欽定四庫全書蒼齋要卷一萬八千四百八十集部

御選元詩卷六十八

七言絕句二

貢子仁

自題遠山

拱北樓頭晚眺晴吳山相對列如屏白雲天外孤飛處
認得茅峰一點青

范晞文

湖上詩

湖邊多少遊湖者半在斷橋煙雨間盡逐東風看歌舞
幾人著眼到青山

黃庚

海棠

臉暈輕紅酒力微真妃半醉夜深時杜鵑叫落花梢月
獨倚東風睡不知

聞角

欽定四庫全書

御選元詩
卷六十八

一

誰送寒聲入夢中遙知人在戍樓東明朝梅嶺花飛雪
未必都因昨夜風

一春

新綠園林雨過時黃鸝無語恨春歸楊花怕逐東風去
搭住闌干不肯飛

江景

寒生雁背天將雪冷入魚腮水欲冰釣艇歸來江路暝
舟人分火點漁燈

欽定四庫全書

御選元詩
卷六十八

二

暮春

東風庭院夕陽天恨綠愁紅又一年春自要歸花自落
莫將芳事怨啼鵑

一鳥不啼春寂寂百花都落雨濛濛十分花鳥東風恨
半在詩中半酒中

傷春

園林芳事已闌珊梅未生仁筍未竿隄上柳綿風脫盡
綠陰應在雨中寒

書館即事

煙拖野色入書牕一畝平田隔草塘暮雨初收新水滿
藕花香雜稻花香

春寒

春寒料峭透牕紗睡起晴蜂恰報衙怪得曉來風力勁
滿階香雪落梨花

池荷

紅藕花多映碧闌秋風纔起易彫殘池塘一段榮枯事

都被沙鷗冷眼看

林高士隱居

家住西湖深更深古松陰裏禮茅君白猿攀樹藤花落
點破巖前一地雲

見雁有懷

滿眼西風憶故廬親朋音問久相疎年年江上無情雁
只帶秋來不帶書

春夢

欽定四庫全書

御選元詩

卷六十八

三

銅匱艾納翠氤氳六六屏山酒半醺夢入中州看秦畫
春風吹亂玉梨雲

暮景

浮雲開合晚風輕白鳥飛邊落照明一曲彩虹橫界斷
南山雷雨北山晴

臨平泊舟

客舟繫纜柳陰傍湖影侵蓬夜氣涼萬頃波光搖月碎
一天風露藕花香

欽定四庫全書

御選元詩

卷六十八

四

山中秋夜

石牀彈月鶴聽琴玉宇凝秋絕點塵萬里無雲銀漢淡
一天風露濕星辰

春閨

屏山夢斷整雲鬢金鴨吹香火未殘背倚闌干聽燕語
一簾風雨卷春寒

秋吟

曉徑支筇步屣遲西風吹露濕秋衣舉頭凝望青山外

萬里江天一雁飛

畧約當門石徑斜
槿籬深護野人家
炊煙起處江村晚
一片斜陽萬點鴉

江村

極目江天一望賒
寒煙漠漠日西斜
十分秋色無人管
半屬蘆花半蓼花

述懷

故鄉迢遞幾時還
目斷長江杳渺間
一雁飛邊天萬里

欽定四庫全書

御選元詩

卷六十八

五

白雲多處是青山

閨情效香奩體

金鴨煙銷一字香
滿懷春恨強梳妝
看花又怕東風惡
偷隔紗牕看海棠

嬾向妝臺對鏡鸞
羅衣怯薄正春寒
黃金絡索珊瑚墜
獨立春風看牡丹

江邨即事

江邨暝色漸淒迷
數點殘鴉雜雁飛
雁宿蘆花鴉宿樹

各分一半夕陽歸

舟次九山

水雲盡處列奇峯
螺髻參差杳靄中
江岸維舟看不了
煙嵐分碧入疎篷

尹廷高

江鄉夜興

極浦霜清雁打圍
漁燈明滅水煙微
天寒想是鱸魚少
犬吠空江船夜歸

欽定四庫全書

御選元詩

卷六十八

六

宮怨

綠衣無分惹天香
滴碎春愁玉漏長
日上海棠眠未醒
夢隨蝴蝶出宮牆

翁村思歸

一年歸計久蹉跎
落盡梨花春不多
昨夜翠微深處宿
月明無奈子規何

秋夜旅懷

夢繞家山舊菊叢
芭蕉葉葉又秋風
閒愁一夜深如海

只在空塔雨滴中

北關買舟

北關門外柳青青
閒寄江南第一程
別酒未闌山鳥唱
短篷撐夢過臨平

揚州后土祠瓊花

無雙亭下萬人看
欲覓殘英一片難
夜靜月明猿鶴唳
誤翻玉雪墮闌干

燕山寒

欽定四庫全書

御選元詩
卷六十八

七

地穴玲瓏石炭紅
土牀蘆葦覺春融
一牕明月江南夢
恍在重簾暖閣中

楓塘別業

白雲缺處露蒼牙
雞犬相聞僅數家
幽鳥不啼林寂寂
滿山黃霧落松花

臘月海棠

尤物真能奪化工
臘前偷洩數枝紅
霜花不上臙脂面
強飾春妍嫁北風

劉邊

玉女峯

不作巫陽雲雨羞
風鬟霧鬢亂蕭颺
行人莫問當年事
獨立寒潭空幾秋

金履祥

朝真洞

洞府高深對月開
長疑底裏閔龍雷
天窗不照人間世
限盡遊人自此回

欽定四庫全書

御選元詩
卷六十八

八

李簡

龍紋石

林邊大石碧璘珣
應使遊人駐目頻
幾度雨餘苔蘚合
翠紋高處似龍鱗

登封臺

絕頂登封駐此臺
諸侯玉帛走如雷
珠簾乍捲紅雲擁
清蹕聲中翠輦來

高老橋

石橋流水碧泠泠多少遊人坐此聽好看春風二月雨
桃花新浪滿沙汀

變元圃

寓楊梅洲書舍

枯桑敗葉集寒鴉籬落芙蓉曉見花有客歸來新作主
釣船灣處是生涯

傅定保

翠光亭次韻

欽定四庫全書

御選元詩

卷六十八

九

墨妙銷沈萬丈光人間流落句文香青山不管興亡事
暖翠浮煙竟日長

張夢應

題溫日觀墨葡萄圖

濃淡纍纍半幅披却疑月架影參差憑君問取乘槎使
還似宛西舊折枝

甘泳

下豫州

壯懷忍共白雲閒孤負僧房屋半間賣却窮愁三萬斛
載將明月入西山

楊學文

月夜

明蟾破雨欲流水一碧涵空萬籟沈和夢起來猶是蝶
滿襟花氣露痕深

吳澄

跋牧樵子蒲萄

欽定四庫全書

御選元詩

卷六十八

十

芸香樓上汗成珠起趁清風為掃除見此西涼甘露乳
泠然齒頰出寒酥

寄題無波亭

長江遠壑幾颺迴雪屋銀山巨浪推最喜此中澄一鏡
微風不動月常來

題皮如心行囊中畫竹圖

疇昔江鄉識此君清風凜凜動霜筠被誰點染移將去
也受京華半面塵

題和靖觀梅圖

一枝春信到孤山
冰雪肌膚不覺寒
月下水邊看未足
折來更向手中看

姚燧

賞花

出門京國事無涯
虛擲東風五物華
却謝病歸催不起
故園今見碧桃花

富珠哩

欽定四庫全書

御選元詩

卷六十八

十一

題公益荅孫魯齋帖

丞相裁詩荅布衣
殷勤辭翰總珠璣
秋風吹落蒼松樹
二百年來此道非

盧摯

遊茅山

馬上微風散薄陰
玉笙吹客過華林
山中宰相杳何許
日暮碧峰雞犬音

竹杪飛亭枕石泉
松壇香霧散茶煙
烏聲記得夜來雨

鹿夢驚回別有天

題鄒尊師松鶴圖

翦粉昂丹筆有神
道人無夢到雞羣
何時醉拊蒼髯客
喚起茅山萬里雲

歲旦後四日留別宗壇師松溪許君鄒君心遠

碧溪風日隔人間
催得梅花鏡裏看
莫為軺車太幽獨
剽分香玉照春寒

山頭羽客曉相攜
踏破蒼雲北斗梯
偶向茅君巖畔宿

欽定四庫全書

御選元詩

卷六十八

十二

卻隨猿鶴過松溪

送趙左丞之湖廣

十年關隴得春偏
戶有城南尺五天
昨夜台躔照吳楚
夢中黃雀亦欣然

江空歲晚不堪愁
鸚鵡洲寒鬢欲秋
留得梅花莫開盡

為公吹玉過南州

李益

舟中作

石激灘聲纜釣船夜寒人對白鷗眠江風吹盡浮雲片
南北東西總是天

陳孚

湖上感舊

昔日朱樓擁翠鈿女牆猶在草芊芊東風第六橋邊柳
不見黃鸝見杜鵑

嘉興

簫鼓聲中十萬家垂楊淺映綠牕紗象梳兩兩蟬鬢女

欽定四庫全書

御選元詩
卷六十八

十三

笑擁紅嬌買藕花

出順承門

又騎官馬過中原袖有芝泥御墨痕嶺海孤臣天咫尺

五雲回首是都門

涿州

乾坤萬里一征驂馬上彎弓膽氣酣回首太行青未了
不知身在涿州南

磁州

漳水東流繞碧灣風蒲獵獵夕陽間帽簷不奈黃塵滿
賴有磁州數點山

黃河

千載金湯擁上流只今惟有荻花秋江南客子笑無語
閒看黃河繞汴州

盤石山

懸崖千仞鐵崔巍勢似飛蚪卷海來我見只疑山欲躍
馬蹄不敢蹴青苔

欽定四庫全書

御選元詩
卷六十八

十四

自永福縣過八十里山

下山如井上如梯亂石差呀割馬蹄正是行人行不得
鷓鴣更在隔林啼

過牂牁江

青草風吹毒霧腥交州何在海溟溟牂牁已恨天涯遠
又過牂牁二十程

思明州

風吹蠻雨滴芭蕉杵白敲殘夜寂寥習得孤燈牀榻畔

思明州裏過元宵

手捧檳榔染蛤灰
峒中婦女趁墟來
蓬頭赤脚無鉛粉
只有風吹錦帶開

鹿酒香濃犬彘肥
黃茅岡上紙錢飛
一聲鼓絕長鎗立
又是蠻巫祭鬼歸

毒蟲含弩滿汀沙
荒草深眠十丈蛇
遙望天邊紅似火
瘴雲飛落木棉花

刺竹叢叢苦筍生
山禽無數不知名
元宵已似春深後
龍眼花開蛤蚧鳴

欽定四庫全書

御選元詩

卷六十八

十五

至永州

萬里歸來一葉舟
淡煙疎雨滿汀洲
夢魂怪得清如許
身在瀟湘第一州

迴衡山縣望南岳呈御史完顏正夫修撰龐或簡

雨洗松陰綠未乾
今朝山下倚闌干
一天露重月華濕
七十二峯生翠寒

回雁峰前一棹孤
平波如鏡漫菰蒲
楚天日落碧雲合
山北山南聞鷓鴣

承旨野莊董公殊勲清節孚聞之縉紳紀以八詩錄三首

鐵馬長驅棧路高
捷旗飛渡大江濤
漢南煙柳蓬婆雪
猶識團花舊戰袍

扈從破大理雲南已未飛渡為先鋒首奏捷功

不負朝廷七十年
樓臺無地榻蕭然
清名當與溫公並
只欠河南二頃田

欽定四庫全書

御選元詩

卷六十八

十六

萬卷青燈味道腴
苦心欲探魯鄒餘
朝回立馬天衢上
又典春衣買異書

彈琴峽

月作金徽風作絃
清聲豈待指中傳
伯牙別有高山調
寫在疎松亂石邊

赤城驛

一溪流水繞千峰
宛與天台景物同
魂夢不知家萬里
却疑只在赤城中

明安驛道中

野鵲山頭野草黃
野狐嶺上月茫茫
五更但覺天風冷
帳頂青氈一寸霜

風吹灤水湧如淮
十萬雕弓飲馬來
長嘯一聲鞭影動
金鞍飛過李陵臺

馮子振

桑乾河

幾年朔客度桑乾
野水潺潺滴澀寒
回首燕南煙雨外

西風沙雁報平安

高克恭

過信州

二千里地佳山水
無數海棠官道傍
風送落紅攬馬過
春風更比路人忙

過弋陽

雷聲驅雨過山西
山腹雲根似削齋
日暮牧兒歸不得
料應白水漲前溪

欽定四庫全書

御選元詩

卷六十八

十七

滿目雲山樓

溪頭白鷺來相安
溪上紅桃雨打殘
滿目雲山為誰好
一川晴色上樓看

題道院

草色琅玕逼兩楹
早陰才過午陰清
斜陽又送西軒影
一枕移牀待月生

夜山圖

萬松嶺畔中秋夜
況是樓居最上方
一片江山果奇絕

却看明月似尋常

鮮于樞

淨慧寺

晚雨纔收日已西
石梁沙路淨無泥
清泉瀉瀉千峰迴
綠柳陰陰一鳥啼

僧巨然畫

秋鱸春鱖足杯羹
萬頃煙波兩櫂橫
就是直鈞隨分曲
不將浮世釣浮名

欽定四庫全書

御選元詩

卷六十八

十八

王太令保母帖

撞破煙樓固未然唐摹晉刻絕相懸莫將定武城中石
輕比黃閔墓下磚

姜侯才氣亦人豪辨折區區漫爾勞不向驪黃求駟駿
書家自有九方臯

周馳

雜興

聊攝城邊樹色秋往來長此繫扁舟不是故鄉無舊業

欽定四庫全書

御選元詩

卷六十八

十九

長邀明月醉高樓

楊樹青青麥吐芽壺觴來就野人家可憐廢井荒畦畔
狼籍東風一徑花

懷郭安道

江南江北路茫茫明月高樓各異鄉旅雁叫雲天似水
故人今夜泊瀟湘

和郭安道治書韻

西風吹起白蘋波半夜扁舟掠岸過不向長橋酤一醉

滿天明月奈秋何

君醉淋漓我浩歌古人為恨復如何秋來幾日渾無賴
已有新霜著芰荷

江間小艇數能乘活計今如船子僧近喜老妻能斫鱸
欲令稚子學扳罾

久客思歸歸未能題詩附與遠遊僧吳松江上鱸魚美
何處人家不下罾

張伯淳

欽定四庫全書

御選元詩

卷六十八

二十

為范君澤賦梅屋

磴谷周遭萬玉妃當時茅舍映疎籬
今便作槐堂看不問南枝與北枝

寄蔡復齋

美人秋水隔丰標老樹陰森鎖畫橋
幾度經過須樣擢不緣茅店酒旗招

夜雨西牕話歲寒雲萍自昔聚時難
殷勤不在同衾處長作西牕夜雨看

楊柳村

千絲萬縷拂章臺陌上行人幾去來何事結根荒寂處
東風青眼為誰開

陳思濟

移官淮東別杭州

湖上雲煙百態新湖邊幽趣屬閒身春風揚子江頭路
白首行人又問津

發南康赴江州

繡斧重持白髮翁路人猶說官情濃一帆又下潯陽去
羨殺雲間五老峰

王泰亨

七星臺

雲低天濶七星臺鴻雁遠銜霜信來汾水晉山今古夢
夕陽無語重徘徊

黃崇

天池芟荷

荷芟紛紛綠漲浮天池風景勝瀛洲於今萬仞青山頂
分得銀河一派流

湯炳龍

西湖雜詠

馬塍雞唱曙初回幾處嚴關次第開多少賣花人已到
賸將春色入城來

馬昀

大明寺

喬木千章擁大明南風細灑葛衣清鬢絲禪榻茶香裏
靜聽黃鸝求友聲

張謙

題高尚書夜山圖

萬籟無聲夜氣清江山一片月華明倚樓誰在高寒處
一笑披圖白髮生

張樸

戲題趙子固水仙圖

翠袖冰姿隔暮雲
凌波微步襪生塵
江空歲晚情無奈
笑把明璫解贈人

姚雲

碧山

彭祖嶺頭春草生
逍遙洞口暮煙橫
分明半幅著色畫
何許黃鸝聞一聲

呂起猷

詠雪限藤滕二字

欽定四庫全書

御選元詩

卷六十八

三十三

天上九龍施法水
人間二鼠齧枯藤
驚鷲聲亂功收蔡
蝴蝶飛來妙過滕

繆鑑

詠鶴

青山修竹矮籬笆
彷彿林泉隱者家
酷愛綠牕風日美
鶴梳輕毳亂楊花

懷歸

折柳期春春便歸
叮嚀好與護柴扉
東風怪我歸鞍晚

調撥楊花到處飛

安熙

故縣道中

塵事年來亦屢更
此身與世澹無情
敝裘羸馬嘉陽道
只有雲山管送迎

杏花始開連日大風不獲一賞
晨起攜筇往觀之歸而小酌得三絕句錄一首

生紅和露滴臙脂
又到芳春寂寞時
便擬提壺花下醉

欽定四庫全書

御選元詩

卷六十八

三十四

却愁羞殺背陰枝

于石

雜興

采藥歸來竹徑涼
滿身草露濕衣香
怕驚幽鳥穿林去
不埽松花卧石牀

兜率寺

詩僧貫休道場也

錢唐一劍倚霜寒
萬木千山蜀道難
耕鉢生涯何處在
秋風松子落詩壇

淨居院遇雪

夢回寒月吐層崖
湯響松風聽煮茶
倚樹恐驚殘雪墮
起來不敢嗅梅花

次韻趙羽翁秋江雜興

雁落蘆花洲外洲
半川斜日獨凭樓
笛聲何處雁驚起
點破清江一片秋

旅中遣懷

片雲相望浙東西
回首家山路欲迷
昨夜桐江江上夢

欽定四庫全書

御選元詩

卷六十八

二十五

倒隨流水上雙谿

小三洞

予所居有小三洞
金華洞天之附庸也
各賦一絕

四山迴合響幽泉
古木蒼藤路屈盤
一局殘棋雙鶴去

石屏空倚白雲寒

上洞舊名白雲

洞門相對是吾家
朝看煙雲暮看霞
鐵笛一聲山石裂

老松驚落半巖花

中洞

斷崖怒湧四時雪
虛壁寒凝六月霜
倚樹老僧閒洗鉢

碧桃花落澗泉香

下洞東萊呂公名以湧雪

旅夜

擁爐兀兀坐成睡
夢到家山人不知
半夜酒醒還是客
一庭黃葉雨來時

何失

雨中睡起

閉門連日雨霏霏
一醉誰憂生事微
睡起不知風色暮
北牕花氣濕人衣

燕都雜題

畫屏誰畫一風帆
阻隔千山與萬巖
不護樓頭此子雨

使人春盡怯春衫

一夜春陰徹曉寒
玉山無奈酒杯乾
青娥知有愁多少

狼籍妝奩懶對看

花市東邊柳市西
矮堂一笑百金揮
如今蹤跡無尋處

谷雨綿山燕子飛

蕭國寶

題畫

欽定四庫全書

御選元詩

卷六十八

二十六

半山蒼靄鎖招提托宿僧寮路欲迷惟有曉鐘遮不斷
數聲吹落小橋西

趙孟頫

清勝軒絕句

小草幽香動碧池暖風晴日長新萋南牕晝倚綠陰靜
聽盡行人過馬蹄

次韻剛父即事

玉樹彫傷衆草黃夜蟲時語怨流光美人望望隔秋水

欽定四庫全書

御選元詩

卷六十八

二十七

不寄相思書一行

淒涼鼓角北風傳嘈雜琵琶思遠天白雪有誰知幻眇
翠娥空自惜聯娟

搖落山川樹影稀隴雲時逐雁南飛苦無綠酒酬佳節
猶有黃花媚夕暉

戲題僧惟堯墨梅

蕭灑孤山半樹春素衣誰遣化緇塵何如澹月微雲夜
照影西湖自寫真

題范蠡五湖杜陵浣花二首

功名自古是危機誰似先生早拂衣好向五湖尋一舸
霜黃木葉雁初飛

春色醺人苦不禁寒驢馱醉晚駸駸江花江草詩千首
老盡平生用世心

梅花

蕭灑江梅似玉人倚風無語澹生春曲中桃葉原非侶
夢裏梨花恐未真

欽定四庫全書

御選元詩

卷六十八

二十八

送王子慶詔檄浙東收郡縣圖籍

木落江南天地秋西風吹子過東州試開圖籍尋佳處
便命舟車作勝遊

懷德清別業

陽林堂下百株梅傲雪凌寒次第開枝上山禽曉啁哳
定應喚我早歸來

部中暮歸寄周公謹

日暮空街生白煙歸來羸馬不勝鞭明朝又逐雞聲起

孤負日高花影眠

絕句

春寒惻惻掩重門金鴨香殘火尚溫燕子不來花又落
一庭風雨自黃昏

都南張氏園寓居

尺五城南跡似幽鄉心空折大刀頭杏花飛盡臘脂雪
日日東風未肯休

和黃景杜雪中即事

君說江南苦未歸香橙新酒蟹螯肥何當與子扁舟去
共挽清溪浣客衣

當年臨水照春衫浮玉山前水似藍歸計未成羈思惡
為君飛夢到城南

東城

野店桃花紅粉姿陌頭楊柳綠煙絲不因送客東城去
過却春光總不知

湖上暮歸

春陰柳絮不能飛雨足蒲芽綠更肥政恐前呼驚白鷺
獨騎款段繞湖歸

即事

湘簾疎織浪紋稀白苧新裁暑氣微庭院日長賓客退
繞池芳草燕交飛

古墨輕磨滿几香硯池新浴照人光北牕時有涼風至
閒寫黃庭一兩章

題孫登長嘯圖

在澗幽人樂考槃南山白石夜漫漫空林無風萬籟寂
長嘯一聲山月寒

詠史

酒酣斫劍氣如雲屠狗吹簫盡策勳漢室功臣誰第一
黃金合鑄紀將軍

宮中口號

日照黃金寶殿開雕闌玉砌擁層臺一時侍衛回身立
天步將臨玉斧來

偶成

竹林深處小亭開
白鶴徐行啄紫苔
羽扇不搖紗帽側
晚涼青鳥忽飛來

即事

庭槐風靜綠陰多
睡起茶餘日影過
自笑老來無復夢
閒看行蟻上南柯

趙孟頫

題高尚書夜山圖

欽定四庫全書

御選元詩

卷六十八

三十一

絕愛樓居卧看山
照人秋月入樓寒
祇今此景那能得
時辰新圖對月看

鄧文原

題陶淵明像

詩中甲子春秋筆
籬下黃花雨露枝
便向斜川頻載酒
風光不似義熙時

松雪墨梅

憶昔衝寒踏雪時
百花零落願開遲
如今收拾橫書卷

一任無情塞管吹

周曾秋塘圖卷

慘澹枯荷折葦間
夫容秋水轉碕灣
鳴鴻飛度江南北
却羨溪禽滿意閒

題高尚書秋山暮靄圖

傍溪草舍隔林中
望際雲山翠幾重
長憶雨餘閒信馬
輕鞭直指兩三峯

閻立本秋嶺歸雲圖

欽定四庫全書

御選元詩

卷六十八

三十二

貞觀從知畫有仙
能將萬里尺圖間
白雲掩映楓林好
遮却溪南無數山

盤紆逕路却何之
中有居人未卜誰
百丈飛泉雲外落

一林霜葉九秋時

題危太樸所藏滎陽鄭虔畫秋巖橫靄圖

金風瑟瑟入空山
村落人家葉盡斑
羨殺個中奇絕處
一天煙靄有無間

鄭君胸次有江山
應識區區一斑
山色空濛斜日裏

鬱林遙指碧雲間

趙子昂仿顧愷之畫

溪邊春樹綠成羣
重疊青山翠影分
客子何來忘歸去
歌聲遙落水中聞

袁桷

童時侍先人泊京口旅樓
一月正對江山樓繁
麗特甚江津流民散處
不可悉數今皆不復有
追憶舊事因成絕句十首
錄八首

欽定四庫全書

御選元詩
卷六十八

三十三

碧瓦參差第一樓
風旗獵獵喚行舟
兵厨有酒真堪飲

不學弓刀也白頭

燈火闌珊月色低
少年乘醉馬東西
樓頭畫角聲悲壯

又聽歌聲促曉雞

朱門高插相風旗
千里船行總得知
稻米流脂江上去

健軍何處是男兒

日日樓頭算酒錢
我冠太守號籌邊
鳴騶傳入丹陽館
為是行都過客船

淮馬低如果下駒
春風小隊打紅毬
日斜臺上人爭看

銀盃分明第一籌

明月曾隨多景樓
幅巾長袖是清流
金焦山勢元相望
不掩諸公富貴羞

研山園下將軍宅
脫却兜鍪強學儒
聞說高堂擁紅粉
醉翻筆陣墨模糊

白雲一片愁千疊
此地重來百不如
空憶當年瓦梨棗
小樓燈火了殘書

欽定四庫全書

御選元詩
卷六十八

三十四

甓社湖

甓社湖中新水清
風牽荇帶引帆行
靈妃夜度霓裳冷
輕折菱花翫月明

舟中得功遠瓊花露戲成三絕

瓊花瑞露十分清
客裏相看眼倍明
自是江南春色好
錯教騎馬到京城

平生嗜酒不帶飲
最憶停盃微醉時
花下盈盈似相待
莫教春到最濃枝

繁禧觀裏花如雪留取清陰待我來應有真真花底坐
生香一曲舞三臺

送危功遠

居庸關外雪模糊簇騎分明似畫圖猶有深春後歸雁
見君曾宿洞庭湖

晚訪仲章不遇

小院春濃落照間碧篁相對乳禽還晚風陣歇遊絲盡
留得歸雲在屋山

欽定四庫全書

御選元詩

卷六十八

三十五

靜芳亭

簾外羣山當畫屏白雲如水度中庭松花落徑無人掃
失却莓苔一半青

次韻馬伯庸應奉絕句

垂髻雙雙白馬郎看花不語愁畫長堂前有婦不肯守
遍看吳姬與趙娼

誰家弄玉矜少年采蓮艇子歌娟娟轉首那知顏色老
猶抹橫雲啼鏡前

向曾六月桓州住雪歇前巖散水樹王郎馬郎太愁生
兩騎雙雙辭我去

烏靴窄窄稱宮袍雙鬢風翻見二毛聞道山中止十驛
急須乘馬釀松醪

次韻繼學伯庸上都見寄

陰陰樓殿水雲蒼鳩鵲風微夏日長渾似醴泉宮畔境
千官齊立從文皇

欽定四庫全書

御選元詩

卷六十八

三十六

雲母屏前對玉皇

錢舜舉折枝菊

醉別南山十五秋雁聲深恨夕陽樓寒香似寫歸來夢
背立西風替蝶愁

薛濤牋

蜀王宮樹雪初消銀管填青點點描可是春山留不住
子規聲斷促歸朝

宮女度曲圖

望瀛法曲紫霞觴更按伊州奉玉皇翠竹涼深宮院密
新聲那得過宮牆

簡馬伯庸

象榻香濃翠幌春美人倦繡態橫陳平明欲進朝天鞵
小立蘭燈熨貼頻

李陵臺

雪衣寒沙風衣灰眼穿猶上望鄉臺隴西可是無迴鴈
不寄平安一字來

欽定四庫全書

御選元詩

卷六十八

三七

戲題樺皮

褐裳新脫玉層層紅葉朱蕉謝不能擬製小冠韜短髮
意行雲水一枝藤

翰林故事莫盛於唐宋聊述舊聞擬宮詞十首

錄八首

禁鐘初動趣傳宣衣袖薰香到御前漸近宮前扶下馬

內官分引導金蓮

御筆圓封草相麻龍牋香透擁金花儀鸞敕設庭前候

賜酒方終更賜茶

制草塗鴉未敢刑內璫宣引侍龍顏已分筆格金蟾滴
更賜端溪紫研山

春帖分裁閣分多宮娥爭餽纈綃羅青絲菜餅銀盤送
幡勝新題墨旋磨

文思如泉涌墨林屏風院吏不須尋舊時內相諸孫在
猶有當年埽閣金

入院聽宣席未溫賜金已向案頭存清晨上馬還家去

欽定四庫全書

御選元詩

卷六十八

三六

內出黃麻付閤門

天孫夜度玉潢清內托銀盤涌化生秋思未多團扇在
擬題宮怨月分明

盤雕暈錦是冬衣鴿炭初生酒力微聞道邊臣風雪苦
口宣臘藥布皇威

戲題開平四集

開平四集詩百首不是故歌行路難竹簟暑風茅屋下
他年擬作畫圖看

滕斌

夜雨

未到黃昏緊閉門
怒雷挾雨過前村
老夫熟睡渾不覺
風捲濤聲入夢魂

半生

半生獨受春風力
萬感相隨秋夜長
隱几無眠聽落葉
松梢搖雨濺山房

吟人

吟人瘦倚曲闌干
酒醒香銷午夢殘
燕子不來春社去
一簾疎雨杏花寒

碩裕實哈雅

題陳北山扇

秋鳴無數醉秦娥
却把輕風惹扇羅
明月碧澄天似水
此山雲氣動纖波

紅旭如鉛海上来
蒼蒼煙霧小蓬萊
東風昨夜醇如酒
吹得桃花滿樹開

欽定四庫全書

御選元詩

卷六十八

三十九

一簾明月倚闌干
宇宙尤宜就夜看
飛上仙查河漢近
手招沆瀣海銅盤

功成不用服丹砂
笑指雲霞總是家
清曉山中三尺雪
道人神氣是梅花

題廬山太平宮

山上清風山下塵
碧沙流水澹如春
不知松外誰敲月
驚動南華夢裏人

題岳陽樓

天遠岳陽樓影孤
下窺夢澤渺平蕪
城南老樹依然在
試問仙童重到無

宮詞

風外丁當響珮環
玉人依約凭湖山
侍兒報有君王命
月下輕輕整翠鬟

欽定四庫全書

御選元詩


卷六十八

四十

御選元詩卷六十八

謹案卷六十七第三十三頁後三行牡丹紅豆艷
春天按戴表元剡源集豆作紫今仍刊本

謹案卷六十七第二十三頁前七行呼喇珠舊作
忽刺木今改



總校官庶吉士臣侍朝
校對官檢討臣蕭九成
謄錄監生臣傅瓌芳

欽定四庫全書薈要

集部

御選元詩卷六十九
七十

欽定四庫全書薈要卷一萬八千四百八十一集部

御選元詩卷六十九

七言絕句三

曹元用

丁卯校藝貢院作

席廬清晝列千袍射策詞場百戰勞明日京華春榜揭
蓬萊天近五雲高

秋懷

欽定四庫全書

御選元詩
卷六十九

沙磧秋高宛馬肥哀笳一曲塞雲飛南都兒輩應相念
過盡征鴻猶未歸

題周曾秋塘圖

沙鳥飛鳴晚未休棹歌聲在百花洲題詩每恨無佳句
欲剪橫塘一片秋

張養浩

堂邑宣化堂退食

縣齋公退炷鑪熏聊為塵煩一解紛開戶不教香遠去

詳校官原任主事臣李斯咏

簞紋浮動半牕雲

行水災郊外

雲駁疎陰漏日華
曉曉晨色散林鴉
馬前怪底猶明月
路轉滿川蕎麥花

過李溉之天心亭

放眼乾坤獨倚闌
古今如夢水雲閑
南山也解留連客
直送嵐光到坐間

辛文房

清明日遊太傅林亭

隔水園林丞相宅
路人猶記種花時
可憐總被風吹盡
不許遊人折一枝

曹伯啓

九日省舅氏郭西獨行因書所見

浩浩陰風釀宿霾
道邊佛刹記曾來
蕎花不識秋光老
猶向桑陰密處開

遙空無礙日淒淒
過雨平田尚有泥
極目斷鴻明滅處

欽定四庫全書

御選元詩

卷六十九

二

淡煙衰草一時低

豪家此日醉金樽
驢背愁詩睡正昏
野雉一聲驚夢散
蒼煙起處是前村

劉賡

百門山

一泓寒碧湛空青
噴玉跳珠不少停
落日湧金亭下看
百泉亭是萬泉亭

太行山色撲亭除
疎影橫斜水竹居
寄語愛梅林處士

欽定四庫全書

御選元詩

卷六十九

三

蘇門風土勝西湖

張珪

題周曾秋塘圖

荷枯葦折淡秋塘
岸側夫容鏡裏妝
水宿雲飛禽共樂
不須別處覓瀟湘

李溥光

屏風山

何年雲母化蒼顏
闔境居民盡仰瞻
應是山城春意少

天教遮斷北風寒

孟淳

題高尚書夜山圖

月底江山如畫好樓中几席與秋清剡平不到高人手
一段風流可得成

江行山立月盤桓有客無言樓上看清興閒隨城漏盡
夜深風露恐高寒

白雲山

欽定四庫全書

御選元詩 卷六十九

四

萬疊巉巖一徑開中間空洞白雲堆陽坡草軟人稀到
惟有青猿曝背來

瀑布

聚不成雲散似煙自風自雨洞中天白龍飛下無尋處
化作鱗鱗碧一川

回回

賈公祠

烈日當空存大節嚴霜捲地揭孤忠至今凜凜有生氣

消得聲光吐白虹

馮翼

絕句

竹外斜陽賣酒家雨餘紅杏壓枝斜天涯無限傷春意
自向風前拾落花

任士林

四雁圖 錄二首

江北江南秋正驕孤飛萬里氣方豪平生慣有冰霜翼

欽定四庫全書

御選元詩 卷六十九

五

却笑東風燕雀高

孤味雙翎睡古香蘆花水淺海雲黃城頭未落三更月
夢入青天萬里長

贈相者王月屋

布囊詩卷勝黃金白紵烏紗碧眼深自是清時少遺逸
不須物色到山林

姚式

題息齋居士畫錢德鈞水村圖

問君何許水邊村亦有扁舟乘興人無限好山茅屋外
他年儻許我為鄰

馬祖常

驪山

繡嶺春來綠樹圓東風吹影入溫泉華清夢斷飛塵起
玉雁銜香墮野田

河湟書事

陰山鐵騎角弓長間日原頭射白狼青海無波春雁下

欽定四庫全書

御選元詩

卷六十九

六

草生磧裏見牛羊

波斯老賈度流沙夜聽馳鈴識路賒採玉河邊青石子
收來東國易桑麻

七夕舟中苦熱

嘗憶銀牀桐泣露更思玉腕蔗流漿天孫初嫁龍綃薄
却恐秋河入夜涼

春日即事

梨花白罷海棠紅誰為韶光次第工小閣卷簾春事晚

佇看蝴蝶過庭東

送胡古愚還越

送客歸山天正霜吳江蟹美橘初黃上林千樹櫻桃熟
莫戀金華是故鄉

閩浙之交三首

閩嶠人居晷畫圖客行只欲望京都荀與軋軋相思嶺
秋雨空濛叫鷓鴣

欽定四庫全書

御選元詩

卷六十九

七

時有丹禽哺子歸

山溪秋瀨急飛淙萬斛跳珠濺石矸閩女唱歌來漂苧
素馨花插髻了雙

五月芍藥

紅芍花開端午時江南遊客苦相疑上京不是春光晚
自是天家日景遲

貢院次曾子真尚書韻

杏園三月換銀袍燕子西飛背伯勞賦罷長楊傳唱急

天門金榜日華高

紅綾餅餡出宮闈
賜宴恩榮玉殿西
白髮詞臣曾射策
榜名欣見武都泥

殿試和李參政韻

五雲天近畫香殘
紅白花枝滿藥闌
一夜東風吹小雨
殿頭持卷隔簾看

丁卯上京四絕

山雨晴時已是秋
苑中行殿日華浮
長楊十里旌旗宿

不使飛霜入畫樓

欽定四庫全書 御選元詩 卷六十九

八

離宮秋草仗頻移
天子長楊羽獵時
白雁水寒霜露滿
騎奴猶唱蹋歌詞

海國名鷹豈鷗胎
渥洼天馬是龍媒
明時不惜黃金賜
只欲番王萬里來

持橐詞垣已賜金
對衣侍拜更恩深
何如坐索長安米
只有詩歌滿翰林

御溝春日偶成

御溝流水曉潺潺
直似長虹曲似環
流入宮牆才一尺
便分天上與人間

水南沙路雨清塵
桃李花開蛺蝶春
三月京華寒食近
東風十里酒旗新

趙中丞折枝圖

牡丹

洛陽春雨濕芳菲
萬斛胭脂染舞衣
帳底金盤承露
東家蝴蝶不須飛

石榴

欽定四庫全書 御選元詩 卷六十九

九

芙蓉

乘槎使者海西來
移得珊瑚漢苑栽
只待綠陰芳樹合
蕊珠如火一時開

山茶

館娃宮裏醉西施
不覺秋生水殿時
酒病却嫌丹粉惡
洗妝天上影娥池

山茶

火齊珠紅拂翠翹
石家步障曉寒消
干枝蠟炬燒春夜

羯鼓催花打六么

絕句

江南女兒年十五兩髻了了面粉光小紅船上採蓮葉

北客初來應斷腸

翡翠明珠載畫船黃金膏帶耳環穿自言家住波斯國

只種珊瑚不種田

角東賈客錦花袍海上新妝翡翠毛買得吳船載吳女

都門日日醉春醪

欽定四庫全書 御選元詩 卷六十九

寄示男武子

爛漫天孫織錦機春風吹雨洗芳菲香泥滿地照脂濕

只許新來燕子飛

桃花馬

白毛紅點巧安排勾引春風上背來莫解雕鞍橋下浴

恐隨流水泛天台

擬唐宮詞

銀牀井冷露溥溥半臂熏衣釧辟寒不恨長門冬夜永

小奴休報鞦羅單

八姨粉翠錫千緡脂盃新妝百寶勻白髮上陽宮女老

補衣重折繡麒麟

露蘭研粉壽陽妝簾內新燒百刻香圓舌教成鸚鵡語

偷將玉笛送寧王

花氣蒸霞淑景明望仙樓上看彈鶯李暮吹笛官牆外

學得梨園第幾聲

集素王二學士詩為首二句祖常足成之

欽定四庫全書 御選元詩 卷六十九

石城月落鴉棲堞秋浦天清雁拂簷春送亂紅浮酒面

山飄空翠濕書籤

張起巖

題金臺集

崇天門下聽臚傳臺閣聯翩四十年今日懸車歸故里

杖藜攜酒落花前

玉帶難圍老病身廟堂補報乏涓塵哀年作別情懷惡

秉燭題詩贈故人

愛君談辯似懸河更喜交情古意多長使馬周貧作客
令人千古媿常何

百尺高樓易水東千金曾此設英雄君來却在承平日
先策詩壇第一功

濰縣八景 錄四首

南溪垂釣

垂柳陰陰護碧溪溪邊釣叟坐苔磯是非撥置綸竿外
閒看沙頭白鷺飛

欽定四庫全書

御選元詩

卷六十九

十三

孤峯夕照

一抹殘陽碧映岑孤峯倒影月成陰牧童橫笛歸家去
鞭趁牛羊出遠林

麓臺秋月

銀河漾漾淨天街碧月輝輝照麓臺臺上讀書燕公子
清光依舊向人來

青陽晴眺

秋風雨霽碧天涼極目城樓逸興長幾簇人家山色裏

一川禾黍半蒼黃

貢奎

槍竿嶺

百折迴岡勢欲迷舉頭山市與雲齊經行絕似江南路
落日青林杜宇啼

上藍寺

古寺迴廊雪滿階官閑因訪老僧來一方晴日簷聲響
絕愛小牕臨竹開

欽定四庫全書

御選元詩

卷六十九

十三

舟中偶成

稻花水落正魚肥湖上孤雲帶雨歸林影倒涵波鏡動
白鷗低傍釣船飛

偶成

潏潏橫塘柳四圍雨餘來看綠陰肥燕翎拂處波如縠
半幅深紅漾落暉

望池州山

少年江上一官閑老去重來似夢間欲覓故人行樂處

白雲遮盡九華山

慈湖磯

碧蘿交蔓絡崖陰潭底潛蛟萬仞深今古江流推不去
濕雲長護最高岑

寄報國寺訢笑隱

江海無端客路長扁舟明日棹滄浪遙知風雨溪窗夜
夢逐潮聲到上方

許有壬

琳宮詞次安南王韻

涼入簾幃夜色輕瑤臺添月更虛明一壺天地渾無迹
只有清風動竹聲

山中活計只餐霞世事茫茫日自斜謫到玉堂無好況
夜深猶草侍中麻

和喀爾子山韻

洞深春早透蘭芽窗曉雲香亂海霞萬丈紅塵飛不到
紫簫吹綻碧桃花

欽定四庫全書

御選元詩

卷六十九

十四

李陵臺

李陵臺下駐分臺紅藥金蓮徧地開斜日一鞭三十里
北山飛雨逐人來

都門柳

都門四十里青青幾度迎人幾送行老子有言來致柳
只煩相送莫相迎

夜次館陶

三老趨程不憚勞船頭坐看月輪高煙村漁火微茫外
一簇人家是館陶

即事

幾家門繫釣魚船一陣風香燎麥煙畫出太平村落景
酒旗多在綠楊邊

遠浦客帆明冉冉前村牧笛響嗚嗚園桑葉盡蠶成繭
庭樹陰濃燕引雛

次和可行圭塘雜詠

日夕觀山

欽定四庫全書

御選元詩

卷六十九

十五

林慮千仞翠巖巖罨畫工夫在暮嵐徒倚崇臺觀未足
紅輪西北月東南

雨中移竹

山人聚景作池臺移得龍孫帶雨栽頃刻雲間晴日上
便教陰過酒尊來

許有孚

圭塘雜詠并序 錄三首

圭塘亭臺浚築之役經始及落成有孚實皆與聞

欽定四庫全書

御選元詩

卷六十九

十六

吾兄時一來遊雖乘興忘返而芳春長夏秋晴冬

燠有孚獨得賞玩竟日不敢孤兄之賜謹取日所

為事各成小詩題曰圭塘雜詠用發長者一笑塘

之可詠者不止此又當別撰拜呈

柳下聽鶯

陰陰煙翠足潛身其奈嬌喉百轉新却憶當年閨閣曉
恩袍光照上林春

日夕觀山

晚晴臺上看巉巖萬壑千峯起翠嵐恰似雲間招五老
今宵有夢定江南

遶隄種菊

酒熟同招隱士看飢來忍把落英餐春風無限閑桃李
不似黃花耐歲寒

睡起偶成

清風枕簟水雲鄉夢覺槐根百慮忘起課山僮笑多事
飼魚跟藕摘蓮房

欽定四庫全書

御選元詩

卷六十九

十七

王約

題周曾秋塘圖卷

泛泛澄波綠滿池橫塘風景四時宜鴛鴦鷓鴣貪嬉戲
春去秋來摠不知

王毅

題周曾秋塘圖

兩兩幽禽渺渺波蒹葭荷葉澹相依只愁夜半秋聲起
滿耳西風吹夢歸

趙世延

題周曾秋塘圖

傍水芙蓉照晚妝
溪禽沙鳥滿秋塘
枯荷折葉葦葭外
不著黃花噴晚香

蒲道源

次仇教授西鄉道中言懷

荆榛莽莽暗前村
有花枝弄好春誰料
山禽解生事
一聲腸斷未歸人

欽定四庫全書

御選元詩

卷六十九

十八

花枝不管人為客
笑向春風滿意開
忽憶尋芳年少事
夢魂曾繞故鄉來

題洋州土神祠海棠

一點芳心肯破慳
恨無紅錦護朝寒
花如解語應須道
多謝詩人著眼看

題蒼玉亭卷

冷光翠色入疎櫺
歲晚相看眼共青
靜聽蕭蕭有餘韻
似能和我讀黃庭

題墨梅圖

春風不解惜瓊英
可是招魂有客卿
記得小橋曾度處
數枝和月浸溪明

己巳上元

太平節物自欣欣
燈火鼇山闌徹晨
今夜月華依舊好
可憐只解照愁人

賦柳

枯樹生莢色已嬌
低垂江岸映溪橋
東君不惜黃金縷
散作春風十萬條

欽定四庫全書

御選元詩

卷六十九

十九

雷機

天游峯

俗鞅塵羈可自由
今我始泛武夷舟
登高識得天游趣
三十六峯雲影秋

陳櫟

晚蟬

秋早梧桐颭晚風
鳴蟬無數樹陰中
斜陽似假渠聲勢

只是斜陽不久紅

王振鵬

蜻蜓

露涼芳草曉風吹
紗翼輕明水影歛
莫便臨平山下去
眼睛雙眩碧琉璃

郭天錫

次韻素通甫

晚風索索酒初醒
巖桂花開香滿庭
掩書不讀亦不寐

欽定四庫全書

御選元詩

卷六十九

三

明暗一燈如露螢

宿焦山上方

揚子江頭風浪平
焦山寺裏晚鐘鳴
爐煙已斷燈花落

喚起山僧看月明

何中

夕陽

夕陽盡入笛聲中
兩岸漁樵一水通
楊柳已疎楓漸落

黃花渾未識秋風

次史葯房池上即事韻

萬蕊蜚香百草芽
簾旌不動柳陰斜
幽禽還識欄邊客
曾立東風仗外花

登高

數峯高聳萬峯低
看到斜陽意欲迷
一朶碧雲深淺碧
殷勤只在數峯西

小齋獨坐

老蘇朱墨十分工
應笑林間遠世蹤
翠樹元蟬秋滿院

欽定四庫全書

御選元詩

卷六十九

三十一

更添何處一聲鐘

穆山

一陂凝綠倒垂天
直上層峯積翠邊
迢遞煙雲三百曲

水聲徐出石門前

維揚道中

淮天如水水如秋
葉葉漁郎下釣舟
北畔荷花南畔柳
殷勤送我到揚州

香霏滿櫂渡長溝
濃著秋光淺著愁
日暮女郎清唱發

鴛鴦斜拂柳邊州

邗溝

哀柳殘荷并慘然
青山隔岸弄嬋娟
多情惟有邗溝水
長送江南過客船

微雨

一天微雨濕芳塵
紅綠相依幾聚春
家在海棠花下住
傷心長是未歸人

放船

晚色重重放客舟
輕風吹漾落潮流
林巒盡異來時路
知是明朝到福州

清江道間阻雨

峯影微昏樹影明
人煙深淺水縱橫
前時逢雪今逢雨
長在江南畫裏行

新淦藍步溪

陰靄通煙翠作霏
春風入雨暖成泥
女郎挑菜不知濕
調笑相攜過水西

欽定四庫全書

御選元詩

卷六十九

二十三

酬友人見訪不遇

荷笠深山采藥回
荆扉石徑損秋苔
花邊稚子相迎說
昨日有人騎馬來

荷花

曲沼芙蓉映竹嘉
綠紅相倚擁雲霞
生來不得東風力
終作薰風第一花

除夜自封溪歸高淵

鴛鴦翻雨戲迴溪
溪路迢遙濕翠圍
隔竹杏花紅萬點
何因知我此時歸

豫章登舟作

城南無樹識神仙
閒往閒來四十年
西岸青山東岸塔
為誰相對老秋煙

象牙潭

水禽兩兩樹三三
近浦遠峯隔嫩嵐
新換一天秋色別
短篷又過象牙潭

豐城道中

欽定四庫全書

御選元詩

卷六十九

二十三

江村南北笑聲頻紅燭花時次第新春水漸生桃葉渡
小舟時載嫁歸人

錢資深

題趙榮祿水村圖

屋後青山門外溪疎疎蘆葦護魚磯地緣清絕人堪笑
長是三春雁不歸

王禎

籃

欽定四庫全書

御選元詩

卷六十九

三十四

賣花擔上兩相宜斲藥山前屢挈歸何以採桑盛葉好
是中還有綺羅衣

拖車

早同農具破煙來暮帶樵薪載月迴不比看花南陌上
雕輪繡轂殷春雷

木棉彈弓

主射由來殼此弓豈知弦法有他功却將一掬香絲朶
彈作晴雲滿座中

虞集

木夫容

九月襄王宴渚宮霓旌翠羽度雲中滿汀山雨衣裳濕
宋玉愁多賦未工

水夫容

長洲宮沼醉西施蕩漾蘭舟不自持願奉君王千歲樂
一盤清露玉淋漓

送四川憲使

欽定四庫全書

御選元詩

卷六十九

三十五

錦溪園裏千尋竹夏日移牀就綠陰烏帽練衣印竹杖
閒來誰與共清吟

已歎元經返墨池復愁國史奉嚴祠離鄉遊子歸仍晚
獨對東風惜鬢絲

小東郭外今無舍萬里橋西況問田不恨錦官非昔日
但尋玉局是何年

曹將軍馬

高秋風起玉關西踏鐵歸朝十萬蹄貌得當時第一匹

昭陵風雨夜聞嘶

王母圖

西望瑤池斗柄旋金明水淨月娟娟請觀阿母神仙籍
名在龜山第幾篇

竹杏沙頭鷓鴣

蛺蝶飛來石竹叢羅襦曾試繡紋重荷花啼鳥銀屏暖
卧看窗間唾碧茸

記夢中詩

欽定四庫全書 御選元詩 卷六十九 三五
出海雲霞九色芒金容混漾水中央向曾賜服元洲玉
今結蕭臺五鳳章

飛步崔嵬上九宮親題綠筆篆明虹玉樓臨海連天碧
待子扶桑鶴出籠

失脚漁磯返棹遲幾回石上候來期老翁巖下諸年少
總解題詩笑鬢絲

錢舜舉折枝芙蓉

白髮多情憶劍南秋風溪上看春酣剪來一尺吳江水

擬比千花濯錦潭

賦故宋李文襄公植烏石渡舊隱

窈窕幽篁帶薜蘿青春白日坐蹉跎試詢烏石江頭水
寧有微波接汨羅

訪杜弘道長史不值道中偶成

雨泥輕塵道半乾朝回隨處借花看牆東千樹垂楊柳
飛絮時來近馬鞍

聽雨

欽定四庫全書 御選元詩 卷六十九 三五
屏風圍坐鬢毵毵絳蠟搖光照暮酣京國多年情盡改
忽聽春雨憶江南

春雲

春雲漠漠度宮城樓雪初融水未生行過御溝成久立
起頭枝上有流鶯

與趙子期趨閣

日出風生太液波畫橋千尺綵船過橋頭柳色深如許
應是偏承雨露多

玉堂讀卷雜賦

待漏宮門聽鑰開袖中進卷總賢才奏名殿裏千花合
傳勅堦前好雨來

千花拂檻柳垂絲畫刻傳呼淑景遲聖主自觀新進策
侍臣簪筆立多時

院中獨坐

何處他年寄此生山中江上總關情無端繞屋長松樹
盡把風聲作雨聲

欽定四庫全書

御選元詩

卷六十九

三六

題歐陽原功少監家柯敬仲畫

淞陽日日水生波翠袖黃裳晚棹過珠樹月明花婀娜
鳳毛春暖錦婆娑

楚宮朝雨過江潭燕燕新來試浴蠶庭下錦衣皆稚子
江南春色是宜男

紹興間臨安士人有賦曲一春長費買花錢日
日醉湖邊玉驄慣識西湖路驕嘶過沽酒樓前

紅杏香中簫鼓綠楊影裏鞦韆晚風十里麗人

天花壓鬢雲偏畫船載得春歸去餘情付湖水

湖煙明日重攜殘酒來尋陌上花鈿忠陵見而

喜之恨其後疊第五句酸寒改曰重扶殘醉因

歐陽原功言及此與陳衆仲尋腔度之歌之一

再董此字求書其事因書之并系以此詩

重扶殘醉西湖上不見春風見畫船頭白故人無在者

斷堤楊柳舞青煙

八月十五日得旨先歸驛騎在門復召還草詔

欽定四庫全書

御選元詩

卷六十九

三五

十七日至桓州驛題壁

烏桓東望天無際祇有銀蟾出海頭不得吹簫送清夜
禁城鐘鼓度中秋

酬書巢送梭帚

積雨蒼苔路不分松花盡日落紛紛塵埃滿袖歸來晚
誰與柴門掃白雲

子昂畫

棠梨枝上白頭翁墨色如新最惱公直似故園花石外

銅盤和露寫東風

畫馬

蕭條沙苑貳師還
首宿秋風盡日閑
白髮圍人曾習御
長鳴知是憶關山

題納涼圖

百頃芙蓉水滿隄
綺窗只在畫橋西
羊車薄暮過湖曲
驚起鴛鴦不並棲

息齋竹

紫貂早解獵圍驂
一棹夷猶雪滿簪
山雨欲來春樹暗
盡將情思寫江南

題子昂春江聽雨圖

憶昔江湖聽雨眠
翩翩歸雁度春前
數株古木倚茆舍
老去何年踏釣船

次韻杜德常典籤秋日西山有感

落日龍舟山下回
寺門依舊對山開
霜凋碧樹煙生草
從此頻傷八月來

欽定四庫全書

御選元詩

卷六十九

三十

每進文章出殿遲
日華西轉萬年枝
甘泉罷幸揚雄老
滿鬢秋風不受吹

題柯敬仲畫

牽牛引蔓上棠梨
上有幽禽夜夜棲
自信秋風動疎竹
江南落月不須啼

題蔡端明蘇東坡墨蹟後

東坡墨蹟云天際烏雲含雨重樓前紅日

照山明嵩陽居士今何在青眼看人萬里情此蔡君謨夢中詩也僕在錢塘一日謁陳述古邀余飲堂前小閣中壁上小書一絕君謨真跡也綽約新嬌生眼底侵尋舊事上眉尖

欽定四庫全書

御選元詩

卷六十九

三十一

問君別後愁多少得似春潮夜夜添又有人和云長垂玉筋殘妝臉肯為金釵露指尖萬斛閑愁何日盡一分真態為誰添二詩皆可觀後詩不知誰作也杭州營籍周韶多蓄奇茗常與君謨鬪勝韶又知作詩子容過杭述古飲之韶泣求落籍子容曰可作一絕韶援筆立成曰隴上巢空歲月驚忍看回首自梳翎開籠若放雪衣女長念觀音般若經韶時有服衣白一坐嗟嘆遂落籍同輩皆有詩送之二人最善胡楚云淡妝輕素鶴翎紅移入朱闌便不同應笑西園舊桃李強勻顏色待春風龍情云桃花流水本無塵一落人間幾度春解珮暫酬交甫意濯纓還見武陵人固知杭人多慧也

祇今誰是錢塘守
頗解湖中宿畫船
曉起關茶龍井上

花開陌上載嬋娟白樂天蔡君謨陳述古蘇子瞻皆抗守也

老却眉山長帽翁茶煙輕颺鬢絲風錦囊舊賜龍團在

誰為分泉落月中

三生石上舊精魂解后相逢莫重論縱有繡囊留別恨

已無明鏡著啼痕

能言學得妙蓮華贏得春風對客誇乞食衲衣渾未老

為題靈塔向金沙丹丘柯敬仲多蓄魏晉法書至宋人書殆百十函隨以與人弗留也他日

獨見此軸在几格間甚怪之及取觀則吾坡翁書蔡君謨夢中詩及守居閣中舊題也第三詩以為不知何人

欽定四庫全書

御選元詩

卷六十九

三

作其軒轅彌明之流與陳太守放營妓三詩亦辱翁翰墨流傳至今亦有綠耶卷後多佳紙敬仲求集作詩識其後賦此四首是日試郭此墨但目疾轉深不復能作字又不知年歲後雖若此者亦尚能作否臨楮慨然至順辛未二月望日蜀人虞集書

題著色山圖

巫山空翠濕人衣玉笛凌虛韻轉微宋玉多情今老矣

閒雲間雨是耶非

臘日偶題

舊時燕子尾毵毵重覓新巢老未堪為報道人歸去也

杏花春雨在江南

與陳升海

門外大風都不起窗前卷書淨如水匡廬道士上清來

吹笛數聲月明裏

題扇與周幹臣

玉疊松花蜜餅香龍珠星顆露盤涼遙知環碧樓中坐

翠竹蒼松夏日長

趙千里小景

欽定四庫全書

御選元詩

卷六十九

三

前代王孫不好武拈筆幽窗寫汀渚殘雲野水三百年

依舊松筠濕春雨

韓幹馬

開元沙苑蒺藜秋韓幹新圖總不收天廡真龍奇骨在

故知臣甫負驂騑

曹霸下槽馬

樞下長年飽豆芻誰通馬語識踟躕主恩深重知何報

或者東封駕鼓車

題饒世英所藏孤鶴圖

海風吹月憶危巢清夜梳翎雪墮均仙客不知猶是畫
每聽長唳向松梢

贈朱萬初

珥貂鳴珮入明光新墨初成進御牀草野小臣春夢短

猶懷染翰侍君王

天歷己巳天下大定中外又安天子始作奎章之閣於宮廷之西日親御

翰墨時榮公存初喀爾公子山皆近侍閣下以朱萬初所製墨進大稱旨得祿食藝文之館其名籍甚邈在草野豈勝千古之思乎

欽定四庫全書

御選元詩 卷六十九

三四

延閣晨趨接珮聲又紆朱紱向江城丹心要似東陽水

釀作官壺徹底清

朱萬初以年勞恩賞出佐帥幕南海轉丞東陽東陽文物之邑俗第以名

酒歸之豈其山川之望哉韓文公譏丞不負余余負丞今丞凡邑之風俗教命刑獄科賦無不得言言之當無不可行存乎其人而已萬初勉之

雪後偶成

曉來殘雪在波陀遠似羊羣或似鶻憶踏春泥看柳色
駝裘貂帽度冰河

自贊題白雲求陳可復所寫像

歸來江上一身輕野服初成拄杖行祇好白雲相伴住
天台廬阜聽松聲

子昂竹

憶昔吳興寫竹枝滿堂賓客動秋思諸公老去風流盡
相對茶煙颯鬢絲

題大別山栢圖

憑陵霜雪鼓風雷此樹相傳手所栽想見樓頭黃鶴客
千年一度此山來

欽定四庫全書

御選元詩 卷六十九

三五

中秋前偶賦

一室蕭然絕蔽虧桂香初發自先知已無熱惱仍無夢
坐到空林月落時

空林月落大如盤雞犬無聲曉氣寒童子擬謀朝一食
玉杯盛得露漙漙

一杯濃露滑如飴灌溉清涼可療飢畢力石田嗟已晚
空山何處採靈芝

采芝不覺過前山偶答樵歌暮却還人影自行殘照外

雨雲先入翠微間

次韻荅魯子翬參政

海風吹雨散晨曦
紈扇高堂兩鬢絲
想見東南賓客盛
臨江醜酒看潮時

病鶴前年下玉京
空巢聊寄一毛輕
白雲千載悠悠外
自照寒溪野水清

玉龍圖

貝闕澄澄海月生
水晶簾影接空明
蛟綃剪得霓裳就

却擁冰髯上太清

郭熙畫本

江南喬木已無多
誰畫參天鐵石柯
記得玉堂春畫水
寒林坐對老東坡

贈間白雲

白雲東去又經春
每想飛鴻到水濱
幾箇遮山松樹子
憑君灑雨洗埃塵

無題

欽定四庫全書

御選元詩

卷六十九

三十六

貝闕珠宮夜不眠
露華浩浩月娟娟
不應又作人間夢
窈窕吹簫度碧煙

聞機杼

咿啞機杼隔林幽
夢覺江湖憶舊遊
滿地月明涼似水
數聲柔櫓過揚州

溪橋踏雪

萬竹亭亭積雪明
衝寒先到寄高情
過橋不是尋常客
共聽空山裂帛聲

欽定四庫全書

御選元詩

卷六十九

三十七

賦范德機詩後

玉堂妙筆交游盡
投老江南隔死生
最憶崖州相憶處
華星孤月海波清

癸酉歲晚留上方觀

燈前自了讀殘經
風入疎簾月入櫺
坐到夜深誰是伴
數枝梅萼一銅瓶

偶行幽徑豈尋春
忽見蘭叢紫茁新
幸自林深可終日
莫將香引路行人

山中積雪到簷端獨對篝燈坐夜闌不是梅花心似鐵
如何禁得許多寒

桂亭

夜色澄澄海氣深水光蕩漾入簾旌冰肌玉骨便清夢
不為吹簫送月明

田舍

晨昏車馬亂雲煙花下追遊亦偶然百舌無聲春亦去
蕭蕭田舍日高眠

欽定四庫全書

御選元詩

卷六十九

三六

別燮元圃後重寄

郭西山路有寒梅想見臨行首重回夜聽雨聲知水長
滿船明月幾時開

古檜

根到深泉石作身疎疎香葉不知春海波不動天風遠
千歲寒蛟作老人

王朋梅東涼亭圖延祐中奉勅所作草也

灤水東流紫霧開千門萬戶起崔嵬陂陀草色如波浪

長是鑿輿六月來

丁卯禮部考試次韻

憶昔陂頭接錦袍深堂披卷劾微勞三年重得同清夜
宮燭風簾見月高
袍鵠鏘鏘赴曉闈分廬陳藝列東西憑教紅杏休開徹
早晚開關蹋雪泥

贈傅與礪

水玉空青不易求蘭苔翡翠擅清秋才情豈是人間少
不到高唐夢未休

欽定四庫全書

御選元詩

卷六十九

三十九

洪厓橋

澄江如練碧悠悠一色蘆花覆遠洲無盡春天歸雁急
月明寒影不曾留

青山白雲圖

獨向山中訪隱君行窮千澗水云云仙家更在空青外
只許人間禮白雲

御選元詩卷六十九

欽定四庫全書蒼苔要卷一萬八千四百八十二 身部

御選元詩卷七十

七言絕句四

楊載

客中即事

漸覺星星兩鬢皤推愁不去奈愁何客中忘却春光度
驚見前林嫩竹多

終朝兀兀坐書帷春去春來總不知怪得山禽如有意

欽定四庫全書

御選元詩

卷七十

隔窗撩亂踏花枝

幾日懸懸雨不休客窗孤迥使人愁杜鵑啼切知何處

坐對雲山萬木稠

美木千章繞故宮如煙如霧塞虛空路衝南北山岡斷

披拂能來萬里風

沙雁

漠漠寒煙樹影微一行沙雁背人飛江南江北秋將盡

客子如今猶未歸

扇上竹

種竹何須種萬竿一枝分影亦檀欒秋宵更受風披拂
聽取清聲入夢寒

次韻康子山舍人

兼旬風雨氣寒涼院落幽深草木長却喜今年多夏果
碧苞丹實滿林香

欲賞秋花色已涼碧雲散盡楚天長姮娥舊種無多樹
何故人間有此香

欽定四庫全書

御選元詩

卷七十

到京師

城雪初消薺菜生角門深巷少人行柳梢聽得黃鸝語
此是春來第一聲

送人

客路逢春雪乍消眼前愁思轉相撩垂楊染作黃金色
舞徧東風萬萬條

金溝河上始通流海子橋邊繫客舟却到江南春水漲
拍天波浪泛輕鷗

畫石竹

林前怪石起參差
篁竹叢深使客疑
如過瀟湘江上路
鷓鴣啼罷日西時

宿浚儀公湖亭

夜泊湖亭水氣涼
四更風露濕衣裳
空濛霧重前山暗
屋角斜明是月光

兩兩三三白鳥飛
背人斜去落漁磯
雨餘不遣濃雲散
猶向前山擁翠微

欽定四庫全書

御選元詩
卷七十

三

幾年鄉夢隔江湖
此日登臨興不孤
小艇欲行無遠近
不愁歸醉要人扶

題十二紅卷子

碧桃枝上有珍禽
調舌交交聽好音
畫出江南春意思
明年攜酒共追尋

喜晴

樓外斜陽放晚晴
街衢前後聽歡聲
回舟更倚南風順
千里青山照眼明

紀夢

四面青山擁翠微
樓臺相向闕天扉
夜闌每作遊仙夢
月滿瓊田萬鶴飛

紛紛鸞鶴滿虛空
耳畔如聞渡海風
直上雲霄千萬里
此身飛入紫微宮

用韻送德陽入越為贅壻

輕霞薄霧詰朝晴
岸柳江梅著樹明
更向若耶溪上聽
旁人歌唱盡春聲

欽定四庫全書

御選元詩
卷七十

四

次韻雪

研光帽子舞山花
吹落曾城萬仞斜
安得鸞輪為我駕
一時飛到列仙家

陽關圖

咸陽西距玉門關
萬里征人憚往還
此別尊前須盡醉
相逢俱是鬢毛斑

范梈

懷小柏

手植庭前小柏樹分枝帶葉總天成
涉旬不見長相憶
況是經年別友生

五月二十六夜宿松林蘭若

白沙寨下接飛霞行至招提日已斜
睡覺忽聞山寨語
不知今夕離吾家

發湖口

已過匡廬却向西片帆猶逐暮雲迷
路長正是思親節
取次驚猿莫浪啼

欽定四庫全書

御選元詩

卷七十

五

潯陽

露下天高灘月明行人西指武昌城
扁舟未到心先到
卧聽潯陽誰鼓聲

十月白牡丹鄧州孫氏家植也

霜檻枝頭結素雲分明便有繡成羣
紫皇為愛春風早
時向瑤臺折贈君

以瓊扇一握奉致黃明府

拾得炎州月一團殷勤持贈比琅玕
情知已是秋風後

留作明年九夏寒

鍾陵夜宿聞鐘

中年江海夢靈皇夜半聞鐘似上陽
一百八聲猶未已
更兼雲外雁啼霜

日晏

昨日相期早出村今朝日晏未開門
可人一夜東風雨
綠遍天街舊草痕

答贈晚春

懶向佳人說翠微長安陌上見春暉
誰家門巷花狼籍
吹作漫天白雪飛

院中夜直

此身只似到南州莎草寒雞一片秋
後夜玉堂誰上直
料應少睡更多愁

離揚州

孤蓬如磨遠汀沙葉滿平湖藕未花
回首竹西亭漸遠
一江煙雨酒旗斜

欽定四庫全書

御選元詩

卷七十

六

過三合驛

一春歸計又蹉跎窮粵風光奈病何總有青山千萬疊
行人長少鷓鴣多

江上古祠

老樹昂藏倚岸隈祠靈經歲鎖蒼苔豚蹄卮酒能多少
便有羣鴉旦暮來

湖面

湖面春深暖氣勻青蕪未損已知春沙灣散駐張魚客

欽定四庫全書

御選元詩

卷七十

七

葦室時驚射雁人

北山谷中老父

無多林屋冠青山長子成孫鬢未斑問我鄉園何處是
半生江海未知還

渡端州峽

櫂郎得便泝清流忽報舟前曉霧收蠻語酬人翻自苦
好山不敢問何州

正月二十四日至寶圭驛是北流縣自此遵陸

指鬱林矣

遠辭京闕碧雲端泝盡夷江未到官回雁峰南更千里
是行誰為報平安

得樟樹鎮便寄家書

商船夜說指江西欲託音書未忍題收拾鄉心都在紙
兩聲杜宇傍人啼

瓊州出郭

自出瓊州古郭門更無平行似中原重重葉暗枕椰雨

欽定四庫全書

御選元詩

卷七十

八

知是黎人第幾村

臨高阻雨

恐傾南海成秋雨急喚西風作晚涼淨掃黎山須見骨
莫令楚客屢回腸

檳榔葉

秋入黎山風雨多長江不定駐驚波翠榕葉底聞鸚鵡
自此無如客思何

安定縣

島上晴雲滅復生誰家吹笛海天明
縣前曉起西風急
半是深黎夜雨聲

至富屯

承恩千里出江鄉轉歷三關道路長
黃葉霧開山市集
見人鳧雁憶橫塘

遊南臺閩粵王廟

海角釣龍人杳杳雲間待雁路迢迢
若為借得山頭石
每到高秋坐看潮

欽定四庫全書

御選元詩

卷七十

九

池館夜坐聽雨

更聲隨雨動譙門頗似聽泉宿
楚原客裏青燈如骨肉
獨能相待向黃昏

懷京下親友

海上經年思殺人絕憐京國舊交親
過江惟有傳柑使
寄得書回是暮春

寓書

欲寫鄉書寄故園行人已遠意空存
舉頭却見南來雁

箇箇隨春度塞門

憶得

憶得佳人白紵詞幾將天外數歸期
自從落盡庭前樹
夜夜秋聲總不知

贈郭判官

慈烏夜夜向人啼幾度紗窗兔魄低
自有平安三百字
無因却寄大江西

卧病

朝來忽見樹巖霞碧草春邊徑路斜
佳客不來春雨盡
山禽啄遍小桃花

清明日留西山

離家六度見清明知是何時出帝京
今日登臨倍惆悵
好山多似豫章城

西谷訪人不遇

出郭幽人晚未歸青天咫尺見何稀
一年祇有春晴好
多事楊花學雪飛

欽定四庫全書

御選元詩

卷七十

十

春日上平坡寺

蘿徑陰陰近百層金輿記是昔人登山僧苦避尋詩者
牢閉柴門喚不應

章義門送人還南城觀臺

郊原平晚綠萋萋獨上高臺意轉迷古樹鳴蟬城下路
送人長憶向安西

懷臨江寓居

石霜峰北淦西頭寄住林塘數畝幽比及到家猶是客

欽定四庫全書

御選元詩
卷七十

十一

對人強自說鄉愁

清明日

旅庖欲禁自無煙酒裏中原熟食天不分小桃紅似火
為人兒女照鞦韆

絕句

幽人不出戶常開看盡春風長綠苔多謝有情雙燕子
暫時飛去又飛來

題松雪圖

旁人不識歲寒松憐殺深山大雪封待得化為東海水

青天白日睡蒼龍

公堂暇日

新起危樓接大荒海天奇觀壓殊方周牆恨未高千尺
猶見他家竹短長

將如靖安徐文學自新擘舟來候良有古意以

詩留別

西風危棧逼青雲稍下臨江細路分問縣尚須窮日到

欽定四庫全書

御選元詩
卷七十

十二

棹歌無計得留君

懷京城諸公書崖州驛四首 錄三首

甚憶清河元侍講送行猶有玉堂詩只今夜夜隴頭月
照見征人有所思

繡衣御史果能文蜀道新來有李君記得京城黃菊爛

為余來覓董將軍

妙為文字吾雄甲精切於今孰與傳說著奉常虞博士

恨渠猶不見崖州

縣下鑿池種樹成叢晨起視水深五寸而草樹

承夜雨後蒼翠鬱然可愛戲題廳柱

檳榔池上芭蕉雨更種垂楊十六株中有玉堂蕭散吏

檢書正對輞川圖

至烏石邸舍

苦竹叢西石色烏來時依舊驛亭孤自從歷徧崖州路

不敢彎弓射鷓鴣

福州雜詩

欽定四庫全書

御選元詩

卷七十

十三

前日題詩自候官計程今日到雲端家人定得平安字

最念癡兒不解看

海隅霜熟蠟房肥獅子橋東望翠微安得建陽一斗酒

少隨甘旨到柴扉

虎豹幾曾驚石鼓魚龍獨解隱金沙遮歲翠荔餘千剝

掩映朱霞倚萬家

至海口

曾隨仙仗集靈臺流落於今豈不材但比麻姑休狡獪

兩行持節過蓬萊

二月二十四日自瓊州出白沙驛阻風二日不

得渡海是日有幕客送寒衣却出賦詩

盲風怪雨一時晴又阻扁舟兩日程天意似將留客住

明朝浮海看清明

鬱林次韻寄懷王天輔知事

乍喜連山瘴霧收黛眉更自鎖鄉愁自從行李遠滄海

九日初逢第二州

欽定四庫全書

御選元詩

卷七十

十四

齋居即事

故人不見意何如流水孤村處士廬猶記去年霜橘熟

分甘曾得寄來書

桑溪竹園路團團門巷都非少日看送客棹船頻借問

向來江面是闌干

趙僉憲舊居

間門付與東風掃獨客殘春思遠道日午不見蝴蝶飛

細看兒童弄芳草

春日

馬頰河陽近北辰去來猶爾恨通津陌頭總是春風樹
自笑楊花只戀人

旅食京華日欲晡家園迢遞隔天隅妻孥預識羈懷苦
解事新來一字無

西軒即事

行廚晚食坐蕭條欲買銀魚待早潮鼓絕山城門未掩
夢和疎雨度西橋

欽定四庫全書

御選元詩

卷七十

十五

春日西郊

東風千里福州城綠水青山老送迎惟有垂楊偏待客
數株殘雨帶流鶯

聞角

西風嫋嫋拂弓旌千里來看曉角聲縱復淒涼歸未忍
炎州此外更無城

揭傒斯

濟州初度

辭家計日逢初度遲日暄風在帝京曉起慈親望天北
行人初泊濟州城

黃潛

金陵客中送友人歸里

青陽河畔杜鵑啼歸路如弦定不迷應到故山叢桂裏
笑人騎馬聽朝雞

有感

橘柚青黃照眼垂秋風籬落自紛披頗聞玉食登蠻果

欽定四庫全書

御選元詩

卷七十

十六

不獨涪州有荔枝

漢室需材拔隱淪販繒屠狗各求伸可憐風雪南山下
別有當年射虎人

葉審言張子長同遊北山智者寺既歸復與子

長至赤松由小桃源登煉子山謁二皇君祠回

宿寶積觀賦絕句十首錄八首

却問仙山去幾程白雲如簇近相迎直須不脫登山屐
行盡松聲與水聲

山中今是太平民尚與人間隔幾塵流水桃花三百曲
莫教重誤武陵人

偶看飛花逐水紅不知身過亂雲東回頭旋覺峰巒別
惟有青天面面同

雙鶴沖天歲月多至今香火壓嵯峨劉郎不是無兄弟
奈此丹雞白犬何

坐愛春泉響翠微玉花吹濕薜蘿衣何人為擘冰壺破
共看青天白練飛

削立城心雙白塔幾疑日月費撐支一朝頓在闌干底
始悟從來見處卑

遙憶仙華鶴髮翁清泉白石滿奇骨若為此日千峰頂
更試平生九節筇

一宿山中竟莫留可能長伴赤松遊殷勤好去張公子
休愛人間萬戶侯

次韻章兄雨中
春盡餘寒去却回江天五月未聞雷南風只在浮雲外

欽定四庫全書

御選元詩

卷七十

十七

彈折朱絃喚不來

松江舟中偶書

移舟夜泊華亭縣却聽吳歌思渺然最憶澱山湖北寺
白雲堆裏看青天

青山白雲圖

十年失脚走紅塵忘却山中有白雲忽見畫圖疑是夢
冷花涼葉思紛紛

桃竹畫眉圖

說盡春愁貌不成翠深紅遠若為情江南有客頭空白
腸斷東風百轉聲

追和景傳新店客舍壁間韻

我夢方酣子遽醒絕絃可復要人聽梨花寒食東風惡
淚盡重山宿草青

灤陽邢君隱於藥製芍藥芽代茗飲號曰瓊芽

先朝嘗以進御云

芳茵簇簇遍山阿玉蕾珠芽未足多千載茶經有遺恨

欽定四庫全書

御選元詩

卷七十

十八

吳儂元不過灤河

春風北苑關時新萬里函封效貢珍羨爾託根天尺五
不勞飛騎走紅塵

次韻虞學士上京道中

欲去仍為一日留玉堂中夜有詞頭歸鞍曉逐南飛雁
猶及西山半夜秋

水仙圖

脩脩翠羽映鳴璫誰遣乘風過我傍歲晏高堂空四壁

欽定四庫全書

御選元詩

卷七十

十九

一簾煙雨夢瀟湘

山水圖

老樹無陰石有稜亂山高下白雲層夢中猶識江南路
惟恨舟人喚不應

海月圖

憶曾夜叩潮音洞海濶天高月正中坐對畫圖如夢寐
六街塵土畫濛濛

瑤池春宴圖

西飛青雀幾時還貝闕琳宮縹緲間筆底春風殊未老
蟠桃積核已如山

東陽縣西道中

柿葉成陰綠滿村桐花覆地草連雲百年舊事無人記
猶指前朝御史墳

寒食舟中

東風溪水碧連連溪上青蘿獨繫船正是落花寒食夜
水煙沙月又鳴鶉

欽定四庫全書

御選元詩

卷七十

二十

陶學士驛舍圖

一笑相逢亦偶然浪將恩怨向人傳無端更被丹青汙
狼籍春風數百年

題郭翳倣米老雲山圖

退直歸來日半曛毫端風雨正紛紛不須更覓驚人句
惱亂青山與白雲

題高公畫竹石

木葉蕭蕭半欲空竹竿裊裊不成叢絕憐意匠經營處

都在風煙慘澹中

題金德原所藏元暉小景

牀頭書畫正縱橫
忽值今朝醉眼醒
起向米家船上看
雲山元是舊時青

四皓園碁圖

當局沉吟只漫勞
區區勝敗直秋毫
顛羸蹶項非君事
賴有安劉末著高

柳貫

自宗正府西移居尚食局後雜書

都城一住十年餘
挈挈今朝更徙居
奴輩莫嫌家具少
篋中猶是借來書
未明車馬省門開
面面風霜一寸埃
借得小窗容我懶
五更高枕聽春雷

題宋徽宗扇面

瑤池池上萬芙蓉
孔雀聽經水殿虛
扇影已隨鸞影去
輕紈留得瘦金書

題宋徽宗獻壽桃圖

青鳥銜書昨夜來
蟠桃如斗核如杯
蓬萊殿上三千壽
不及春風夢已回

題金顯宗墨竹

海潤星輝大定年
生綃筆筆寫蒼煙
若為夢裏貧富谷
直到洋州雪筏邊

題睡貓圖

花陰閒卧小於菟
堂上氍毹錦繡鋪
放下珠簾春不管

隔籠鸚鵡喚狸奴

題折枝海棠圖

東風庭院紫棉香
翠碧飛來午影長
啼濕紅妝者不厭
祇疑春色在昭陽

次韻奉答德機冬日見寄

雪滿千山雲滿溪
半竿寒日稍平西
東風不為年芳地
錯莫江梅吐未齊

題壽皇御題淳熙宮畫牡丹扇面

劍南樵客寫花容
院畫流傳號國工
春壓玉闌江雨歇
綵鸞驚夢又成空

天香國艷豈堪描
生色誰將上尺綃
留得當時宮墨在
杜鵑啼處雨瀟瀟

行界牌源道次小憩民舍

小谷疎林受數家
年芳猶有刺桐花
白雲不為青山地
截斷前峰兩髻了

吳萊

題趙大年林塘秋晚圖

老景青黃筆底收
晴鳧冷雁共汀洲
王孫畫學空花竹
不到銅駝陌上秋

灤州

四月一日尚絲衣
知是故鄉花片飛
白頭慈母倚門久
目斷天南無雁歸
數株楊柳弄輕煙
舟泊灤州河水邊
牛羊散野春草短
勅勒老公方醉眠

欽定四庫全書

御選元詩

卷七十

三

吳師道

病起

單衣小立怯西風
病骨詩愁冷淡中
一片清秋在何處
豆花籬落雨濛濛

元夕

柳臺梅卷鎖春晴
酒思燈光負賞心
聽徹宣和太平曲
獨看明月到更深

夏夜江上

繞屋清江竹萬竿
水風蕭瑟竹光寒
夜深月上門不掩
卧聽釣歸船過灘

次韻黃晉卿清明遊北山

行歌共訪採芝翁
絕壑層雲一盪胸
誰念愁吟溪上客
落花微雨獨撐筇
一壑風煙自可留
十年湖海漫狂遊
短衣射虎真堪樂
莫恨將軍老不侯

和陳景傳寄方韶父韻

欽定四庫全書

御選元詩

卷七十

十四

風流遺老曙星殘湖海知心夜夢間欲訪元英向何處
猿聲木葉滿秋山

春日獨坐

茶煙淡淡風前少庭葉沈沈雨後添何處楊花念幽獨
殷勤入室更穿簾

七夕

木槿籬邊絡緯哀卧看河漢遠天迴西風不管扁舟客
吹下樓頭笑語來

欽定四庫全書

御選元詩

卷七十

三五

子昂蘭竹圖

湘娥清淚未曾消楚客芳魂不可招公子離愁無處寫
露花風葉共蕭蕭

十一月十二日崇文閣下私試二十三日出和

張仲舉

官燭風簾徹夜明屋高人醉易寒生不知卧聽蕭蕭雪
何似山窗灑竹聲

段節婦

南國征人去不歸春妍懶著舊時衣至今門外冬青樹
不與風花上下飛

送夏學正赴奉聖州

書卷囊衣共一車出關千里漫風沙祥雲五色天西角
喜及高秋望翠華

趙子固畫梅

千樹西湖浸碧漪醉拈玉笛繞花吹秋今無限淒涼意
留得春風雪一枝

欽定四庫全書

御選元詩

卷七十

三五

送人之宣城

昭亭山下宛溪頭楊柳芙蓉岸岸秋總是舊時迎送處
夢魂猶逐故人舟

宋顯夫司業出乃兄誠夫尚書中秋五首并達

兼善侍郎詩因次其韻錄三首

曲江聯轡踏春雲二十年前逐後塵今日重來隔存沒
相看祇有兩三人

翠華南下拂秋天龍虎臺高古塞邊誰料江南白頭客

連宵清語對牀眠

會稽太守出清朝
進逐揚鑣過灞橋
想見相思浙江夜
月明酒醒卧聞簫

元旦朝回書事

朱衣高唱御樓東
清漏遲遲畫景中
黃繖寶幢微影動
一時吹面受東風

朝散紛紛下紫微
揮鞭爭道疾如飛
同來各向朱門去
祇有西山伴我歸

欽定四庫全書

御選元詩

卷七十

二十七

閏二月朔日

病過春光兩月程
幾番風雨幾番晴
不知開到何花樹
今日才聞燕子聲

桐江道中

東風綠水動微波
晚泊灘頭理釣蓑
喚起江湖昔年夢
一帆寒雨聽漁歌

歐陽玄

天歷庚午會試院中馬伯庸尚書楊廷鎮司業

及元皆乙卯榜進士偶成絕句紀其事出院明

日有勅督修經世大典又成小詩寄諸弟

省垣東畔至公堂
十五年前戰藝場
飽食大官無補報
兩科來此校文章

御史承差鎖院門
侍臣傳詔出天闈
試官被命聯鑣至
同榜三人出謝恩

聖主宮中遊幸疎
日臨祕閣玩芸儲
昨朝蘭省纔開試
清曉玉音催著書

欽定四庫全書

御選元詩

卷七十

二十八

別駕祠前雪水渾
弟兄沙上舉離尊
三年不洗來時褐
要看淋漓別酒痕

仁廟初科射策郎
如今斑白立朝行
東風昨夜聞歸雁
夢繞江南煙水長

題所貴姪梅

老樹縱橫出幾條
一枝還又亞牆腰
西湖湖上掀篷看
一夜吹香滿六橋

所性姪家歲東坡看竹圖

銀燭高烧照艷妝繁華過眼已相忘敲門自愛看修竹
未必殷勤為海棠

漫題

鈴索無聲玉漏稀青綾夜直月侵扉五更一覺梅花夢
催得江南學士歸
屬官分住省郎曹省樹年深過屋高翰長晝閑來啜茗
下簾危坐聽松濤

為浪溪題折枝海棠

點綴春風只一枝此花猶是半開時更令老杜如今見
便是無情也賦詩

墨竹

兩枝澹澹與濃濃垂葉應無霍靡容玉立滿身都是雨
何人能識葛陂龍

高宗御書

君王不受辟寒釵永巷泥金進損齋欲上太清樓下石
啼鴉落日滿宮槐

陳搏睡圖

陳橋一夜柘袍黃天下都無鼾睡牀贏得墜驢閑老子
為君眠斷白雲鄉

雪夜訪戴圖

雪夜操舟童僕勞偶然歸去便稱豪若為返棹成佳趣
轉憶當時不出高

山間山水手卷

十年京國看圖畫半幅雲煙亦惱儂今日身行屏障裏
却思移住最高峰

京城雜詠

玉堂集日列金羈學士新魚祭酒時五百書生簽講遍
八磚花影最來遲
麗正門當千步街九重深處五雲開雞人三唱萬官集
應制須迎學士來
白玉堂前夜合花高高綠樹散朱霞朝來如見唐人畫
繫著誰家白鼻騮

龍笙鳳管舞輕盈步障遊看花滿城行到瓊林春更好
新來進士唱名聲

鼇山宴罷月溶溶太液池邊湛露濃不用金蓮送歸院
水晶宮出玉芙蓉

京城走馬聽晨鐘我亦宵征僕興慵却憶江南春睡美
小樓歌枕聽村春

奉詔修書白玉堂朝朝騎馬傍宮牆插河東畔垂楊柳
時有鶯聲似故鄉

欽定四庫全書

御選元詩

卷七十

三十一

逢江易藝芳干賦芳洲

楊柳垂垂拂釣磯平沙雨過綠生衣王孫鬪草歸來晚
撲漉鴛鴦帶水飛

東山春景

春光澹澹日遲遲正是名園撲蝶時却憶小橋流水過
東山春色在桃枝

蒲萄

宛馬西來貢帝鄉驪珠顆顆露凝光只今移植江南地

蔓引龍鬚百尺長

歐陽公牡丹詩

盛游西洛方年少晚樂漁樵號醉翁白首歸來玉堂署
君王殿後見鞞紅

宋本

海子

渡橋西望似江鄉隔岸樓臺卷畫妝十頃玻璃秋影碧
照人騎馬入宮牆

欽定四庫全書

御選元詩

卷七十

三十二

宋裝

送牛農師北上

玉帶河流綠蔚藍君家橋北我橋南一談忽作容易別
便是無情也不堪

武陵城西
有玉帶河

春詞

象口香銷冷瑞煙錦衾羅薦戀朝眠一心要續懷春夢
不管啼鶯繞檻邊

嬌春楊柳暗藏鴉掩映文窗一樹花寒食清明都過了

悄無車馬問儂家

別後寄友

蘭舟三日屈原亭醉出南門緩轡行柳暗河街新月上
一場離恨不分明

舟中夜雨寄周子善

雨暗空江夜寂寥打篷聲似打芭蕉故人好在紗窓下
高擁銀燈對小喬

晚興

紫陌歸來月魄新草深涼院掩柴門絺衣欲挂梧桐上
慙愧緇塵染樹痕

曉出都城

是年八月東之樂亭縣

風入秋羅半臂寒紫霞赤氣日光殷西山大是無情思
忍送巾車又出關

憶武陵舊事

芙蓉如妓繞橫塘一段秋容著色妝猶記周郎會心處
醒時雙陸醉時狂

周子善別墅水亭名會心處

陽關圖

前春別宴武陵溪候館垂楊煖拂堤忽見畫圖疑是夢
故人回首洞庭西

七月八日晚晴暫出麗正門

團團碧樹壓宮城白鳳門楣淡日明回首瓊華仙島上
片雲猶欲妬新晴

得周子善書問京師事及賤迹以絕句十首奉

答

春王朝會大明宮祝栗魚蠻四海同至治元年調玉燭

和風甘雨看年豐

曉日雲冠綴彩珠龍顏如玉映康衢大官門外停天駟

羣辟翱翔侍步趨

黃流玉瓚薦馨香九廟神靈降百祥一部雲韶導仙駕

歸來朝賀坐明堂

至公堂下魚鱗屋麗正門前蝸殼居三百英雄來獻賦

是中應有馬相如

至公堂會試之所四方進士來試南宮者率皆僦居麗正門外

瑶肝玉肺渥洼駒元圃崑崙是坦途暫蹶霜啼未為失

三年奮迅碧雲衢

子善昆季連與鄉貢皆不利故勉之

人海茫茫萬仞山健夫爭赴碧巖端躋攀分寸不得上

始信文場蜀道難

子亦以舊歲失舉

一念遺孤一愴然心旌無日不縣縣潞陽二月河水解

定買吳儂燕尾船

弘夫兄歿于武陵姪廣在彼時予欲往視之

謝家擇壻得逸少温嶠先酬玉鏡臺羅帳合歡猶有待

可憐孤鳳意徘徊

時予得婚家初納采

欽定四庫全書

御選元詩

卷七十

三五

邇來吟思濁如泥今日酬君喜賦詩不識心忪并膽怯

犀珠銀液竟何施

予向苦心疾至京遂不作

汨沒京塵度歲華胸中千緒亂如麻南風準擬揮談麈

賸費君家木杵茶

題雪竹白頭翁橫披

琅玕裊裊碧雲空雪綴斜梢倚北風丹鳳不來年歲晚

一枝聊借白頭翁

蒼衣雪頸凍難飛寂寞寒梢獨自棲別有春明好風景

綠楊如畫亂鶯啼

小姑賢祠

虎丘南地名小姑賢舊時民家有姑惡新婦欲織羅而去之者其小姑恚

自擊取為已過冀以悟母悔而止鄉人祠之

離鸞別鵠兩沈冥腸斷廬江焦仲卿不見虎丘南畔月

至今常為小姑明

張仲容七夕來徵詩就次韻以荅

來詩云雲壓高城雨散絲

萬家秋氣入羅帷巧棚七夕喧鄰里小宋明朝定有詩

鈿合紅蛛綴網絲玉兒瓜果設香帷從來天上張公子

欽定四庫全書

御選元詩

卷七十

三六

解識梧桐一葉詩

夜下新安驛寄家

河流如箭棹如飛星漢垂光月漸西回首曲廊微步處

文明門外夜烏啼

晚泊維揚驛

驛牆紅樹晚蕭蕭解勸征人駐畫橈疑辨青樓狂載酒

月明何處玉人簫

朱軒翠館鬱宮堯幾處笙歌幾處橋怪得隔江人望見

夜深燈火似元宵

寄張仲容

城南城北渺風煙一度論文月再圓腸斷而今更愁絕

蓬萊雲隔楚江天

仲容時以禮曹掾接漕舟在海上先予一日出都素與予契誼甚厚雖同居京師然各以塵事稀復接見常謂小別離欲賦一詩此篇首二句小別離詩起句也今足成之

有情誰解不相思羅幌風乾葉落時莫問離愁有多少

君歸猶趁菊花期

都陽蕭性淵能鼓琴琴號霜鐘是其曾大父宋

欽定四庫全書

御選元詩

卷七十

三五

南渡時所畜者其家上世善琴云

池臺腸斷雍門周良岳繁華逐水流往事寥寥君不見

金仙垂泣渭城秋

不似琵琶不似箏鯨音歷歷似秋清龜年流落江潭外

誰識秦聲與楚聲

送同年王在中編修代祀西行

宮雲擁節下青冥巨岳通川草木榮傳語祠官休秘祝

漢皇深意在蒼生

聯鑣席帽杏園春五見宮花照路塵今日分攜重惆悵

順承門外草如茵

蜀山秦樹碧相連鳥道花開三月天馬上從來詩句好

定應多費雪濤箋

送李文清之官八番宣慰司幕府

武昌門外柳如絲曾見吳儂笑詠時張緒而今漸憔悴

定應不似昔年枝

和省郎杜德常清明三絕兼簡王君實藝林

欽定四庫全書

御選元詩

卷七十

三六

閉門景物苦無涯柳拂青絲杏靦霞醞藉仙郎誰得似

官曹常對紫薇花

春閨無事不聞雞睡起朝陽樹影西盡道陌頭寒食好

賣花聲裏有鶯啼

赤闌橋瞰花溪過白板扉臨柳岸開最好苑牆東畔路

可人何事不頻來

送新安王元成赴遼陽教官

三月邊城未見花榆關盡處草連沙舉頭只見長安日

忘却江東是故家

冬日雜詩

暗塵駕馬夕陽酣凍路凌兢思不堪從侶徒行知捷徑

踏冰時過象坊南時子右臂疾未愈

金水橋西沙路低東來翠幃與橋齊不知夫婿何官職

後擁前驅過曲堤

姑蘇即事

南北東西畫舫通賣魚輸稻不愁風鄰人使北歸來說

欽定四庫全書

御選元詩

卷七十

三十九

車馬京塵十丈紅

娃兒十五瘦膏肢眼角紅妝淺淡施聞道阿娘將典却

揭簾催喚買燕支

長安驛道中觀芙蓉寄嘲伯循

玉溪橋畔淡朝霞照景紅妝泣露華說與分司才御史

水邊花勝驛邊花

雨中馬上口號

十二官街底許寬尋常塵土晝漫漫晚來一雨春多少

惟有垂楊最好看

無題

秋千架底過清明貴婿除官促遠行收拾春衣單騎去

落花風裏暮砧鳴

檀州之平谷道中口號賑饑東道

村垣兒女可憐生滿髻花枝弄晚晴放下秋千爭見笑

雨中騎馬過清明

三月晦日偶成

欽定四庫全書

御選元詩

卷七十

四十

十里平原晚色低粉飄紅墜綠淒迷客中無限傷春句

却為乘驄不敢題

山行值雨

山雨隨雲往返飛行時沾濕避時稀須臾馳過前岡去

滿馬斜陽就晒衣

宿牛首市陸叟所居

塵染練衣雨汗流停驂借得半窗秋自憐不及居停主

坐看青山到白頭

墨梅為李華
遠作

風香月影雪肌膚朔客晴窗看畫圖江北江南數千里
夢魂何處覓西湖

詐馬宴上京作

寶馬珠衣樂事深只宜晴景不宜陰西僧解禁連朝雨

清曉傳宣趣賜金

王士熙

上京次李學士韻

欽定四庫全書

御選元詩

卷七十

四十一

山擁石城月上遲大安閣前清暑時玉盃爭呼傳法酒

碧牋時進教坊詩

金燭承恩出院遲玉堂學士草麻時明朝上國新端午

彩筆應供帖子詩

晝漏渾爭一刻遲玉京六月似秋時篋中日日藏紈扇

說與班嬈莫寫詩

芍藥闌前春信遲燕京端午石榴時雙雙紫燕自尋壘

小小白翎能念詩

題扇

西山雲淨換新秋碧樹堂深野水流此夜畫闌都乞巧
月明何處望牽牛

橫波清淺露平洲沙暖鴛鴦得意游一夜西風吹雨過
有人獨上木蘭舟

銀河秋早露華新碧樹雲收月半輪庭外西風聞雁過
畫樓應有斷腸人

太乙宮留題

欽定四庫全書

御選元詩

卷七十

四十二

石徑松花靜掩扉芙蓉秋早蝶雙飛主人何處采芝去
待到日斜猶未歸

次薛元卿韻

石壇秋晝下雲旗鐵鎖峰前暫別離一夜珠宮新露冷
步虛直到月斜時

高房山畫

吳山重疊粉團高有客晨興灑墨毫百兩真珠難買得
越峯壓倒湧金濤

奉題袁伯長開平百首詩後

玉海雲生貝闕高
騎鯨人去采芝遨
灤江一夕秋風到
琴瑟珊瑚涌翠濤

欽定四庫全書

御選元詩
卷七十

四十一

御選元詩卷七十

謹案卷六十九第一頁後四行棹歌聲在百花洲

刊本百訛白據別本元詩改

第十四頁後一行琳宮詞次安南王韻刊本脫上

三字據許有壬圭塘小藁增

第三十七頁後二行玉堂妙筆交游盡刊本游訛

情據虞集道園學古錄改

卷七十第一頁後四行路衝南北山岡斷刊本衝

作經據元四家詩改

欽定四庫全書

一

第二頁前二行秋宵更受風披拂聽取清聲入夢

寒刊本秋訛清據元四家詩改

第七頁前八行青蕪未損已知春刊本損訛隕據

元四家詩改

第八頁後七行自此無如客思何刊本何訛阿據

元四家詩改

第十六頁前五行歸路如弦定不迷路刊本弦訛煙



據黃潛日損齊稿改

第二十一頁後七行瑤池池上萬芙蓉刊本葉訛

渠據柳貫待制集改

欽定四庫全書

二



總校官庶吉士臣侍朝

校對官檢討臣蕭九成

謄錄監生臣傅瓌芳

欽定四庫全書薈要

集部
御選元詩卷七十一

御選元詩卷七十一

欽定四庫全書薈要卷一萬八千四百八十三集部

七言絕句五

王思誠

開化寺避暑

下馬開襟暑氣涼
可人清興篆煙香
空庭日午槐陰密
藤葉風來翠蔓長

洛公軒用郭西楚韻

曾列仙班第一流
十年聯袂步瀛洲
如今偶到三山路
白髮紅塵兩鬢秋

官舍更殘燭淚流
客懷和夢到滄洲
覺來却憶生平事
一住鑿坡十五秋

察濟

題張溪雲竹圖

大湖山石玉嶺屹
偃蹇長松百尺寒
明月滿天環珮響
夜深風雨聽飛鸞

詳校官原任主事臣李斯咏



欽定四庫全書

御選元詩
卷七十一

王懋德

寄戶部楊友直

柳遶柴扉水遶村黃鸝初轉已春分東風吹散桃花雨
醉卧青山看白雲

直沽海口

極目滄溟浸碧天蓬萊樓閣遠相連東吳轉海輸秔稻
一夕潮來集萬船

過河西務

霜滿平堤柳漸凋月移帆影過東橋卧聽柔櫓鳴秋水
絕勝鄰雞報早朝

重陽

拂却京塵理去舟閑雲千里水悠悠醉來欲落龍山帽
猶恐黃花笑白頭

上都寄參政

野草侵階水遶門西風颯颯雨紛紛小軒坐對爐煙冷
却憶溪南一片雲

欽定四庫全書

御選元詩

卷七十一

二

黃常

使安南卻金

奉使安南駐薛林漫勞國主餽兼金不憂惹以能興謗
自是夷齊不易心

鐵閭

寒草巖

寒草巖前春色稀桃花無數映清溪我行已到仙家窟
不比漁人此路迷

郭西柱

潞公軒

岸斷灘平水亂流煙林簇簇點沙洲小軒疎雨留人住
飽看雲山一帶秋

吳善

與張伯雨湖堤暮歸

柳絲淡蕩雨霏微隔水遙看羽蓋飛馬上仙人強支酒
蹋花何處晚來歸

欽定四庫全書

御選元詩

卷七十一

三

胡助

定善寺

南塔前頭高閣上山光
渾似沃洲青夜來飛雨穿窓入
翠濕華嚴一卷經

葉謹翁

煉丹山

仙家只在白雲堆井竈
千年閱綠苔安得更如黃犢健
五年四度入山來

葉衡

題溫日觀葡萄圖

昔年添竹延秋蔓露葉離披馬乳寒
今日天涯忽開卷
還如架底夜涼看

一片秋雲江上影老禪收拾入葡萄
小牕剩有詩為伴
不博涼州意自高

上京雜詠

水精宮殿柳深迷朝罷千官散馬蹄
只有詞臣留近侍

經筵長到日輪西

雲擁蒼松嶺勢雄微茫俯見九州同
皇家萬載千秋歲
看取天垂日照中

塞漠穹廬散萬營平沙細草際天青
柳林老校渾無事
閒倚斜陽理箭翎

玉堦天近露華流夜久涼風入鳳樓
曾把翠雲裘進否
上京六月冷于秋

夜宿榆林月滿天青帘紅燭喚觥船
相逢莫問兒家姓
醉裏空留白玉鞭

細沙新築御家坡恰有清塵小雨過
扶杖老翁先喜舞
翠華聞已渡灤河

許謙

即席用蘇世賢韻送郭子昭

攬轡春風入駿蹄兩堤煙柳護晴溪
黃鶯自有留人意
相對殘紅不忍啼

次韻潘明之秋思

欽定四庫全書 御選元詩 卷七十一 四

欽定四庫全書 御選元詩 卷七十一 五

西風冉冉鬢毛侵
鳳老梧哀鎖夕陰
倚遍闌干重回首
斷鴻千里暮雲深

夜過黃泥渡

夜深風息水安流
白雁黃蘆滿眼秋
行李蕭蕭官棹穩
卧看明月過真州

陳樵

石

拳石當軒玉色寒
雨苔蝕盡鷓鴣斑
也知好事無真見

欽定四庫全書

御選元詩
卷七十一

六

不看真山看假山

山水

青山如髻樹如麻
茅屋青帘認酒家
侵曉一番風雨過
滿川流出碧桃花

丁復

題江村小景

野蓬忘世寒罾下
沙管牽兒早餉遲
有客封侯玉門道
綠閨春恨繞花枝

馬德昭席上賦

江上重逢鄒大孃
桃花紅嫩染纖裳
蔓青溪上曾相見
猶記胡麻飯顆香

酒間贈賈西白

思入東風白雨邊
暮雲春樹兩茫然
不因絳灌輕新進
未必長沙識少年

題美人卷

玉山橫管淚痕光
繡褥雙迴綵鳳皇
百巧心情題不得

欽定四庫全書

御選元詩
卷七十一

七

九疑雲冷隔三湘

絕句

沙遠晴波淺漾金
魚苗初上小如鍼
將船載酒江頭飲
水柳千株滿岸陰

題汪伯高梅

兔白寒霜染雪毫
綠煙微散月初高
野人醉醒羅浮夢
長憶仙娥玉色醪

趙巖

題周曾秋塘圖

興入林塘翠未收
錦鴛雪雁自沉浮
歌蘆折葦荷香減
寫作西湖暮雨秋

王圭

春草

和煙和雨碧萋萋
歲歲長亭照客衣
春風陌上輪蹄滿
莫問王孫歸不歸

王璋

題盛叔章畫

草堂只在南湖上
山色水光相與清
鷗鳥不來魚不起
落花風颭讀書聲

汪鏞

春日

小立閒庭酒半中
一欄花露滴香紅
飛花不管風拘束
枉被愁人怨曉風

春日山行

欽定四庫全書

御選元詩
卷七十一

八

清泉白石淨無塵
嵐翠煙光別聚春
流水泠泠花片片

隔溪疑有種花人

清歌嫋嫋逐樵行
度嶺穿雲一徑深
欲訪仙人知有路

碁聲只在此山陰

楊信可

望池州作

黃蘆瑟瑟草油油
樓閣參差看碧流
萬里長江秋色遠
一帆斜日過池頭

欽定四庫全書

御選元詩
卷七十一

九

薩都拉

上京雜詠

白晝簫韶起半空
水晶行殿玉屏風
諸王舞蹈千官賀
高捧葡萄壽兩宮

沙苑棕毛百尺樓
天風搖曳錦絨鈎
內家宴罷無人到

面面珠簾夜不收

涼殿參差翡翠光
朱衣華帽宴親王
紅簾高捲香風起

十六天魔舞袖長

中官隊仗等宮車小樣紅靴踏軟沙昨日官家清宴罷
御羅輕帽插珠花
院院燒燈有咒僧垂簾白日點酥燈上京六月涼如水
人渴天瓢更賜冰

京城春日

燕姬白馬青絲鞭短鞭窄袖銀鐙光御溝飲馬重回首
貪看楊花飛過牆

寄奎章學士濟南李溉之

山東李白似劉伶投老歸來酒半醒天下三分秋月色
二分多在水中亭

遊會仙宮

霏霏涼露濕瑤臺半夜吹簫月下來山外春風將雨過
滿庭撩亂碧桃開

燕山客舍

落日西山聞禁鐘夢回遠客在盧龍江南飛盡千株雪
孤負梅花過一冬

題范陽驛

長路風寒酒力醒馬頭歲月短長亭凍雲欲雪風吹散
望出西山一半青

余與觀志能俱以公事赴北舟至梁山泊時荷
花盛開風雨大至舟不相接遂泊蘆葦中余折
葦一葉題詩其上寄志能

題詩蘆葉雨斑斑底事詩人不奈閑滿浦荷花開欲遍
客程五月過梁山

彭城雜詠

城下黃河去不回四山依舊翠屏開無人會得登臨意
獨上將軍戲馬臺

雪白楊花拍馬頭行人春盡過徐州夜涼一片城頭月
曾照張家燕子樓

黃河三面遠孤城獨倚危欄眼倍明柳絮飛飛三月暮
樓頭猶有賣花聲

歌扇春風喚酒香舞裙落日動鵝黃柳邊今夜孤舟發

水遠山遙空斷腸

題淮安壁間

魚鰕潏潏初出網
梅杏青青已著枝
滿樹嫩晴春雨歇
行人四月過淮時

夜過白馬湖

春水滿湖蘆葦青
鯉魚吹浪水風腥
舟行未見初更月
一點漁燈落遠汀

與弟別渡淮

欽定四庫全書

御選元詩

卷七十一

十三

青旗紅字映河濱
九日人家物色新
渡口客船爭賞酒

斫魚裂紙賽江神

東南風送渡淮船
過雁聲哀水拍川
落日淡霞收未盡

又隨明月蕩秋天

清涼亭哀柳

清涼亭上幾株霜
脫葉難遮夕照光
依舊明年二三月
小童山下看鵝黃

宣化江阻風

渡口無人上野航
白頭巨浪自衝撞
東風三日不肯住
吹送楊花飛渡江

夜發龍潭

孤舟一夜發龍湫
水逆風回上石頭
暫泊沙洲過夜半
卧聽鐘鼓是昇州

船頭夜靜天如水
渡口潮平月在江
燈影搖波風不定
老龍吹浪濕篷牕

江浦夜泊

欽定四庫全書

御選元詩

卷七十一

十三

千里長江浦月明
星河半入石頭城
棹歌未斷西風起
兩岸菰蒲雜雨聲

金陵道中遇雨寄功夫父光國

夾道長松風聒聒
滿溝亂石水泠泠
斷雲銜雨溪南去
失却長山一半青

贈彈箏者

銀甲彈冰五十弦
海門風急雁行偏
故人情怨知多少
揚子江頭月滿船

次程宗賜韻

一冬雨雪天涯客千里雲山馬上詩記得小紅樓畔夢
杏花春雨早寒時

揚州正月雨如絲江上梅花已盡時誰識能詩老何遜
曉寒明鏡撚吟髭

春日偶成

踏雪歸來過早春空階已見草如茵東風吹綠青溪柳
馬上輕寒不著人

欽定四庫全書

御選元詩

卷七十一

十四

鎮江寄王本中臺掾

梅花落盡空吹笛正月半頭思遠人兩岸好山青不斷

一江微雨鷓鴣春

偶成

買魚酤酒消長日高樹清風燕子閑却倚天南望天北
隔江青處是誰山

層樓即事

浴罷焚香掃閣眠過牆新竹翠娟娟半空雲氣層樓暗

四月江東欲雨天

秋夜聞笛

何人吹笛秋風外北固山前月色寒亦有江南未歸客
徘徊終夜倚闌干

題呂城葛觀

呂公城下葛仙家洞府春深鎖暮霞過客不知天畔月
小風吹落鳳仙花

和全子仁

欽定四庫全書

御選元詩

卷七十一

十五

毘陵公子醉昏昏白面迎風散酒痕幾度小紅樓畔月
有人吟倚掩重門

去吳留別干壽道陳子平諸友

一尊判袂闔閭城莫指青山管送行芳草綠波千萬里
不聞杜宇也傷情

入閩過松陵和王伯循所題

廣陵城裏別匆匆一去三山隔萬重日暮江東寄相憶
欲從秋水剪芙蓉

釣臺夜興

仙茶旋煮桐江水客火遥分石壁燈風露滿船山月上
夜涼獨對釣臺僧

題竹院壁

門外好山青入戶堦前芳草綠侵簾山僧應笑遊人醉
頭上花枝壓帽簷

過贊善菴

夕陽欲下少行人綠遍苔茵路不分脩竹萬竿松影亂

欽定四庫全書

御選元詩

卷七十一

十六

山風吹作滿窓雲

憩奉真道院

落花風颺步虛聲翠草元芝爛漫生過客不知春早晚
午窓晴日睡聞鶯

渡淮即事

楊花點點衝帆過燕子雙雙掠水飛淮上漁人閑不得
船頭對結綠蓑衣

春詞

深宮盡日垂珠箔別殿何人度玉笋白面內官無一事
隔花時聽打毬聲

秋詞

清夜宮車出建章紫衣小隊兩三行石闌干畔銀燈過
照見芙蓉葉上霜

上京即事

大野連山沙作堆白沙平處見樓臺行人禁地避芳草
盡向曲闌斜路來

欽定四庫全書

御選元詩

卷七十一

十七

祭天馬酒灑平野沙際風來草亦香白馬如雲向西北

紫駝銀甕賜諸王

牛羊散漫落日下野草生香乳酪甜卷地朔風沙似雪
家家行帳下氍簾

紫塞風高弓力强王孫走馬獵沙場呼鷹腰箭歸來晚

馬上倒懸雙白狼

將遊茅山先寄道士張伯雨

借騎白鶴訪茅君琪樹秋聲隔夜聞料得山中張道士

開門先掃鶴巢雲

春日鎮陽柳溪道院

城外青溪出洞門道人歸去日長曛柳花滿地無人掃
隔水遙看是白雲

阻風南露筋過羅漢寺登樓看山茶

野寺尋春酒未醒不知幾日過清明小闌干外東風急
一樹山茶落晚晴

蘭溪舟中

水底霞天魚尾赤春波綠占白鷗汀越船一葉蘭溪上
載得金華一半青

黃亭驛曉起

積雨莓苔上壁青曉寒山館夢初醒鷓鴣聲裏流年度
自是行人不忍聽

和經歷楊子承曉發山館

夢回山館月西斜曙色千峯動紫霞杜宇一聲山竹裂
鷓鴣飛上野棠花

欽定四庫全書

御選元詩

卷七十一

十六

經歷司暮春即事

霞飛海燕拂簾過風卷魚鱗剪綠波閒倚石闌數春事
滿池紅雨落花多

題淮安王氏小樓

拂曉樓窗一半開樓前昨夜浪如雷滿江梅雨風吹散
無數青山渡水來

醉起

楊柳樓心月滿牀錦屏繡褥夜生香不知門外春多少

自起移燈照海棠

西湖絕句

湧金門外上湖船狂客風流憶往年十八女兒搖艇子
隔船笑擲買花錢

少年豪飲醉忘歸不覺湖船旋旋移水面夜涼銀燭小
越娘低唱月生眉

紫駟驕踏落花泥二月江城雨過時拂曉市河春水滿
小船多半載吳姬

欽定四庫全書

御選元詩

卷七十一

十九

惜春曾向吳船宿酒渴吳姬夜破橙
聽郎君呼小字轉頭含笑背銀燈

待得郎君半醉時笑將紈扇索題詩
小紅簾卷春波綠渡水楊花落硯池

垂柳陰陰蘇小家滿湖飛燕趁楊花
繁華一去風流減今日橫堤幾樹鴉

郭囉洛納新

京城春日

欽定四庫全書

御選元詩

卷七十一

二十

三日諸郎儼直間繞城騎馬借花看
晚來金水河邊路柳絮紛紛撲繡鞍

黃鶴樓東賣酒家王孫清曉駐遊車
寶釵換得葡萄去今日城東看杏花

雪霽晚歸偶成

公子腰弓下直歸紅門晚出馬如飛
東街積雪無人掃却恨春泥濺繡衣

東風悄悄著羅衫秉燭歸時酒半酣
聽得隔簾人笑語

夜來春氣似江南

秋日有懷仲裕

疊嶂青林雨氣昏側身南望幾銷魂
何時得似村東叟日晏牽牛繫樹根

佛桑一樹隔河西壓架葡萄日影低
記得長髯洪處士醉眠木榻唱銅鞮

宮詞次僕公遠正字韻

欽定四庫全書

御選元詩

卷七十一

三十一

廣寒宮殿近瑤池千樹長楊綠影齊
報道夜來新雨過御溝春水已平堤

千官鵠立五雲間玉斧參差擁畫闌
今日君王西內去安排天仗趣儀鸞

水晶簾內日遲遲綺閣春深笑語稀
繡幕無端風捲起一雙燕子傍人飛

上苑含桃熟暮春金盤滿貯進楓宸
醍醐清透冰漿滑分賜堦前儼直人

瓊島峒堯內苑西欄斑綺石甃清漪
御牀不許紅塵到

黃慢長教宰地垂

花影頻移玉砌平美人歌枕聽流鶯一春多病慵梳洗
怕說鸞輿幸五京

繡牀倦倚怯深春窗外飛花落錦茵抱得琵琶階下立
試彈一曲鬪清新

太液池頭新月生瑤階最喜晚來晴貴人忽被西宮召
騎得驂駟款款行

梨花白頭翁圖為四明應成立題

澹月溶溶隔畫樓一枝香雪近簾鈎山禽似怨春歸早
獨立花間白頭

題王虛齋所藏鎮南王墨竹

帝子乘鸞謁紫清滿天風露翠衣輕閒將十二參差玉
吹向雲間作鳳鳴

京城春日

官牖冰消綠漫堤落花流水五門西黃鸝不管春深淺
飛入南城樹上啼

欽定四庫全書

神選元詩

卷七十一

三十三

新樣雙鬟東御羅疊騎驕馬粉牆過迴頭笑指銀瓶內
官酒誰家索較多

次韻趙祭酒城東宴集

金河流水碧粼粼御柳煙銷曙色新黃鳥只愁春去遠
隔牕呼醒看花人

童子將車候辟雍先生載酒出城東絲絲細雨春雲薄
却恨羅衫怯曉風

上東門外杏花開千樹紅雲繞石臺最怪奎章虞閣老

欽定四庫全書

神選元詩

卷七十一

三十三

白頭騎馬看花來

十騎聯鑣入郭遲須教斜日過棠梨候門稚子牽衣笑
今日先生有好詩國子監散學候日影到堂後梨樹

七月十六夜海上看月

樓船留客宴良宵坐看冰輪出海潮却憶去年灤水上
夜深孤館雪蕭蕭

征人七月度榆關貂鼠裁衣尚怯寒不信江南今夜月
有人揮扇著冰紈

南城席上聞箏懷子淵

春晴隨意出南城
尊酒花前得共傾
留客強陪今日醉
聽歌不似少年情

海上張家玉雪郎
錦箏銀甲醉高堂
別來萬里風波外
燈下聞箏忽斷腸

陳旅

題虞先生詞後

憶昔奎章學士家
夜吹瓊瑋泛春霞
先生歸卧江南雨

欽定四庫全書

御選元詩

卷七十一

三十四

誰為掀簾看杏花

題班婕妤題扇圖

層城柘館重徘徊
坐見瑤階長綠苔
紈扇秋來定無用

君王方築避風臺

題畫梅

處士橋邊古岸隈
梅花偏向小園開
衝寒有客尋春去
移得晴牕雪影來

題雨竹

江上鷓鴣留客住
黃陵廟下泊船時
一林春雨垂垂綠
消得晴風爛漫吹

題畫

青紅樓觀護煙霞
湖曲高亭竹徑斜
日出炎埃生九野
松陰水石養苔花

雨餘空翠轉霏霏
杜若洲邊小艇歸
又為故人臨野閣
江雲日暮濕秋衣

聞元堂下有兩雁互浴盆池王真人命工繪為

欽定四庫全書

御選元詩

卷七十一

三五

圖

玉塵山前紫雁飛
真人燕坐久忘機
餘不溪水連天碧
只借盆池浣羽衣

題扇面

剪紙為梅花殘
月夾以素紈

娟娟翠袖倚清空
解把剪刀剪雪風
一段寒香吹不盡
西冷殘月角聲中

題馬道士畫

江上羣山翠作堆
人家門檻對江開
小樓應有凭闌者

天遠歸帆似不來

題水仙花園

莫信陳王賦洛神凌波那得更生塵水香露影空清處
留得當年解佩人

題高氏所藏畫圖

誰家林麓近溪灣高樹扶疎出石間落葉盡隨溪雨去
只留秋色滿空山

題耿氏所藏畫圖

五月風生水殿涼綠楊深處奏鶯簧佳人偏愛臨池坐
欲與荷花鬪晚妝

題黃鸝海棠圖

二月園池蜀錦殷多情宮鳥喜來看上林春色濃于酒
莫把黃金鑄彈丸

題春宮倦繡兩圖

上陽宮樹奏鶯簧蚊蛺蝶羅衣逗暖香睡思已隨巫峽雨
綵絲偏與日爭長

欽定四庫全書

御選元詩

卷七十一

二十六

綠樹垂垂護寶闌牀頭翠帕暮雙鸞阿鬟可是無情思

又見春風到牡丹

梅石

浦江趙用章宋故家也集賢完號之為梅石處士

還家不復羨浮榮處士頭銜字字清媿我獨無歸隱地
上林春曉更聽鶯

題黃筌竹鸞圖

竹有實

一窓晴色綠猗猗羣雀飛來占好枝此竹幾年方結實
空山秋晚鳳雛飢

欽定四庫全書

御選元詩

卷七十一

二十七

汾州北席里石氏節婦

北里高樓畫掩扉水銅光冷上苔衣寸心誓比南山石
汾水秋風雁不飛

賦凝春小隱

一窓花氣襲人衣窓底芳塵暖不飛坐久硯池生石雨
海棠枝上雪都晞

桃花幽禽圖

金塘花竹艷春紅枝上幽禽弄暖風莫把殘英都蹴盡

無情流水畫橋東

題子昂江天釣艇圖

雨餘秋水滿山前正是江南落雁天何處故人魚艇小
亂蟬疎樹夕陽邊

為彭道士賦鶴峯

跨鶴臺高倚翠微昔人城郭是邪非蕊珠宮觀秋如水
有客吹笙月下歸

題張氏風竹圖

湘江風卷白頭波北渚雲深帝子過欲采瓊芳渡江去
翠衫輕薄曉寒多

白畫眉圖

隋家宮妓埽長蛾銷盡波斯百斛螺化作雪禽春樹頂
遠山無數奈愁何

秋山行客圖

雨餘空翠曉濛濛有客騎驢落木中滿目好山行不盡
溪猿啼斷石楠風

欽定四庫全書

御選元詩

卷七十一

三十八

題楊氏所藏畫圖

山光濃淡雨初晴曲曲江清樹色明若買草堂江上住
盡開窻戶看雲生

縉溪道士

縉雲溪上縉雲山春水流出桃花灣白頭道士鶴為馬
月明騎過居庸關

李洞

題周曾秋塘圖卷

家在東南雲錦鄉心魂元是水花香哦詩想入秋塘境
鴛鴦驚飛一夕忙

鮫人初息露香機花覆龍梭鳥自飛莫向西湖問煙水

夜涼風露濕荷衣

過東林寺

風破西村雨氣昏泠泠澗水竹間聞山頭知有靈仙過
千丈通明五色雲

段天祐

欽定四庫全書

御選元詩

卷七十一

三十九

寓雲間驛有懷

元夕錢塘歸未能玉簫誰倚畫樓層湧金門外如銀月
何處人家不是燈

城上啼烏起夜闌瑣窓風度落梅寒一年端正元宵月
可惜匆匆客裏看

傅若金

和陳宗道元夕懷江南絕句

萬家行樂愛春晴花底遙聞度曲聲惟有客窓嫌月色

照人離恨太分明

平安驛

孤燈夜宿平安驛欲寄音書無使將南雁數聲秋雨裏
却先行客過瀟湘

回雁峯

江上青峯宿雨開江頭歸使日南來登高欲訪平安字
二月衡陽雁已回

小孤山

船度江天暮色青半江峯影動寒星海風急起元珠樹
山月遙生綠玉屏

舟行

漁家日暮亂收罾欲及前舟苦未能行盡綠楊三十里
隔河遙見驛亭燈

無題

樓上仙衣捲薄羅樓前春暖杏花多鳳簫最好吹明月
惟有蕭郎自教他

江草離離江水流玉人何處卷簾鈎垂楊學盡春來瘦
不省人間有別愁

潞縣舟中寄京師楊上舍諸公

買得吳船繫柳根潞河新雨過黃昏都門只隔煙中樹
一夜尋君苦夢魂

二月和風滿上林憶君時復走相尋夜來見月腸堪斷
城鎖千門碧柳陰

生來不識酒中味憶昨故人常見招不是多情能度曲

樽前恨殺董嬌嬈

春風亭館看花時自變新聲教柳枝只恨秀娘空第一

不曾歌得斷腸詞

墨梅

天涯不見遙相憶窗外重逢乍欲迷彷彿空山明月夜
一枝初出古牆西

寄王敏文

青樓只在石橋東幾度聞君醉落紅近日綠陰濃似雨

欽定四庫全書

御選元詩

卷七十一

三十二

門前別繫玉花驄

題畫

迢遞雲山隔遠溪微茫煙水帶長堤秋來木葉多搖落

日暮寒鴉不肯棲

雙燕圖贈王惟中

元鳥飛時綠樹春湖南煙際往來頻明年社日君何處
逢著新巢憶故人

簡楊好問

湖亭初得寄來詩幾度長吟恨別離近日扁舟洞庭野

雨中多是憶君時

題松菴上人墨蒲桃

漢苑尋常露下時月明高架影參差上林近日無來使
腸斷江南見一枝

露顆含香近客衣蜜蜂蝴蝶繞藤飛夜來應值驪龍睡

探得明珠月下歸

題山家山景

欽定四庫全書

御選元詩

卷七十一

三十三

萬壑蒼蒼雲氣昏石泉斜落古松根前林欲暝僧歸晚

應聽鐘聲到寺門

雁起秋空樹色遙行人江上駐歸橈海門東去應千里

白日微茫見落潮

達實特穆爾

五丈秋風

八陣圖荒認舊痕當年蜀將駐三軍出師不遂中原志
老樹寒煙鎖暮雲

黃清老

海子上有期

金堤晴日共鳴鑣傾蓋松陰待早朝
數盡荷花數荷葉碧雲移過水東橋

懷友時住夏玉泉山

遠水平林翠遠城秋來風雨動離情
玉泉千尺梧桐樹月下時聞落葉聲

寄劉鳳溪時有麻源之約不果往

南國佳人鬢欲絲仙壇辜負杏花期
多情惟有東橋水流到瓜洲月上時

偶題

永夜觀兒課舊編小窻燈火憶當年
曲肱自笑不成寐月上瑤琴第五弦

雪夜題書玉署深思山便欲寄瑤琴
征鴻若問平安信河漢東流是此心

題番陽方氏心遠亭

柴門垂柳曉啼鴉露溼苔封芍藥芽
分得番陽雲一半自攜春雨種黃花

題春江小景圖

小艇無人載綠陰白鷗門外笋成林
不知多少山中雨染得一江春水深

錢唐懷友

舟泊楓林一雁聲白蘋紅蓼共思君
月明江水多于海雨後秋山碧似雲

登福山遇僧偶出

鷺嶺雲深杖屨幽竹風松影共悠悠
何人分得僧家榻坐看雲山一片秋

友人見訪不遇

君乘白鶴下青雲我入春山聽曉鶯
可惜小樓風雨過無人收拾萬松聲

送馬編修

軍山流水繞盱城曾記維舟聽曉鶯
君過柳陰聊駐馬

春風葉葉是離情

杜禧

題周曾秋塘圖

枯荷容與淡相依
蘆荻花香拂釣磯
一段秋光成霽景

向人鷗鷺自忘機

貢自誠

即景

臘酒留香梅子小
野棠飄雪杏花開
漁溪白白蘆芽出

欽定四庫全書

御選元詩
卷七十一

三六

楊柳青青燕子來

劉郁

題鵲山

路入荒山百里長
川原平望鬱蒼蒼
倚天翠壁三千仞

只欠磨崖第幾行

鵲山高與碧雲齊
渡水沿岡路欲迷
日暮羸驂鞭不動

綠雲深處亂蟬嘶

侯賓于

題百花洲

樓臺縹緲絕氛埃
瓊樹扶疎帶月栽
夜半空庭松滴露

碧雲天外鶴歸來

張擇

次盧參書御溝水韻

華清波色漢陽溝
不似粼粼煖綠柔
飄盡上林紅萬點

又從天上送春愁

羅索

欽定四庫全書

御選元詩
卷七十一

三七

艾山懷古

滿山松檜倚空長
流水漂花遶澗香
盟會有基人到少

但聞啼鳥送斜陽

趙友蘭

題海嶽後人煙巒曉景圖

一曲溪山類輞川
何人筆意淡風煙
月明鏡水秋無影

照見長虹貫客船

御選元詩卷七十一

欽定四庫全書蒼苔要卷一萬八千四百八十四集部

御選元詩卷七十二

七言絕句六

周權

埽逕

剝啄無人晝掩門
庭花春晚雪紛紛
山童不解山翁意
埽破蒼苔一選雲

晚眺

閃閃歸鴉過別林
斜陽流水意沈沈
數聲樵笛人何處
一路寒山晚翠深

漁翁

轉棹收緝日未西
短篷斜閣斷沙低
賣魚買酒歸來晚
風颭蘆花雪滿溪

次韻友竹弟南明山

秋深榭葉滿空山
飯罷僧袍挂石闌
洗盡十年塵土夢
天風吹瀑落雲寒

晚渡

離離野樹綠生煙
灼灼山花爛欲然
酤酒人歸春渡寂
柳根閒繫夕陽船

晚眺

翠潤浸衣竹滿闌
雨餘爽氣挹西山
一聲孤鶴歸何晚
帶得閒雲作伴還

村居

疎竹人家短短牆
綠陰深處水村涼
山風吹斷巖前雨

高樹蟬聲正夕陽

白石菴

地幽山氣靄空嵐
落葉蕭蕭白石菴
歸鶴一聲無覓處
松梢擎月影穆穆

晚棹

白水青林蕩曉晴
野禽樹底向人鳴
東風十幅蒲帆飽
快試淮南第一程

雨後

鳴鳩村暗曉寒天
白水交流亂野田
落盡殘紅春不管
一川風雨閣榆煙

邳州

百戰殘城古下邳
白門樓下草萋萋
古來多少英雄恨
落月城頭烏夜啼

客枕

落葉蕭蕭擁石闌
轆轤聲斷井花乾
夜深天濶風霜緊
雁落滄江月正寒

欽定四庫全書

御選元詩

卷七十二

三

哲爾伊爾台

題水村隱居

四野漫漫水接天
孤村林木似凝煙
莫言此地無車馬
自是高人遠市廛

柯九思

宮詞

四海昇平一事無
常參已散集諸儒
傳宣羣玉看名畫
先進開元納諫圖

萬里名王盡入朝
法官置酒奏蕭韶
千官一色真珠襖
寶帶攢裝穩稱腰

花明畫錦柳搖絲
仙島陪鑿濯禊時
曲水畚成飛瀑下
逶迤銀漢接清池

儒臣春直奎章閣
玉陛牙牌報未時
仙仗已回東內去
牡丹花畔得圍碁

玉腕調冰湧雪花
金絲纏扇綉紅紗
綵箋御製題端午
勅送皇姑公主家

欽定四庫全書

御選元詩

卷七十二

四

元戎承命獵郊坳
勅賜新羅白海青
得雋歸來如奏凱
天鵝馳送入宮庭

宮詞

千巖雨過翠玲瓏
太液池邊看彩虹
何處蓬萊通弱水
儀天殿在畫橋東

夜深回步玉闌東
香燼龍煤火尚紅
折得海棠無覓處
依然遺却月明中

題趙松雪畫馬

沙場萬里貳師還天馬如雲入漢關當日丹青誰第一
為傳神駿落人間

題趙松雪挾彈圖

夜合花開晝漏遲王孫遊騎出平堤玉鞭緩策青林下
回首風前聽子規

題趙松雪春山圖

落花飛絮春日閒散策儒林獨往還圖成應對美人語

好似西湖西畔山

此記管仲姬畫眉時語也

欽定四庫全書

御選元詩 卷七十二

五

題文與可畫竹

湖州放筆奪造化此事世人那得知
楚然何處見生氣彷彿空庭月落時

題李遵道畫扇

江清地僻野人家門外橋通石徑斜
不信東華塵十丈萬山晴雪看梨花

題漁父圖

黃金不用買驂騑十丈紅塵沒馬頭
好買扁舟逐漁父

一江春雨看浮漚

題周文矩畫熨帛士女

熨開香霧細裁縫蜀錦吳綾五色濃
雲母屏前秋冷淡自將纖手折芙蓉

題姚婁東所藏平臺寒林圖

古木寒林欲斷魂家山落日近黃昏
相從便問桃源路絕頂人行何處村

題商集賢畫山水

山人苔徑散青鞋上有雲煙疊翠崖
何處彈琴消白日隔溪脩竹繞茅齋

題李息齋畫竹

仙客揮毫不可招綠雲猶繞翠蕤飄
天風吹醒丹淵夢冉冉青鸞下九霄

深宮雨過長苔痕誰憶羊車舊日恩
惟有集賢癯學士一枝漠漠記黃昏

筆端隨意長清標疎葉生風剪剪飄
羸馬城南看新筍

欽定四庫全書

御選元詩 卷七十二

六

雨餘初散集賢朝

使君弭節毘陵日屏障家家有畫圖何似小窓橫幅好
青鸞雙過洞庭湖

題錢舜舉畫杏花

一枝繁杏逞妖燒曾向東風楊柳腰金水河邊三十里
落紅如雨玉驄驕

題張叔厚白描乘鸞仙

秦臺縹渺近天涯紅露霏霏隔絳紗蕭史不歸春欲老

欽定四庫全書

御選元詩

卷七十二

七

吹簫祇在碧桃花

春直奎章閣

旋拆黃封日鑄茶玉泉新汲味幽嘉殿中今日無宣喚
閒捲珠簾看柳花

偶成東庄廬山人

月華雲影漾中郊光耀紛紜動翠梢玉笛夜吹山石裂
有人騎鶴過三茅

玉山書畫樓口占

紅顏欲醉倚高樓玉管聲中桂子秋如此江山不歸去
冷雲風急卧扁舟

姚婁東往玉山因書以寄

相逢何事且徘徊澤國桃花岸岸開見說衡陽南去路
秋深無雁寄書來

李裕

宮詞

宮門煙柳映風蒲別殿交魚給傳符太液池邊下黃鵠

欽定四庫全書

御選元詩

卷七十二

八

急宣立本畫新圖

送葉審思北上

曉際風霆上紫壇夜吹簫管向人間月明孤鶴三千里
知過吳山與越山

王都中

遊北湖

畫舟搖曳泛空明滿酌流霞倒玉觥山鳥亦知遊樂意
夕陽高處兩三聲

杜本

題吉學士墨梅

冰雪肌膚鐵石腸
翩翩和月按霓裳
臨窓喜見橫斜影
却有王孫翰墨香

題江村圖

樹林蒼蔚水縈環
知是江南何處山
幾載幽并倦行役
按圖欲借屋三間

題小景

秋雲滿地夕陽微
黃葉蕭蕭雁正飛
最是江南好天氣
村醪初熟蟹螯肥

題道士許冰壺遊維揚詩卷

淮南秋月漾清波
照徹冰壺秋氣多
二十四橋春似海
羨君騎鶴數經過

焦文炯

夜直

憶昨停驂便殿西
柳溝風軟絮沾泥
一彎月子梨花上

冷浸香雲伴鳥栖

貢師道

黃河道中

寶林溪水碧于藍
石竹庭柯黛色參
落盡梨花寒食過
幾回歸夢繞江南

曉渡桃源日未西
綠陰村巷轉逶迤
菜花籬落飛黃蝶
恰似南園雨霽時

韓性

鏡湖

鴉陳連空木葉疎
西風哀柳半平蕪
湖山照眼長奇麗
不枉千金買畫圖

曹娥江

隔岸檣竿著暮鴉
待舟人立渡頭沙
數拳頑石生雲氣
一半斜陽有浪花

天香閣

闌干曲曲亂雲封
回首爐峯翠幾重
上界罡風秋萬頃

銀河開徧碧芙蓉

題趙子固墨蘭

鏤瓊為佩翠為裳
冷落遊蜂試采香
煙雨館寒春寂寂
不知清夢到沅湘

陳深

小園即事

淡黃楊柳著煙輕
細草茸茸襯履行
行到水邊心會處

夕陽一樹杏花明

欽定四庫全書

御選元詩

卷七十二

十一

南湖史君製暗香湯奇甚賦絕句求之

霧閣雲窓深閉春微聞
玉杵擣清聲元霜秋許雲英見

地上詩人渴夢生

賦桂山

其人善琴書大字

小山桂樹碧雲西
三疊琴心月未低
曲罷便乘蒼鳳去

廣寒瓊榜要新題

濟南趙君成南使羈留三紀得還其猶子錄其

遺事求詩為賦一絕

三十六迴秋月明年年望斷雁南征
蘇郎皓首還鄉去

媿殺當時李少卿

圖列圖

范文正公書伯夷頌并札卷

韓文稱頌伯夷賢黃素真書慶曆年月照明珠還合浦

春風長共義庄田

李懋

寄贈華陽洞隱者

欽定四庫全書

御選元詩

卷七十二

十三

天上神仙白玉扉
春雲誰繡六銖衣
人間傳得新詩句

為有高僧到紫微

句容郭裏望三峯
綠翠芙蓉香靄中
安得與君騎兩鹿

碧巖深處聽松風

高若鳳

張戡獵騎圖卷

一犬前驅五馬隨
赭袍公子跨烏騅
壯遊却憶飛狐北

正是春秋出獵時

錢良右

題鄭所南推蓬竹卷

南翁高卧似淵明不種黃花種竹君起挂北堂長見此
蒼煙一抹帶斜曛

陳天錫

偶題

脩竹千竿萬卷書水明沙淨稱幽居春風架上吹殘簡
時復晴窓落蠹魚

欽定四庫全書

御選元詩

卷七十二

十三

俞希魯

題米元暉五洲圖卷

雨過郊原曙色分亂山元氣碧氤氳白雲滿案從舒卷
誰道不堪持贈君

孫存吾

秋思

雁落西風字字沈嫩涼偷入藕花心眼前多少關心事
付與寒蛩徹夜吟

龍仁夫

春日即興

一夜東風到海棠千桃萬杏不成妝老夫無分穿紅海
自拂銅瓶浸錦香

二月桃花煖欲然牆南美錦正芊綿底須更覓逃秦叟
遶屋春紅即洞仙

病來桑扈老嬰嫻瘦策東風興未闌野菜黃雲山霽雪
風光何處不堪看

欽定四庫全書

御選元詩

卷七十二

十四

枯藤處處領春華遮莫東風顛帽紗點破蕪青黃世界
一枝香雪小梨花

席上作

茁茁池邊風滿衣木樨亭下雨霏霏老夫記得坡仙語
病體誰禁玉帶圍

劉詵

題明皇並蕭

青鳥西來太液池霓裳舞影落瑤墀並吹玉管同心調

惟有姮娥月裏知

題張敬畫眉

京兆春風到柳枝翠簾縹緲遠山奇梁鴻亦有齊眉案
不要人間黛綠施

宿荷花莊

晚宿山莊待雨晴夜深雲弄月痕明茅廬四面溪田繞
半是蛙聲半水聲

鄰有廢屋久閉金沙一枝忽穿屋而出衆為驚

欽定四庫全書

御選元詩

卷七十二

十五

顧然亦竟無一賞者

古屋幽花閉不知忽穿碧瓦怒橫枝辛勤自致高堂外
却得行人立頃時

元日

曉街泥淺馬蹄過元日雖陰氣已和處處桃花如二月
東風應比去年多

庚午春夏間居即事

老託園林因雪霜橘枝病悴蕙枯黃茶蘼獨擅春風力

無數新花出短牆

門掩薰風小小齋紫薇幾尺正當堦誰言省掖偏宜種
偶落山林亦自佳

橫石渡候舟有感

沙邊一樹誰家李歲歲逢渠白作堆滿眼青山衣袂濕
又隨春雨過江來

題秋日江村圖

黃葉秋風趁蹇驢平洲遠嶺雁相呼野舟盡日間無用

欽定四庫全書

御選元詩

卷七十二

十六

只與人間作畫圖

重涉瀘江
渚籬漁網懸秋日山寺人家起夕煙欲共故人評好句
微風吹袖水痕圓

上巳獨坐

蕭然門巷楚人家山鳥行階啄草芽上巳焚香看易罷
自衝微雨整幽花

宋无

宋无

春愁

金雁塵香暗鳳弦紅繩風緊閣秋千園林寂莫無鶯燕
一段春愁是杜鵑

春閨

閒畫金釵記遠人杜鵑啼血又殘春琵琶絃上無多字
近日相思彈不真

山中僧

雪頂霜眉齒半稀跣趺苔石看雲歸山童埽葉鶴飛起

欽定四庫全書

御選元詩

卷七十二

十七

狼籍松花滿衲衣

唐人四馬卷

金銜初脫齒新齊蹄玉無聲赤汗微昨日杏園春宴罷
滿身紅雨帶花歸

簇仗回來玉勒閒黃門牽向落花間君王不愛長楊獵
嘶入春風十二閑

霜蹄踏月早朝回尾弄紅絲拂紫苔日煖龍池初洗罷
尚方聞進御鞍來

太僕新調試錦韉九重日色照連錢春來興慶池邊路
偏稱宮中軟玉鞭

山中

半嶺松聲樵客分一溪春草鹿成羣採芝人入翠微去
丹竈石壇空白雲

老馬

瘦蹄生入玉門關病放沙場戰骨閒歸甑殘芻應有淚
將軍頭白戍天山

欽定四庫全書

御選元詩

卷七十二

十八

老農

倩搔背痒坐深村愛說前朝賜帛恩縣帖不來尋社長
自攤牛契教元孫

老牛

草繩穿鼻繫柴扉殘喘無人問是非春雨一犁鞭不動
夕陽空送牧兒歸

無題

花影玲瓏滿繡牀自調綠綺背紅窓惆悵佳期學絃線

七條哀怨不成雙

遊三茅華陽諸洞

冠帶寒星帔剪霞步虛去宴玉宸家醉歸却跨青鸞下
衝落碧桃無數花

玉案清香徹夜焚紫煙成蓋覆茅君數聲清磬秋潭霽
敲碎遙天一縷雲

書滿琅函秘不開雲窓霧閣瑣青苔門前白鹿將麈過

定是避秦人引來

欽定四庫全書

御選元詩

卷七十二

十九

淡染雲霞五色衣杏壇朝罷對花披洞中養隻千年鶴

長被仙人來借騎

南峯歸雲菴

雲伴老僧居翠微老僧應共白雲飛仗藜西去雲東去

日暮僧歸雲亦歸

春歸

釀蜜筒香蜂報衙杏梁泥歇燕成家浮萍斷送春歸去
盡向東流載落花

雪夜有懷

雪壓狐裘醉玉京夜聞鼓吹到天明寒窓病起今頭白
始聽春蠶食葉聲

髮白解嘲

吳霜兩鬢早先秋聞道愁多會白頭溪上鷺絲渾似雪
想應無那一身愁

西湖所見

綠闌干護水鱗鱗蘇小門前柳弄春聽得語聲嬌不見

欽定四庫全書

御選元詩

卷七十二

二十

隔簾伴喚賣花人

宮詞

月照芙蓉水殿秋仙韶一曲奏涼州高皇尚愛梨園舞

宣索當年鞠部頭

條脫金寒翠袖冰羊車夢裏轆轤聲薰鑪宿得沉香火

暖却春纖暖玉笙

寒食

十日花時九雨風年年百五病愁中春寒不禁香篝火

紅蠟青煙憶漢宮

東風

東風吹綠上汀洲
染出江南一片愁
長到春來問芳草
不知何地可忘憂

早鄉田父言

疲牛病喘餓桑間
碌碡閑眠麥地乾
殘稅驅將兒子去
豆畦却倩草人看

王蠟

欽定四庫全書

新選元詩

卷七十二

三

全齊拱手受燕兵
義士誰為國重輕
七十二城皆北面
一時發憤獨書生

甘羅

函谷關中富列侯
黃童亦僭上卿謀
此時園綺猶年少
甘隱商山到白頭

王介甫

投老歸耕白下田
青苗猶未罷民錢
半山春色多桃李
無奈花飛怨杜鵑

題鄭所南推蓬竹卷

要寫秋光寫不成
愁凝苦竹淡煙橫
葉間尚有湘妃淚
滴作江南夜雨聲

汪珍

城南

春陰黯淡蔽人家
野水新生尚露沙
客子未歸寒食近
滿城風雨落梨花

洪希文

欽定四庫全書

新選元詩

卷七十二

三

無題

二八當筵舞柘枝
東塗西抹賽新奇
而今粉暗脂冷
嬾去翻騰十樣眉

幽居

柴門掩斷徑生苔
坐閱東君幾往迴
看盡牀書無客到
殘花風送過牆來

投老安閒世味疎
深深水竹葺幽居
牀頭昨夜風吹落
多是經年未報書

春晴

鷓鴣聲歇日曛曛山谷溪橋暖信通
花柳村村自生意青鞋布襪逐春風

袁士元

題寒江獨釣圖

堪笑江湖幾釣徒朝來相喚暮相呼
秋今風雪蒙頭處回首煙波一箇無

題水西軒和府推何德孚韻

積雨荒池水欲平軒窓長夏有餘清
吟餘一枕滄浪夢

卧聽風荷受雨聲

上陳達卿架閣

金猊香透小窓紗蓮幕歸來日未斜
掩却竹扉清晝靜呼童汲水更澆花

雨中遣懷

雲壓低蒼雨未收隔林猶聽叫釣軒
詩翁慣作天涯客滴碎空階不解愁

欽定四庫全書

新選元詩

卷七十二

三三

夏日山居

疎簾拂拂颺南薰睡起茶春隔岸聞
蠶老已收松上雪麥黃初漲隴頭雲

暮雨

山北寒雲去復還黃昏院落雨珊珊
數聲捎入芭蕉上不道愁人獨倚闌

孤梅

玉骨冰肌迥不羣羅浮山下幾黃昏
應時桃李知誰在

欽定四庫全書

新選元詩

卷七十二

三十四

月冷霜清欲斷魂

水仙

醉闌月落金杯側舞倦風翻翠袖長
相對了無塵俗態麻姑曾約過潯陽

趙偕

送宗元始和尚之天竺維那

覺來何處有鶯鳴寒碧山中正五更
遙想高人思我處霜華月色半窓明

數聲鐘罷木魚鳴
不管桑田幾變更
惟有西來意無限
一溪寒玉照人明
上人自有荆山玉
豈愛驪龍領下珠
楊柳湖邊天未曉
偶隨孤棹落西吳

題梅

老梅枝老花逾妙
幾度相看正眼開
不道夜深人正睡
一枝隨月上窓來

陳自新

瑞跡山

雨過山谿生虎跡
雲歸巖洞長龍威
煙鐘古寺敲殘日
樵笛一聲江鳥飛

瑞龍寺

寺外寒流玉一泓
白雲如練挂危層
青山遠屋柴門掩
只見梅花不見僧

張天錫

岐山八景 錄二首

磻溪風月

古溪水暗草荒蕪
風嘯山空夜月孤
試問泥塗軒冕客
不知曾載後車無

寶相晨鐘

未到蓮花刻漏殘
上方燈火照梅壇
豐山月落曹溪樹
驚覺僧窓鶴夢寒

達嚕噶齊

開花寺避暑

行遍東州二十城
驛亭猶自候雞聲
歸來又上寒沙漠
此是雲中第一程

夏拜布哈

會景亭

欲過淮流此待期
玻璃亭下謾題詩
歸程却值東風暖
正見輕紅半吐時

和卓

題第一山

獨眺東南第一山丹崖翠壁冷雲間題詩為避元章老
且聽泉聲閣筆閑

李誠

棲霞觀

太行絕勝在棲霞蒼翠橫空四面遮行過清溪松頂暗
白雲深處是仙家

門外清溪玉一灣屋頭蒼翠四圍山世間底是真仙景
若箇能來此地閑

欽定四庫全書

御選元詩

卷七十二

三七

幾家墟落煙霞外數頃禾麻澗谷中轉首雲深迷去路
恍然身在武陵東
樹頭嵐氣鬱氤氳砌下清泉亂石分信步松間凝佇久
晚風吹散一溪雲

胡巨源

留題南趙古廟

鱗皴老樹鐵生斑神宇荒涼野壑間地僻無人秋寂寂
一川紅影夕陽間

陳良弼

小樓春雨

無奈春來雨未休杏腮紅瘦柳眉愁東風不管人憔悴
盡日吹寒上小樓

吳鏜

舟中

依稀殘夢水聲中落月餘輝入短篷似聽鄰舟催喚起
今朝趁得上江風

欽定四庫全書

御選元詩

卷七十二

三八

斜溝登車次韻

買得斜溝小犢車曲轅短策困泥沙何時乞取江南縣
春雨初晴學種花

托里約蘇

玉望山

有約今朝上此峯來時臺殿白雲封棲菴羽客知何處
疑是尋芝訪子蒙

夏巖中

題白雉山圖

我家茅屋瞰滄流
碧樹離離帶遠洲
安得故人歸舊隱
共看明月楚天秋

劉平叟

題梅

孤根鑿雪春猶淺
老幹封苔蕊半開
絕似西湖停棹處
短篷斜過一枝來

琥珞珣

欽定四庫全書

御選元詩

卷七十二

三十九

羅琴山

三尺絲桐月夜彈
一聲清響落空山
仙翁自歎知音少
兩袖天風跨鶴還

熙春臺

亂峯東去奮蒼龍
一水西流走玉虹
向日熙春臺上樂
年來辜負幾東風

吳存

兩堤柳色

南北長堤采蛺連
垂楊夾道綠如煙
春風賸長絲千尺
辨與遊人繫畫船

新橋酒旆

橋邊翠掩小家樓
新釣魚肥酒旋芻
可是東風能喚客
青帘飛過柳梢頭

馬紀

題海會寺

薄宦縈人敢暫閑
勸農方得到西山
深知不及高僧樂

欽定四庫全書

御選元詩

卷七十二

三十九

終日吟哦碧落間

一架茶蘼滿寺庭
冬來猶見色青青
門前出水未為勝
須上微嵐碧翠亭

金承務

過湘溪

歸驂夜轉亂山間
程水橋邊月未殘
行到湘溪日初出
露華濕滿客衣寒

董雄飛

天台山

玉立巉岼趾斷崖昔人題此作天台蟠根誰似山頭枯
曾見隋唐池館來

青蓮山

層巒咫尺對青蓮勝日躋攀會有緣我與白雲盟已久
不須更借買山錢

鄧子實

苧溪橋

日照松梢宿雨乾秋風剪剪作輕寒青林缺處雲山好

更過橋西子細看

翟思忠

練湖秋日即事

秋色平分上下湖西風獵獵顛菰蒲長山一帶青如染

還似六橋煙景無

霏霏疎雨練塘秋羨殺沙邊兩白鷗舊有江湖散人約

青鞋黃帽去來休

欽定四庫全書

御選元詩

卷七十二

三十一

陳邃

廉相泉園

亂朶繁莖次第花牡丹全盛動京華紅雲一片春風好
便是山中宰相家

埒克智

題所南老子推蓬竹圖

碧雲夏午楚山冷白雨六月湘江寒南翁筆底得佳趣
瀟瀟半壁香琅玕

欽定四庫全書

御選元詩

卷七十二

三十二

卜友曾

偶成

雨過疎篁翠欲流西風吹露冷吳鉤閑庭落下不須掃

官况從來淡似秋

思歸

客子來時菊放秋桃花開遍尚淹留長空雁影北飛盡
一夜江聲可白頭

連際

金牙山

撐破白雲負翠環孤峯高倚北辰閑
黎川歷歷憑高望
幾點村煙落照間

郭君彥

早春湖上

柳牙黃淺不勝春沙暖泥香草色新
鷓鴣雙飛湖水闊
相思愁殺倚闌人

趙景文

欽定四庫全書

御選元詩

卷七十二

三十三

娥眉亭

萬頃秋波浸碧雲豁然心地共寬平
我來不學溫開府
寄語馮夷且莫驚

常沖

與元亭叔靜論學有感

秋水芙蓉玉一枝飄然不受俗塵縑
植根共恨池塘小
正要汪汪萬頃陂
草木經霜厭苦辛繁華元不是天真
殘枝敗葉凋零盡

才見從根一點春

寄叔靜

馬上清明南郭別山中長夏幾相思
茅齋疎竹生秋意
可是良宵對榻時

趙孟禧

杏花

三十里花曾躍馬十餘年事謾凭闌
榮華已逐飄風去
却向牧童村裏看

欽定四庫全書

御選元詩

卷七十二

三十四

何致中

山居春暮

苦棟吹香柳絮飛杜鵑聲裏夕陽微
惜花誰唱留春曲
山雨滿簾春自歸

徐秋雲

美人圖

玉佩鳴璫照素秋綠雲扶夢下瑤樓
瀟湘一片芙蓉雨
珠箔沉沉不上鈎

顧華

即事

古樹黃昏帶遠煙
瑤臺入夜月當天
涼風忽灑庭階樹
玉露滴衣人未眠

閉門不見故人來
翠竹陰陰護碧苔
小玉自拈檀板至
夜深一曲紫雲回

謝雋伯

西湖偶感

思遠樓西平嶼
東會昌湖上藕花
風水亭隔岸湘簾捲
人倚闌干憶謝公

王份

山居襟興

扶桑日出曉曛曛
桃樹花開一線風
黃鳥數聲人未起
小窓只在碧雲中

溪頭雨歇照晴曦
起看溪流一夜渾
幽鳥數聲山樹碧
白雲依舊掩柴門

欽定四庫全書

御選元詩

卷七十二

三五

山南山北野人家
樓上春風吹柳花
餵得吳蠶三百箔
村村細雨響鑼車

早起科頭髮不梳
門無俗客稱幽居
閑凭石几修文字
偶閱仙人相鶴書

陳虞之

送別

柳濕征衫曉出關
荒城古雪劍花寒
西風漠漠龍山路
馬上青山帶醉看

欽定四庫全書

御選元詩

卷七十二

三六

翁葵

桐廬舟中

十數人家門傍水
二三里路地栽桑
前溪漁棹歸無數
網挂船頭曬夕陽

陳允文

桑樹

一年一度伐株柯
萬木叢中苦最多
為國為民甘寂寞
却教桃李聽笙歌

吳子莊

小景

黃塵烏帽五門西
萬里風煙入馬蹄
頭白歸來春夢醒
綠陰深處聽鶯啼

杖藜日日看芝山
山下溪雲共往還
昨夜小溪新水漲
釣船流向寺前灣

欽定四庫全書

御選元詩
卷七十二

三十七

御選元詩卷七十二

謹案卷七十一第十四頁前七行踏雪歸來過早

春刊本雪訛馬擬薩天錫雁門集改

第十九頁前七行醉起按薩天錫集醉起作宮詞

今仍刊本

第二十六頁前三行水香露影空清處刊本清訛

請擬陳旅安雅堂集改

第三十五頁前七行舟泊楓林一雁聲刊本楓作


風今改

欽定四庫全書

一

卷七十二第四頁後六行香燼龍煤火尚紅刊本

尚訛向擬柯九思丹邱生集改



總校官庶吉士臣侍朝
校對官檢討臣蕭九成
謄錄監生臣傅瓌芳

欽定四庫全書薈要

集部
御選元詩卷七十三

欽定四庫全書薈要卷一萬八千四百八十五

集部

御選元詩卷七十三

七言絕句七

鄧賚

寓舍春晚

柘陰初合豆初畦
門掩春寒落絮遲
薄暮一尊還獨酌
坐看微雨濕茶糜

早冬過聶氏西江別墅

欽定四庫全書

御選元詩
卷七十三

紅葉青山載酒行
山人新結野菴成
西簷一樹梧桐好
他日重來聽雨聲

清景亭邊秀作堆
竹聲松影共徘徊
野藜繞屋多秋實
時見山禽引子來

王東

登冷仙巖

仙巖酌酒杏花紅
滿地金濤日上東
洞底香風散靈氣
遊人都在紫雲中

詳校官原任主事 李斯咏

南園

蒼苔翠竹轉林暉野菊花開過客稀樹底秋蟲作寒繭
雨晴黃葉滿園飛

潘音

聞鷓

子規聲切月輪斜起望諸陵憶漢家婦女尋芳渾不解
鬢雲爭插杜鵑花

納璘

題第一山峇余廷心

一山松檜巢歸鶴五塔香燈送落暉惟有玻璃同我志
閒來時復濯纓歸

于文傳

題水村圖

桑梓未能忘楚甸琴書已久住吳門悠悠江海風煙隔
知是夕陽何處村

張翥

蕙子祐歸省金陵且就秋試作絕句贈別

故園歸思浩無涯更聽啼鷓惱客懷後夜月明應有夢
先隨潮水過秦淮

題蘭

鷓鴣聲中花片飛楚蘭遺思獨依依春風先自悲芳草
惆悵王孫又不歸

題王戡隱畫山水

額黃銷盡玉嬋娟翠袖凝愁倚暮煙舊日漢宮三十六

更無秋露泣銅山

題吳性存所藏趙仲穆竹枝雙蝶圖與玉山同賦

滿叢鮮碧露團香院落春紅過野芳蛺蝶一生花裏活

飛來還戀竹風涼

成廷珪

客中久雨

水滿行廚欲產蛙苔封老屋亂啼鴉南風十日黃梅雨
開盡冬青兩樹花

秋塘戲鵝圖

滿塘秋水看雙鵝
草軟沙平奈爾何
記得一羣黃似酒
杏花梁上落紅多

春夜

酒兵無力破愁城
春盡空山杜宇聲
敲缺唾壺眠不得
半簾花影月三更

青山白雲圖

不見茅齋舊隱君
遠溪煙樹莫紛紛
斷橋水滿無人渡

誰向青山管白雲

墨梅

東閣衝寒雪一枝
巡檐偏解索題詩
何郎老去風情減
羞見疎花照鬢絲

夜宿野城

露氣涓涓欲二更
小舟猶向月中行
前村知有人家近
隔浦微聞犬吠聲

畫馬

圉人爭喜得驂駟
撥入天閑早見收
今日有誰憐駿骨
西風沙苑蒺藜秋

送人之武林

白鼻驕駟紫綺裘
湧金門外醉瀛洲
君家若有平安字
寄在春風第幾樓

武林客舍

窗外青山啼子規
吟魂正被酒禁持
小樓一夜雨聲惡
落盡碧桃人未知

綠楊橋

長溪春漲碧溶溶
煙雨空濛濕采虹
何事吹簫度清夜
斷堤楊柳月明中

題蒲塘雙燕圖為劉小齋作

昭陽池館晚風微
花落巢空去未歸
却是蒲塘春水濶
年年還傍小齋飛

訪王伯純晚歸

長洲苑內舊池臺
白髮山人恰再來
無限客愁渾忘却

小樓聽雨杏花開

題倪幻霞雲松圖

九峰只在泖雲西
松下來尋隱者棲
隱者不歸空見畫
滿山風雨夜猿啼

李孝光

春風

春風隨處作春晴
楊柳依依綠未成
昨夜池塘新雨足
蛙聲剛亂讀書聲

欽定四庫全書

御選元詩

卷七十三

六

農事

落日蜻蜓處處飛
槿花門巷豆花籬
行逢野老問農事
稻雨濕衣香未知

送蔡飛卿之維揚

送君直渡秦淮水
風急桃花飛過江
自有行人回首處
昇州山色滿船窗

贈靈巖秀禪師

北林日午煖如烘
盡日溪行曲折中
自愛敲冰看魚上

山頭樹影落溪紅

送人

江上晚山無數青
行人草草似流萍
水邊燈火官船發
五十長亭第一亭

次薩使君韻

烏几繩牀詩夢熟
驚聞風雨欲翻江
酒醒憶得長蘆寺
半夜松聲繞北窗

使客忽忽感歲華
杏花消息又桃花
江南佳麗春風見

欽定四庫全書

御選元詩

卷七十三

七

柳絮樓臺十萬家

過青楓嶺王貞婦廟

山下江流幸自清
山頭明月已無情
此心若媿王貞節
莫向青楓嶺上行

寄達魚善

城上烏啼欲閉門
蕭蕭風雨又黃昏
無端畫角連雲起
鐵鑄梅花也斷魂

舟過吳江

二十四番花信老溪頭紅減綠初肥東君也是多情思
盡日扶持柳絮飛

次韻薩天錫雜詠

烏衣更無王謝宅青山好在仲宣樓南堂明月無人管
清簾疎簾夜夜秋
僧學蜜蜂開牖戶山中八月未知秋銀牀正換養花水
屋上一聲黃栗留

明月相窺憐我瘦幽雲不動妬僧閒病餘無力看賓客

欽定四庫全書

御選元詩

卷七十三

八

獨露亭南數碧山

病起用伯循御史韻

病起無聊帶減圍看花驚有未開枝主家十二樓中見
爛漫春風祇自知

送茂上人

五湖春水綠溶溶兩岸花開鬪白紅欲買扁舟隨汝去
卧聽疎雨打南蓬

十二月十三日登鳳凰臺望淮南雪中諸山魚

書道上所見

雪花一丈欲飛樓人住鳳凰山上頭雪隔淮南數千里
青山斷處是滁州

懷薩使君

憎夜還聞蟋蟀吟定知秋色上青林坐看黃葉落四五
記得題詩入綠陰

姑蘇臺

閶門楊柳自春風水殿幽花泣露紅飛絮年年滿城郭

欽定四庫全書

御選元詩

卷七十三

九

行人不見館娃宮

周伯琦

宮詞

畫閣香銷暮雨晴珠簾半捲遠山明蒲萄初醒羅衣薄
枕上鷓鴣撥不成
木難火齊當纏頭貼地金蓮步欲羞露濕銀牀人語靜
蟾宮九夏是中秋

巫山隱約寶屏斜朝著重綿畫著紗徙倚牙牀新睡足

一餅芍藥當荷花

苑路東西草色遙
闌干曲曲似飛橋
水晶殿外檐鈴響
疑是鑿輿蚤散朝

五月扈從上京學宮紀事

曾覓複閣接青冥
金色浮圖七寶楹
當日熙春今避暑

灤河不比漢昆明

詠大安閣故宋汴熙春閣也遷建上京

鏤花香案錯琳鏤
金瓊葡萄大白浮
羣玉諸山環御榻

瑤池只在殿西頭

詠洪禧殿

欽定四庫全書

御選元詩

卷七十三

十

數樹青榆延閣東
雲窗霞戶綺玲瓏
上林文鹿高於馬

時引黃鸞碧草中

冰華雪翼眩西東
玉坐生寒八面風
巧思曾經修月手

通明元在五雲中

詠水晶殿

鷓斑百和作堅材
翥鳳翔龍四壁開
寶地曉張香積界

始知天子是如來

詠香殿

延閣圖書取次陳
講帷日日集儒臣
墨池雲合天光絢

東壁由來近北辰

詠宣文閣

宣文下直

亭亭翠柏倚朱闌
雲母窗扉逼暮寒
玉德殿前紅杏樹
數花猶作去年看

夏日閣中入直

冰盤堆果進流霞
中秘繙餘夕景斜
畫舫逕從園殿過

鳳麟洲上數荷花

流觴小殿曲闌繁
波影簾櫳浸繡楹
靜晝敲碁中貴語

君王避暑在開平

欽定四庫全書

御選元詩

卷七十三

十一

特穆爾

遊鼓山大頂峯

肩輿直上白雲梯
古剎林深路欲迷
絕頂一聲長嘯罷

海天空濶萬山低

貢師泰

題淵明小像

烏帽青鞋白鹿裘
山中甲子自春秋
呼童檢點門前柳

莫放飛花過石頭

和馬伯庸學士擬古宮詞

城上鴉啼曙色催五門三殿一時開玉皇不許羣仙見
隱隱車聲天上来

綠池香水出夫容十二釵寒妬玉蟲只恐禁園今夜雨
華清明日又西風

寶扇微開萬樂從紫衣扶輦出行宮近臣侍罷櫻桃宴
更遣黃門送兩籠

紫雲扶日上盤盤花氣薰衣露始乾行處不禁春色慙

欽定四庫全書

御選元詩

卷七十三

十三

回身却倚玉闌干

雲影微開日脚垂杏花深院落遊絲不知誰動秋千索

驚起黃鸝過別枝

和胡士恭灤陽納鉢即事韻

紫駝峯挂葡萄酒白馬鬣縣芍藥花繡帽宮人傳旨出

黃門伴送內臣家

蕎麥花深野韭肥烏桓城下客行稀健兒掘地得黃鼠

日暮騎羊齊唱歸

新教生駒不受騎小紅車裏簇歸時鈎簾醉卧毡毡月
不省人間有別離

野館吹鐙夜未央薄寒偏透越羅裳出門不計人行路
馬首惟占北斗光

至正十一年秋七月巡按松州虎賁分司時山
谷寒甚公事絕少明日即還為賦此

秋風撼撼衣綿薄夜雨蕭蕭燭焰低萬里江南才夢覺
此身元是客遼西

欽定四庫全書

御選元詩

卷七十三

十三

雲葉繽紛雪弄花小營近午却排衙分司御史渾無事
又輕青驄踏白沙

詠塵

春城花露欲生泥十二街頭漫漫飛落絮遊絲共無賴
半粘香汗半羅衣

發通州

日日思歸未有期及歸翻恨數年遲開船聽得吳歌起
絕似閭門送別時

送王元伯遊金陵并簡樊時中都事王德常管

句

閉門十日九風雨熟睡不知春水生樹上啼鳥忽驚覺
故人只在石頭城

水仙

太液池邊雪始乾曉粧初試佩嫋嫋簾鈎欲下東風細
猶夢珠宮扇影寒

十二瑤臺風露寒銀河澹澹月團團龍宮自與塵凡隔

欽定四庫全書

御選元詩

卷七十三

十四

別有銖衣白玉冠

予過吳中得畫一幅孤峯拔起有類雁蕩仙都
者因題贈宋居仁

雁蕩秋深玉柱寒老夫曾此駐征鞍開圖一見青山色
猶似當時馬上看

吳淞江上謾興

白月滿天江水平銀河垂地寂無聲披衣獨坐過夜半
撥刺跳魚時一鳴

偶成

司馬年來多病渴小樓涼雨趁高眠無端一樹櫻桃熟
勾引鶯聲到枕邊

李士瞻

松林午憩

松林坐久午風清溪水潺潺樹有聲何處小舟撐柳外
來迎潮落去潮生

紀見

欽定四庫全書

御選元詩

卷七十三

十五

榕樹根垂荔葉齊繞蒼宿霧綠初迷鷓鴣啼徹山頭雨
午夢醒時日正西

盧琦

興化道中

雨過山城野水渾夕陽黃犢卧籬根吳塘父老應相語
昨夜南船到海門

草萍驛和薩天錫

林外輕風帽影斜客衣近染紫山霞等閑點檢春多少

牆角薔薇幾樹花

錢舜舉木芙蓉

紅妝初映酒杯酣斜倚西風轉不堪霜後池塘秋欲盡
令人惆悵憶江南

題射獵圖

滿目西風塞上塵五花驄馬轉精神憑君莫射雙飛雁
恐有音書寄遠人

朱德潤

訪劉道士

春入山坳長蕨芽青童邀我飯胡麻野桃開處仙家近
閑向溪頭數落花

送王信仲過維揚

春江拍拍去帆孤樹底人家燕引雛曾向秦淮登暮閣
碧雲低處認三吳

沙湖晚歸

山笠低迴落雁斜炊煙茅屋起平沙櫓聲歸去浪痕淺

搖動一灘紅蓼花

牡丹鵲鴿圖

深院朱闌覆錦裯百花開盡牡丹春粉毛雙鴿多馴狎
對浴金盆不避人

題淮陰梅鼎畫蜀山圖

西望巴江隔錦官青泥黃棧細盤盤人間到處羊腸險
何必長歌蜀道難

西興

八月海門天氣涼潮頭如雪上錢塘斜陽更比歸人急
又引輕帆入富陽

拜郊臺晚渡

風颺松花落澗濱荻芽洲渚水鱗鱗莫教行到崇臺上
忘却山前喚渡人

無題

索索西風白露零隔林砧杵助秋聲欲尋隱者門前路
落葉漫山礙履行

送人

長江日夜向東流送子西津曉渡頭却憶望京樓下路
一宵風雨釀新秋

贈戕紙呂生

玉肌勻膩粉初乾淡淡空青印碧闌曉日長楊新賦就
墨雲時度玉螭寒

羅文緝緝染湘流中瑩晴空一段秋莫問殺青千古事
漆書應讓管城侯

欽定四庫全書

御選元詩

卷七十三

十八

出郭

步出東皋隅市塵青山高下欲迎人汀花有意開何晚
野草無名亦自春

重過彭城

誰云河廣不容舸急漿凌風渡晚潮却望彭城舊遊處
黃樓碑畔屋蕭蕭

題趙仲穆瀛海圖

玉觀仙臺紫霧高昔騎丹鳳恣遊遨雙成不念吹笙侶

閨苑春深醉碧桃

陳廷言

幔亭峯

曲奏賓雲久不聞尚傳石髓滿汗尊虹橋宴罷仙童報
昨夜松關鶴有孫

金雞洞

聞說談元不記年啄餘丹顆亦成仙一聲唱罷東方白
三十六峰生翠煙

欽定四庫全書

御選元詩

卷七十三

十九

謁朱文公書院

絃誦時時出辟蘿考槃還許碩人過丹崖雨過生書帶
九曲月明聞櫂歌

吳炳

訪道士不遇

元鶴衝開樹杪雲靈風為掩竹間門苦無柿葉書名姓
惟有蒼苔記履痕

趙雍

早春

高卷珠簾日漸長
梅花庭院雪飄香
閑倚闌干看新柳
不知誰為染鵝黃

暮春

綠陰庭院碧窗紗
半卷珠簾映晚霞
芳草萋萋春寂寂
東風吹墮落殘花

七夕

初月纖纖照露臺
枉將瓜果鬧嬰孩
今宵自有經年約

何暇閑情送巧來

初秋夜坐

夜深庭院寂無聲
明月流空萬影橫
坐對荷花兩三朶
紅衣落盡秋風生

余嘉賓

仙機巖

薜蘿煙雨孽梭飛
巖裏空餘織女機
寄語金妃休忘却
殷勤持贈六銖衣

欽定四庫全書

御選元詩

卷七十三

三十一

三五石

三生石上酒三盃
松柏風清萬壑哀
醉後不知塵世改
緩吹簫管下瑤臺

鄭元祐

陶靖節像

袖裏慚無博浪槌
酒醒空賦穉桑詩
悲涼一曲山陽笛
滿眼山河是義熙

寄金山普衲

金龍背上鬱藍天
長有神龍衛法筵
午夜江聲推月上
浪花如雪寺門前

月夜懷十五友

并序
錄八首

庚寅中秋夜月色如畫
而貧居溪渚因念晉人云
感念存沒心焉如割
遂用東坡明月明年何處看
詩平韻賦詩懷友云

趙宛丘

剡剡台躔映五雲
通明殿上玉宸君
今宵賞月延秋桂

欽定四庫全書

御選元詩

卷七十三

三十二

滿袖天香不見分

張貞居

月華浮海綠煙收
曾照神光湖上樓
惆悵塵生白玉塵
詩盟從此負閑鷗

李雲中

屋角冰盤擁爛銀
清光千里不疎親
棄官歸去輕如葉
應念滄江有釣綸

倪雲林

欽定四庫全書

御選元詩

卷七十三

十三

覽古樓高桂影寒
飛觴不厭接清歡
天香落盡黃金粟
軟語何由接夜闌

秦白野

天章閣下月孤明
仍是中秋此夜情
便到蓬萊宮裏住
謝安元自念蒼生

草堂賓主

芝雲如蓋擁冰盤
攜得王珣午夜看
山色湖光秋十里
詩成應更刻琅玕

陳敬初兄弟

闔閭城裏寄閑身
四壁秋蛩語近人
何異京華舊時月
清光相照白頭親

王季野錢伯行

飛雲樓上月華明
幾度中秋在帝京
却有錢郎揮翰手
倚闌橫笛最含情

楊瑀

靜安八詠 錄二首

欽定四庫全書

御選元詩

卷七十三

十三

鰕子禪

涼月空山照寂寥
鰕禪神化獨逍遙
吳淞千古依然在
一曲漁歌半夜潮

綠雲洞

綠雲洞裏綠雲深
翠竹蒼梧日夜陰
記得曾遊借禪榻
天風滿送海潮音

趙承禧

武夷山

羣玉山前隱道園松聲鶴唳隔溪聞山靈似識遊人意
要看青林映白雲

許楨

月下觀梅

老樹清溪映白沙可人竹外一枝斜黃昏信步前邨去
香到松林賣酒家

睡起偶成

乞得西園作醉鄉浮生俗務總相忘水雲清徹荷香裏

欽定四庫全書

御選元詩

卷七十三

三五

小艇虛明似洞房

賦詩舒歡杖藜行水色山光不世情醉卧午窗誰喚醒
柳陰啼鳥兩三聲

馬熙

開窗看雨

洞房編葯屋編荷八面玲瓏得月多誰遣天飄籟雲過
嫩涼扶我入無何

曹文晦

九日登玉霄峯

洞戶陰森翠霧開十年三度夢中來殷勤為問松頭鶴
白髮登高更幾回

自寧川如鄞道中

盤盤古堰帶崩沙綠樹陰中四五家十二寶橋今日過
一灣流水浸桐花

鄭元

題管夫人竹石圖

欽定四庫全書

御選元詩

卷七十三

三五

誰裁弄玉碧雲蕭吹過瓊臺月影送白鶴一雙何處下

水晶宮裏赤闌橋

布哈特穆爾

宮詞

玉樓珠箔晚天涼秋色依稀滿建章金井梧桐霜葉盡
自隨流水出宮牆

卞思義

題溪山煙雨圖

西崦人家枕碧流屋頭高樹近山頭短簾煙雨歸來晚
滿地落花人倚樓

過維揚

露冷金盤酒價添雲埋瓊樹客愁魚竹西舊曲無人理
謾捲紅樓一半簾

春江逸響圖

黃鶴磯頭一棹還白鷗波上幾人閑笛聲吹斷江南曲
不見漁翁祇見山

嚴瑄

獨秀山

一峯秀色聳晴空疊嶂層巒望不窮萬仞劃開天半碧
五更先見日初紅

宋克篤

馬頭山

馬頭山望紫金山中有仙人自往還多少塵緣消不盡
謾勞魂夢翠微間

蔣堂

題畊漁圖

落落長松積水環茯苓今已不知年何人得似山中樂
春雨時來種麥田

桐江樹色綠如衣上接晴嵐護石扉人世浮埃三十丈
西風吹不到漁磯

題所南老子推蓬竹圖

昔與此君曾半面短篷今日試重推葉聲冷瀉銀牀露
野鶴幾番驚夢回

顧安

訪良夫

特訪山翁過竹西翠蘿紅葉映茅茨杖藜扶醉斜陽外
身在畫圖元不知

陸德源

和題新安梅花次韻

東風一夜渡江新開徧梅花照眼明何遜從來有才思

題詩不待廣陵春

王子昭

失鶴

六鶴齊飛一不歸
夜深應是立苔磯
近來世上多罾網
那得魚蝦到汝肥

俞俊

泰州夜泊

蘆葉蕭蕭惱客眠
推篷看雨月在船
漁舟破曉入城去

欽定四庫全書

御選元詩

卷七十三

二十六

街頭魚蟹不論錢

程煜

題明皇並笛圖

華清宴罷卷霓裳
重立東風並海棠
鳳瑄莫吹新製曲

有人乘月倚宮牆

次韻俞仲桓見寄

白髮和愁取次生
關河千里故鄉情
自從秋雁南征後
日日淮邊問客程

張舜咨

寄廣西白

歸思迢迢不奈何
寄聲珍重病維摩
風帆明日春江水
回首蒼山綠樹多
寶塔從空舍利光
風鈴和夢度春江
遙知西老聞鐘處
木末烏啼月到窗

屠性

送人彭湖巡檢

欽定四庫全書

御選元詩

卷七十三

三

三十六島遠彭湖
見說泉南天下無
花時小队旌旗出
處處春風啼鷓鴣

陳聚

玉山中即景

楊柳絲絲一逕斜
碧溪循繞野人家
東風二月春如海
開遍一山桃杏花

戲簡草堂主人

嘉樹蕭森六月涼
上有凌霄百尺長
秋風莫剪青青葉

留取清陰覆草堂

葛元喆

題柯敬仲墨竹一枝

曾從秘閣寫蒼筠嶰谷千竿雨露新江國只今鳴鳳遠
一枝猶帶玉堂春

陳高

題菘菜圖

栗里園荒舊日歸手栽菘菜雨根肥只今客裏看圖畫

欽定四庫全書

御選元詩

卷七十三

三十

惆悵紅塵滿日飛

題花竹翎毛

梨花沐雨帶嬌羞獨立枝間一鳥幽若遣美人初睡起

定應無處著春愁

乾坤寥落歲將闌竹葉梅花獨好看可惜幽禽棲不穩

霜風日暮羽毛寒

歲春亭

細聽流鶯宛轉歌對花不飲奈春何日斜醉卧堦前草

不覺沾衣柳絮多

龍從雲

南湖四景

畫船載酒及春晴潏灩波光碧玉城橋外綠楊誰繫馬
水晶宮裏管絃聲

槐陰屯午咽新蟬一枕南薰暑不前隔岸荷花新雨後

白鷗點破鏡中天

松寺聯陰晚更幽天光倒浸玉壺秋蓼江棲雁忽驚起

欽定四庫全書

御選元詩

卷七十三

三十

一曲漁歌月滿舟

平湖雪壓小橋低萬里乾坤眼欲迷誰泛扁舟深夜過

却疑人在剡溪西

麥澗

石壁山

千尺丹崖削石屏波光倒樹礙雲行何當借我煙霞榻

卧聽泉聲看月明

鴨洪

中流亂石水交加
滾滾寒聲帶雪花
霜月不隨流水去
只將秋色伴雲家

甘立

題柯博士墨竹

嶰谷春回落粉香
拂雲和露倚蒼蒼
月明後夜吹簫過
應是伶倫學鳳皇

吳王納涼圖

六月長洲水殿涼
酒酣揮袖倚新妝
芙蓉露冷秋雲薄

欽定四庫全書

御選元詩

卷七十三

三十三

回首西風響屨廊

賈治安騎驢圖

西風烏帽鬢毵毵
拂袖長吟倚暮酣
得句不衝京兆尹
蹇驢行徧大江南

春日有懷柯博士

闔閭城外亂鶯啼
笠澤春深水滿陂
好買扁舟載圖畫
布帆東下若耶溪

聞說新來白髮稠
茂陵多病不勝愁
吟成定似張公子

癡絕真成顧虎頭

陳乾富

玉環詩

使臺歸騎準鳴茄
花氣茶煙競院奢
禽慧不須雲板約
好窺人意喚琵琶

辛敬

贈仙壇胡尊師

一鶴晚隨青玉杖
雙龍秋佩紫荷衣
月明何處聞吹笛

欽定四庫全書

御選元詩

卷七十三

三十三

百丈山前賣藥歸

顧觀

為袁一無題扇

月中仙子種娑羅
樹底遙山隔絳河
吹落秋聲向何處
紫簣牕戶晚涼多

梨花睡鴨圖

昔年家住太湖西
常過吳興卷畫溪
水閣筠簾春似海
梨花影裏睡鳧鷖

高明

題孟宗振惠麓小隱

宗振孟后之裔

汴水東邊楊柳花
春風散入五侯家
繁華一去江南遠
閑汲山泉自煮茶

王冕

梅花六首 錄四首

海雲初破月團團
獨鶴歸來月未闌
一片笙簫湖水上
玉妃無語倚闌干

欽定四庫全書

御選元詩

卷七十三

三十四

三月東風吹雪消
湖南山色翠如澆
一聲羌管無人見

無數梅花落野橋

和靖門前雪作堆
多年積得滿身苔
疎花箇箇團冰雪

羌笛吹他不下來

斷雲流水孤山路
看得春風幾樹花
騎馬歸來城郭是

月明簫管起誰家

墨梅

我家洗研池邊樹
朵朵花開澹墨痕
不要人誇好顏色

只留清氣滿乾坤

題畫梅

疎花粲粲照寒水
瑪瑙坡前春獨回
却憶去年風雪裏
吹簫曾棹酒船來

紅梅四首

彩鳳穿花啄石苔
玉窗瓊戶紫煙開
山人不說羅浮夢
却憶元都觀裏栽

玉妃步月影毵毵
燕罷瑤池酒正酣
半夜不知香露冷

欽定四庫全書

御選元詩

卷七十三

三十五

春風吹夢過江南

昭陽殿裏醉春風
香隔瓊簾映淺紅
翠袖擁雲扶不起

玉簫吹過小樓東

爛醉西湖處士家
酒痕吹上水邊花
東風蛺蝶迷香夢

一樹珊瑚月影斜

張天英

夏日寄玉山

赤日行天氣欲焚
樹根羣蟻正紛紛
道人心在羲皇上

睡殺青松一枕雲

題葡萄竹筍圖

王母初來漢殿時青鸞踏折埽壇枝
天風吹老龍珠帳墜挂瑤簪醉不知

鄭翼

題美人圖

上清宮殿五雲車降下仙人萼綠華
怪得雪衣無箇信只將條脫寄羊家

欽定四庫全書

御選元詩

卷七十三

三十九

題詩意圖

鬱金堂上春濃否薄薄羅襦杏子紅
白日繡窗鶯不語都緣詩思落花中

絕句

可惜清明雨也晴好春須看水東亭
桃花如馬斑斑色楊柳歲鴉樹樹青

題秋山圖

山上浮雲天幾重秋高華散玉芙蓉
好攜謝眺驚人語

醉裏來登落鴈峯

錫渙

絕句

白玉搔頭金步搖春衫紅勝海棠嬌
只因記得當年事重到桃花第四橋

鬢薄鬆鬆綠霧涼春風頰點麝香黃
背人撲得雙蝴蝶滿扇薔薇露水香

清明前一日作

欽定四庫全書

御選元詩

卷七十三

三十九

小窗新綠著枝輕寒逐東風陣陣生
燕子不來花落盡一簾疎雨又清明

柳花

雪點顛狂亂送春穿簾透幙若相親
年年三月西陵渡愁殺輕舟度水人

秋蝶

欲歇還休却又飛芙蓉葉底戀秋暉
自知翅粉渾銷盡羞近尊前舞女衣

黃璋

李伯時姑射仙像卷

三素雲中駕赤螭天風吹袂翠披披神仙可有情緣在
手掉芙蓉欲贈誰

翁仁

題翁敬仲墨竹

湘江何處弔湘妃極目愁雲是九疑欲寄所思秋水隔
鳳簫吹徹玉參差

欽定四庫全書

御選元詩
卷七十三

三六

御選元詩卷七十三

欽定四庫全書蒼要卷一萬八千四百八十六 集部

御選元詩卷七十四

七言絕句八

黃公望

張僧繇秋江晚渡圖

何處行來湖海流思歸憑倚隔溪舟楓秋無限深秋色
不動居人一點愁

蘇東坡竹

欽定四庫全書

御選元詩
卷七十四

一片湘雲濕未乾春風吹下玉琅玕強扶殘醉揮吟筆
簾帳蕭蕭翠雨寒

王維秋林晚岫圖 并序

王右丞生平畫卷所稱最者唯輞川雪谿捕魚等
圖耳吾意以為絕響不謂太樸於中州友人家又
得此卷而用筆之妙布置之神殆尤過焉因知右
丞胸中伎倆未易測識而千奇萬變時露於指腕
間無窮播弄豈非千載一人哉置之案頭臨摹數

過終未得其彷彿漫書短句并識而歸之

羣山轟轟凝煙紫萬木蕭蕭向夕黃豈是邨翁戀秋色
故將輕舸下橫塘

秋嵐荏苒沉晴光處處邨邨帶夕陽一段深情誰得似
故知輞口味應長

郭忠恕仙峰春色圖

聞道仙家有玉樓翠厓丹壁繞芳洲尋春擬約商巖叟
一度花開十度遊

欽定四庫全書

御選元詩

卷七十四

仙人原自愛蓬萊瑤草金芝次第開欸乃櫂歌青雀舫
逍遙響屐鳳皇臺

春泉灑灑流青玉晚岫層層障碧雲習靜仙居忘日月
不知誰是紫陽君

題李成所畫并序

李成畫清遠高曠一洗丹青蹊徑千古一人也
今見善夫先生所藏十冊不覺神怡神爽正如離
塵壒而入蓬壺矣賞玩之餘并賦十詩

夏山煙雨

雨氣薰薰遠近峯長林如沐晚煙濃飛流遙落疎鐘斷
石徑何來駐短筇

山人觀瀑

佳山過雨瀉飛流遙望香爐翠靄浮試誦謫仙清俊句
浩然天地與神遊

江干帆影

高閣崔嵬瞰碧江布帆歸去鳥雙雙無邊樹色千峰秀

欽定四庫全書

御選元詩

卷七十四

一片晴光落短窗

蜀山旅思

憶昔蠶叢開蜀國崔嵬劔閣入寒雲荒郊寂寂猿啼苦
多少歸人不忍聞

秋山樓閣

傑閣逶迤秋色老霜林掩映暮峰橫居人自有閒中伴
坐對飛流意不驚

翠巖流壑

石磴連雲暮靄霏翠微深杳玉泉飛溪迴寂靜塵蹤少
惟許山人共採薇

山中霜楓

市散誰聞野鳥聲短橋何處旅人行莫嫌寂歷空山道
隔岸丹楓刺眼明

雪溪仙館

大樹小樹俄變玉千峯萬峯忽失青高人深掩茅屋卧
不羨圍爐醉復醒

仙客臨流

馳驅十載長安道立馬溪邊暫息機坐久竟忘歸路晚
半空飛沫濕絺衣

秋溪清詠

萬壑千巖擁翠螺人家處處掩松蘿溪頭靜坐者誰子
賦就新詩擬伐柯

趙令穰秋邨暮靄圖并序

右趙令穰所畫秋邨暮靄圖曾屬徽廟題識其為

真蹟奚疑令穰字大年宋宗室游心經史戲弄翰
墨丹青多得不傳之秘筆法清麗景象曠絕絕去
供奉品格常聞前人盛稱其慣為平湖曠蕩之景
詎不信夫偶觀此圖不勝仰羨并系一絕於左
筆下巒霏乍月無千林蕭瑟遠峯孤王孫當日歸何處
傳得秋邨暮靄圖

夏圭晴江歸櫂圖

漠漠江天吳楚分幾重樹色幾重雲客心已逐歸帆好

誰道溪邊有隱君

趙松雪山居圖

豐草茸茸軟似茵長松鬱鬱淨無塵相逢盡道年華好
不數桃源洞裏人

曹雲西畫卷并序

雲西與余有交從之舊別來四年心甚念之一日
子章以長卷見示不啻見雲西也展閱不已既題
而復識之

十載相逢正憶君
忽從紙上見寒雲
空江漠漠魚歌度
一片疎林帶夕曛

王洽雲山圖

石橋遙與赤城連
雲鎖瓊樓滿樹煙
不用飈車凌弱水
人間自有地行仙

黃荃花谿仙舫圖

花發枝頭水漲溪
仙舟猶泊武陵隄
重重樓閣仙雲卷
無數青峯出竹西

董北苑畫柳

一片閒雲出岫來
袈裟不染世間埃
獨憐陶令門前柳
青眼偏逢惠遠開

郭忠恕萬松仙館圖

琳堂掩映萬松齊
絕壑寒雲望不迷
為聽水流翻破寂
輕袍重過短牆西

李營丘真蹟次俞紫芝韻

營丘自是浪仙流
寫得空山一段秋
古木千章施錦繡

風光都屬幔亭收

周文矩十美图

侍宴朱樓向暮歸
御香猶在縷金衣
相攜女伴階前立
笑指鴛鴦水面飛

趙子昂做陸探微筆意

千山雨過瓊瑤濕
萬木風生翠幄稠
行遍曲闌人影亂
半江浮綠點輕鷗

王叔明為姚子章林泉清話圖

霜楓雨過錦光明
礨壑雲寒暝色生
信是兩翁忘世慮
相逢山水自多情

倪雲林為靜遠圖

遙山近山青欲滴
大木小木葉已疎
斜日疎篁無鳥雀
一灣溪水數函書

倪雲林為子章徵士畫

荒山白石帶古木
箇中仍置子雲亭
硯均疑有煙雲貯
時見青青落戶庭

方方壺畫

旣石磯頭宿雨晴蛟峯祠下樹冥冥一江春水浮官綠
千里歸舟載客星

錢舜舉海棠鷓鴣圖

春來庭院風光好花萼連枝錦不如況有和鳴雙繡羽
御黃新染浴清渠

題畫

茂林石磴小亭邊遙望雲山隔澹煙却憶舊遊何處似

欽定四庫全書

御選元詩

卷七十四

八

翠蛟亭下看流泉

吳鎮

右丞秋林晚岫

右丞已往六百載翰藻神工若个同千嶂遠橫秋色裏
山家遙帶暮煙中

馬遠放鶴圖

載鶴輕舟湖上歸重重樓閣鎖煙霏仙家正在幽深處
竹裏雞聲半掩扉

趙伯駒畫

瑤館芙蓉卷畫山天香縹緲碧雲間鶴巢松頂藤花落
一任山人指顧間

趙子昂秋景

遠山斜日紫煙霏一櫂鷓鴣竟不歸蕭瑟秋風虛閣表
詩翁吟罷欲添衣

子昂做陸探微

客子行吟逕路幽一聲啄木綠陰稠芙蓉倒映空江色

欽定四庫全書

御選元詩

卷七十四

九

危立溪頭幾點鷗

子久春山仙隱

山家處處面芙蓉一曲溪歌錦浪中隔岸遊人何處去
數聲雞犬夕陽紅

題畫

草堂仍著薜蘿遮地僻林深有幾家莫道春風吹不到
門前依舊鳥銜花

巖壑春深萬綠齊隔林黃鳥盡情啼山翁不記燈前語

為約紅樓試品題

灌木蒼藤護草堂
流泉汨汨遶魚梁
書聲送送斜陽裏
誰道空山白晝長

清霜搖落滿林秋
漠漠寒雲天際流
山徑無人擁黃葉
野塘有客漾輕舟

萬木凋殘眾嶺寒
誅茅棲息易為安
朝來猶有尋幽者
不畏崎嶇磴百盤

千仞顛崖勢欲傾
飛流濺眼雪花明
長風卷入層雲去
都作天台暮雨聲

欽定四庫全書

御選元詩

卷七十四

十

方方壺畫

卷畫岩堯倚碧空
青娥高髻出瑤宮
微風忽動前溪影
華表盤雲舞鏡中

畫竹

長憶前朝李薊丘
墨君天下擅風流
百年遺蹟留人世
寫破湘潭夢裏秋
愁來白髮三千丈
喜寫清風五百竿
幸有顏奴知此意

時來几上弄清寒

葉葉如聞風有聲
盡消塵俗思全清
夜深夢遶湘江曲
二十五絃秋月明

低垂新綠影離離
倚石臨泉一兩枝
憶得昔年今日見
鳳皇池上雨絲絲

黃鎮成

谷口

谷口橋邊日未斜
先尋宿處近梅花
分明聽得吹長笛
祇隔紅關第一家

欽定四庫全書

御選元詩

卷七十四

十一

春日行近山

門外山童掃落霞
問師還只在山家
推窗引客雲邊坐
自扇風爐煮雪花

柯亭

金碧樓臺宅梵王
柯亭無處問中郎
何當截取如椽幹
吹起崑丘紫鳳凰

南田夜雨

四簷春雨夜浪浪記得吹笙近竹房三十五年江海夢
又隨歸雁過瀟湘

南田耕舍

跨鶴來尋處士家迢迢空翠隔煙霞山童揖客松邊坐
却背春風埽落花

行到長松野水間吹簫石上不知還嵐光已重衣裳冷
自扣巖扉月滿山

題麻姑圖有懷蔣師文

欽定四庫全書

新選元詩 卷七十四

十三

曾宿丹霞十二樓水亭風館不勝秋故人天上無書到
自展山圖看雪流

梅花

吟屋蕭疎霜後村江頭千樹欲黃昏等閑又被春風覺
添得寒梢月一痕

春夜聽雨有懷

孤客曾聽夜雨眠一生江海已華顛吟懷不與春風隔
謾憶簷聲五十年

山家

家住桃花源上村編松為屋鹿為羣匡牀盡日臨門坐
閑看青山起白雲

聞雞

曾催月影到寒窗又促征車拂曉霜湖海故人今白髮
五更孤枕淚浪浪

黃月潭

平生山水最相親蠟屐長隨野鹿羣未似月潭雙足健

欽定四庫全書

新選元詩 卷七十四

十三

東南踏遍萬重雲

雲山小景

飛瀑潺潺瀉碧岑野橋分路入雲深三椽草屋長松下
應有先生抱膝吟

題王元善赴北清江新鴈圖

江南春水拍天齊鴻雁成行向北飛未必雲山便相隔
秋風還帶夕陽歸

陳柏

思親

都下與妻兒夜
坐聞歸雁作

天外東風吹塞沙
忽聞歸雁落梅花
江城此夜正春雨
獨倚闌干心到家

登焦山塔

遠尋蘭若訪參寥
仰見龍蛇窟宅高
試上雲梯舒望眼
蓬萊咫尺隔雲濤

李存

贈禹弼

相思不見最愁予
奈此村醪儘可沽
安得片帆風色順
一時飛過洞庭湖

題寒青亭并序

余結菴竹莊上率平阜
淺流唯南望山有連山如
樓臺簾帷之在百里外
臨川之雲林也天色清徹
時嘗倚杖面之不能已
歎曰彼生居是間者其樂
當何如也他日蔣君自述
其寒青亭者傳以示余
余欣然賦一絕寄之時五
月二十有二日

欽定四庫全書

御選元詩

卷七十四

十四

簷頭鳥影案頭蠅
鴛鴦溝渠漸漸腥
想見高人延客罷
披衣岸幘坐寒青

夢祝直清

斜窗半夜月娟娟
宿火添香獨自眠
忽夢潯洲祝經歷
滿頭如雪坐空船

贈人

沒馬塵埃白晝馳
人生得似此翁稀
西風牆竹疎疎雨
短帽長髯百衲衣

欽定四庫全書

御選元詩

卷七十四

十五

春帆

能舉人間萬斛舟
中流何用櫓聲柔
楊花兩岸東風軟
送盡斜陽更未收

落梅

更開殘酌不成歡
一片多情拂袖乾
想見孤城吹畫角
朔風斜日暮江寒

吳景奎

舊遊

古槐疎冷日蒼涼廢館荒臺隔短牆自是舊遊偏易感
紫駟曾繫綠垂楊

赤松山

雙鶴沖天去不回五雲繚繞散花臺山中若見皇初起
為問留侯幾度來

濯纓堂

參天老樹倚高寒誰濯塵纓向激湍夜半仙人來洗鶴
手翻明月弄潺湲

欽定四庫全書

御選元詩

卷七十四

十六

春日雜詠絕句

東闌梨雪暗吹香翠袖金壺為洗粧客裏不知花代謝
馬蹄贏得一春忙

野人居處絕紛譁芳援疎籬八九家昨夜山中風雨急
曉來門巷埽桐花

山水小景

秋滿西山爽氣多山人帷箔卷煙蘿清溪只在雲林外
夜半月明聞櫂歌

題太真睡起圖

興慶池邊花爛爛清平調裏思飄飄玉環睡起嬌無奈
背立東風酒半消

戲簡江君逸清明日移家

曲巷垂楊映杏花清明時節客移家白頭老子風流甚
自與文君駕小車

胡天游

遊法興寺

七歲作

欽定四庫全書

御選元詩

卷七十四

十七

山色搖光入袖涼松陰千丈印迴廊老僧讀罷楞嚴咒
一殿神風柏子香

春詞和韻

綠窗紅燭製春衣宮樣花紗要入時玉手怕裁雙鳳破
并刀欲下更遲遲

日射珠簾試曉晴隙光斜上寶釵明碧紗窗下無消息
閒數吳蠶幾箇生

自尋蜀紙寫吳歌小字斜行未省多嬌嬾却嫌春戰冷

手拈牙筆倩人呵

暖風深巷賣花天
爭買繁華裊鬢邊
揀得一枝紅躑躅
隔簾拋與沈郎錢

雙鷓不惜泥泥沙
閑逐吳姬鬪草芽
贏得阿嬌金半臂
背人含笑入桃花

貪逐春風趁伴遊
不知明月上梢頭
兒夫若問歸遲意
幾度穿花避紫騮

昨日江頭看綠楊
歸來學得兩眉長
低聲更向蕭郎問

欽定四庫全書

御選元詩

卷七十四

十八

又恐眉長不稱粧

冬暖

冬令偷春多得暖
灞橋無思可吟詩
江梅一樹都開遍
不問南枝與北枝

陳植

題畫

風裏征帆驢上人
前程路遠又斜曛
不知有客紅塵表
閑看青山起白雲

張師愚

黃成父以除目見示坐上賦

黃帽無人說去思
歸期何事尚遲遲
南州六月如炊甑
且向尊前擘荔枝

張師曾

宿陳氏聽雨齋

漠漠沈沈燈暈生
忽疑風葉作秋聲
野人一夜關心切
無處春田不耦耕

欽定四庫全書

御選元詩

卷七十四

十九

何景福

惜花

黃金可惜作闌干
偎倚相看盡日歡
秉燭歸來猶未足
夢隨蝴蝶遶枝看

孫華孫

楓橋夜泊

畫船夜泊寒山寺
不信江楓有客愁
二八蛾眉雙鳳吹
滿天明月按涼州

潘純

送金溪道士南歸

南州高士芟荷衣賣藥都門盡不知
手種溪頭千樹杏
花開正是到家時

鄭東

送郭彥昭北遊

白面郎君好遠遊却從遼海上幽州
十日南風行萬里
牽牛夜夜在牆頭

欽定四庫全書

御選元詩

卷七十四

二十一

天妃祠前潮已生踏歌搥鼓送郎行
黑水洋頭好風色
數過萊州五日程

莫聽謳歌倚柁樓令人愁怨憶南州
一片姑蘓城上月

送郎直過界河頭

吳克恭

春日

映日含風白苧衣香飄晴雪弄春輝
故人騎馬不相識
蛺蝶自來衣上飛

偶成

船落黃泥與白沙春光多在棠梨花
蜜蜂相喧作何語
日晚松陰報午衙

題元暉山水

江上江雲漠漠寒有時帶雨過層巒
只愁海岳蒼前路
水沒黃沙鴨背灘

鄭昂

小景

水驛山橋四五里楓林茅屋兩三家
何人踏雪尋僧去
潮退春船閣暮沙

欽定四庫全書

御選元詩

卷七十四

二十二

陸廣

破窗風雨圖

四簷風雨晝昏昏小紙斜窗破墨痕
翻得杜陵巫峽語
歸雲擁樹失前村

羅蒙正

和白石馬教授

蕭蕭白髮映童顏
塵世千年邂逅間
三十六陂明月夜
許騎仙鶴過緱山

陸繼善

題倪元鎮山郭幽居圖

十年不過江湖楫
木葉蕭蕭鬢影秋
忽憶滿川風雨夕
雲林谷口獨維舟

束宗庚

偶題

漁陂微動上湘簾
圓沼初成小鏡奩
葉底翠丸青可摘
小娃纖手送吳鹽

趙鎮

題淵明像

托詠荆軻恨未消
解官卻赴遠公招
至今三月門前柳
猶向東風懶折腰

徐醉墨小像

濃淡煙雲帶石林
藤花如雪草堂深
只疑龍井山頭雨

飛過西湖作晚陰

瓜皮艇子釣魚翁
烏桕根邊寄短篷
落葉不知深幾許
吳淞江上問秋風

鍾虞

春雨雜興

誰向春風吹洞簫
蕩舟女子盡雙橈
不愁沾濕鴉頭襪
愁殺螺江兩度潮

別院笙歌深復深
美人何處寫琴心
尋芳休怯春泥滑

明日池塘長綠陰

楊謙

湘竹龍

鳳去臺空秋夢寒
紫鸞聲斷玉闌干
此君曾惹湘妃怨
淚雨千年尚未乾

馮濬

墨梅

一枝竹外夢春酣
零落綃裳舞翠嵐
天淡水平山月小

欽定四庫全書

御選元詩 卷七十四

二十三

欽定四庫全書

御選元詩 卷七十四

二十三

有人吹笛過江南

王羽

題王叔明竹趣圖

蟄龍翻空翠濤響玉虹吐雨秋波爽天風吹出讀書聲
時有幽人自來往

黃魯德

武塘十詠錄三首

景德泉

欽定四庫全書

御選元詩

卷七十四

二十四

幽蘭遠引曹溪水此是人間第幾泉一吸清涼除熱惱
不妨頻候煮茶煙

胥山

百里平田擁翠堆山人傳是伍胥來劍痕猶帶英雄氣
白石雲深鎖綠苔

愛山花圃

削除荆棘創高臺萬紫千紅二月開日日笙歌樓上醉
不知寒雨鎖荒苔

韓友直

題良常張處士山居

故人讀易向華陽萬箇松間一草堂最愛滿山春雨後
白雲晴護藥苗香

朱庸

題錢舜舉秋江待渡圖

四山回合暝雲多嫋嫋秋風吹白波猶有江頭未歸客
荒涼落日奈愁何

欽定四庫全書

御選元詩

卷七十四

二十五

阮孝思

梅花錦鳩

百葉紅梅子未成錦鳩枝上忽雙鳴春寒不用頻呼雨
窗外東風雪始晴

周翼

鴈來紅

朔雁南來塞草秋未霜紅葉已先抽綠珠宴罷歸金谷
七尺珊瑚夜不收

李文

林泉讀書圖

深林颯颯無人到却是秋風落葉聲
拋卷出門聊倚杖且看山下白雲生

郭完

送馮西美歸三山

橘山巖下曾相見沙合橋頭杜宇啼
白髮故人官滿去一蓑寒雨上春犁

欽定四庫全書

御選元詩

卷七十四

三六

大食哲馬

題趙彥徵畫赤驥一匹

太守舊圖如璞玉拾遺新畫抵南金玉
驄已向天閑老赤驥猶懷萬里心

楊允孚

灤京雜詠

宮車次第起昌平燭炬千籠列火城
纔入居庸三四里珠簾高揭聽啼鶯

居庸千古翠屏環飛騎將軍駐兩關
萬里車書來上國

太平弓矢護青山

穹崖幻出梵王宮雙塔中間一逕通
四月雨餘山更碧

六龍行處日初紅

汲井佳人意若何轆轤渾似挽天河
我來濯足分餘滴

不及新豐酒較多

北去雲州去路賒馬駝殘夢憶京華
寒風浙瀝山無數

樹影參差月未斜

欽定四庫全書

御選元詩

卷七十四

三七

萬古龍門鎮兩京懸崖飛瀑一般清
天連翠壁千尋險

路繞寒流百折橫

東京亭下水濛濛勅賜遊船兩兩紅
回紇舞時杯在手

玉奴歸去馬嘶風

歡喜坡邊望禁城鸞翔鳳翥卿雲清
舉杯一吸灤陽酒

消盡南來百感情

鐵番竿下草如茵澹澹東風六月春
高柳豈堪供過客

好花留待蹋青人

北關東風昨夜回今朝瑞氣集蓬萊日光未透香煙起
御道聲聲駝鼓來

又是宮車入御天麗姝歌舞太平年侍臣稱賀天顏喜
壽酒諸王次第傳

得寵親王馬上回朱門繡闥一時開淋漓未了金釵宴
中使傳宣御酒來

大安閣下晚風收海月團團照上頭誰道人間三伏節
水晶宮裏十分秋

欽定四庫全書

御選元詩

卷七十四

三十八

曙色蒼茫闔闔開相君有奏入蓬萊須臾雲擁千官出
又帶天邊好雨來

相國門前柳未花不多嫩綠便藏鴉東風吹得濃陰合
散入都城百萬家

千官萬騎到山椒箇箇金鞍雉尾高下馬一齊催入宴
玉闌干外換宮袍

儀鳳伶官樂既成仙風吹送下蓬瀛花冠簇簇停歌舞
獨喜簫韶奏太平

麗日初明瑞氣開千官錫宴集蓬萊黃門控馬天街立
丞相替花御苑回

嘉魚貢自黑龍江西域葡萄酒更良南土至奇誇鳳髓
北陸異品是黃羊

內人調膳侍君王玉仗平明出建章宰輔乍臨闔闔表
小臣傳旨賜湯羊

仙娥隱約上簾鈎笑倚闌干出殿頭鸚鵡臨階呼萬歲
白翎深院度清秋

欽定四庫全書

御選元詩

卷七十四

三十九

窈窕仙姝出禁闈小西門外綠楊堤五陵公子多豪縱
緩勒驕驄不敢嘶

鳳樓春暖翠重重內禁門開曉日紅寶馬香車金錯節
太平公主幸離宮

湯羊內膳日差排紅帖呼名到玉階底事金吾呵不住
腰間懸得象牙牌

東城無樹起西風百折河流遠塞通河上驅車應昌府
月明偏照魯王宮

鸞輿八月正高翔玉勒雕鞍萬騎忙天上龍歸纜帶雨

城頭夜午又經霜每年駕起其夕即霜

南坡翠暖接南屏雪散風輕弄午晴寄與行人停去馬

六龍飛上計歸程

正元紫禁肅朝儀御榻中間寶帕提王母壽詞歌未徹

雪花片片彩雲低

脫園窈窕意如何羅綺香風漾綠波信是唐宮行樂處

水邊三月麗人多

欽定四庫全書 御選元詩 卷七十四 三十

為愛琵琶調有情月高未放酒杯停新腔翻得涼州曲

彈出天鵝避海青海青挈天鵝新聲也

海紅不似花紅好杏子何如巴攬良更說高麗生菜美

總輸山後蔭菰香海紅花紅巴攬仁皆果名高麗人以生菜裹飯食之尖山產蔭菰

四月東風漸漸和流波細細出官河詩人策馬紅橋過

御柳今朝絲較多

偶因試馬小盤桓明德門前御道寬樓下綠楊樓上酒

年年萬國會衣冠明德門午門也

一曲琵琶可奈何昭君青塚恨消磨可憐西地黃雲起

不似連天芳草多

東風亦曾到天涯魚子飛來相國家若較內園紅芍藥

洛陽輸却牡丹花內園芍藥迷望亭亭直上數尺許花大如斗揚州芍藥稱第一終不及上也

京也

賣酒人家隔巷深紅橋正在綠楊陰佳人停繡凭闌立

公子簪花倚馬吟

東風吹暖柳如煙寄語行人緩著鞭燕舞巧防鴉鶻落

欽定四庫全書 御選元詩 卷七十四 三十一

馬嘶驚起駱駝眠

時雨初肥芍藥苗脆甘味壓酒腸消揚州簾卷東風裏

曾惜名花第一嬌草地芍藥初生軟美居人多采食之

霜寒塞月青山瘦草實平坡黃鼠肥欲問前朝開宴處

白頭宮使往還稀文宗曾開宴於南坡故云

窈窕誰家女未笄日高停繡出簾帷背人笑指青霄上

認得宮庭白鴿飛

雅克布哈

絕句

繡簾鈎月夜生涼
花霧霏霏入畫堂
吹徹玉簫人未寢
更添新火試沉香

金吾列侍擁旌旄
五色雲深雉尾高
視草詞臣方退食
內官傳勅賜櫻桃

題祁真人異香卷

帝閣芙蓉罨畫山
天香縹緲碧雲間
夜深放鶴三花樹
自把黃庭月下看

欽定四庫全書

御選元詩

卷七十四

三十三

送劉提舉還江南

帝城三月花亂開
落紅流水如天台
人間風日不可住
劉郎去後應重來

送王奏差調福州

春水溶溶滿鑑湖
蘭舟長護錦屠蘇
可憐走馬閩山道
榕葉陰中聽鷓鴣

題梅竹雙清圖

冰魂無夢到瑤階
翠袖雲鬟並玉釵
青鳥莫銜紅綬帶

夜深重認合歡鞋

題柯敬仲竹

堤柳拂煙疎翠葉
池蓮過雨落紅衣
娟娟唯有窗前竹
長是清陰伴夕暉

梁王宅裏參差見
山簡池邊爛漫栽
記得九霄秋月上
滿庭清影覆蒼苔

余闕

別樊時中

桃花灼灼柳絲柔
立馬看君發鄂州
懊惱人生是離別
不如江漢共東流

題紅梅翠竹圖

竹葉梅花一色春
盈盈翠袖掩丹脣
休言畫史無情思
却勝宮中剪綵人

贈山中道士善琴

山中道士綠荷衣
新抱瑤琴出翠微
已與塵緣斷來往
逢人猶鼓雉朝飛

欽定四庫全書

御選元詩

卷七十四

三十三

南歸偶書

帝城南下望江城此去鄉關半月程
同向春風折楊柳一般離別兩般情

二月不歸三月歸已將行篋捲征衣
殷勤未報家園樹緩緩開花緩緩飛

揚州客舍

船頭澆酒祀神龍手擲金錢撒水中
百尺樓船雙夾檣唱歌齊上呂梁洪

欽定四庫全書

御選元詩

卷七十四

三五

李白玩月圖

春池細雨柳纖纖手倦揮毫日上簾
想得停杯江海夜月明照見水晶鹽

汪澤民

次友人春日見寄韻

簇簇霏霏委地紅闌干不解隔狂風
時人莫道尋芳晚留得餘春綠樹中

樊執敬

錢塘觀潮

煙波閃閃海門開平地潛生萬壑雷
大信不虧天不老浙江亭上看潮來

鄭玉

游覆船山宿草堂

眠雲石下屋三間瀑布當檐坐卧看
怪得巖前龍忽起夜來風雨不勝寒

登師山

欽定四庫全書

御選元詩

卷七十四

三五

城上鐘聲度遠溪扶桑破曙海雲低
披衣欲起還歌枕山下晨雞四面啼

山下晨雞四面啼

山前村落亂高低雲意模糊遠近迷
萬疊峰巒如畫展

黃山正在小樓西

元宵詩

對簇釐山十萬人皇都今夕幾分春
六街三市渾如畫寄語金吾莫夜巡

神前兒女舞妖嬈社下游人弄管簫
到處人家說元夕

不知元夕是今宵

市上鐙張玉井蓮門前簫鼓更喧天先生嬾向兒童語
閉戶高居但欲眠

楊椿

題李伯時三馬圖卷

神龍來自大宛西騰踏清秋十二蹄今日天閑多駿骨
玉門沙遠草萋萋

蔡廷芳

茶竈石

仙人應愛武夷茶旋汲清泉煮嫩芽啜罷驂鸞歸洞府
空餘石竈鎖煙霞

一覽臺

天游峰頂看溪山萬壑千崖一覽間夜半道人朝斗罷
坐聽飛瀑響潺潺

雲窩道石

丹爐石畔白雲窩地僻山空少客過門外月明風定後

欽定四庫全書

御選元詩

卷七十四

三六

一潭秋水鏡初磨

董旭

保應廟

廟食空山八百年衣冠猶是李唐前汴河十里垂楊柳
何似松陰數畝田

潘伯修

柳上

倦客蕭條曉自眠夢行秋水踏秋煙黃山在眼忽驚覺
屋上長松風動天

山中

青天去人不咫尺白雲映我作坡陀
料得人間風雨多

幽人采藥不知暮夜宿王子吹簫臺
天雞忽叫海水赤

過芙蓉村

日暮東風吹客衣水光春色弄晴暉
野桃無主清江渡

欽定四庫全書

御選元詩

卷七十四

三七

山雨初收白練飛

王翰

題敗荷

曾向西湖載酒歸香風十里弄晴暉
芳菲今日凋零盡却送秋聲到客衣

已延

春日絕句

幾月殘紅點客衣小溪流水鱖魚肥
畫橋盡日無人過

楊柳青青燕子飛

李祁

題風雨圖

山中老子百年餘前代衣冠只自如
高閣卷簾無一事滿天風雨坐看書

題赤鯉圖

風翻雷吼動乾坤赤鯉騰波勢獨尊
無數閑鱗齋上下欲隨春浪過龍門

欽定四庫全書

御選元詩

卷七十四

三六

題雪禽

幽禽棲穩棘枝低黯慘江天雪四圍
明日郊原晴爛漫好尋芳樹弄毛衣

題畫

町畦高下水漫漫痛惜辛勤學種田
便擬明朝結長網與翁同住浙江邊

三寶珠

西峴山

蕭瑟西風木葉殘千巖萬壑鬪蒼顏
畫工胸次分明處寫出斜陽影外山

欽定四庫全書

御選元詩

卷七十四

三十九

御選元詩卷七十四


謹案卷七十三第十頁後八行詠宣文閣刊本閣

作殿據周伯琦伯溫近光集改

第十四頁後四行雁蕩秋深玉柱寒刊本蕩訛落

據周伯琦伯溫近光集改

欽定四庫全書



總校官庶吉士臣侍朝

校對官檢討臣蕭九成

騰錄監生臣傅瓌芳

欽定四庫全書薈要

集部
御選元詩卷七十五

欽定四庫全書薈要卷一萬八千四百八十七 集部

御選元詩卷七十五

七言絕句

吳徹

西山夜雨

莫厭西山夜雨多也應添起洞庭波東風肯與周郎便
直上金陵奏凱歌

陳基

欽定四庫全書

御選元詩
卷七十五

題柯學士畫竹

羣玉仙人佩水蒼金莖分露服琳琅曾將天上昭華瑤
吹作飛龍奉玉皇

題倪元鎮畫

西池亭館帶芙蓉雲水蒼茫一萬重此日畫圖看不足
滿簾秋雨夢吳淞

次韻劉德芳經歷

白露池塘點翠荷越羅衣袖覺秋多梨園弟子今華髮

詳校官原任事_臣李斯咏

唱得開元供奉歌

次韻送彥成玉山

著屐溪頭日日過驪駒歌斷奈君何
虎丘山下東流水爭似春愁一半多

倦繡圖

宮門深鎖畫偏長懶把春雲繡作裳
恨不將身比蝴蝶長隨飛絮近君王

蓼花雪姑圖

紅蓼花開水滿洲西風吹夢總成秋
銜泥不及三春燕兩兩巢君翡翠樓

題葛仙翁移家圖

是處青山可鍊丹問君拔宅向何山
縱令兒女恩情重雞犬何心不肯還

題徽廟馬麟梅

內家春色少人知玉蕊冰蕤看轉宜
說與宮中小兒女畫樓瓊瑄莫輕吹

欽定四庫全書

御選元詩 卷七十五

二

張憲

簡竇彥南

二十四橋風月清瓊花觀裏坐吹笙
金盤露冷凝脂滑一夜新霜睡不成

竹蝶圖

落盡春紅春夢熟平沙小苑窗中綠
美人睡起背東風蛺蝶飛來上修竹

題畫

晴川渺渺停春水怪石峩峩挿亂山
最愛夕陽煙寺裡千株古木一僧間

趙集賢枯木竹石

槎牙老樹響天風寂歷幽篁泣露叢
惆悵玉堂舊公子故家陵廟月明中

陳秀民

岳陽樓夜宿

湘靈瑟鼓瀟瀟夜龍女笙吹淡淡秋
楚曲吳歌互相答

欽定四庫全書

御選元詩 卷七十五

三

嶺猿巴鳥不勝愁

周元初來鶴詩

天外誰呼衆鶴來壇前道士本仙才月明遼海通三島
能載飛瓊數往迴

蘇大年

長橋

綠陰高樹映清潭一舸夷猶酒半酣最愛西城城下路
長橋煙雨似江南

欽定四庫全書

御選元詩
卷七十五

四

方行

題美人圖

白玉簾開露氣浮芙蓉花近紫金鈎陽春一曲無人識
空拂銀箏下翠樓

閑居

絃管春深繞畫樓微風吹動玉簾鈎倡條冶葉俱無恙
相伴丁香結暮愁

劉仁本

宮詞

舞靴輕轉玉階前憶昔承恩已十年記得當時供奉曲
上皇新自月宮傳

楊維禎

漫興

今朝天氣清明好江上亂花無數開野老殷勤送花至
一雙蝴蝶趁人來

南鄰酒伴辱相呼共訪城東舊酒壚柳下秋千間絡索

欽定四庫全書

御選元詩
卷七十五

五

花間喚起勸胡盧

冶春口號

今年臘底無殘雪却是年前十日春騎馬行春橋上路
密梅花發便撩人

吳下逢春思濃不堪花發館娃宮吳山青青吳水白

愁殺江南盛小叢

見說崑田生玉子海西還有小崑崙明朝去拔珊瑚樹

龍氣隨飛過海門

南朝宮體袁才子更說西崑郭孝廉自是玉臺新句好
風流無復數香奩

湖上女兒柳葉眉春來能唱黃鶯兒不知却是青娘子
飛傍枇杷索荔枝

宮詞

雞人報曉五門開鹵簿千官泊虎臺天上駕鸞先有信
九重鸞駕上都回

海內車書混一時奎章御筆寫烏絲朝來中貴傳宣急

欽定四庫全書

御選元詩

卷七十五

六

南國宮娥拱鳳池

金屋秋深露氣涼宮監久不到西廂丁寧莫竊寧哥笛
鸚鵡無情說短長

續幣二十首 錄七首

學書

歌徹陽春酒半醺玉尖搦管蘸香雲新詞未上鴛鴦扇
醉墨先污蛺蝶裙

習舞

十六天魔教已成背反蓮掌苦嫌生夜深不管排場歇
尚向燈前踏影行

染甲

夜擣守宮金鳳蕊十尖盡換紅鴉背聞來一曲鼓瑤琴
數點桃花泛流水

照畫

畫得崔徽卷裏人菱花秋水脫真真只今顏色渾非舊
燒藥燥頭過一春

欽定四庫全書

御選元詩

卷七十五

七

理繡

揀得金針出象筒鴛鴦雙刺扇羅中却嗔昨夜狸奴惡
抓亂金牀五色絨

甘睡

漏減良宵晝日遲困人天氣酒中時東家女伴太驕劣
偷解裊腰竟不知

蹋鞠

月牙束勒紅幪首月門脫落葵花斗君看脚底軟金蓮

紅蹴花心壽郎酒

題春江漁父圖

一片青天白鷺前
桃花水泛住家船
呼兒去換城中酒
新得槎頭縮頸鱸

郭天錫春山圖

不見朱方老郭髯
大江秋色滿疎簾
醉傾一斗金壺汁
貌得江心兩玉尖

飛絮

春風門巷欲無花
絮起晴風落又斜
飛入畫簾空惹恨
不知楊柳到誰家

吳詠十章用韻復正宗架閣

館娃宮裏落花多
春色撩人可奈何
南省風流又架閣
宮才解賦館娃歌

曾侍虛皇第二筵
鐵仙輕脫故依然
江州坐上初相見
還識人中孟萬年

杜牧尋春苦未遲
水晶宮裏舊題詩
小鬟莫訝腰如束

善唱白家楊柳枝

馬上郎君出帝城
瑤林宴裏記相迎
吳山吳水新迎送
學唱陽關第四聲

淮南八月雁初過
奉使槎回烏鵲河
十里揚州花底散
五陵年少已無多

夏駕湖頭朱雀舟
湖光山色不勝秋
丘中不見金銀氣
臺上閒看麋鹿遊

江上梅花鐵石心
江南腸斷越人吟
南垣閣老多情甚
才見梅花便抱琴

鴟夷仙去五湖船
故國何人憶計然
昨夜洞庭秋水長
夢間廣樂下鈞天

黃菊初花客未歸
登高自試苧羅衣
真娘墓上好紅葉
伍相祠前多翠微

地行仙子羊權家
曾降山中萼綠華
三十六橋明月夜
姑蘇城內有瓊花

題山居圖

千澗沄沄一徑通長松盡入白雲中
微君更在山深處
滿谷桃花爛漫紅

雨後雲林圖

浮雲載山山欲行橋頭雨餘春水生
便須借榻雲林館
卧聽山家雞犬聲

狼山晚晴圖

樵東風雪夜無邊一別狼山已幾年
今日江南攜畫看
玉峰十二倚青天

題芭蕉美人圖

髻雲淺露月牙彎獨立西風意自閒
書破綠蕉雙鳳尾
不隨紅葉到人間

題搵花士女圖

寫罷桃花扇底詩木香手搵小枝枝
靈犀一點春心密
不許牆東野蝶知

瑞香花

一團華蓋翠亭亭萬箇丁香露欲零
日炙錦薰眠不得

玉人扶起酒初醒

題柯敬仲竹木

洞庭秋盡水增波光動珊瑚碧樹柯
夜半仙人騎紫鳳
滿天清影月明多

題王元章畫梅

舊時月色有誰歌拔劍王郎鬢已皤
惆悵東風舊詞筆
南枝香少北枝多

題墨雁

黃沙衰草羽毵毵八月天山冷不堪
昨夜朔風吹過影
盡將秋色到天南

士女

小玉相呼起問春階前草色上羅裙
玉釵半墮無聊賴
欲倩牙纖理亂雲

紅梅

羅浮仙子宴瑤宮海色生春醉靨紅
十二闌干明月夜
九霞帳暖睡東風

折枝海棠

金屋銀缸照宿妝一枝分得錦雲鄉
梅郎底事多餘恨怪殺珊瑚不肯香

賦春夢婆

黃柳城邊風雨多白頭宮女有遺歌
東坡哨徧無知己賴有人間春夢婆

玉山以詩見招用韻奉答

君泛脂江我泛婁沙棠小槩木蘭舟
醉吹鐵笛珠簾底

欽定四庫全書

御選元詩

卷七十五

十三

端為風流刺史留

春情

惜春正是上春時何處春情可賦詩
吳王臺下鬪芳草

蘇小門前歌柳枝

灼灼桃花朱戶底青青梅子粉牆頭
蹋歌起自春來日直至春歸唱不休

錢惟善

宮詞和符安理鎮撫韻

放生池上月沈鈎掖樹如雲易得秋
鐘動景陽梳洗早

輓轡聲轉井幹樓

夢驚鴛瓦落宮牆殿鎖長秋怨
夜涼教授後庭今白髮

粉園花下夜飲

萬花碎剪玉團團晴雪飛香夜不寒
恰似玉人相對立酒尊移月近前看

元宵偶作

欽定四庫全書

御選元詩

卷七十五

十三

彈壓城池夜屬橐放燈那復事奢豪
水晶宮裏香風細

曾見神山駕六螯

張昱

訪舊三竺次泐禪師雜興韻

酒館湖船盡有名玉杯時得肆間情
至今人說張負外不是看花不出城

過泐湖

泐湖有路接天津萬頃銀花小浪勻
安得滿船都是酒

船中更載浣紗人

題吳綵鸞寫韻圖

小點紅鸞欲下遲
遠山渾似畫來眉
如何一念人間事
上界仙曹便得知

同徐大章溪上看芙蓉

日暮歸來雨濕衣
涼風千樹綵雲飛
渚宮只在秋江上
何事襄王夢到稀

覺來

好風吹雨覺來遲
開遍荼蘼總不知
團扇晚涼人似玉
也須消瘦暮春時

春光

湖上偏多楊柳風
桃花吹盡雨前紅
等閒却被東君笑
大半春光在醉中

船過臨平湖

船過臨平欲住難
藕花紅白水雲間
只因一霎溟濛雨
不得分明看好山

欽定四庫全書

御選元詩

卷七十五

十四

剪花士女

咫尺芳叢豔色深
蜂情蝶思兩難禁
看來莫用閒惆悵
剪下春風一寸心

劉曜卿畫折花宮女

柳風草露欲沾衣
又是宮中上直歸
好把桃花都折盡
免教吹作落紅飛

湖中即事

湖柳湖波盡可憐
不知春在阿誰邊
滿頭翡翠雙鬟女
細雨吳歌濕畫船

春日

一陣春風一陣寒
芭蕉長過石闌干
只銷幾箇普騰醉
看得春光到牡丹

王逢

登越城故基

吳王臺對越王城
歲歲春風燕麥生
一片范家湖上月
照人心事獨分明

欽定四庫全書

御選元詩

卷七十五

十五

登雙鳳普福宮東樓贈吳道傳時周境存隱君

同席

道人獨坐覽輝樓海底青天入座流燕子飛來又飛去

遊絲挂在玉簾鈎

樓殿岩堯上赤霞水紋蟠鳳卧靈槎石棊盤靜香煙直

簾下雙頭百合花

雜題

回塘昨夜綠波增偶策交州鬼面藤一雨百花香洗盡

欽定四庫全書

御選元詩

卷七十五

十六

流春石上立魚鷹

几杖琴尊共一丘燕歸巢近午香篝游絲不挂山人眼

直趁東風入別樓

水涼風攬一池荷睡眠醒來手自摩數席雲陰亂疎櫺

髻孫驚報鶴羣過

藻池岸匝水仙開滿面香飄玉蝶梅遺事罷書山館寂

鼠狼行過雉雞來

園館雜書

竹樹藏山石作門魚石水帶洗花痕鶯聲又在雞聲外

老不勝官只住村

殊鄉春色不曾濃才力新兼病思慵一枕清風聞格磔

半餅香雪浸從蓉

香雪酒名

戴良

秋思

往事分明似夢中弊衣破帽立西風河流不為愁人計

勢逐長江日夜東

欽定四庫全書

御選元詩

卷七十五

十七

憶汪遜齋

四明羈客近如何欲去今纔一月過記得小齋多野色

豆花陰裏唱離歌

一身獨向中原去每到前途憶故知折得柳條無寄者

小橋東畔立多時

詠懷

自昔操觚逐縉紳也曾白眼看時人年來點檢平生事

海角天涯一老身

顧瑛

房山畫

渴龍飲海海水寬鐵網下截珊瑚寒道人醉卧叫寒玉
金粉亂落松花壇

補之竹卷

何處騷人叫橫玉落日如盆照茅屋美人清夢斷梅花
却寫相思在修竹

題趙子昂畫楚江春曉

東方旭日出曛暉照見巴江曲似弓莫遣猿聲到巫峽

山頭猶有楚王宮

往鳳陽次虎丘

柳條折盡尚乘風杼柚人家戶戶空祇有虎丘山色好
不堪又在客愁中

題文湖州竹

湖州昔在湖州日日逢人寫竹枝一段枯梢作三折
分明雪後上窗時

欽定四庫全書

御選元詩

卷七十五

十八

新安梅和張師夔

寶地生春玉氣新苔煙如霧翠光勻山僧分得維摩供
三素雲中別有春

謝靜遠惠紙

蜀郡金花新著樣剡溪玉板舊齊名荷君寄我黔川雪
猶帶漣漪瀉月聲

謝靜遠惠蜜梅

江南煙雨未全黃誰使青酸隨蜜房斌媚已能知魏證

欽定四庫全書

御選元詩

卷七十五

十九

典刑時復見中郎

玉山草堂口占

臨池醉吸杯中月隔屋香傳蕊上花狂殺會稽于外史
秋風吹隋小烏紗

湖光山色樓口占 并序

至正十年五月十八日余與延陵吳水西龍門僧
元璞匡山于外史避暑于樓中時輕雲過雨霽光
如秋各占四絕句云

天風吹雨過湖去
溪水流雲出樹間
樓上幽人不知暑
鈎簾把酒看虞山

晴山遠樹青如薺
野水新秧綠似苔
落日湖光三萬頃
盡隨飛鳥帶將迴

雨隨牛蹟坡坡綠
雲轉山腰樹樹齊
江閣晚添涼似洗
隨林時有野鶯啼

紫茸香浮簷蔔樹
金莖露滴芭蕉花
幽人倚樹看過雨
山童隔竹煮新茶

金粟影以荷淨納涼時分韻得涼字

翠沼新秋浴夜光
畫闌古樹發天香
西風陣陣廉纖雨
荷葉荷花不奈涼

柳塘春口占

二月看看已過半
春風尚爾不放晴
楊柳長堤飛鳥過
鷓鴣新水沒灘平

溪上草亭絕低小
春來有客日相過
便須對柳開春酒
坐看晴色上新鷺

鳥啼殘雨適平皋
魚逐輕波趁小舠
獨愛大堤楊柳樹
又牽春意上柔條

小亭結在灤西頭
况復春半雨初收
柳垂新綠枝枝弱
水轉回塘漫漫流

夜坐口占

虛亭月色不勝寒
况坐綠波亭上看
啼斷候蛩秋寂寂
好懷正在曲闌干

西湖口占

湖山堂上看荷花
亂舞紅妝萬髻丫
細雨霑衣涼似水
畫船五月客思家

十九韋娘著絳紗
金杯玉手載春霞
清歌未了船頭去
笑買新妝茉莉花

泊垂虹橋口占

三江之水太湖東
激浪輕舟疾若風
白鳥羣飛煙樹末
青山都在雪花中

江風吹颿條數里
野花笑人應獨行
更須對雪開金觥

要聽鄰船搗玉箏

發齊門

東方晨星如月明舟人捩舵聽雞鳴
自憐不合輕為客莫厭秋風攪樹聲

泊閩門

楓葉蘆花暗畫船銀箏斷絕十三絃
西風只在寒山寺長送鐘聲攪客眠

發閩門

閩門西去是陽關疊疊秋風疊疊山
便是早春相別處如今楊柳不堪攀

自贊

儒衣僧帽道人鞋到處青山骨可埋
還憶少年豪俠興五陵裘馬洛陽街

倪瓚

絕句次九成韻

我別故人無十日衝煙艇子又重來
門前積雨生幽草

牆上春雲覆綠苔

斷送一生棋局裏破除萬事酒杯中
清虛事業無人解聽雨移時又聽風

沒徑春泥不出門山煙江霧晝長昏
糟牀聲雜茅簷雨破却陰寒酒自溫

郊子論詩冀北空晤言千里意常同
待晴紫陌堪縈手行咏山光水影中

雨晴

江上白蘋風起波冷紋縈碧暮煙和
織成一幅鴛鴦錦零落紅衣遠恨多

絕句

醉喚吳姬舞蹈筵風闌花陣亦回旋
愁生細雨寒煙外詩在青蘋白鳥邊

賦宜遠樓

宜遠樓前春可憐數峯依約亂流邊
若為倚劒崆峒外回望齊州九點煙

題潘先筆

君來煙草正淒迷
君去溪頭柳葉齊
挂席中流竟東上
莫重回首向荆溪

題畫

樓閣參差霞綺開
峰巒重複水縈迴
赤闌橋外垂楊下
步月吹笙向此來

吳中

望中煙草古長洲
不見當年麋鹿遊
滿目越來溪上水

欽定四庫全書

御選元詩

卷七十五

三

流將春夢過杭州

三月廿日題所寓屋壁

梓樹花開破屋東
鄰牆花信幾番風
閉門睡過兼旬雨
春事依依是夢中

六月五日偶成

坐看青苔欲上衣
一池春水靄餘暉
荒村盡日無車馬
時有殘雲伴鶴歸

正月廿六日漫題

柳雲汀樹晚離離
飲罷人歸野渡遲
睡起香銷金鵲尾
獨聽疎雨打窗時

二月十五日雨作

風軒紅杏散餘霞
隄草青青桃欲花
寒食清明看又近
滿川煙雨亂鳴鳧

秋容軒

碧花翠蔓引牽牛
叢竹黃葵意更幽
不用田疇三日雨
已輸穉稻十分秋

欽定四庫全書

御選元詩

卷七十五

三

題畫

南望銅官曉色新
三株松下一茅亭
何當濯足臨前澗
坐石間書相鶴經

追和蘇文忠墨蹟卷中詩韻

奎章閣下掌絲綸
清淺蓬萊又幾春
三十六宮秋寂寂
金盤露冷泣仙人

剖瓜士女圖

月彎削破翠團團
六月人間風露寒
誰覓東陵故侯去

但知華屋薦金盤

晚照軒偶題

南湖春水碧於天
夢作沙鷗狎釣船
綠樹拂簷風雨急
覺來依舊北窗眠

畫竹贈申彥學

吳淞江水似清湘
煙雨孤篷道路長
寫出無聲斷腸句
鷓鴣啼處竹蒼蒼

題秋江圖

欽定四庫全書

御選元詩

卷七十五

三

長江秋色渺無邊
鴻雁來時水拍天
七十二灣明月夜

荻花楓葉覆漁船

偶成

紫燕低飛不動塵
黃鸝嬌小未勝春
東風綠遍門前草
暮雨寒煙愁殺人

清明日風雨淒然舟泊東林西許步過伯璇徵
君高齋焚香淪茗出示燕文貴秋山蕭寺圖展
玩良久因賦一絕

野棠花落過清明
春事怱怱夢裏驚
倚棹微吟沙際路
半江煙雨暮潮生

國寶照磨有平野軒在揚州城郭中今寓吳十
許年矣至正丙午九月十一日在開元寺為寫
此圖并詩以贈

雪筠霜木影參差
平野風煙望遠時
回首十年吳苑夢
揚州依約鬢成絲

煙雨中過石湖

欽定四庫全書

御選元詩

卷七十五

三

煙雨山前度石湖
一奩秋影玉平鋪
何須更翦松江水
好染空青作畫圖

姑蘇城外短長橋
煙雨空濛又晚潮
載酒曾經此行樂

醉乘江月卧吹簫

自題設色山水贈孟膚徵君

秋潮夜落空江渚
晚樹離離含宿雨
伊軋中流間櫓聲
卧聽漁人隔煙語

題所畫雲林小景圖

赤城霞暖神芝秀洞裏桃花不記春何事却將山水脚
鍾陵市上踏紅塵

自題小畫

逸筆縱橫意到成燒香弄翰了餘生窗前竹樹依苔石
寒雨蕭條待晚晴

九日登華氏溪亭

茱萸黃菊稍班班野水寒煙蒼莽間送客歸來逢九日
華家亭上獨看山

欽定四庫全書

御選元詩
卷七十五

郊韶

題柯丹丘墨竹

玉文堂上寫琅玕只作吳興老可看一夜秋風動寥廓
綵雲零落鳳毛寒

題王元章畫萬玉圖

西湖千樹玉交加清夜掀篷看雪花狂殺山陰王處士
興來放筆埽橫斜

題美人琴阮圖

金谷花飛春半時花間鶯語太遲遲美人心事渾無賴
忍把柔情摘阮絲

題宋高宗詩意便面

深宮華氣接蓬萊日日題詩上紫苔一夜雨聲無處著
盡將秋色過江來

題柯博士梅竹圖

文王宴罷奎章閣博士歸來兩鬢絲寫得寒梅與修竹
照人清影尚參差

欽定四庫全書

御選元詩
卷七十五

題浴馬圖

花落春雲滿御隄晚涼試浴濯龍池五王未許爭飛鞚
先賜承恩太僕騎

湖州東門即事和玉山韻

路入仙源一水分雞鳴犬吠自成邨晚風忽送青天影
吹入匡廬九疊雲

游弁山李雲山點杜鵑花與玉山同賦

金井西頭萼綠仙霞裾風度影翩翩隴西才子多清思

謾把春雲染杜鵑

題趙魏公畫

漢家宮闕盡蒿萊
煙雨蒼茫護石苔
惟有金河舊時雁
年年秋色過江來

次韻陸友仁吳中覽古

赤闌橋下記停橈
細雨菰蒲響暮潮
說與行人莫回首
故宮煙柳正蕭蕭

過漁浦

江水飛花作雪輕
月明似入剡溪行
可憐一夜天涯雨
又聽春潮打櫓聲

題盧益修鍊師所畫水仙

盧敖愛向山中住
長遣看雲一鳥飛
昨夜候神東海上
夢隨環珮月中歸

題秋林高士圖

山磴坡陀細路平
石橋流水雨初生
絕憐童子驚秋色
聽得空林落葉聲

題趙仲穆畫送鄭蒙泉之鄞

海寧太守歸來日
愛寫新圖入卧遊
見說甬東風日好
春山如霧隔瀛洲

題米南宮畫

風流不見米南宮
依舊雲林遠樹重
貌得匡廬舊遊處
半江秋色洗芙蓉

題柯丹丘畫

溪上青山石徑紆
暖雲晴嶂錦模糊
行人如隔湘江岸

日暮青林啼鷓鴣

題溪邨煙雨圖

山雨朝來不作泥
望中煙雨使人迷
依稀絕似羗邨路
無路春船逆上溪

梨花

渚宮花落雨霏霏
春盡江南客未歸
多少東風蝴蝶夢
相思并逐彩雲飛

題宋王孫雨竹

閔閣春寒寫素屏兩枝如玉立亭亭分明自注銀潢水
白日天階洗鳳翎

題魏明鉉畫

老翁住在浣花邨日日哦詩醉瓦盆怪底橫江見船尾
不知春水到柴門

題畫

重岡細草覆坡陀風引松花落澗阿草屋雨餘雲氣濕
開門不厭好山多

欽定四庫全書

御選元詩

卷七十五

三

過女兒浦

浦口寒煙生白波蘋花風急櫂舟過人家一路青山下
只有秋田落雁多

邨行

江煙漠漠雨霏霏野飯吹香落釣磯三十六陂秋水闊
背人白鳥一雙飛

題趙仲穆畫

水晶宮裏佳公子拄笏看山逸興多昨夜溪南新水漲

釣絲晴拂白鷗波

趙彥榮臨畫

北苑南宮奈老何青山依舊洛中多相思一夜鷗波夢
稚子船頭結綠蓑

鸚鵡圖

東風吹柳日沈沈階下宜男綠正深百尺游絲春院靜
卧看鸚鵡步花陰

題唐子華山水末句用楊廉夫五字

我愛會稽楊使君洞庭秋月約平分時時吹笛中流去
卧看茗山如畫雲

梧桐士女圖

厭厭微步出深宮露濕紅綃怯晚風爭信長門今夜月
肯分清影照梧桐

泊垂虹橋口占次顧仲瑛韻

洞庭之西湖水東客行三日上江風行行塞雁青天外
箇箇輕鷗白浪中

欽定四庫全書

御選元詩

卷七十五

三

鷺鷥鷓鴣總多情蕩漾春江取次行日日沙頭候歸雁
為郎搗得小秦箏

題倪元鎮春林遠岫圖

杏花簾幕看春雨深巷無人騎馬來獨有倪寬能憶我
黃昏躡屐到蒼苔

十日春寒早閉門風風雨雨怕黃昏小齋坐對黃金鴨
寂寞沉香火自溫

春寒時節病頭風惆悵年華逝水同世事總如春夢裏

雨聲渾在杏花中

題朱澤民山水

洞庭南下水如天篷底看書白日眠我亦憐君愛山色
直須買酒過秋船

寄文煥章

楊子橋頭送客舟秣陵煙樹不勝秋征鴻過盡無消息
注目寒江水倒流

題謝仲和竹石

江南謝老獨風流愛寫晴雲竹樹幽絕似玉堂殘月夜
數枝殘雪映高秋

任陽江上水生時日日臨流看竹枝便好扁舟載春雨
蒼苔石上坐題詩

山水四景

天際羣峰翠竹圍丹臺千尺淨朝暉何人脫屐長松下
坐看青天瀑布飛

西風木落曉猿驚一水東流日夜聲兩岸青山看不盡

扁舟又過楚王城

山頭王氣作朝寒石澗春雷響百灘知有高人絕塵意
獨臨虛閣俯層瀾

扁舟晚泊洞庭西江草江花岸岸齊却過白龍祠下去
兩邊楓樹鷓鴣啼

姚文真

書畫舫

小築中流便翼然窗開面面見清泉微風澹沲生文采

如坐米家書畫船

題馮文仲畫秋亭野望

黃葉蕭蕭聲自雨西風夜作離人語
秋亭野色滿江南
誰擣元霜千萬杵

題虞瑞巖描水仙花

離思如雲賦洛神花容婀娜玉生春
凌波鞦韆冷香魂遠
環珮珊珊月色新

題畫鷄冠花

何處一聲天下白霜華曉拂絳雲冠
五陵鬪罷歸來後
獨立秋亭血未乾

熊夢祥

題二色芙蓉便面

曾障西風十二闌亭亭醉醒碧波寒
月邊青鳥無消息
流落人間作畫看

題李息齋竹

薊丘道人寫瀟灑煙寒兔齒石蒼蒼素娥翦翠雲葉亂

欽定四庫全書

御選元詩

卷七十五

三五

三十六陂春水香

呂誠

舟中

潮發江門百餘里曉過芙蓉湖上頭
娟娟秋風吹岸柳
層層雲氣蓋船樓

天河垂地月光白荻岸秋連野水青
浪靜野鷗來片片
檣搖楓葉下冥冥

感興

靜室無塵少客過新篁陰曳小坡陀
朝來始悟春歸盡
風裏楊花似雨多

周砥

春日西澗獨立

澗房松竹靜煙霏逕裏蒼苔行迹稀
相與尋君遂初賦
江花欲落換春衣

經杜樊川水榭故基

落花風裏酒旗搖水榭無人春寂寥
何許長亭七十五

欽定四庫全書

御選元詩

卷七十五

三五

野鶯煙樹綠迢迢

題畫

水濶天低欲盡頭
柳花如雪暗歸舟
平生解識滄洲趣
何處飛來雙白鷗

惟寅徵君踏雨過林館
為留終日因誦近賦絕

句三首輒走筆奉和

野花疎竹媚幽姿
翡翠簾前雨散絲
最愛陳琳詩句好
玉盤春露捧金芝

欽定四庫全書

御選元詩
卷七十五

秋來長掩竹間扉
過客誰能識道機
慚愧廬山陳處士

時來共葺薜蘿衣

晚風吹雨過林廬
柿葉飄紅手自書
無賴蕭條江海意

一尊相對憶鱸魚

讀故友徐幼文詩集有懷

欲與評詩恨久違
楚雲吳樹雨依微
讀闌北郭平生稿
秋晚空齋掩落暉

春寒慰餅中杏花

銀餅春靜竹風來
愁向花前把一杯
不得幽人相伴住
西園雨裏亦須開

聞笛聲送任掾

春水綠波生柳塘
橫吹掩抑復悠揚
今朝送別已惆悵
前時渡江猶斷腸

漁莊

傍水芙蓉未著霜
看花酌酒坐漁莊
花邊折得芭蕉葉
醉寫新詞一兩行

欽定四庫全書

御選元詩
卷七十五

秋月團團照藥闌
水邊簾幕晚多寒
素娥不上青鸞去
借得銀筍花裏彈

次韻發齊門

西風洲上荻花明
秋水船頭落雁鳴
誰抱琵琶涼月裏
為君彈作斷腸聲

石湖

煙中白鶴獨飛還
相伴孤雲盡日間
落日放船湖水上
一簾秋色看青山

張簡

寄阿山

最憶鳳鷄年十四臨池愛學漢中郎西齋舊種櫻桃樹
今歲還應共汝長

題雲林竹

笠澤莊頭道士家書窗風竹翠交加新梢便有凌雲勢
高出牆簷埽落花

欽定四庫全書

御選元詩
卷七十五

早

御選元詩卷七十五

謹案第五頁後四行密梅花發便撩人刊本密作

寒撼楊維楨鐵崖古樂府改

欽定四庫全書

一



總校官庶吉士臣侍朝
校對官檢討臣蕭九成
謄錄監生臣傅瓌芳

欽定四庫全書薈要

集部
御選元詩卷七十六

欽定四庫全書薈要卷一萬八千四百八十八 集部

御選元詩卷七十六

七言絕句

張渥

次友人韻

清曉移舟及暫晴
水花明媚照娉婷
銀箏玉柱纖纖手
翻得新聲醉裏聽

水光承雨亂銀花
柳外雙峯出碧了
我便欲尋蓑笠去

欽定四庫全書

御選元詩
卷七十六

斷橋灣裏是漁家

淺絳籠紗白玉膚
鬢雲雙蹕映犀梳
尊前自有丹青手
描取崔徽入畫圖

舞衫歌袖奏紅紗
一朵春雲帶晚霞
盡日無人見纖手
小屏斜倚笑簪花

題金碧仙山圖

丹崖翠壁五雲間
此是蓬萊第一山
笑指碧桃花發處
玉鸞曾載月中還

詳校官原任李斯詠

題王元章梅

照水疎花冰有暈橫窗瘦影玉無痕孤山月冷黃昏後
拄杖曾敲處士門

題趙翰林墨蘭

白鷗波點研池清楚晚香風筆底生記得弁峰春雨後
撥雲移種向南榮

黃玠

弁山

欽定四庫全書

御選元詩
卷七十六

黃龍洞口晚雲收白鶴廟前春水流二百年來鮑君宅
看花看柳到溪頭

李瓚

暮春

水生澤國徂春暮倚杖汀洲立晚風千樹桃花紅雨落
滿林竹筍綠陰濃

漁莊

芙蓉開遍錦雲低夜飲漁莊月滿池按得新詞倚紅袖

桃花便面寫烏絲

纖纖新月上簾鉤楓葉蘋花隔水秋一曲清歌來送酒
雙鬟小妓木蘭舟

李元珪

題梅花士女

夢裏尋香出曉城一聲殘角暗魂驚美人不作羅浮夢
獨倚梅花看月明

江行春暮

欽定四庫全書

御選元詩
卷七十六

江岸薔薇也自紅可憐夜雨落花藂不如燕子知人意
箇箇飛來近短篷

白鷗

幾箇白鷗真可愛碧波蕩漾即為家春江正喜中流急
又打潮頭過淺沙

馬麐

古塘秋月

錢塘東去海潮生吳浦東來舟自橫十里金波秋浩蕩

流光直到闔閭城

岳榆

漁莊

文竿比目出清波
翠袖香醪金叵羅
涼月團團當檻白
秋光冉冉隔簾多

黃華丹樹繞漁莊
錦瑟秋風子夜長
驚起水禽棲不定
背人飛去不成行

張遜

題挾彈圖

綠樹陰陰水滿隄
春風立馬看黃鸝
憑郎金彈莫輕發
恐有慈烏來上棲

文質

題秋林才子圖次玉山韻

石嶺西來竹屋幽
寒驢歸去晚山稠
溪頭霜葉如花落
天外白雲似水流

題風雨歸舟圖

西風木落九江秋
黃鶴磯頭是舊遊
憶得向年風雨裏
青山無數逐歸舟

題芙蓉畫屏

太液池頭月色涼
夜深天上按霓裳
西風吹醒遊仙夢
尚帶清秋玉露香

梅花燈

五出玲瓏四面分
一枝挑月照黃昏
歸來踏遍橫斜影
吹落東風不見痕

顧敬

寄芝雲堂主人

雲暖幽亭長紫芝
昔年曾許鶴來期
短筇空倚清江上
滿目春愁兩鬢絲

雲林生畫林亭遠岫

雲林八法寫倪迂
夏木幽亭翠幾株
雨後長洲正如此
騎駝山色近何如

贈婁東朱叔重

海岳菴頭積翠峯蒼松兩兩似遊龍要知米老騎鯨去
誰把雲山寫淡濃

芝雲堂

一室林間絕垢氛九莖當戶秀芝雲好風晝日便清夢
莫使人書白練裙

顧盟

次韻楊廉夫治春口號

醉舞花前倒接羅雙雙燕子共差池留連只恐春光暮

欽定四庫全書

御選元詩

卷七十六

六

芳露濕衣人不知

綠暈雙蛾新畫眉風流堪賦比紅兒繡窗無人解春意
行傍辛夷折柳枝

題梅

玉妃步步影穆穆燕罷瑤池酒正酣夜半不知風露冷
夢隨春雨過江南

宋本先

題秋山圖

南遊雁蕩北居庸歷歷青山在眼中今日不勝怊悵處
馬頭黃葉又秋風

題琵琶仕女圖

江水東流月滿船江風吹怨入冰絃如何銀燭秋堂夜
一曲新聲值萬錢

題墨竹

可人家住篔簹谷明月清風十萬竿一自玉山相見後
滿庭清影夢高寒

欽定四庫全書

御選元詩

卷七十六

七

沈右

題高尚書秋山暮靄圖

高侯筆法妙天下貌得江南雨後山都是乾坤清淑氣
興來移入畫圖間

與慎獨先生

東林薄酒試新嘗中有松花膩粉香遣送潁川陳有道
書齋渴飲勝茶湯

王楷

絳雪亭

春去好花都落盡也憐秋見海棠開日斜爛醉紅雲底
莫把銀燈照石臺

陸景龍

題紅梅

昔醉西湖處士家酒痕吹上水邊花東風蛺蝶迷香夢
一樹珊瑚月影斜

邾經

欽定四庫全書

御選元詩

卷七十六

絡緯圖

牽牛風露滿籬根淡月疎星夜未分燈下有人挑錦字
機絲零亂不成文

舒頔

次朱克用萬戶韻

和風駘蕩柳腰斜茅屋谿邊賣酒家馬首翩翩旗脚轉
何如偏惹帽檐花

采石

江聲似欲欺文士月色曾經照錦袍八百仙人騎白鶴
紫簫吹徹碧雲高

維揚十詠

錄六首

明月樓

昔年明月照盈盈今日樓空月自明銀甲錦箏歌舞地
寒鴉落日澹孤城

皆春樓

樓前景物逐時新樓上笙歌日日春華麗已隨時節換

欽定四庫全書

御選元詩

卷七十六

東風吹恨柳眉顰

嘉會樓

壯年登覽醉歌日况是太平全盛時燕子銜將春色去
畫闌寬處樹旌旗

平山堂

平山山上構高堂堂下青蕪接太荒堂廢山空人不見
冷雲秋草卧橫岡

蕃釐觀

即瓊花觀

天上奇花玉色浮祇留一種在揚州如今后土無根蒂
蜂蝶紛紛各自愁

太平橋

青樓翠幕舞纖腰金屋銀屏貯阿嬌二十年前豪俠客
相逢猶是說前朝

題水墨葡萄

老龍騰淵雲氣濕萬斛驪珠夜光泣秋風吹滿西涼州
釀就清香浮玉液

欽定四庫全書

御選元詩

卷七十六

十

由績坑出乳谿聞鶻

細草幽花二月天暖風晴日弄春妍村孤路僻行人少
忽聽深林叫杜鵑

題清湘秋景

木落三湘雨後天細泉飛瀑挂晴川疎篁影裏簫聲過
借問誰家上水船

偶題

生平不識大鄣山歷井捫參四十彎誰道仙家隔蓬島

桃花流出在人間

書西坑楊子威巡檢官舍

詰曲山蹊穿復斜溪流淺碧漾寒沙山邨亂後蕭條甚
隱約疎林一兩家

張氏畊隱堂次韻

獨向南莊卧白雲遠山點點入簾清半犁新雨孤村外
始聽春禽第一聲

舒遠

欽定四庫全書

御選元詩

卷七十六

十一

莊居述懷

花如鋪錦柳如絲落日空山叫杜鵑癡客不知塵世事
顛厓長伴白雲眠

早行

月落霜林烏早啼風生驛路馬頻嘶柴門犬吠天將曙
知有人家住隔谿

鷄鳴野客整雕鞍路漸分明出亂山記得少年因中酒
一竿紅日倚歌鬟

舒遜

題百馬圖

詔許平戎罷戰還征鞍初卸汗初乾從今歸牧華山後
只許丹青畫裏看

周寔震

戲筆

西園蹴踘醉葡萄北里琵琶紫錦條堪笑東家頭白者
一燈深夜讀離騷

欽定四庫全書

御選元詩
卷七十六

十一

籬間小花

小小閒花分外紅野人籬落自春風江南多少繁華地
盡在寒煙蔓草中

雨中

柳塘分路市橋斜海燕雙飛識故家一月閉門聽夜雨
隔牆落盡碧桃花

楊翮

題徐熙桃花鸚鵡圖

海上紅雲日日新碧鸞無夢識芳塵金籠不鎖鸚鵡
占得東風一段春

寄于清叔

暖沁香篝宿火温絳紗紅燭照黃昏自憐不廢千金夜
帳底吹笙倒玉尊

梅花亂落雪紛紛兩袖東風酒半醺春月滿堂歌舞散
高情渾欲夢梨雲

題李德瞻壁間相看不厭圖

欽定四庫全書

御選元詩
卷七十六

十一

窗前圖畫勝元關怪石長松九夏寒寄語山靈休厭客
清風明月好相看

張端

酬秦仲納涼

庭樹團團散夕陰浴蘭步屣懶冠襟殘蟬猶戀餘薰好
故故長縑獨繭琴

空庭坐待月華生蓮葉吹香到骨清誰把銀箏彈別院
聽來多是斷腸聲

池上尋詩繞百迴何須東閣對官梅靜中賞識人知少
一箇山螢度水來

錢達

次韻陳敬初荅虞清二子雨中見寄

白籙裁牋帶玉紋烏絲題字寄衡門風牀展玩論書法
何似顏公屋漏痕
積雨孤邨水滿隄杏花零亂落春泥草堂近在橋東路
只借丹丘處士棲

欽定四庫全書

御選元詩

卷七十六

十四

喧喧春鳥報新晴不遣春愁眼底生擬約芙蓉洲上坐
暫分私地聽蛙鳴

獨立春江古岸基風帆沙鳥總忘機今朝聞有巢湖信
南陌東阡遲子歸

村塢深如華子岡東風花落澗泉香故山猿鶴相望久
莫遣濡須草樹荒

關河猶未息風塵孤負春來綠草茵莫報淮南近消息
題詩且慰白頭人

趙子固蘭蕙卷

王孫書畫出天姿痛憶承平鬢欲絲長借墨花寄幽興
至今葉葉向南吹

吳志淳

題小山水景

十年小隱在青山喜有東湖屋數間門外白雲常在眼
此身渾似釣舟閒

小舟何處問通津二月東湖柳色新老向天涯頻見畫

欽定四庫全書

御選元詩

卷七十六

十五

一枝曾折送行人

日湖

玉几東來浮野色錦溪西下接湖光道人燕坐心如水
六月荷花鏡裏香

朱希晦

秋懷

怪底浮雲翳碧空千山秋色入溟濛何當一掃羣陰盡
坐看東方片日紅

寄友

雨過溪頭鳥篆沙溪山深處野人家門前桃李都飛盡
又見春光到棟花

次李二丈韻

看花醉眼不須扶花下長歌擊唾壺回首荒城春較晚
淡煙疎雨綠平蕪

周之翰

寒夜擁爐餅梅枯凍戲為作下火詩

欽定四庫全書

御選元詩
卷七十六

十六

寒勒銅餅凍未開南枝春斷不歸來這回不入梨雲夢
却把芳心作死灰

鄭洪

題盛叔章畫

記得天台雁宕歸滿山松露濕人衣十年眼底無林壑
今日畫圖看翠微

唐珙

過洞庭

西風吹老洞庭波一夜湘君白髮多醉後不知天在水
滿船清夢壓星河

吳會

題扇贈首坐

提來電掣風千里放下雲沈月五更舉示坐中三百衆
定從何處有風生

官人欠伸圖

舞困歌慵酒夢遲小欄舒腕轉腰時落花垂柳嬌無力

欽定四庫全書

御選元詩
卷七十六

十七

都送春愁上兩眉

陳安

題美人春睡圖

深宮紅日上窗紗枕印微痕暈曉霞鶯燕不鳴簾幕靜
綵雲低護海棠花

題雲山春樹圖

青山綠樹靄春雲野水接藍草色新溪上數椽茅屋小
晝長應有讀書人

題畫

春萱翠石倚琅玕睡足東風錦翼寒却憶江南舊庭院
晚晴池上倚闌看

徐淮

與劉景玉安固泛舟

雲平水暖魚吹浪雨潤泥香燕啄花著面東風濃似酒
扁舟流過白鷗沙

客舍春暮

蜂兒釀蜜心方醉燕子營巢語未安開戶不知春事老
滿簾風雨落花寒

華幼武

擬比紅兒賦解語花

綽約柔情不自勝翠圍紅繞幾層層隔簾立盡闌干月
却訝真真喚即應

霧縠雲綃淡淡妝微風吹夢鬱金香臨風一片傷春意
欲向何人訴斷腸

欽定四庫全書

御選元詩

卷七十六

九

題桃花十二紅圖

枝上棲禽五色毛睡酣花氣日初高江南一覺繁華夢
滿地荆榛叫百勞

春日偶成

城頭楊柳綠如雲城下官河水拍春一片江山元不改
畫船都是異鄉人

江南春色已無多
船頭細雨濕漁蓑船尾桃花漾碧波借問東君知得否

欽定四庫全書

御選元詩

卷七十六

十九

雲林畫山水竹石

秋雲無影樹無聲湛湛長江鏡面平遠岫煙消明月上
小亭危坐看潮生

次韻曲林春雪

賸喜漫天飛玉蝶不嫌幽谷阻黃鶯夜深錯認催花雨
夢覺驚聞折竹聲

寄曲林

湖上春風也太顛燈前愁殺汎湖船故人何處聽春雨

應在江樓未得眠

睡起

梅子將黃杏子肥綠陰門巷客來稀南窗一枕睡初覺
蝴蝶滿園如雪飛

葉顥

示小兒阿真牡丹荼蘼春暮各一首

絳色羅裳綠色襦沈香亭北理腰肢含風笑日嬌無力

恰似楊妃睡起時

欽定四庫全書

御選元詩

卷七十六

二十一

一點檀心氣味長向人無語舞霓裳千紅萬紫消磨盡

猶有風吹不斷香

老紅新綠駐煙波無奈青皇促駕何又是一年春事了

杜鵑聲裏夕陽多

晚步

偶隨芳草踏斜暉石徑雲深翠滴衣兩袖天風明月上

杖頭挑得樹陰歸

次韻周安道憲史仲春雨窗書懷

茶鼎松濤翻細浪桃谿花雨湧香泉旋尋筍蕨春山下
不枉江南二月天

破除愁悶無過酒消遣情懷正要詩燕子不來春又半
一簾花雨海棠時

蝶懶鶯慵燕語衰紅羞綠怨濕難開晴窗誤聽山禽樂

又是鳴鳩喚雨來

霜天曉角

耿耿星河曙欲流角聲悲壯起層樓滿江明月清霜重

欽定四庫全書

御選元詩

卷七十六

二十一

人與梅花一樣愁

冬景十絕 錄四首

鷺立寒江

青苔白石魚鱗腥盡日獨拳寒雨汀疑是晴江沙上雪

黃昏一點不分明

霜天曉角

城上征人吹角聲月寒霜重聲冥冥孤舟萬里南遷客

起著衣裳帶夢聽

江路梅香

漠漠江雲路不分
小橋流水夕陽村
吟翁馬上頻回首
一陣東風暗斷魂

書舍寒燈

青燈黃卷伴更長
花落銀缸午夜香
異日長檠珠翠處
苦心寒燄莫相忘

丁酉仲冬即景

雲巢鶴睡

欽定四庫全書
御選元詩
卷七十六
二十三
煙梢深處穩棲翎
標格孤高迥出羣
只恐聽琴驚夢醒
踏翻松頂一巢雲

月嶺猿啼

樹頭清嘯兩三聲
紙帳梅花睡欲成
喚醒冷泉亭上夢
嶺雲飛動月初明

春雨晚霽

東風吹雨作絲輕
駕勒餘寒放晚晴
滿地濕雲收未盡
一簾花影不分明

春曉

數點滋花雨未乾
弄晴紅日上闌干
杏花梢上風微動
著意吹人也不寒

王鵬

蓮塘

一帶蓮塘似錦機
輕風冉冉日暉暉
花間灘鶴窺人慣
畫槳翻波也不飛

九日

欽定四庫全書
御選元詩
卷七十六
二十三
老逢佳節倍咨嗟
落日風吹雁影斜
猶恐明年頭更白
籬邊隨分插黃花

郭鈺

訪龍長史不遇

鸚鵡窗深鎖翠寒
松花不掃紫苔乾
自將名姓題修竹
延桂樓前第五竿

題扇

柳樹晴虹隱畫橋
藕花微雨過歸橈
波光倒蘸紅樓影

照見佳人弄玉簫

宜春贈別

微茫煙浪浦帆開一曲琵琶淚滿腮
江水不如潮水好送人東去復西來

發家信

寒硯敲冰帶淚磨故園消息近如何
老妻不信愁深淺歸日應憐白髮多

和宋五別後見寄

誤將鸚鵡教詩成每到人來喚姓名
從此西園蹤跡少萬絲煙柳鎖春晴

二月十七日有感

花匝疎篁水遠門幾回扶月醉西園
青燈昨夜挑殘雨空認春衫舊補痕

偶興

高柳著花懸紫煙歸舟離恨滿晴川
六年杜牧傷遲暮况復如今二十年

涼夜

竹外涼風留晚坐驚斷蛩聲山葉墮
天河何處是雙星新月纖纖碧雲破

洞口人家

松樹迴環四五家機梭長日響咿啞
西風裏得蘸脂色偏與籬東木槿花

秋浦晚歸

芙蓉開後涉波頻落日迴舟獨愴神
鷗鳥幾回相見熟

故穿菱葉避歸人

題春江送別圖

君上孤舟妾上樓望中煙雨意中愁
江波若會離情苦一夜東風水倒流

六月二十九日觀雨

青山山下是吾廬六月邱園草盡枯
憑仗西風吹雨去官田今歲又添租

題龍旗梅

欽定四庫全書 御選元詩 卷七十六 二十四

欽定四庫全書 御選元詩 卷七十六 三十五

硯冰敲碎碧雲殘
蜂蝶無飛花意間
記得共尋林處士
媿寒清曉到孤山

題鄒自春石屏巫山圖

一片屏開十二峰
陽臺去路有無中
午窗香霧籠寒玉
猶似行雲到楚宮

閏十一月朔日山路見梅

蓓蕾微傳春信真
幾回夢想玉精神
不知月落參橫處
猶有孤眠惆悵人

欽定四庫全書

御選元詩

卷七十六

三六

贈別

醉挽征衫折柳枝
柳花飛處不勝悲
東風過後西風起
待得青條又幾時

江望

盡把離愁種驛亭
春風吹入草青青
傷心為問行舟客
東過清江停不停

春日憶簫韶

雲歸長宿北山頭
誤逐東風過小樓
帶得舊時蕉葉雨

數聲敲碎客中愁

寄遠

萬點飛花風外過
紅埋泥土白隨波
閑愁散與傷春客
君在江南想更多

春日過山家題羅帕

冰絲縷縷繫深恩
青鳥飛來每斲魂
留得薔薇香易滅
只從燈下認啼痕

無題

遊絲風暖颭飛花
窈窕簫聲隔彩霞
畢竟神仙難換骨
自分丹火煮胡麻

有感寄宋五

春夜情濃夢覺空
爛柯不省遇仙童
人間翻手恩成怨
無怪襄王憶夢中

怨別

病起銀餅滿藥塵
夜窗愁絕月窺人
寒燈不作雙花夢
羅帕啼痕點點勻

欽定四庫全書

御選元詩

卷七十六

三七

劉永之

酬別宋贊善大夫景濂

西閣垂簾坐夕陰每因朝退共論心文章千載知音少
獨立蒼茫感慨深

大秀千峰菡萏開玉梁高接九仙臺預從山頂結茅屋
待得先生跨鹿來

題竹

溪藤潤帶空青色湘竹寒生玳瑁文何處幽尋不可愛

欽定四庫全書

御選元詩

卷七十六

三九

夜深山雨隔窗聞

聽琴圖為周易題

帝帶筠冠白氎衣龍脣鶴足軫文犀試看十指風泉繞
曲裏時聞烏夜啼

題扇

烏絲細寫蠶頭篆白紵新裁燕尾衫雨過西軒苔色淨

澗中雲影似江帆

秋江晚釣圖

曲渚環洲隱釣蓬寒藤古木落秋風十年閉戶空山裏
忽憶江南似夢中

題竹

晚窗新霽綠陰稠隨意揮毫傲薊丘老鶴矜翎回舞態
洞簫吹徧石林秋

讀易茅齋夏日長琅玕繞屋擬瀟湘山風一夜吹疎雨
共愛西窗五月涼

題扇

欽定四庫全書

御選元詩

卷七十六

三九

金鳳洲頭倒玉壺銅塘浦口送飛艖他時若記分攜處
花滿春城聞鷓鴣

飛仙圖

綠膺么鳳載瓊簫霧鬢煙鬟向月飄閨苑獨歸仙路遠
九天風露濕紅綃

和何平子韻

碧池萬柄青荷葉相映茅齋水霧深滿酌君家琥珀酒
時時扶醉過花陰

雪竹霜筠負所期寒雲飛雁影離離縣知磐石蒼苔上
猶有山陰道士詩

蕭蕭官柳著霜稀水鳥沙禽弄夕暉明日鍾陵相祖別
金盤斫鱠鯉魚肥

重過何氏席上作

霜筠雪竹暮雲寒采筆題詩點石闌銀燭金尊重到日
老懷不似少年歡

謝家羣從最多賢第宅新成綺戶連預喜酒闌賓客散

欽定四庫全書

御選元詩

卷七十六

三十一

看傳銀燭散青煙

寄西峰道士

棲碧山人兩袂輕玉螭盛得露華清新詩不記人間事

盡寫瑤臺閨苑情

古墨輕磨紫麝臍白雲窗下小書帷何時為寫梅君傳

換得鸞羣映錦池

百尺飛樓接太清萬年枝上月華明鹿車入谷無人見

應是仙人衛叔卿

夜禮珠衡佩玉鏘慶雲低繞鬱金章空中鶴語神君至
睡鴨頻添百和香

瑤臺丹柰景闌干不比人間荔子丹明月涓涓清露濕
碧苞珠實滿金盤

石室虛明隔紫煙靈文中閔白瑤鐫丹書隱字誰能識

歲月應題建武年

北澗夏日

酒傾蘭勺石泉香水翦荷盤露氣涼誰料十年江海興

欽定四庫全書

御選元詩

卷七十六

三十一

閉門疎雨對橫塘

白紵衣裳碧玉冠綠波池上獨盤桓水禽飛下涼颼起
閒看冰壺側露盤

夜宴定侯宅醉中口號

刻羽堂中畫燭明將軍夜醉水西營青樓小婦新承寵

彈得涼州第一聲

題墨梅

郭西茅屋經年別嫩蕊疎枝入夢頻何處尋幽重相憶

寒雲野水月如銀

為何彥修題縣屋古木圖

古木蒼蒼帶女蘿峰陰斜蘸石潭波十年不到屏風疊
夜雨茅檐幽夢多

與何重容

百尺長松不記年石牀欹帽午陰圓何郎茅屋相憐住
為煮新茶汲澗泉

題扇

欽定四庫全書

御選元詩

卷七十六

三十一

揚州何遜多才藻秋水金塘艷碧葉深院閉門芳草合
小簾低護殺青書

重過北澗和韻

北澗蒼蒼古木長南塘夜雨落花香重來萬事堪惆悵
剪燭西窗共一觴

三友圖

冰筍玉節間苔枝瘦影參差落墨池最憶山陰殘雪裏
西窗相對鬢如絲

和貳守漫興

鄱陽春水渺連空煙嶼花飛遠近紅石渚買魚新斫鱠
一時風致似吳中

題墨梅

茅屋蒼苔野水濱歲寒冰雪久相親江湖後夜扁舟夢
猶記尊前對玉人

仙館曾逢玉帶姿夢中要作曉寒詞於今相對情如水
唯有清霜繞鬢絲

欽定四庫全書

御選元詩

卷七十六

三十一

寫墨竹一枝

為君拈筆寫篔簹數尺新梢綠粉香持向西窗聽夜雨
高情渾似對瀟湘

為彭子宏題漁釣圖

彭郎磯畔小茅堂露滿秋林木葉黃石渚水生魚欲上
一江風雨夜鳴榔

題北澗精舍

石田流水繞生苔翠竹蒼松傍舍栽恰似輞川莊裏住

華門斜對芰荷開

貢性之

東坡竹

玉堂罷值獨歸遲
墨瀋將秋入研池
坐到夜深清不寐
瑣窗涼影碧參差

題畫

山接天台路萬重
仙家樓閣杳難通
不知昨夜溪頭雨
流出桃花幾許紅

送別

桃花浪暖錦帆開
楊柳風輕燕子來
無限離情隔江水
隨人直向鳳凰臺

觀畫

滾滾長江入窅冥
越山無數隔江青
一雙白鳥誰驚起
衝破蒼煙下別汀

題竹

美人環佩玉玲瓏
騎得青鸞下碧空
寂寞湘魂招不返

欽定四庫全書

御選元詩

卷七十六

三五

鳳簫聲斷月明中

題梅

平生心事許誰知
不是梅花不賦詩
莫向西湖踏殘雪
東風多在向陽枝

題畫梅送友人

折梅江上贈人行
此是東風第一程
從此不須憑驛使
看花直到豫章城

題畫

風來水面綠生波
雲淨山頭翠擁螺
白鳥驚飛背人去
一聲何處采菱歌

送人回黃山

望斷秋空白雁過
故人書問轉蹉跎
無端又與君相別
添得苕溪夢更多

題盧東牧雲山

風流爭解說盧郎
墨瀋淋漓入醉鄉
雲白山青隨意寫
一時不數米襄陽

欽定四庫全書

御選元詩

卷七十六

三五

題畫梅

濕雲壓地雪花乾一日狂風十日寒
不管春光滿鄰屋却從牆角借來看

美人別後動深思春到南枝總未知
記取灞橋明月夜忍寒花下立多時

羅浮山下著青鞋蹋雪曾看爛漫開
好似人家茅屋底一枝先占短牆來

十月江南正苦寒花開如雪雪成團
如今老盡咸平樹

欽定四庫全書

御選元詩

卷七十六

三

只寫前身畫裏看

題畫蒲萄松鼠

猿似彌猴捷似獠栗梢走過又松梢
紫葡萄若使知滋味

一日能來一百遭

畫蓮

吳王宮殿水流香步屣廊深暑氣涼
長日香風吹不斷

藕花多處浴鴛鴦

題畫

桃花紅綻斷橋邊楊柳垂陰散綠煙
記得少年曾取醉玉人扶上總宜船

暮春

吳娃二八正嬌容鬪草尋花趁暖風
日暮歸來春困重鞦韆閒在月明中

惜花公子愛春晴駿馬驕嘶曉出城
半醉歸來人共看笑將金彈打流鶯

雲山圖

欽定四庫全書

御選元詩

卷七十六

三

鴨嘴灘頭燕尾分西風吹老樹無根
何人醉灑淋漓墨半是青山半是雲

題畫

多景樓連鐵甕城壯游猶記昔年曾
江心遙見金山寺風裏鐘聲塔外燈

題畫

雨蒲煙草接風湍望入蒼梧九點寒
怪得歸帆如馬健有人樓上倚闌干

蘭竹

翠鸞飛下尾毵毵怪石嶄巖倚碧潭一路鷓鴣啼不斷
行人揮淚濕征衫

寄友人

瘴雨蠻煙萬里餘別來消息近何如誰憐白髮疎狂處
猶寫平安兩字書

紅梅翠竹

仙子羅浮待宴來笑扶殘醉下瑤階東風不管雲鬟亂

吹折雙雙翡翠釵

桃花雙鳥圖

茂陵帝子宴瑤池翠管銀笙取次吹王母不來桃未熟
可憐雙鳥立多時

題竹

翩翩么鳳下晴空半入江雲半落風憶昔瀟湘泊船處
玉簫聲斷月明中

墨葡萄

欽定四庫全書

御選元詩

卷七十六

六一

酒醒西樓月欲斜滿窗晴影走秋蛇狂夫剝有相如渴
一滴涼州未許賒

觀奕圖

笑殺王郎底事癡斧柯爛盡不曾知却拋塵世無窮樂
只博山中一局棋

過鑑湖

南風吹斷采蓮歌越女船開小似梭却恐紅妝不成態
背人偷照鑑湖波

欽定四庫全書

御選元詩

卷七十六

三九

題菜

西風吹動錦爛斑曉起窺園露未乾三日宿醒醒不得
正思風味到辛盤

雨過畦蔬綠漸勻呼童小摘慰情親箇中滋味如諳得
不是尋常肉食人

凍鳧

江天歲晚景淒淒雲脚低垂望欲迷水鳥畏寒飛不起
黃蘆枝上並頭棲

題梅

美人吟苦減腰圍瘦影玲竚不自支只有梅花是知己
相逢多在月來時

十年癡坐冷官檀幾度看花雪後天白水同心如此調
載將春色上歸船

萬里無雲月正高翠禽啼斷酒初消靈均自是非知己
不寫芳魂入楚騷

寒氣稜稜雪作晴看花獨自出郊行北枝未吐南枝發

欽定四庫全書

御選元詩

卷七十六

四十一

笑殺春光也世情

枯木圖

湖石東頭太液西春風宮樹半高低王孫金彈多如雨
不著黃鸝一箇啼

翠蘿牽恨引絲長黃葉將風戰曉霜莫怨一枝棲未穩
上林春樹近昭陽

題畫翎毛

莫怪幽禽雪滿頭多情只為海棠愁開元宮裏千株錦

一夕西風起碧秋


欽定四庫全書

御選元詩

卷七十六

四十一

御選元詩卷七十六



總校官庶吉士 臣侍 朝

校對官檢討 臣蕭九成

謄錄貢士 臣傅瓌芳

欽定四庫全書薈要

集部
御選元詩卷七十八

欽定四庫全書薈要卷一萬八千四百八十九 集部

御選元詩卷七十七

七言絕句

瑪嚕

八月既望訪古鼎上人時庭桂盛開因賦絕句

以贈

桂花陰下坐談空况在清虛玉府中海月滿庭秋一色

天香和露滴西風

欽定四庫全書

御選元詩
卷七十七

春曉

香霧空濛落月低六街官馬散銀蹠芙蓉帳底夢初醒

卧聽栗留花外嘯

練魯

北斗山

隱者巢居在翠微松花服食為蘿衣人間萬事不著眼

坐看白雲天際飛

丁鶴年

詳校官原任主事 臣 李斯咏

題第郎天馬圖

春明立仗氣如山
顧盼俄空十二閑
一去瑤池消息斷
西風吹影落人間

題畫

江樹青紅江草黃
好山不斷楚天長
雲中樓觀無人住
只有秋聲送夕陽

題萬歲山玩月圖

金銀樓觀蔚嵯峨
琪樹風涼秋漸多
徙倚危闌倍惆悵

月中猶見舊山河

梧桐

井梧徹夜下霜風
錦繡園林瞬息空
老盡秋容何足惜

鳳巢吹墮月明中

聞雁

月落江城轉四更
旅魂和夢到灤京
醒來獨背寒燈坐
風送長空雁幾聲

題梅花扇面寄五十僉憲

憶向西湖蹋早春
萬花如玉月如銀
一枝照影臨清淺
滿面冰霜似故人

紅梅

姑射仙人鍊玉砂
丹光晴貫洞中霞
無端半夜東風起
吹作江南第一花

水仙花

湘雲冉冉月依依
翠袖霓裳作隊歸
怪底香風吹不斷
水晶宮裏宴江妃

影娥池上曉涼多
羅襪生塵水不波
一夜碧雲凝作夢

醒來無奈月明何

題唐申王三駿圖

三駿英英出渥洼
太平芻束飽天家
誰知百戰平河北
汗血功歸獅子花

武昌南湖度夏

湖山新雨洗炎埃
萬朶青蓮鏡裏開
日暮菱歌動南浦
女郎雙槳蕩舟來

題林泉野趣圖

清江白石帶疎林
樊口幽居尚可尋
夢裏草堂無恙在
秋風春雨總關心

方道叡

題白雉山圖

一權何人弄碧流
離離霜樹見西洲
新安江水清無底
白雉山高萬仞秋

趙沆

次韻答何判簿見寄

少駐沙邊載月舟
依依父老話平疇
霜清木落山容靜
三十六峰渾是秋

金涓

秋夜

獨自歸來秋夜靜
雨濕寒雲小窗暝
竹爐無火客思茶
隔樹人家有燈影

冬夜

欽定四庫全書

御選元詩

卷七十七

四

獨坐夜深人讀易
屋外雪明如月色
松寒老鶴睡不成
飛下窗前伴人立

春晴

曉風吹暖破陰雲
草色湖光轉綠痕
試看海棠枝上月
定將花影過重門

遊赤松

枕石聽流夢未安
碧雲蘿薜古祠寒
夜深鸞鶴羣仙過
人在青松月下看

欽定四庫全書

御選元詩

卷七十七

五

邨園

半畝邨園接水涯
誅茅新構小書齋
窗前不用栽花柳
只對青山景自佳

春曉偶成

清晨睡起覺衣單
亭館東風怕倚闌
一夜好春吹作恨
梨花寂寞雨鳩寒

幽興

閉門不出動十日
雨後憑闌眼倍明
萬樹飛花將欲盡

一池春水漲浮萍

趙昌海棠圖

銀燭燒殘夢未回
舊家庭院已荒苔
玉簫聲杳人何處
惟有東風燕子來

幽興

燕子飛來近畫檐
暮春時節雨纖纖
杏花落盡無情緒
何處人家有酒帘

謝應芳

嘉定道中

黍熟湖田花鴨飛
雨香秋浦筍魚肥
野翁織屨街頭賣
日暮裹鹽沽酒歸
趁潮艇子若遊龍
潮落橫塘日下春
負郭人家星散住
水邊多種木芙蓉

題春林雨意圖

前山後山雲氣濃
欲雨不雨天無風
記得去年初夏裏
此時船過滬湖東

欽定四庫全書

御選元詩

卷七十七

六

和浦玉田清明日郊行

湖上新堤踏軟沙
少年人面映桃花
花邨風物渾如舊
獨欠青帘賣酒家

一幅春雲巧似裁
隔湖飛過碧山來
野橋小立題詩處
夾竹桃花爛漫開

和臨寒食有感

何處登臨散客愁
千墩浦上聽漁謳
清明落盡梨花雪
能得春風幾日遊

欽定四庫全書

御選元詩

卷七十七

七

一逕落花春晝靜
四鄰嘉樹綠陰繁
兒曹忘却懷鄉意
浪說春風似故園

四月二日林自璚城歸寫呈遷居詩四首因以

述懷并記時事 錄三首

鶴長鳧短世難齊
滿眼風塵客路迷
竈突未黔居未徙
兒曹况在兩湖西

六幅蒲帆帶雨開
璚城艇子過湖來
老妻正倚門前樹
雪色楊花覆綠苔

僦得山居鑿井新客來不厭煮茶頻屋頭幕地顛風起
狼籍桃花滿樹春

和許君善郊居

秋色蒼茫日落斜鯉魚風起荻飛花先生晚酌依稀醉
吹笛漁童恰到家

寄徑山顏悅堂長老

每憶城南隱者家崑山石火徑山茶年年春晚重門閉
怕聽階前落地花

欽定四庫全書

御選元詩

卷七十七

江山漁樂圖

數口妻兒網一張船為家舍水為鄉江南江北山如畫
欸乃聲中送夕陽

和王有恒野步

芳草青青路欲迷白頭有客共扶藜吳田半沒桃花水
草負春風布穀啼

寄南宗僧綱和尚

去年同看中秋月東閣開窗夜賦詩閣下桂花無恙否

秋風又到去年時

次韻答臧尚迪先生見贈

延陵野唱風吹去曲誤誰知顧且聽湖海卧遊春晝靜
一簾花雨集中庭

張庸

梅

拄杖尋春路不賒小橋流水野人家千年老榦屈如鐵
一夜東風都作花

欽定四庫全書

御選元詩

卷七十七

九

馬庸

題仲穆看雲圖

雲擁秋空落鏡臺道人日日好懷開山頭半夜風雨作
驚起雙龍出峽來

張毅

絕句

隱居城市絕塵埃秋菊春蘭手自栽一卷楞伽讀未罷
南山相對翠崔嵬

朱武

題張子正春雨鳴鳩圖

東風簾捲小紅樓三月梨花叫錦鳩
曾得玉人將鳳管隔花低按小梁州

鄧伯言

題雲林子南村隱居圖

高人卜築避塵埃山似蓮花水面開
半晝猶眠疑是夜推窗只許月明來

金信

白原山

花開山樹紅垂屋波漲溪流綠遶村
咫尺春泥初雨後尋常亂挿是雲根

丘處機

煙霞洞

山雲勃勃湧驚濤海水漫漫浸巨鼇
極目下觀千萬里扶桑依約見蟠桃

欽定四庫全書

御選元詩
卷七十七

十

白石磷磷繞洞泉蒼松鬱鬱鎖寒煙
碧桃花發朱櫻秀

別是人間一洞天

海上羣山培塿多姑餘高峻出陂陀
太平直與稽天翠五岳高標未見過

海曲山河洞府低蓬壺閬苑海東西
仙人玉女時遊集

不許桃源過客迷

鼇山

重岡複嶺勢崔嵬照眼雲山翠作堆
路轉山腰三百曲

欽定四庫全書

御選元詩
卷七十七

十二

行人一步一徘徊

秋陽觀

秋陽觀後碧巖深萬頃煙霞插翠岑
一徑飛花春水急灣環流出洞天心

羣山一帶碧嵯峨上有羣仙日夜過
洞府深沈人不到

時間巖壁洞仙歌

聶碧牕

咏所見

當年結髮在深閨豈料人生有別離到底不知因色誤
馬前猶自買胭脂

梁大柱

與存此山上人山行

一聲兩聲松子落三片五片楓葉飛夕陽下山新月上
道人相伴一僧歸

張與材

冲元觀

欽定四庫全書
御選元詩
卷七十七

參差樓閣半天中六月清風百尺松隱約齋壇低曉月
五雲深處一聲鐘

馬臻

竹窗

竹窗西日晚來明桂子香中鶴夢清侍立小童間不動
蕭蕭石鼎煮茶聲

題墨竹

拂雲標格歲寒心墨色分陰重又輕不似渭川千畝綠

只和風雨作秋聲

春日幽居

淺淺春風尚帶寒日斜香篆半燒殘杏花一樹開如錦
怕觸嗁鶯不倚闌

雪

冷逼街頭酒價高晚來風急更蕭騷青樓醉舞不歸去
江上一蓑憐汝曹

秋日即事

欽定四庫全書
御選元詩
卷七十七

芙蓉涼淺未全紅稚子攔街鬪草蟲節物變遷風景在
故園心事不言中

海棠

殷紅含露卧朝寒疑是春工畫未乾底事詩人吟不穩
直須燒燭夜深看

賣藥翁

山人本在山中住偶向城中賣藥去不道石潭龍出雲
失却朝來下山處

睡起

紅葵遶砌竹風涼睡起呼童上午香一帶粉牆平似紙
閒研水墨畫瀟湘

見柳詠懷

畫船曾繫柳邊橋歌舞升平樂意饒事去却憐橋畔柳
春來猶學舞兒腰

憶春

斷畦零落薺花明雨過平湖水漸生坐久忽思春去遠

欽定四庫全書

御選元詩

卷七十七

十四

綠陰濃淡隱啼鶯

吟雪

四山削玉水無波冷坐孤吟意趣多未必朱門知此味
紅鑪畫閣正笙歌

灤都寓興

昨夜分明夢到家庭前開遍石榴花龍門不放東風過
五月平灤雪滿沙

金臺文廟石鼓

獵碣鐫功事惘然摩挲壞石卧寒煙昌黎已道文殘缺
又較昌黎五百年

吳中

故鄉別久語音訛喜聽吳音入權歌萬里歸來心未穩
夜闌猶夢過關河

鷺

水風吹冷逼菰蒲藕葉欹斜一半枯玉立鷺鷥渾不動
滿身煙雨看西湖

欽定四庫全書

御選元詩

卷七十七

十五

至節即事

并序

錄七首

癸酉歲長至節效王建體偶成絕句十首余年始
二十即一時之事寓一時之意故淪落不復收今
於故篋中得其舊藁青燈三復如對故人樂天云
欲留年少待富貴富貴不來年少去乃知年少承
平之樂誠不易逢三十餘年恍一夢寐吁予老矣
滿簪華髮投迹空林情之所來不覺涕下故錄於
卷末以重感慨云

天街曉色瑞煙濃
名紙相傳盡賀冬
繡幕家家渾不卷
呼盧笑語自從容

間看來往坐多時
雨洒香塵土溼微
珠翠壓頭行不穩
嬌羞兒女把人衣

昨夜梅花已報春
地瓶移插更精神
酒酣纖手爭來折
鸚鵡回頭不敢嗔

已有紗籠照舞兒
喧喧鼓笛自相隨
誰家院落來呼喚
門外天明也不知

欽定四庫全書

御選元詩

卷七十七

十六

簾旌疊疊繡鮫綃
遮護香風不放消
却恐酒闌先睡去

預教小玉問明朝

新詞歌徹思徘徊
侍女擎羹下箸遲
紅燭有花心暗喜

流蘇雙挂玉梅枝

店舍喧嘩徹夜開
熒煌燈火映樓臺
歡遊未曉不歸去

早有元宵氣象來

邨中書事

餉留兒女自喧呼
指點春禽又引雛
村婦相逢還笑問

把蠶今歲是三姑

軋軋綠車草屋低
新篁帶籜出簾齊
鶯雛未省逢人避
直向路傍花上啼

聞蟬

短翼含風薄似秋
一聲聲帶夕陽愁
年年古柳官塘路
催得行人白盡頭

寄籌峰林芝巖

小院迴廊日正長
綠陰幽草自生香
春風老矣猶多事

欽定四庫全書

御選元詩

卷七十七

十七

時送飛花出短牆

青鞵布鞵厭趨趨
肯向侯門學曳裾
錯為黃金換詞賦

一生惆悵馬相如

春日閒居雜興

宿雨兼風釀麥秋
餘寒欲斷自遲留
杜鵑啼得百花盡
却向綠陰深處愁

茶香庭院一枰棋
柳影侵階日自移
因見刺桐花滿樹
等閒憶得故園時

綠波如染帶花流陣陣魚苗貼岸遊日暮畫船歌舞歇
春聲散入錦纏頭

花底飛觴酒浪翻纔迎春至又春殘日斜客散爐煙盡
自洗甕瓶插牡丹

題畫雜詩

岸水依痕釣艇閒炊煙幾處出蘆灣西窗正是斜陽好
一帶泥金抹遠山

月華如水天如空蒼煙遠樹涵秋容筆頭墨盡意不盡

欽定四庫全書

御選元詩

卷七十七

七

參錯雲山三四重

數點寒鴉水遠村幾家茅屋掩柴門白頭溪叟歸來晚
自把漁舟繫柳根

春陰淡蕩歸帆急疊嶂層巒凝空碧知是夜來風雨深
村外野橋低二尺

採菱渡頭秋日晚孤樓隔岸知誰家參差遠樹雜雲氣
滅沒漁舟浸浪花

送江西熊履善茂才之金陵

君向秦淮我在吳柴門白髮老西湖書來莫附洪喬便
只道經年一字無

西湖春日壯遊即事 并序 錄二十首

延祐戊午春偶以釣槎之暇因念西湖春日壯遊
尚歷歷然眉睫間光陰幾何余矍鑠矣遂成七言
二韻詩三十首以寫幽懷後我之生或不我信儻
遺老覽之則將同一興感焉

遠湖無處避芳塵疊鼓紅旗彩鷁新冉冉春雲來不斷

欽定四庫全書

御選元詩

卷七十七

七

湧金門外踏青人

南屏山色染春煙路接高峯社鼓喧第一橋邊春更好
御舟間在翠芳園

問誰偏解占風光飛蓋金鞍白面郎山北山南遊欲遍
畫船教艤集賢堂

鏤玉雕瓊簇鬧竿珠花翠葉縷金籃東家年少貪遊冶
正值明朝三月三

流蘇兩兩挂船頭繡額珠簾不上鈎金縷緩歌家宴靜

午前先入裏湖遊

紫染春羅窄袖裁
伶人楚楚自談諧
部頭教奏金娥曲
盡向船棚一字排

笙歌簫鼓沸春濤
耳目難禁應接勞
院落鞦韆誰氏女
綵繩擲起過牆高

萬柳搖金接畫橋
一清堂外景偏饒
文章太守開華宴
預報龍舟奪錦標

歌妓娉婷畫不成
去年初籍教坊名
新腔翻得梨園譜

欽定四庫全書

御選元詩

卷七十七

三

喜入王孫唱采聲

揉藍染水翠浮山
隄上亭臺錦繡間
花柳禁人攀折去
要留春色大家看

進餘薇露與流香
散落人間任品嘗
處處旗亭招客醉
大書不是趕春場

珍禽翠羽養雕籠
列向船頭畫不同
憐殺錦鸚偏解語
換人提挈避東風

豪家遊賞占頭船
趁得風輕放紙鳶
手拍絲綸爭上下

一時回首看青天

一路亭臺間酒家
漸看楊柳綠藏鴉
太平官府無民訟
補種沿隄四季花

畫船過午入西林
人擁孤山陌上塵
曾被弁陽模寫盡
晚來間却半湖春

要囑園丁取折枝
紅桃白李紫薔薇
石函橋畔人煙晚
挑得春光一擔歸

遙看暝色下漁汀
金鴨香消酒半醒
倒轉船頭元有意

欽定四庫全書

御選元詩

卷七十七

三

檻邊人報放流星

天街夜市已喧闐
半掩城門玉漏傳
籠燭絳紗爭道入
湖心猶有未歸船

送得春歸夏又初
名園不放玳筵虛
只知富足家家事
肯為兒孫教讀書

慣見升平春復秋
分明往事昔年遊
西林橋外青山色
幾度夕陽人白頭

漫成

徑曲交加鎖竹陰不教寵辱到林扃
心間莫道渾無事粉落松花汗鶴翎

參天楊柳手親栽一院西風戶牖開
落日尚餘三四尺山平水遠看秋來

小春天氣未生寒綴樹朱櫟正入看
昨夜海棠開數朵一雙蝴蝶上闌干

新霜尚薄樹聲乾寒水無痕倒浸山
知是釣船歸較晚鷓鴣嘎嘎起蘆灣

欽定四庫全書

御選元詩

卷七十七

三

飽霜紫芋細凝酥旋撥寒灰出地鑪
慚愧鄰家新酒熟客來酤得滿葫蘆

風琴流響韻虛堂湘簟欹眠水一方
靜裏數聲棋剝啄乳鶯深向綠陰藏

北風小雨戒新寒隔水楓林葉已丹
莫道間門知己少白鷗飛去又飛還

晴日穿花暖似烘風簷微動玉丁冬
山童睡起心無事斫得筇枝補鶴籠

畫意

紅塵海裏懶低顏石路迢遙入亂山
擬向雲邊種黃獨幾時容我屋三間

江花江草映江樓寫出江天一片秋
隔岸小橋低數尺淡煙消處見漁舟

幽人自樂山中趣間訪山家入山去
記得西峰阿那邊亂雲遮斷無尋處

緣溪路滑蹇驢遲水光山總入詩還勝
襄陽孟夫子滿身風雪灞橋時

欽定四庫全書

御選元詩

卷七十七

三

王中立

感事

雪花如席朔雲低一曲琵琶淚滿衣
山色似梅江似練何時明月送將歸

歸來江令頭空白遠道金山淚暗垂
闌月自低霜自落尊前莫唱鷓鴣詞

長夜漫漫夢不成可憐涼月透疎櫺
唾壺敲碎無人語

獨坐空堦看曉星

王壽衍

題本齋王公孝感白華圖卷

母慈子孝覺天全
桃發花枝豈偶然
名士品題圖畫卷
他年當不負凌煙

吳全節

三峰

午夜瑤壇謁帝還
筍輿衝雨兩山間
客來似覺茅君喜

欽定四庫全書

御選元詩

卷七十七

三五

淨埽浮雲出好山

石徑松雲入步輕
垂垂空翠雨初晴
風來山閣涼如水

小倚闌干聽鹿鳴

延祐元年五月重祀茅山瑞鶴詩 并序

至大庚戌秋百餘鶴集大峯一宿宗師劉君以其

明年入覲嘗圖以獻茲以上命再祀宗壇比至下

泊有鶴十二若相迎導遂賦二絕并記之

一雨三峯分外青
巖華澗草共欣榮
茅君聞道天香至

先遣西山羽駕迎

圖寫丹青上九天
秋風百鶴駐山前
誰知六轡重來日
又見排空十二仙

重過喜容泉

萬珠寒湧碧琉璃
山色天光湛一池
客本喜泉泉喜容
闌干倚遍立多時

江上作

短檝輕舟幾度過
月明江上竹枝歌
故山歸去青依舊

欽定四庫全書

御選元詩

卷七十七

三五

華髮添來白已多

題黃子久天池石壁圖

鳥啄殘花汙草菴
一春未到兩山探
忽觀癡老圖中道
南峯翠帶北峯嵐

題米元暉畫雲山圖

谿上青山過雨濃
分明倒浸玉芙蓉
令人却憶匡廬頂
百丈銀河下碧峯

雨外夕陽搖樹明
山雲吞吐亂陰晴
飛颿一點知誰子

疑在元暉畫裏行

薛元曦

高遠堂

數椽茅屋雲中出一抹青山坐上看
讀罷黃庭春雨後
刺桐花落鳥聲寒

贈聶尊師

青山寂寂雨瀟瀟一箇長松翠欲飄
白髮道人年八十
小樓間坐說前朝

欽定四庫全書

御選元詩

卷七十七

三

送黃元深游泚

南朝宮殿鎖蓬萊芳草春深夢不回
只有海門青一點
月明猶送舊潮來

春盡北行留別吳大修撰

萬柳千花拂酒旗南陵北苑草離離
居庸關下泉鳴咽
又是東風欲去時

次韻盧疎亭廉使見寄

西風吹老敬亭秋回首江雲近涿州
記得少年陪劍履

麒麟閣上鳳池頭

彭日隆

武夷山

兩眉如雪照平川歌罷香雲滿玉田
桂樹西風山月白
一瓢黃露照秋天

黃石翁

墨梅

去年曾訪林君復煙水蒼茫鶴未歸
不似對君橫小幅

欽定四庫全書

御選元詩

卷七十七

三

一枝和露照柴扉

張雨

次韻答薩天錫見寄

推敲指點據吟鞍苦為搜詩夢不安
誰會鳳凰臺上意
手按黃菊看鍾山

凌波仙

春雲如水碧粼粼誰見凌波靴上塵
洛浦湘皋都是夢
手中花是卷中人

仲穆墨蘭

滋蘭九畹空多種何似墨池三兩花近日國香零落盡
王孫芳草徧天涯

偶成

黃篾樓中枕書卧雙鶴交鳴驚夢破青天隊下白雲來
卷簾一陣楊花過

墨海棠

漢宮愁絕冷煙枝一蘸劉郎兩鬢絲甲帳夜寒銀燭冷

欽定四庫全書 御選元詩 卷七十七

六銖雲帔獨來時

東坡書蔡君謨夢中絕句二放營妓絕句三虞

伯生題四絕於後真蹟藏義興王子明家要予

次韻凡九首

日將公事湖中了醉入重城列炬明自古大藩財賦地
古人偏得賦閒情

謝女嬌吟雪比鹽北臺馬耳見雙尖衲衣正索歌姬笑
不道春寒繡被添

寫韻軒中塵不驚與誰同躡鳳凰翎綵鸞可惜情緣重

只合清齋寫道經

釵頭新綠荔枝紅那與江桃色味同聞道端明新進譜

一時殿閣起薰風

香辟春寒玉辟塵流蘇斗帳醉和春一雙明月都無價

寂寞人間第一人

江南在處煙波好浪跡先生不上船近就闔閭城下宿

可憐霜月夜娟娟

欽定四庫全書 御選元詩 卷七十七

青城樵者一衰翁寫罷烏絲滿袖風消得玉堂金硯匣

至今傳入畫圖中

初碾龍團怯醉魂分茶故事與誰論纖纖玉腕親曾見

祇有春衫舊酒痕

白公種竹蘇公柳談笑功名後世誇依舊對雲三萬丈

斷橋誰與築隄沙

山中

一枝石瘦如磨角六出花開似麝臍隨意莓苔一杯酒

也勝騎馬聽朝雞

馬遠小景

柳未藏鴉雪未消春衫遊子馬蹄驕去年沽酒樓前路
錯認桃花第一橋

玉砂卷海白模糊千樹梅花掃地無彷彿水仙祠下路
金枝翠帶不勝扶

緝熙殿御製墨梅詩帖

宣和妙賞緝衣句傳在夷門作勝談行殿春風四十載

欽定四庫全書

御選元詩

卷七十七

三

王妃終老向江南

樓居春曉望元圃

時寓杭州開元宮

子晉新宮倚太霞繞湖煙火萬人家觀臺一面無人處

日出煙銷都是花

遵道竹枝

簣簣谷口白雲生雲裏琅玕萬玉聲驚破幽人春枕夢

一窗斜月半梢橫

修竹士女圖

空谷佳人玉珮璫琅玕斜搭領襟長杜陵野老多才思
解道風吹細細香

吳興道中

扁舟偶趁采樵風題扇書屨莫惱公何處人間無六月
碧瀾堂上雨聲中

聽琴圖

裊煙石壁對孤桐與和長松瑟瑟風不為野夫清兩耳
為君留目送飛鴻

欽定四庫全書

御選元詩

卷七十七

三

絕句

白足過橋三峽雪蒼頭吹笛滿林風狂花也有凌霄意
飛上松顛爛燙紅

題理妝士女

誰見新妝出繡幃辛夷花下六銖衣莫教蜂蝶知蹤跡
間與鄰娃鬪草歸

題張溪雲畫鈎勒竹

為愛風篁手自摹不煩把燭倩官奴須當白戰簣簣谷

羞殺江南沒骨圖

次韻懷友

秋衣零落補緜多
剪盡西興半畝荷
寒到故人殊未到
不消湖上雁來過

登善精舍葺治苟完小詩寫懷

故山破屋誰來補
辛苦經營拾燕泥
幾樹桃花相送老
不消更著子規啼

澗中采石重鋪徑
坡上移花小築墩
深結雲嵐為保障

欽定四庫全書 御選元詩 卷七十七

賸培松竹當兒孫

梓柳都移五十栽
稚松千箇綠培稔
旁人莫笑十年計
萬一他時化鶴來

玉鈎橋水如凝碧
才過牀頭寫瀑雷
恰是東風太薄劣

逆流花片出牆來

三衢道中

大溪中道放船流
船壓山光瀉碧油
三百里灘欹枕過
買魚醞酒下嚴州

東風惡劇雨飛花
被底春寒水漲沙
蘭茝溪香小回首
一峯晴雪是金華

鄭守仁

和貢泰交待制上京即事

野韭青青黃鼠肥
地椒細細白翎飛
郎君怯薛今朝出
請得官錢買酒歸

金鞍寶馬女郎騎
笑擁香車出內時
齊道五雲新月下
舉鞭相向始分離

欽定四庫全書 御選元詩 卷七十七

鄒復雷

自題春消息圖

蓬居何處索春回
分付寒蟬伴老梅
半縷煙消虛室冷
墨痕留影上窗來

金善

游仙詩

鸞書趣燕五城東
下視星辰在半空
行過瑤臺重回首
玉清更在有無中

虎豹耽耽守帝閭銀灣水氣曉氤氳石榴花下霓裳隊
競染香雲製舞裙

城闕芙蓉曉未分身騎金虎謁元君青童不道天家近
笑指空中五色雲

飄飄天樂下珠庭又從麻姑降蔡經麟脯鳳脂皆可嚙
長鏡何必斲松苓

溪頭流水飯胡麻曾折瑤林第一花欲識道人藏密處
一壺天地小於瓜

欽定四庫全書

御選元詩

卷七十七

三五

不到麟洲五百年歸來風日尚依然釋龍化作雪衣女
來問東華古玉篇

春宴瑤池日影高烏紗巾上插仙桃長桑樹爛金鷄死
一笑黃塵變海濤

高駕飈車過大瀛神官報道褚三清新裁鵝管銀簧溢
一曲元雲鼓未成

于立

題子昂蘭石

聞向江邊結佩蕤楚宮花草露離離王孫去後春風曉
拾得幽芳欲寄誰

題敬仲竹木

洞庭秋盡水層波光動珊瑚碧樹柯夜半仙人騎紫鳳
滿天清影月明多

題黑鷹

黃沙衰草雪糝糝八月天山冷不堪昨夜朔風吹過影
盡將秋色到江南

欽定四庫全書

御選元詩

卷七十七

三五

題山居圖

千澗淙淙一徑通長松盡入白雲中徵君更在山深處
滿澗桃花爛漫紅

柳塘春口占

江浦雪消楊柳春檻下新水碧粼粼嫁得東風最輕薄
吹蕩柔條拂著人

日落大堤楊柳明栖鳥也復可憐生若待清明花似雪
風光多屬上林鶯

觀玉山中牡丹有感

搖搖紅霧一枝斜
看舞東風兩髻娃
堪笑年年未歸客
借人池館賞春花

次韻泊閭門

綠水春風蕩槳船
白蘋洲上月初弦
清光半入紅窗裏
照見羈人夜不眠

題墨戲秋荷水禽

芙蓉老盡澹秋光
翠羽依依愜晚涼
欲製荷衣渾嬾折

只愁無葉蓋鴛鴦

席應珍

題章復畫碧桃

憶昔瑤池侍宴時
碧桃花下酒盈卮
今朝醉裏看圖畫

羞對東風兩鬢絲

崔元白

題倪迂筠石喬柯圖

老夫不向名山老
却向何方畢此生
白石巉巖秋葉裏

欽定四庫全書
御選元詩
卷七十七

三六

憨憨鼾睡夢魂清

張天師

春

初日暉暉照翠苔
庭前昨夜碧桃開
一簾香霧微風動
知是仙人騎鶴來

夏

深院暮聲日正長
博山添火試沈香
道人鞭起龍行雨
帶得東潭水氣涼

秋

天際涼風似水流
山中瑤草不知秋
黃庭讀罷無餘事
鐵笛一聲閒倚樓

冬

養就還丹不怕寒
獨騎黃鶴上雲端
笑談借得天家雪
散作琪花滿石壇

御選元詩卷七十七

欽定四庫全書
御選元詩
卷七十七

三七

欽定四庫全書薈要卷一萬八千四百九十 集部

御選元詩卷七十八

七言絕句

祖欽

山居

竟日窗間坐寂寥
巖前稚笋欲齊腰
幽禽忽起藤花落
澗瀑吹聲度石橋

夾岸桃花紅欲然
洞中流水自涓涓
山家不會論春夏

欽定四庫全書

御選元詩
卷七十八

石爛松枯又一年

圓至

雪後荆林道中

冷風寒柳閉千門
柳外啼鴉聚晚羣
殘日暉暉烘雪氣
徘徊半嶺作晴雲

逢故人

共看咸淳上苑花
錦箋綵句敵春華
白頭相見鍾陵市
我亦如君未有家

元夕觀傀儡

錦襦叢裏鬪腰支
記得京城此夕時
一曲太平錢舞罷
六街人唱看燈詞

芳塘

芳塘雨霽綠初肥
折得青條帶露歸
一樹殘花喧鬪雀
紅香滿徑撲人飛

寄思以仁

風柳青青條葉新
別愁江畔又逢春
交情似我如君少

欽定四庫全書

御選元詩
卷七十八

一度相逢勝故人

小汊

麻骨燈明竹屨疎
更深人語在茅廬
開蓬綠岸去沽酒
點火撥船來賣魚

吳王廟

吳王廟近水邊山
壁上雕青鬼臂蠻
白日爐中煙色變
散成雲氣滿人間

英

維揚春暮

煙籠柳影老鶯啼
雨濕芹香乳燕飛
二十四橋春又盡
江南詞客正思歸

湖上晚步

畫橈歸去歇笙簫
水影山光共寂寥
一叟相逢雙鬢雪
向人猶自話前朝

廢寺

白晝閑房一兩僧
山門深掩薜花青
西風不管鐘魚破

自在斜陽語塔鈴

知和

詠藤龕

竹筧兩三升野水
窓前五七片間雲
老僧活計只如此
留與人間作見聞

善住

寄西峯隱者

煙雲出沒弄晴碧
中有幽人抱禪寂
夜半巖間風雨來

欽定四庫全書

御選元詩

卷七十八

三

松花吹滿蒼苔石

已未夏日雜興

深紅淡白已隨塵
斜雨橫風送却春
池上偶來閒照影
霜花吹入鬢毛新

落盡紅芳見綠陰
小橋流水雨餘深
市樓橫笛誰家子
吹得斜陽下遠岑

纖纖碧草與階齊
濃綠陰中杜宇啼
花院晝長聽政好
帶聲飛過粉牆西

欽定四庫全書

御選元詩

卷七十八

四

中庭日午橘花開
蜂蝶何知故故來
一陣南薰生殿角
亂飄香雪點蒼苔

春興

朔雁初歸花欲妍
江雲淡淡晚晴天
因思剪燭山窗夜
香爐雕盤尚未眠

三月江南春日長
柳陰庭院午風涼
離懷漠漠深於海
燕子飛來語畫梁

感舊

風雨蕭蕭送暮春
百花開盡草如茵
畫梁塵鎖簾垂地
燕子歸來不見人

過林逸人次韻巖栖翁

花邊曾醉少年春
白首相過不厭貧
近說漢家徵詔急
西山猶有卧雲人

晚興

浮圖寒聳碧崔嵬
煙雨溟濛晚不開
深殿已燈門欲閉
松頭巢鶴未歸來

欽定四庫全書

御選元詩
卷七十八

五

陽山道中 并序

泰定甲子二月初九日
予與友人圓大虎遊陽山
北阜過尊相寺間有禪者
縛屋峯頂遂捫蘿而上
至雲泉亭序而飲焉
甘涼可啜得禪者於石室中
為予相勞苦者若為供
既而語次殘陽已挂樹梢
矣因以二絕紀之

一掬雲泉漱齒涼
小亭幽絕背山陽
道人自向峰頭住
閉戶不知春日長

雨餘春澗水爭分野
雉雙飛過古墳
眼見人家住深隲
梅花繞屋不開門

夜思

夢鶻驚飛叫不休
聲聲還繞舊枝頭
牆東一片梨花月
又逐笙歌上水樓

寄巖栖翁

霜髭碧眼石頭陀
陋巷曾經幾度過
連月不來城裏住
只緣城外好山多

欽定四庫全書

御選元詩
卷七十八

六

閬角

曉角吹霜海月斜
一聲幽夢斷天涯
自非慣作沙場客
誰向風前不憶家

感事

覆雨翻雲事可哀
交情誰是舊陳雷
夕陽滿地無人見
獨立風前看落梅

送人之金陵

清遊莫憚路歧賒
但有雲山即是家
此去鳳臺明月夜

西風腸斷後庭花

夏日即事

庭樹森沈晚色濃
修修寒雨滿疎鐘
白雲一片歸飛急
知宿城南若箇峰

次韻山村先生

綠楊深處畫橋橫
風掠平湖碧浪生
待得笙歌城郭去
苧袍筇竹自間行

驛亭楓樹著霜紅
天際冥冥見斷鴻
隔岸遠山青更好

欽定四庫全書

御選元詩

卷七十八

七

澹煙斜日值秋風

暮春雜興

野水浮來半落紅
不須惆悵怨東風
春歸畢竟歸何處
還在溪光柳影中

門掩東風柳色深
暮寒脈脈透衣襟
春天最是無憑準

一日才晴一日陰

兩入孤城草木新
香紅半逐馬蹄塵
却憐杜宇無情甚

不解迎春祇送春

春光欲老綠陰寒
稚筍攬空已作竿
無限好山都不見

亂雲斜雨滿闌干

紅藥花開春欲歸
綠楊陰暗燕爭飛
晚來一陣東風雨

又送餘寒上客衣

萬里江山圖

巴水沄沄巴峽青
月明客淚墮猿聲
眼中已識瞿塘路
剝水殘山懶問名

春日雜興

野塘風緊漲漣漪
桃李春寒發尚遲
山色晚晴青不了

欽定四庫全書

御選元詩

卷七十八

八

倚筇忘却立多時

湘雲碎剪作春衣
步入青山映夕暉
我已無心事戲獵

野禽何事亦驚飛

冬日偶成

清霜欲重小春天
楊柳蕭疎帶曉煙
無奈東皇苦多事

又傳春信到梅邊

感舊

綠楊蕭瑟颭秋風
客去門間酒琰空
夜半月明生綺席
不知誰在畫樓中

明本

頌古

醉乘白鶴登銀闕
夢跨青鸞入絳宮
酒醒眼開俱不見
一川桃李自春風
斧爛柯銷局未闌
天風吹鶴下瑤壇
滿盤黑白輕翻轉
袖拂蒼梧玉佩寒

欽定四庫全書

御選元詩

卷七十八

九

葉卷西風樹樹寒
亂蛩吟砌夢初殘
情懷自是不堪聽
又把琵琶月下彈

省菴

一聲幽鳥到窗前
白髮老僧驚晝眠
走下竹林開兩眼
方知屋外有青天

憶梅

夜分明月是揚州
尚有春風在樹頭
莫怪當年何水部
歲寒心事與誰愁

別梅

花謝東風攪離思
愁翻綺袂忍輕分
月明稍送臨溪水
春樹遙憐隔暮雲

惜梅

香銷泥汙意徘徊
掠地迴風玉作堆
愁絕黃昏無一語
怕看孤月上窗來

剪梅

破玉并刀試手溫
香凝雙股斷芳魂
花隨燕尾輕分去

欽定四庫全書

御選元詩

卷七十八

十

不帶春風爪甲痕

苔梅

古貌蒼然鶴膝枝
唾花生暈護春機
玉堂試看青袍客
莫忘江南有白衣

月梅

數枝姑射鬪嬋娟
疎影分明不夜天
散却廣寒宮裏桂
春光長滿玉堂前

風梅

花間少女剪春寒
粲粲霓裳舞隊仙
月夜遙看環佩冷
莫教吹落玉花鈿

煙梅

夢隔梨雲逗曉天
苔枝浮翠逗春寒
不嫌玉質籠輕素
留與詩人冷澹看

疎梅

依稀殘雪浸寒波
桃李漫山奈俗何
瀟洒最宜三二點
好花清影不須多

欽定四庫全書

御選元詩

卷七十八

十二

茆舍梅

數椽草屋延清客
竹作疎籬護玉葩
不是玉堂無分到
且和明月到山家

隔簾梅

庭花映箔眩吟眸
一片湘雲鎖暮愁
風卷黃昏疎影動
珊瑚枝上月如鈎

紙帳梅

春融剡雪道人家
素幅凝香四面遮
明月滿牀清夢覺

白雲堆裏見疎花

與恭

冷泉亭

天竺雨花飛寶臺
北山門對冷泉開
石攀老樹無人識
時有黃猿抱子來

答趙子昂

犬不曾嗥鶴不飛
看山今日偶歸遲
點燈吹雪照石壁
恐有玉川留贈詩

欽定四庫全書

御選元詩

卷七十八

十三

思歸憶母

霜落萱花淚濕衣
白頭無復倚柴扉
去年五月黃梅雨
曾典袈裟糶米歸

回雁峰

官路迢迢野店稀
薄寒催客更添衣
南分五嶺雲天遠
雁到衡陽亦倦飛

懷深

初春

暖信初迴宿草根
茸茸漸可藉芳樽
未須著意催花柳
且為乾坤補燒痕

行端

山房自述

故園歸路隔天涯
絕頂間房且寄家
翻罷貝多山月上
一棚華影漾袈裟

維故人別墅

門逕無塵有綠苔
東風落日舊曾來
白頭道者今何在

欽定四庫全書

御選元詩
卷七十八

十三

一樹櫻桃花自開

靜軒

六戶虛凝湛不搖
從教塵世自喧囂
階前盡日無人到
只有閒雲伴寂寥

海翁

窮盡波瀾絕一漚
餘生甘自老扁舟
四溟高卧月如晝
閒把漁蓑枕白頭

祖銘

題熨襖圖

練光帖帖雪光開
倩得隣姑熨未裁
郎在征途兒在眼
十分寒向意中來

二靈山

為愛山靈與水靈
一菴高佔白雲層
風光只在闌干外
半屬漁樵半屬僧

永葵

題仲穆看雲圖

靄靄晴雲擁碧巒
清分秋影落江干
何人冥坐長松下
蒼翠滿身生薄寒

欽定四庫全書

御選元詩
卷七十八

十四

至剛

山居

門外青山知幾堆
白雲間鎖不曾開
嶺梅也似憐孤惇
時送暗香窗外來

照鑑

奉謝張蛻菴承旨先生舊賜詩

潞國詩來秘監時青山入夢早思歸於今喜接期頤壽
還憶江南舊釣磯

初夏即事

三月已破四月初綠陰門巷晝模糊近窗一樹櫻桃熟
格磔鉤輅來鷓鴣

懷明善弟

毘陵二月柳花天菘笋河豚已薦筵獨在錢塘江上寺
謾吟風雨對床眠

欽定四庫全書

御選元詩
卷七十八

十五

元長

通濟橋

半空駕起蒼龍脊不怕雙溪水來急踏向亭亭高處望
東西有路通南北

餘澤

題界溪顧處士竹逸亭

築室臨溪界兩分修筠回繞翠如雲何當一舸東風便
載酒來尋抱節君

納克忻

題界溪顧處士梅隱齋

竹外橫斜一兩枝花敷不與衆芳齊孤山月下無多樹
分得仙姿在界溪

元本

秋夜懷崔府尹

銀河淡淡月微明花藥闌邊絡緯聲為問洛陽崔太守
幾何秋色在江城

欽定四庫全書

御選元詩
卷七十八

十六

祖柏

題玉山主人壁

杖錫穿雲雨濕衣我來君出兩相違茶邊聽得山童語
學士朝朝向晚歸

朝命移栽寺中括子松於內苑

大夫去作棟梁材無復清陰覆綠苔今夜月明風露冷
悞他千里鶴飛來

題自寫菖蒲

盆泓淺淺映幽叢綠髮脩脩墮鏡中瀟洒憑誰共拂掠
淡煙微雨及清風

雲骨溪毛瘦不禁井花濯濯翠陰陰間來坐對清時眼
月落半窗風雨深

自恢

偶成

金沙溪上柳條齊白鳥羣飛落照低十里荷花紅勝錦
好山多在畫橋西

欽定四庫全書

御選元詩

卷七十八

五

題唐子華畫山水

江雲如雪樹高低竹裏人家傍水西滿地松陰春雨過
好山青似若邪溪

法堅

春草池綠波亭

雪消春色滿江沱芳草纖纖覆綠波最是高陽池上客
狂歌無奈醉時何

亭前修竹淨猗猗煙暖沙頭杜若肥一夜雨餘春水漲

白鷗日日到柴扉

淨圭

和張貞居游仙詩

縹緲仙山五色雲玉真飛佩度氤氳不應名字題仙籍
猶著唐家舊賜裙

一會仙凡兩地分雙雙條脫賜羊君如何窈窕巫山女
只作襄王夢裏雲

祖教

欽定四庫全書

御選元詩

卷七十八

六

練川十二詠和楊鐵厓錄二首

水仙舟

神仙事久既朦朧直恐王郎夢裏逢謾道空江能解佩
何如木末采夫容

折桅麻蒟

桅折舟人冒險艱黑風吹浪捲銀山不如漢使傳奇種
苜蓿葡萄滿世間

觀通

次愚菴懷王畊雲韻

幽居瀟洒絕縈牽
雲白山青雨後天
春酒飄香多逸興
微吟獨立杏花邊
槐影風迴散綠雲
山光雨歇聳嶙峋
荷衣筇杖塵氛外
清賞時聞林下人

宗衍

吳江晚泊

無數舟航共晚晴
大星先見月初生
背人白鳥雙飛去

隔水幽花一樹明

漁村夜歸

絲絲暖雨歇春潮
雲壓江流落澗橋
欲訪桃花無路入
好風時度玉人簫
日落蘋汀宿霧凝
小橋霜冷挂魚罾
歸來已是三更後
水際人家尚有燈

惟則

送鄉僧昱曉林

風沙風葉攪征衣
今日江頭送汝歸
西望故鄉何處是
楚天漠漠片雲飛

鄉人問我幾時還
向道如今又入山
一箇蒲團半間屋
吳淞江上九峰間

登茅山天市壇

天市危闌倚碧空
兩京山水見冥蒙
東來十日風霜路
只在寒嵐一抹中

一峯雲外菴和韻四景

碧虹分雨半山橋
橋下春雷卷怒濤
老衲定回推戶看

隔溪開盡野櫻桃

竹屋茶香滿澗煙
綠杉深處響流泉
目前有法誰能說
落日微風一樹蟬

平田水語稻花香
半解羅衣受晚涼
景物雙清秋正好
亂山雲外又斜陽

衲被蒙頭宿火紅
雪寒愁聽上方鐘
開門忽怪山為海
萬疊銀濤露一峯

湖村菴即事

竹根吠犬隔溪西
湖雁聲高木葉飛
近聽始知雙櫓響
一燈浮水夜船歸

訪仙洞山舟次大溪口

窈窕仙家何處尋
夕陽明滅亂雲深
大溪橫斷青山合
一路風帆入樹林

贈弟仁遠入京 并序

始余別家時仁遠從弟年纔十七今將四十矣鬚

欽定四庫全書

御選元詩

卷七十八

三

鬚戟張言論有遠志以湘南教官滿考乘風為上

國遊艤舟維揚迂道來徑山相尋梅雨中禪榻共

燈數夕既行贈偈四章以紀別思以戒其速歸

虬鬚鐵面岸綸中胆氣麤豪語逼人二十三年不相見

却疑年少是前身

雨嶂煙巒翠欲流天開圖畫萬山頭凌霄閣上凭闌意

留與他年說舊遊

白雲峯在夕陽邊目送吳雲入楚天
汝到燕山却回首

三千里外又三千

錦袍花映鳳池明
玉佩光搖紫府青
富貴著人如醉夢
倚門慈母眼長醒

曉行吳淞江

水轉沙涂又一灣
迎船孤塔出煙嵐
長江一道橫風起
兩岸爭飛上下帆

師子林即景

素壁光搖眼倍明
隔簾風樹弄新晴
樹根鼃鼓鳴殘雨

欽定四庫全書

御選元詩

卷七十八

三

恍忽南山水樂聲

半簷落日晒寒衣
一鉢香羹野蕨肥
春雨春煙二三子

水西原上種松歸

道人肩水灌畦蔬
托鉢船歸粟有餘
飽飯禪和無一事

繞池分食餒游魚

斜梅勢壓石闌干
花似垂頭照影看
白晝雲陰天欲雪

半池星斗逼人寒

雪深三尺閉柴荆
歲晚無心打葛藤
立雪堂前人不見

秀雲峯似白頭僧

靈暉

賦劍池

古劍池頭大士家白毫千丈貫彤霞袈裟來聽生公講
時見諸天雨寶花

大訢

次韻答熊以善秀才

陞堂齊赴鼓隆隆獨著儒衣謁嬾融也勝朝回隨雁起

欽定四庫全書 御選元詩 卷七十八

西風千騎過雲中

古廟折碑圖

古廟殘碑野水村行人回首暗消魂遙天何許孤雲沒
不盡青山萬馬奔

虞伯生學生以五詩贈一上人蒙見及一公將

歸蜀謁趙魯公次韻

醉罷葡萄金叵羅散華方丈寫伽陀扁舟許我從公去
浩蕩江漚萬里波

魯國數年書疏斷每思高會聽雲和別時有約終相覓

蘇竹江頭雨一蓑

舟至通州夜雨大作

明日京華拂面塵穹廬如雪馬如雲雨聲未忍孤篷別
故遣蕭蕭枕上聞

次韻送寥天與

楚江送客暮帆開眼底何人識異材後夜月明朝又滿

青山空繞雨花臺

欽定四庫全書 御選元詩 卷七十八

孤嶼圖為雁山德長老題

淡煙疎樹月朦朧路隔寒潮斷復通添箇茅菴分我住
明年飛錫海門東

本誠

題畫

花下拋書枕石眠起來間漱竹間泉紙窓石鼎灰猶暖
殘燼時飄一縷煙

錢唐江曉渡

雨後青山展黛眉暖風無力去帆遲人家一簇臨江岸
綠樹輕煙映酒旗

客中九日

小橋流水遶迴廊獨對西風憶故鄉山崦人家秋色晚
客中無菊過重陽

題友人壁

池檻水搖簾影動石牀風引翠煙斜鳥聲啼足忽飛去
驚落半庭山杏花

江亭秋晚

獨倚清江秋思長晚潮初上水亭涼海門風起雙巒暝
一抹銀花湧夕陽

善學

為清道人書閑寂軒

四簷空碧道人家一段風光不市譁靜坐蒲團無箇事
殘暉倒影入窓紗

無客軒為獨翁題

欽定四庫全書 御選元詩 卷七十八 三五

柴爐煨芋平生友打戶無人到此間莫謂老來蕭索甚
清風明月半幽間

道人山居

構屋山居物外禪繞窗白石與清泉年來識破安心法
衲被蒙頭自在眠

大圭

聞杜宇

情知望帝是前生春盡江南憶錦城到處青山山有樹

如何偏起故鄉情

戲成

城郭無心寄一瓢此身便欲老山椒山童忽報松花盡
又逐扁舟上早潮

謝檄

謝檄歸來卧白雲祇今心事與誰論故人不似蒼苔好
歲晚青青一到門

起夜

欽定四庫全書 御選元詩 卷七十八 三五

野人獨卧山中屋夜半雨聲清夢熟起來竹下一開門
秋入千峯月如玉

慈感

菊山詩

采采東籬秋意長品題多是晉文章南陽壽客今誰在
重疊雲深晚節香

若舟

題郭天錫青山白雲圖

欽定四庫全書

御選元詩

卷七十八

三

萬疊青山萬疊雲水邊煙樹隔孤村依稀南岳峰頭住
茅屋三間獨掩門

明曇

蒙頂茶

懸崖險峻石如林一種仙芝不易尋若向人間問絕品
東蒙頂上白雲深

宮人程一寧

登翠鷓鴣樓

淡月清寒透碧紗小窓和夢聽啼鴉春風不管愁深淺
夜夜開門掃落花

李君問妻萬氏

繡梅詩

洒洒英標別樣奇歲寒心事有誰知妾心正欲同貞白
枕上慇懃繡一枝

錢塘陳氏

聞雁有感題華亭戍壁

欽定四庫全書

御選元詩

卷七十八

三

浪喜燈花落又生夜寒頻放剪刀聲游鴻不寄征夫信
顧影娉婷無限情

魏國夫人管氏

題畫蘭

趙管才高柳絮風水晶宮裏畫幽藜秋來綉作夫君佩
笑殺迴文漫自工

吳仁叔妻韓氏

拆簡復外

碧紗窗下拆緘封一紙從頭徹底空料想仙郎無別意
憶人長在不言中

蕙蘭

綠窓詩

樓前楊柳發青枝樓下春寒病起時獨坐小窗無氣力
隔簾風斷海棠絲

綠窓寂莫掩殘春繡得羅衣懶上身昨日翠帷新病起
滿簾飛絮正愁人

欽定四庫全書

御選元詩
卷七十八

三五

幾點梅花發小盆冰肌玉骨伴黃昏隔窗久坐憐清影
閒劃金釵記月痕

春雨隨風濕粉牆園花滴滴斷人腸愁紅怨白知多少
流過長溝水亦香

春風昨夜碧桃開正想瑤池月滿臺欲折一枝寄王母
青鸞飛去幾時來

空階日晚雨纔乾小婢相隨倚畫闌金釵誤挂緋桃落
羅袖愁依翠竹寒

庭院深淡早閉門停針無語對黃昏碧紗窗外初生月
照見梅花欲斷魂

王嬌紅

題西窓

日影縈階睡正醒篆煙如縷午風平玉簫吹盡霓裳調
誰識鸞聲與鳳聲

送別

綠葉陰濃花正稀聲聲杜宇勸春歸相如千里悠悠去

欽定四庫全書

御選元詩
卷七十八

三五

不道文君淚濕衣

吳氏女

病中荅鄭生詩

淚珠滴滴濕香羅病裏芳肌瘦減多莫怪夜來春夢淺
不知今日定如何

青衣扶起鬢雲偏病裏情懷最可憐已是慊慊無氣力
強擡纖手寫雲箋

賈雲華

題魏生卧屏

花柳芳菲二月時名園剩有牡丹枝風流杜牧還知否
莫恨尋春去較遲

七夕

斜簾香雲倚翠屏紗衣先覺露華零誰云天上無離合
看取牽牛織女星

鄭氏允端

高氏好惠素羅

雪色香羅照眼明阿兄相贈見深情明朝急為裁春服
相約麻姑禮上清

水檻

近水人家小結廬軒窗瀟灑勝幽居凭闌忽聽鳴榔響
知有小船來賣魚

吐綬鳥

庭院春深護薄寒山禽飛下玉闌干胸中錦繡無人識
間向東風自吐看

徐熙杏花

寫生政自愛徐熙把卷摩挲眼欲迷曾記沈沈春雨後
一枝斜透粉牆西

四體美人

正面

似共春風別有緣美人初見下鞦韆花陰滿地日卓午
芍藥金盤五色鮮

背立

宮樣新妝賸寶衣背人鵲立好腰肢杜陵飢客長安道
隔水臨花乍見時

側身

半面紅妝似可人鳳環斜插寶釵新若教端正嬋娟面
東里西家總後塵

半截

若箇亭臺綠水邊粉牆低處出嬋娟分明識得東風面
不見羅裙血色鮮

念舊

憶昔娉婷十五餘，
勻紅傅白鬪西施。
如今老大慵妝洗，
政是梨花過雨時。

梧桐

梧桐葉上秋先到，
索索蕭蕭向樹鳴。
為報西風莫吹却，
夜深留取聽秋聲。

秋窗書懷

詩骨從來不受肥，
那堪衰病弗勝衣。
朝來試把羅裳繫，
瘦比今春又半圍。

欽定四庫全書

御選元詩

卷七十八

三

瘦比今春又半圍

東坡赤壁圖

老瞞雄視欲吞吳，
百萬樓船一炬枯。
留得清風明月在，
網魚謀酒付髯蘇。

瘦馬

曾共元戎出塞垣，
生擒番將向烏桓。
如今老去誰終惠，
獨對西風瘦骨寒。

庭槐

風轉庭槐拂檻開，
綠陰如染淨無埃。
婦人不作功名夢，
間看南柯蟻往來。

葡萄

滿筐圓實驪珠滑，
入口甘香冰玉寒。
若使文園知此味，
露華應不乞金盤。

鞞

輕輕小鞞製香羅，
三寸量來不較多。
針縷細勻裁製好，
鴉頭休詫馬冤坡。

欽定四庫全書

御選元詩

卷七十八

三

桃花

細雨春寒江上時，
小桃欹樹出疎籬。
從教一簇開無主，
終不留題崔護詩。

趙女

絕句

九重縹緲黃金闕，
十二玲瓏白玉樓。
明朝了却人間夢，
獨跨青鸞自在遊。

鄭奎妻

題燈花

榮爛燈花向夜開
盈盈金粟墜銀臺
梨園料想無他事
祇是良人自遠來

崔琦

示李師顏

已拚彩翼乘丹鳳
肯閉雕籠伴綠衣
前路莫愁風力勁
同心自誓一行歸

阮碧雲

欽定四庫全書

御選元詩 卷七十八

三五

絕句

東君情意漲如瀾
畫閣鴛鴦夜不寒
十二樓中春色過
好花開遍玉闌干

韓鷓兒

答龔舍人

莫言刺背是尋常
刺入儂肌痛入郎
試取血書和淚照
墨痕千載骨猶香

李飛仙

與客遊樂

桃李芳菲二月天
洞房春色十分妍
欲知春色無邊處
倚翠偎紅興獨偏

比丘尼妙湛

題管夫人長明菴尼

松樹陰陰落碧巖
一燈千古破幽關
也知諸法皆如幻
甘老煙霞水石間

梅花尼

欽定四庫全書

御選元詩 卷七十八

三五

潞公軒用郭西楚韻

灘平水淺兩分流
煙樹昏昏映小洲
枕簟夜深涼似水
可人天氣屬新秋

無名氏

贈陳克里詩

夜過浮丘月滿山
一尊相對坐漫漫
門臨大海風濤壯
家有小天星斗寒

釣臺

不隨龍去愛漁汀絕喜先生世累輕却把客星驚帝座
豈應忘世未忘名

麻姑山

古木陰陰石枕溪千年冷浸謝家詩池塘春草年年換
惟有紅泉似舊時

王安道蒼崖古樹圖

古樹蒼蒼楓葉丹此中別似一人間如何忽起思鄉念
不是台山是雁山

漁笛圖

山中老樹秋還青山下漁舟泊淺汀一笛月明人不識
自家吹與自家聽

懸葫蘆

題壁

葫蘆一箇是生涯間步人間訪酒家要問狂夫何處住
蓬萊洞口有桃花

高麗侍中李齊賢

鄭瓜亭

憶君無日不需衣政似春山蜀子規為是為非人莫問
只應殘月曉星知

陳仁王日燭

饋天使張顯卿春餅

柘枝舞罷試春衫况值今朝三月三紅雪雕盤春菜餅
從來風俗舊安南

送天使李仲賓蕭方厓

靈液吹香暖餞筵春風無計駐歸鞭不知兩點軺星福
幾夜光芒照越天

安南國王陳益稷

巴陵雨中

鴉拂平林雁陣空黃花行李老秋風如何一夜江南夢
盡在巴陵細雨中

御選元詩卷七十八

謹案卷七十七第三頁後二行醒來無奈月明何刊

本何訛多重複第一韻據丁鶴年海巢集改

第三頁後三行題唐申王三駿圖刊本駿訛駿詩

內同據丁鶴年海巢集改

第十七頁前二行軋軋縲車草屋低刊本低訛底

據馬臻霞外集改

第三十一頁前八行為君留目送飛鴻刊本目訛

月據張雨句曲外史集改



第三十三頁前六行請得官錢買酒歸刊本歸訛

家又八行舉鞭相向始分離刊本鞭訛邊並據

別本元詩改

第三十六頁後四行今朝醉裏看圖畫刊本今訛金

據別本元詩改

卷七十八第二頁後八行英刊本作道英據元詩

及前卷體例刪

第二十六頁前一行柴爐煨芋平生友刊本芋訛

老據別本元詩改

第三十七頁前四行池塘春草年年換刊本春訛

青據別本元詩改





謹案卷七十八第十六頁前一行納克忻舊作那

希顏今改

欽定四庫全書

三



總校官庶吉士臣侍朝
校對官檢討臣蕭九成
瞻錄監生臣傅瓌芳

欽定四庫全書薈要

集部

御選元詩卷七十九
八十

欽定四庫全書薈要卷一萬八千四百九十一集部

御選元詩卷七十九

六言詩

白珽

題趙子真畫四季詩意二首

紅杏綠楊永畫野
服柴門散仙莫道無人知
處處東風都在吟箋

蓮葉吹香澹澹扁舟撐港斜
斜驚散一行白鷺西風捲

欽定四庫全書

御選元詩
卷七十九

起梨花

陳孚

平山堂

堂上醉翁仙去
蘆花雪滿汀洲
二十四橋煙水為誰流

下揚州

張伯淳

贈彭萊山

總是江南倦客君
平到處生涯老去黃塵沒
馬襟期付

詳校官原任主事李斯咏

與鶯花

張栢

題趙子固四鄰圖

一紙四花爭秀依稀香霧相和老眼不妨縱賞江南春色何多

袁桶

題湖曲小景

流水無言寂寂落花有意耗耗往事空餘華屋倚闌愁

絕江南

送鄧師禹歸龍虎山

小帽飛花一寸輕舟流水三分落日獨歸洞口隔溪短笛猶聞

題美人圖

昭君

鬢影愁添塞雪花枝羞殺宮春誰道佳人傾國解從絕域和親

班姬

望幸眸凝秋水倚愁眉簇春山已悟篋中紈扇須看鏡裏朱顏

綠珠

金谷煙迷清曉玉簫春怯餘寒可恨花鈿委地當時莫倚危闌

張麗華

結綺塵空樓暗景陽春斷鐘遲紅葉無言在手同成井

上臙脂

潛昭九日贈龍團次韻

月碾舊裁玉胯雲鑪温浴銀芽九日殷勤相贈淡羅猶記金花

趙孟頫

黃清夫秋江釣月圖

塵土染人衣袂煙波著我船窗為問行歌都市何如釣月秋江

題王子慶所藏大年墨雁

鴻鴈棲棲遵渚黃蘆索索鳴秋羨殺承平公子筆端萬
里滄洲

題孤山放鶴圖

西湖清且連漪扁舟時蕩晴暉處處青山獨往翩翩白
鶴迎歸

鄧文原

方方壺松巖蕭寺圖

欽定四庫全書

御選元詩 卷七十九

雨過鷓鴣啼歇日斜猿兕聲高湖上長煙漠漠山中古
寺迢迢人立東皋清眺帆歸西浦寒潮

文湖州竹

此老墨君三昧雲山發興清奇我在蓬萊書府曾看曉
靄橫披

庫庫

送高中丞南臺

鸚鵡洲邊明月鳳皇臺下清風人物江山兩絕才高不

為時容

姚式

題子昂墨梅圖

夜月參差秀影天風浮動繁香彷彿釵橫髻亂惱人不
減紅妝

馬祖常

六言三首

南塘雨晴草滿西林春早花疎道士燒丹借竈山翁種

欽定四庫全書

御選元詩 卷七十九

樹求書

白鳥飛來何許青山間對誰家日暮一樽濁酒不知風
帽欹斜

絕澗花迎暮竹回塘水媚春雲欲賦淮南招隱山中桂
樹留人

蒲道源

漫題

花下提壺勸酒桑間布穀催耕甚欲晴天行樂却因春

雨闌情

胡炳文

送董深山 并序

深山之號蓋有取於艮止而求深於斯道者也一日訪予明經敢發此意題於諸吟卷之尾

洞口桃花易見源頭活水難尋欲知雲盡不盡須到山深更深

錢以道

欽定四庫全書

御選元詩

卷七十九

題水村圖

簾捲蒼茫野色屋連演迤清流歲晚晚今自適塞惟留

分中洲

虞集

聶空山畫扇

客來山雨鳴澗客去山翁醉眠花外晴雲靄靄竹邊秋月娟娟

揭傒斯

過何得之先生故居三首

可憐古井門外依舊鐘樓屋西何處高吟痛飲黃華翠

竹都迷

先生有詩云一井當門凍寒光照四鄰又我住東街北鐘樓在屋西

軋軋機聲日暮依依楊柳春茶鄰下中郎小女曾聽唱

我高郵

先生常喜余高郵城詩相見即呼高郵城來每相對酒酣則朗誦數過

頭上烏紗分贈篋中縞楮相酬不道別時長別誰知愁

是真愁

延祐五年冬十月余南歸以巾材一段見贈予以白楮被報之別時殊黯然也且手書其三代

名字授予若有所屬然也

欽定四庫全書

御選元詩

卷七十九

吳師道

水西道中

鳴鳩林外桑密眠犢沙頭草添春水石橋紅杏夕陽茅

屋青帘

題高彥敬越山圖

潮平風定日落雲白山青雨乾憶得晚秋天氣浙江亭上凭闌

宋本

山水翁

野屋不知今世山色似含古
春岑寂渾無啼鳥荒寒畧
有行人

薩都拉

舟中題畫卷

兩岸好山如畫丹崖翠壁樓臺愛殺南閩風景小
官何日歸來

次韻與德明小友二首

欽定四庫全書

御選元詩
卷七十九

煙雨短篷水口人家亂石山前送別莫忘今日相逢知

在何年

莫笑風餐水宿暫離馬足車塵兩岸好山送客一江細

雨歸人

題畫

綠樹陰藏野寺白雲影落溪船遮却青山一半只疑僧

舍茶煙

柯九思

題王孤雲界畫山水圖

滿地山河如繡迴巖樓閣凌風幾度春花秋雨不知秦
苑吳宮

李裕

武林雜興

樓閣參差細雨簾籠料峭輕寒人去空餘燕子春來休
倚闌干

杜本

欽定四庫全書

御選元詩
卷七十九

漁隱圖詩為程子純賦

山下白雲縹緲水邊紅樹依稀信有桃源深處漁人今
亦志歸

題柯敬仲梅

點點苔枝綴玉疎疎檀蕊凝香還記當年月色簫聲暗
度宮牆

劉詵

清明和歐陽山立二首

江南二月三月野水一村兩村花落人家寒食燕歸山館黃昏

細雨海棠成子餘寒江燕初歸立馬橋西沽酒行人未試春衣

春日偶賦二首

官路落花馬過人家高樹鶯啼故里故人何處夕陽長在樓西

楊柳輕寒水驛棟花小雨官橋回首人間往事孤燈挑

盡春宵

欽定四庫全書
御選元詩
卷七十九

和龍麟洲題黃次翁黃鶴樓圖

孫曹百戰何在大江千載狂瀾誰倚樓頭呼鶴秋風落日危闌

宋无

墨梅寄因上人二首

夢覺霜林隨月眼明野水浮枝橫玉不吹春去斷縑間寫相思

寒枝香在天外疎花影流水中梨雲夜深清夢草元筆底春風

陸柱

題趙榮祿水村圖二首

牛馬百川獨渚烏鳶羣木西村天地四方黃鵠先生秋雨柴門

忽有滄浪鳴笛飛鴻黃葉雲深相望美人秋水捲簾隱

几何心

欽定四庫全書

御選元詩
卷七十九

趙肅

樵林楓葉

樵林夜鳴楓葉僧扉晝掩煙蘿夢裏好山十二不知何處雲多

李孝光

江邊

江邊孤樹猶碧天際白雲自流七十二灘浩蕩夕陽照見歸舟

雪晴

雪乾玉飴初香月瘦珠胎猶小開門不見臞仙白鶴橫
江清曉

朱德潤

曉晴

天寒欲晴猶雨曉色將明未明萬里碧雲平野一林落
葉無聲

蔣堂

欽定四庫全書

御選元詩
卷七十九

題溪山環翠樓為月潭印師賦二首

翠嵐環繞如畫綠樹高低待秋更著綸巾談笑未慙海

岳菴頭

松暖鶴梳雲髮樓高人倚秋晴一片水光天影月潭分

外分明

陸行直

題所南老子推篷竹圖 并序

所南先生貞節之士有夷齊之風書畫散落人間

政自不少雖片紙不盈數寸或蘭或竹必有題詠

然其用意深密非高識韻士豈容易窺見哉予自

童稚至壯時得承顏接辭而先生去世幾二十載

今獲觀小軸如在其右展卷懸情慨想甫里陸行

直書於壺中天

橫空飛佩珊珊翰墨散落人間瞻望清風高節管中時
見一斑

孫虔禮千字文

欽定四庫全書

御選元詩
卷七十九

筆墨一時如雨龍蛇千古似飛展卷南窗相對朗然月

皎星輝

祝蕃

二畫

斷岸蒼煙喬木小橋野店村春一曲晚風樵唱脩然林

下相逢

疊嶂半空懸瀑平林隔岸層臺風雨一川煙浪扁舟何

處歸來

郭翼

雜詠三首

一枕北窗周易五絃南風舜琴自是無心富貴從教遁迹山林

仙人杏花滿樹處士楊柳當門白髮烏紗碁局綠水青山酒尊

朝汲橋泉丹井暮耕蕙圃芝田肘後長生有訣一笑曾許相傳

欽定四庫全書

御選元詩

卷七十九

十四

何儒行

春日三首

碧桃花開漢苑紫簫聲斷秦樓風暖馬嘶金勒月明人上簾鉤

花落鶯翻紅雨峰迴鷺點青嵐人別春前春後草迷江北江南

江上潮生潮落山中花謝花開生計綠蓑青笠間情白石蒼苔

陳柏

焦山題塔

樹老雲間鳥宿洞深月落潮迴此時此興不淺何日何年再來

趙次誠

早梅

江南冬十二月溪上梅三兩花載取小舟香影月明自棹回家

欽定四庫全書

御選元詩

卷七十九

十五

張憲

湖上

紅杏牆頭粉蝶綠楊窗外黃鸝何處春光最好蹋青人在蘇堤

夜月

夜月小樓簾簾東風深院琵琶料理宿醒未了春光又在鄰家

題畫

遠岫層層何處矮屋簇簇誰家煙樹夕陽歸鳥清溪古渡橫槎

錢惟善

題畫扇

銀氣蒸成雲白嵐霏散作空青中有幽人小隱松風澗水泠泠

張昱

題青山白雲圖

欽定四庫全書

御選元詩卷七十九

七

一箇茅廬何處小橋古木溪灣但見山青雲白不知天

上人間

倪瓚

題良常草堂圖

結屋正臨流水開門巧對長松為待神芝三秀移居華

蓋西峯

題畫

舟泊溪流曲曲鳥啼煙樹重重獸思白鶴遺址好居五

老雲峯

田舍二首

映水五株楊柳當窗一樹櫻桃灑埽石間蘿月吟哦琴裏松濤

山鳥下窺窗牖春風時過柴門避世何須鄭谷作書已

絕巨源

為曾高士畫湖山舊隱

厭聽殘春風雨卷簾坐看青山波上鷗浮天遠林間鶴

欽定四庫全書

御選元詩卷七十九

七

帶雲還

雲溪佳處

誰覓雲溪佳處渚花汀竹迷藏去鶴原邊倚杖浮鷗波

上鳴榔

題竹圖

黃陵廟前雨過邯鄲谷口風生愛殺山人清致縱橫淡

寫秋聲

題畫

菴畫溪頭喚渡銅官山下尋僧水榭汀橋曲曲風林雲
磴層層

題溪山雪霽圖贈張以中

水影山容黯淡雲林細篠蕭疎誰見重居寺裏雪晴沙
際吟餘

題畫八首

雨過黃陵廟下雲生玉女井邊野雉雊鳴斜日鷓鴣啼
破林煙

欽定四庫全書

御選元詩

卷七十九

十六

月下參差雙玉燈前蕭散孤鴻寄興只消毫楮寫懷不
用絲桐

竹上誰彈清淚如鉛春雨斑斑滿眼湘江波浪望窮白
鳥飛還

高樹長松共晚蒼筠野石同貞珍重王家公子翩翩白
鶴神清

高柳喬柯小閣水光山色衡門未老作間居賦無錢對
北海尊

孝侯廟前雨過菴畫溪頭日曛舊迹如今夢裏春風愁
亂行雲

贈潘仁仲

瓶內花簪白萼庭中池養金魚馴虎只憑丹竈活人惟
留素書

至正癸卯九月望日畫贈勝伯徵君并題

江渚暮潮初落風林霜葉渾稀倚杖柴門閒寂懷人山
色依微

欽定四庫全書

御選元詩

卷七十九

十九

王逢

題杉溪老人家壁六言四首

十角犁牛前巷一機黃絹比鄰婦事姑嫜婉順兒看賓
客情親

朝夕一盂白飯東西幾緡青鞵邀客烹葵別墅課兒題
竹高齋

紅白花明水寺青蒼樹繞沙村夜多涼月照席日有清
風埽門

挂中藤蘿石上濯足芙蓉水頭落日不逢過馬東風忽亂驚鷗

避地梁鴻山四首

舍邊新花夜合井上老樹冬青孟光齊眉舉案倪寬攜鋤帶經

三百銅錢斗酒一雙蠟屐千山莫問雲浮富貴且消天與清閒

北里戎衣袴褶南鄰墨勅斜封多我幽居水竹有誰高

欽定四庫全書

御選元詩

卷七十九

五

卧雲松

風塵涉五六載忠孝錄數十人已判詩移白日更須藥

駐青春

舒頌

題清湘秋景

日暮九疑轟轟清湘萬竹修修不管掀天風浪孤鸞引

鳳船頭

葉顥

沙溪清隱

繞屋一灣水綠迎軒數朶峯青沙路鷗盟新定雲松鶴夢初醒

九日寄興

黃菊香殘夜雨烏紗醉落秋風回首十年舊事亂雲流水西東

月夜梅邊即事

香裏寒雲滿溪月明津渡人迷夢入江南舊路夕陽流

欽定四庫全書

御選元詩

卷七十九

五

水橋西

貢性之

題春山煙雨圖

柳帶輕煙澹澹花含宿雨深深魚樂新添曉漲烏啼越覺春寒

題長夏雲林圖

雨過溪流交響樹涼暑氣潛消不是謝公別墅定應杜

老西郊

題畫扇四首

三間兩間茅屋五里十里松聲如此山中景色何時共
我同行

萬事從教計拙千金難買身閒船尾都教載酒船頭飽
看青山

鴨嘴灘連溪尾羊腸路轉山腰雲氣晴晴雨雨泉聲暮
暮朝朝

綠樹灣頭釣艇青山凹裏人家前度劉郎去也莫教流

欽定四庫全書

御選元詩
卷七十九

出桃花

謝應芳

書路城樵舍僻

灤東灤西農晦巷南巷北人家白露秋香鷄黍綠雲春
靄桑麻

周敏

友竹軒詩

我愛此君晚節乃知我友歲寒相與了無俗氣喜聞日

報平安

馬臻

雜咏四首

堤晚遊人爭渡花密流鶯亂鳴近水樓臺柳色轉山樓
觀鐘聲

煙外幽人獨立落日正照平臺野鷺聯翩飛去山雲斷
續歸來

楚尾吳頭舊夢水邊山際閒情一夜杏園風急等閒吹

欽定四庫全書

御選元詩
卷七十九

老鶯聲

野渡綠波芳草落日青山杜鵑多少臨歧別恨送君歸

去閒眠

春日偶成三首

半窗落月人老一夜東風燕來迢遞春歸幾度依稀夢

憶三臺

兩袖水風春冷一抹山煙晚晴小檻倒披花影歸船遠

送歌聲

燕拂花陰繡轂人指簫聲畫樓楊柳六橋舊夢夕陽一段新愁

張雨

煙梅睡雀墨戲

珍偶偏憐瓊樹寒香漠漠紛紛誰見羅浮月黑一枝同夢梨雲

絕句

二山環合一水中有老木參天不著幽人草閣誰收無

欽定四庫全書

御選元詩

卷七十九

三四

限雲煙

善住

冬夕

繁草霜嚴綠減疏星雲盡光寒城頭一聲畫角月落烏

啼夜闌

福巖即事

村邊幾林紅樹屋外四面青山終日無人能到孤雲薄

暮飛還

本誠

書齋即事偶成

徑遠松篁翁鬱日長庭院清虛大貴莫過學道至樂無如讀書

大圭

無題

樹影半窗明月蟲聲一夜清秋我意浩然千古人間總是閑愁

欽定四庫全書

御選元詩

卷七十九

三五

無名氏

題米家山圖

雨過石生五色雲來山餘數層時有炊煙出樹中多隱

士高僧

雜體

明本

九字梅花詠

昨夜西風吹折千林梢渡口小艇滾入沙灘坳野橋古

梅獨卧寒屋角疎影橫斜暗上書窗敲半枯半活幾箇
壓蓓蕾欲開未開數點含香苞縱使畫工奇妙也縮手
我愛清香故把新詩嘲

劉因

續十二辰詩

飢鳶嚇鼠驚不起牛背高眠有如此江山虎踞千里來
才辨荊州兔穴爾魚龍入海浩無涯幻境等是杯中蛇
馬耳秋風去無蹟羊腸蜀道早還家何必高門沐猴舞

欽定四庫全書

御選元詩

卷七十九

三六

豚穿鷄棲皆樂土柴門狗吠報鄰翁約買神豬謝春雨

陳孚

交趾橋市驛戲作藥名詩

長空青茫茫大澤瀉月色使君子何來山椒遠于役虎
狼毒草叢淚如鉛水滴更苦參與商骨肉桂海隔問天
何當歸天南星漢白

陳高

藥名詩

丈夫懷遠志兒女苦參商過海防風浪何當歸故鄉

陳高

禽名詩

遊子歸心切提壺看落紅告天天不語愁殺白頭翁

毛直方

泥滑滑

泥滑滑日已西泥深屨滑澆征衣征衣浣盡不肯歸分
明數聲行不得請君更聽鷓鴣啼

欽定四庫全書

御選元詩

卷七十九

三七

任士林

四禽言 錄二首

行不得哥哥未曙登程日已蹉腹飢足趼可奈何前山
雨暗豺虎多

脫袴脫袴破碎一鍼無補處誰持篋中新換我身上故
但得深閨有孟光年年袴破亦不惡

王沂

禽言

婆餅焦徒爾鳴黃雲茫茫與天平去年麥熟苦梅雨東
疇西隴飛蛾生今年麥熟不得割去學精衛填滄溟婆
餅焦無樂聲

蠶筐八隻脚新繭已上箔新繭上箔且莫喜門前催租
吏如鬼小姑繰絲手不停夜畏碩鼠朝畏蠅織成疋素
不中式姑嫂相看機杼泣

提胡盧聲相呼去年賣犢出賦租江村酒賤無錢沽無
錢沽酒莫作惡不到縣門身即樂

欽定四庫全書

御選元詩

卷七十九

元

桂瓊

八禽言 錄四首

脫布袴脫布袴人情好新皆厭故古人間有韓昭侯此
日那逢廉叔度千需萬索杼軸空今年新衣在何處脫
布袴風雨寒脫時容易換時難

三箇半布積累寸盈尺度下機先製老姑衣忍使天寒
披故絮篋中止有半疋存征人書來索襦袴布已盡秋
又風妾身依然單過冬

泥滑滑泥滑滑暮雨蕭蕭暝雲結苦竹岡頭虎蹟新黃
蒿城外人蹤絕僕夫股栗步莫前瘦馬凌兢愁僕蹶泥
滑滑何時乾出門咫尺行路難
行不得也哥哥千呼萬喚奈爾何黃陵花落暗春雨湘
江水深生素波奮衣出門天地窄仗劍欲往旌旗多行
不得早歸來只今誰埽黃金臺

郭翼

五禽言 錄四首

欽定四庫全書

御選元詩

卷七十九

元

布穀布穀催布穀去年官軍糧不足里正輸糧車輓輓
六月長枷在牢獄今年穀種未入泥布穀早催須早啼
蘆戛戛蘆戛戛沙場盡樵伐樵人指禿山無枝柀嗟嗟
鳳皇無處棲鷓鴣何處巢一枝

鍛磨鍛磨麥熟農夫餓家家無麥還租課年年濕麥五
斗租一石曬乾量不過磨子不鍛竈不燒門前誰呼婆
餅焦

秦吉了秦吉了人言汝是能言鳥嘲啁背舌長賣弄言

語巧野人張羅在林杪富貴一落樊中羈不如兩翅盤
天嬉

胡天游

和禽言

婆餅焦

婆餅焦新婦腰鎌孫荷樵原頭麥熟空滿壟丈夫盡赴
征西徭嗚呼土鐺敲火淚如雨婆餅不焦心自苦

歸去樂

欽定四庫全書

御選元詩

卷七十九

三

歸去樂蜀道崔嵬天一角青泥百折費躋攀灑瀆翻空
波浪惡嗚呼朝避長蛇夕猛虎干戈滿眼歸何所

楊維禎

五禽言

并序 錄二首

禽言無出梅都官之作予猶惜其句律佳而無風
勸之意故予製五禽言言若拙而意頗關風勸焉
喚起喚起東方明門前已如市上林有烏殺司晨苦殺
蕭娘睡方美

提胡盧提胡盧沽酒何處沽烏程與若下美酒高無價
小姑典金釵勸郎醉即罷君不見城中官長壺盧提十
日九日醉如泥

盛或

禽言

泥滑滑江南路雨雨風風怕春暮郎行三月未還家妾
心還似郎心苦泥滑滑妾難行間階獨步青苔生階前
雨歇櫻桃發白日須明照羅襪只今世路滑如泥郎行

欽定四庫全書

御選元詩

卷七十九

三

善保千金軀

黃玠

隱興迴文詩

萋萋草帶書窗碧瘦竹輕藤引客看棲鶴伴雲歸岫晚
斷雲拖雨過江寒畦分暗水池亭小石戴閑花野館殘
西崦松林通徑窈共君邀月對琴彈

謝應芳

題村田樂圖用三五七言體

老人村老瓦盆嘗作雞豚社不識州縣門阿翁醉倒阿婆笑膝下呶啞弄乳孫

鄭氏允端

秋夜三五七言

風乍起月初陰樹頭梧葉響階下草蟲吟何處高樓吹短笛誰家急杵擣清砧

無名氏

三五七言次李謫仙韻題宋復古秋山對月圖

欽定四庫全書

御選元詩

卷七十九

三十二

宋才清迪德明思超雲物外筆落鬼神驚秋山舊蹟令人賞對月風流萬古情

李孝光

送輔賢出山作首尾吟二首

儒官不畏簡書催拄杖休驚石上苔行到水窮雲起處路從四十九盤來

路從四十九盤來樹底看雲首獨回客裏不知身是客向人猶愛話蕭臺

陳樵

轆轤進退格詩三首

空翠堂

蕉葉茂葵照鑑明山光入室雨初晴平分天上無邊色送盡江南未了青息石長年依砌活茯苓無種入階生亭西昨日林霏重採藥歸來露滿庭

石樓草廬

一室寬於一畝宮隔林竹樹影重重青春著地十分綠

欽定四庫全書

御選元詩

卷七十九

三十三

白日經天兩度紅小草自憐無遠志茯苓終不近孤松未須西憶金華洞只在周回百里中

蛺蝶圖

禁籞名園信所之深紅膩紫共春暉人疑落葉有生色我道飛花上故枝掌上艷姬垂袖舞屋頭故吏竊香歸花中只許秦宮活未必莊生入夢思

曹文晦

五雜俎

五雜組雙玉瓶舟已具潮已平五雜組雙玉筋水自流
天涯一點紅離思千萬重

大訢

曹伯珪築室曰桂齋戲作俳偕體

阿仙騎蟾白銀闕醉折秋華餐玉屑霓裳曲散墮清塵
涼夜素娥悲白髮玉輪碾香空翠寒流光萬里君合歡
大星漸低海色白高齋翠影空團團萬卷芳心期厚地
憔悴秋香忍相棄百年若使富貴羈淮南小山歸不歸

欽定四庫全書

御選元詩

卷七十九

三

徐琰

楊玉翁山居山字詩

天爲詩翁惟愛山箇人生在萬山間朝凭山坐舒青眼
暮對山眠擁翠鬟山館讀書風俗美山田足食子孫閒
龜腸日飲山中醪何必仙山覓九還

張翥

清河水漲答復中吉監縣水字詩

莽泱清河漲湍流滋浸淫滄溟渾灌注濁浪浩浮沈洲

渚津涯濶泥沙沮如深沿淮澤鴻滿漂蕩渡江潯

王思誠

過夏縣有感作疊字詩

翼翼夏禹邑訃訃邠伯疆雍雍司馬里穆穆楊公鄉嗟
嗟聖賢遠悠悠風化長岌岌瑤臺頂奕奕鳴條岡蕭蕭
祠廟古寂寂城郭荒靡靡我行邁搖搖心憂傷

宋无

鯨背吟用詩尾聯古句體并序

欽定四庫全書

御選元詩

卷七十九

三

僕粗涉詩書薄遊山水偶託迹於胄科未忘情於
筆硯綠木求魚乘桴浮海觀千艘之漕餉勢若龍
驤受半載之奔波名如蝸角碧漢迢迢一似浮槎
於天上銀濤洶湧幾番戰慄於船中今將所歷海
洋山島與夫風物所聞舟航所見各成詩一首詩
尾聯以古句蓋滑稽也非敢稱於格律然而風檣
之下柁樓之上舉酒酌月亦可與梢人黃帽郎同
發一笑云爾

梢水

拔釘張篷豈暫停為貪薄利故輕生
幾宵風雨船頭坐不脫蓑衣卧月明

鶯遊山

崖倚波濤頂接空黃鶯遊處樹成叢
莫言山上人希住多少樓臺煙雨中

日出

金烏搖上浪如堆萬象分明海色開
遙望扶桑岸頭近

欽定四庫全書

御選元詩

卷七十九

三六

小舟撐出柳陰來

揆沙

萬斛龍驤一葉輕逆風寸步不能行
如今閣在沙灘上野渡無人舟自橫

海鷗

羣飛獨宿水中央逐浪隨波羽半傷
莫去西湖花裏睡

沙門島

艾荷翻雨打鴛鴦

積沙成島浸蒼空古祀龍妃石崦東
亦有遊人記曾到

去年今日此門中

萊州洋

萊州洋內浪頻高釘鐵千尋繫不牢
傳與海神休恣意

水程

九日灘頭不可移九灘一日尚嫌遲
何須頻問程多少路上行人口是碑

欽定四庫全書

御選元詩

卷七十九

三七

尋鯨

萬艦同鯨在海心一時相離不知音
夜來欲問平安信明月蘆花何處尋

拋釘

千斤鐵釘繫船頭萬丈灘中得挽留
想見夜深拋擲處驚魚錯認月沈鉤

出火

前船去遠後船忙暗裏尋鯨認火光
何處笙歌歸棹晚

高燒銀燭照紅妝

落篷

潮信蓬留風力慳落篷少歇浪中間殷勤為向梢入道
又得浮生半日間

走風

夜颶顛狂浪捲天深淵多少走風船一宵行盡波濤險
只在蘆花淺水邊

櫓歌

欽定四庫全書

御選元詩

卷七十九

三六

浪靜船遲共一艖櫓聲齊起響連空要將檀板輕輕和
又被風吹別調中

大浪

吞天高浪雪成堆搖蕩驚心眼怕開深謝波神費工力
幾回風雨送將來

探淺

探水行船逐步尋忽逢沙淺便驚心蓬萊近處更難徧
揚子江頭浪最深

討水

海波鹹苦帶流沙島上清泉味最佳莫笑行人不風韻
一瓶春水自煎茶

討柴

海樹年深成大材一時斧伐作薪來山人指點長松說
盡是劉郎去後栽

直沽

直沽風月可消愁標格燕山第一州細問花名何處出

欽定四庫全書

御選元詩

卷七十九

三五

揚州十里小紅樓

自題

乘興風波萬里遊清如王子泛扁舟早知鯨背推敲險
悔不來時只跨牛

鄭采

題復古秋山對月圖用奇字體

天疑疑兮月朧朧山岵岵兮水粼粼木森森兮竹籊籊

勢震震兮墨魚魚

欽定四庫全書蒼苔要卷一萬八千四百九十二集部

御選元詩卷八十

雜體

方回

與孟能靜飲聯句

三月一日春如酒紅是桃花綠楊柳人生不醉欲如何
不如意常十八九孟暫茲袖公補天手誰能籍我談天
口挹斗酌海兩相逢天風吹入無何有方

欽定四庫全書

御選元詩

卷八十

四十一

欽定四庫全書

御選元詩

卷七十九

三月三日一觴酒同上危樓望晴柳豈可不飲負此春
向來風雨十朝九方何必水邊看麗人何必水晶行素
鱗曲阜橋邊同一醉杭州城裏兩閑身孟

白珽

玉清宮與趙達夫鮮于樞聯句

湖田漠漠水禽飛夫達堤柳斜斜帶夕暉樞二月江南好

天氣珽初陽臺上愜春衣夫達

巾子峯頭樣釣船夫達初陽臺上坐鳴絃出雲高樹明殘

御選元詩卷七十九

日珽過雨蒼苔泣細泉絕俗誰能繼遐躅樞凌空我欲

學飛仙夫達還家正恐鄉人問珽化鶴重來知幾年樞

趙孟頫

醉後同張剛夫清風樓聯句

碧樹未黃風露秋晚雲蕭瑟亂山愁趙千家疎雨催砧

杵兩岸殘陽入釣舟張畫角吹殘人罷市清尊飲散客

登樓趙古今回首俱陳迹惟有溪聲日夜流張

袁楠

欽定四庫全書

御選元詩 卷八十

送曾編修同王繼學聯句

奇鶴慕南雲俊鷗欣北雪行藏龜左顧去住坂九折纂

書墨兵從擬製銅史挈佩委松籟回冠峨星光徹孰花

窺日輪井藻旋風鐵歸思紅葉高家憂柴荆裂晨裝發

五兩夕祖謝駟驥沙明石痕瘦川遠桅影列吳歌導鷗

舞楚製慘鷗結汀葭青女臨岸橘黃人揭組練危瀑懸

簫聲古灘咽詩箋江神幻目送山君別炯炯雁集洲挺

挺鶴鳴埓賈帆魚貫直僧屐鷺飛滅前坡指迎帽舊墓

拜表碣明知紹世譜詎肯逐宦輟兒孤文襁昏女乳粉

鈿涅深思振錦原後允超鳳穴過都塊非歷去魯浙豈

接歌驪念睽違瞻蟾數盈缺

袁衷

東湖聯句

舊學蕪三史新居隘一廛煎熬魚煦輟奔竄鳥驚弦擬

整登山屐伯須乘破浪船出關塵已遠德過埭意爭先

歸舶攢桅聚伯浮梁斷鎖懸潮渾江葑沒德滕破岸藤

欽定四庫全書

御選元詩 卷八十

纏戍柵依樟密伯官堤砌石平機間蠶喚織德砧響鴈

傳箋乍靜喧煩耳伯猶欣展轉眠鷓橋華屋廢德鷺滙

曲河連稠實閑農具伯巖巖絕竈煙急裝紅菽膝德辨

髮黑垂肩估客編文貝伯村家緯木棉生涯疲剝割德

世路窘迤邐龕室休行客伯郵亭歎逝川鞞鷹圍獵罷

暗德聯騎縱遊旋路轉分支港伯川明幻別天鄮城花已

子像德汲井隱居泉海眼藏龍窟伯山心射鹿田水鳴

暗德角水恨空傳數候搜唐刻伯題詩紀宋編會堂夫

知權急平德岸走訝途遷隱見岡巒近長伯低昂橘柚鮮青

山猶五里平德綠樹已千年歸犢如雲擁長伯閑花似火燃

苧裳遊女淨平德蘆管野伶妍繫纜披團氅長伯循溪舍竹

篔簹徑香幽菊傲平德土薄假山偏燈火精廬古長伯衣冠故

物全登門論子姓平德對坐叙姻聯金魄篩窗影長伯丹砂

養井淵螢飛光熠熠平德鶴唳翼涓涓斗室橫烏几長伯方

牀藉素氈魂清時入夢平德意得竟忘筌過墓成扃戶長伯

導湖復扣舷滄洲迷秀麥平德真隱拱朱椽碧洞諸天杳

欽定四庫全書 御選元詩 卷八十 四

長伯 蒼珉帝畫鐫梯危頻縮武平德像寂且擎拳紫府商霖

歇長伯丹書漢澤宣銅鋪苔暗蝕平德經皮燕新穿倦鳥辭

枯柳長伯游龜戴早蓮古奩開漱澀平德斜穀縐漪連淤塞

芟排劔長伯洲乾蓼糝鈿官徵都尉粟平德魚納水衡錢玉

絕山靈泣長伯祠荒野老憐紙旗鄰社鬧平德草廣曲河填

此去真聊爾長伯斯行信偶然柏幽藏題題平德潭黑袞蛇

涎雅興叻叻鹿長伯勞生跼跼爲攬芳真啗蔗平德寫絕擬

和鉛轍蹟蕪菁翳長伯麻綦泉耳綠貞娥鬱龍虎平德胄相

紹貂蟬宰木分神隧長伯思亭列石筵風霜翁仲老平德香

火釋迦專楚些招歸魄長伯王官慨昔賢拜峰誰控勒平德

篆水自書玄屈曲東西路長伯縱橫南北阡繁華眸轉電

平德 得失口垂涎絮酒悲宗老長伯囊經想地仙房溫連梵

平德 市近接腥羶破露生衣溼長伯登坡弱足胼卧牛遺

扁暗平德眠鹿繪容虔金刹從茲訪長伯塵纓合少蠲伐山

靈運踪平德衝雪子猷顛檜暖蜂偷蜜長伯蘆寒鳥啄綿蟹

稀螯數百平德樵夥斧論干淡日收人影長伯空嵐漲土埏

欽定四庫全書 御選元詩 卷八十 五

蒲葵遮望眼平德繭紙論吟篇除道家僮嬾長伯偷程地主

儼蟻封徒曲折平德駒隙漫拘攀碎石行行直長伯修篁箇

箇圓深叢驚雉翠平德夾徑聳楠榭濯錦芙蓉艷長伯飄香

桂子駢離楹回複道平德斜閣布陶甃刻畫功難盡長伯暈

飛勢欲翩奉常陳劔履平德尚服錫絃絃憶織鮫人網長伯

惟凝蜀國旃妖妹汗粉頰平德土偶聳高顛驅石當時力

長伯 臨淵昔日權只今留舊業平德何處覓幽禪燕領風雲

會長伯龜趺日月躔蛛窠綠袞服平德鼠蹟上朱籩累僕供

朝沃長伯因僧進午餽佳城蹲五鳳平德素業廢三鱣勝已

窮蘭若長伯名猶慕倭佺臺空霞珮冷平德殿寂羽幢薦觀

主何年住長伯真官永世鍵畫梁誰復葺平德美蔭久頻脰

木已非真李長伯僧宜賤壽錢悲來雲幕幕平德恨極水潺

潺重嶺藏椒屋長伯斜暉指蕙榜暫歸心未穩平德欲去眼

空眩憶昔窮誅闕長伯如今猛棄捐慈山名轉赫平德困填

耻誰前積翠林霏悄長伯流波海月娟遠鐘催宿鳥平德橫

笛挂烏犍拄笏風騷賈長伯攜壺主僕牽情懷同黍醴平德

臭味比香荃圓澤休論舊長伯華胥復記前乳彪號澗側

哀狄嘯雲巔惇族盤餐盛長伯通家笑語闌鷓鴣歸漿

熟平德舴艋逆風沿濟勝應難促長伯臨流且賦湍鷗夷歌

逝矣平德漁父卜終焉紫槿遮籬角長伯丹楓壓廟堞鍊形

金骨化平德團礎土沙堅破屋啼山鬼長伯荒碑立老鷗歲

時修野賽平德水旱禱靈篲西帝澄金宇長伯東湖鑄玉璫

涼颼舟泛泛平德晴日草芊芊射鴨縈長弋長伯又魚擊短

鉞酒壚橫矮甕平德屠几斫肥牲街市僧袍麗長伯招虛販

欽定四庫全書

御選元詩

卷八十

六

鼓齏登臨難婉戀平德想像費平銓更欲南窺海長伯誰能

北跨燕同心雙繭緒平德狗俗走珠蟻朗鑿詞聯寫長伯元

談茗更煎翱翔誠放浪平德匍匐類狂屨已乏凌雲句長伯

時思縮項鱸還家如夢寐平德共點曉霞邊長伯

遠遊聯句

壬寅冬與伯長同留姑蘇時伯長將赴都

海鵬跨南雲一去扶浩蕩宛駒踏北雪絕足追罔象宵

征車載脂長伯明發燈在幌行邁念悄悄離愁懷養養違

吳始接浙平德過越類指掌蛛網結遐思羯鼓促新響鶻

至不復辭長伯駕逸誰能仿明堂企棟梁武庫輸篠蕩氣

合芝蘭芬平德學愧蓬萊長大施朱絃清小薦金莖沆雲

間鶴孤唳長伯天外鴻橫上曉舫斲層冰午店憇平壤追

攀瞰煙濤平德涉歷走塵鞅長淮橋螭薄霧裹驕駛風

臺牛一鳴長伯日觀鷄三唱搏桑沃如蓋宿草亂若緝青

帘客沽酒平德素鬣漁收網心觀沫泗流眼豁恒岱爽追

程騎侵星長伯勸耕農植杖俗厚喜豐登氣俠存慨慷伊

河既東流平德維斗復北仰誰云風土殊始覺宇宙廣骨

欽定四庫全書

御選元詩

卷八十

七

聳終超騰神清何恟恍鈞天夢非真長伯廣寒步空想銖

衣入閭闔芥粒視北垧千官紫府榮九奏彤庭袒搗文

翦金炬平德展采簇天仗清都踰咫尺弱水漫方丈絳旂

雲霧開寶扇日月晃仁聲被八表長伯德意蘇羣枉泥檢

極封崇芬苾嚴肝蠻瑞氣藹重重泰階瞻兩兩駝峰出

天厨平德裏蹠錫中帑鳴珂接俊彥正笏嫉偏黨德人笑

采芝逋客棄拾椽茅拔要有方長伯矢來本無嚮相繫但

瑰詞越相僅金像遭讒氣徒憤得計身何往豈如及承

平相與窮昭朗君行步飄飄我滯心悒快輕霜著衣帽

平德微霰點草莽離歌起蒹葭古製出盆盎先登匪十獲

後至激孤獎城南燈火深長伯塞北音書駐東風漸披拂

臘水初澆瀆詩成愈加險酒盡未為彊雙眸秋水炯平德

累語春波盪經行度崎危交友希侗儻羈遊棄楚荒遠

客憐齊僖光陰尺璧重長伯事業千金賞行還鴈塢題復

睹鴻都榜時來戒步窘事至勿技癢脂韋本凡近平德鐵

石乃忠謹詞林納疵美書田課荒穰列仙會儒癯羣仕

欽定四庫全書 御選元詩 卷八十

趨吏駟陸生強尹嘍陶令終翫麟貞心百士辟正色上

帝享徒為捧心施莫學畫眉啟功名要無心造物端有

相行行遂初志作事記疇曩長伯

馬祖常

鸚鵡聯句同王繼學賦

雕籠居咏桃袷服儀采綠南荒孕靈質西顛發麗曲頸

綬紅縈絲喙棘賴屈玉蓄慧婉含章裸彩梁成綉能言

貫珠舌善舞凌雲躅金眸肖鞞隼珍蓄異巢鵠層塢寶

舍利深杯注醽醁流丹曙林度墮翠春洲浴石鏡影毳

毳銅梁步陸續題賦吾豈能入貢爾應錄

天慶寺納涼聯句

槐屋夏陰繁石池暑氣清高堂看福田邃宇依王城午

磬梵唄集夜廊酥燈明龕經鬱金字壁礎承丹楹寂寂

鷓棲杲宛宛燕穿榮露葵炫晝豔霞藥敷陽英境闕便

靜室心古樂高情逍遙祇園賞迤邐廬社盟山枕藉雲

潤水簞凝冰輕飯盃給香積袈裟褫華纓共忻朋簪合

欽定四庫全書 御選元詩 卷八十

敢謂詞鋒并睥睨荒草棘橫縱按林垆幽尋振塵鞅雅
談忘飛觥鄙哉河朔飲投憤得世名

宋本

南城校文聯句 并序

翰林直學士馬祖常左司都事宋本太常博士謝

端丙寅大都鄉試貢院作

天街麗奎文王都會髦弁奉璋來我我祖常佩玉坐宴宴

揖庭鴈鶩立干祿虎豹變本解衣三褫帶束卷一如縛

欽定四庫全書

御選元詩

卷八十

十

端蜂房磬折入本鈴索宮懸奠潘墨翻元江祖常炬熾燒

赤電端冥思哈移精本幽探寂凝眇刻楮非三年祖常穿

楊真一箭微吟忽首肯端急寫擬意見字誤率一注本

藁屬各後先廟器陳古制祖常舶香然甲煎潘陸蕪靜分

端枚馬遲速見駝疥落梳毛本牛溲起回漩趨蹌進程

書祖常緘封遞騰繕號分梵夾字端畫裂蒼史篆校讀乃

上副本考第或當薦揀金畫披沙祖常角麟宵設饌頰感

咨碌碌端眼鬼矜涎涎去取決一目本利鈍盡三戰仙

籍銀榜懸祖常牙門鵠袍袷數盈輻共轂端餘棄繻過傳

得雋九族賀本敗績十朋唁工歌勞府主祖常几授集曹

掾淳母大官具端臚肩庖丁剗瓶壘雜酒漣本供張爛

彩茜羣譁劇賓興眾樂醪飲餞里姬嗔兒癡祖常室婦詈

夫懦憶昨被請初本自赧官居賤鳴騶紛碎易端曲巷

隘迴遑飛蓋及泮水本重鑰限別院邏卒游鐸振祖常周

垣圍棘柙攝事四列署端防嫌兩隔面御史官方峻本

主司目敢眩持衡亦榮名祖常束溼奈罔胃浹旬雖獨苦

欽定四庫全書

御選元詩

卷八十

十二

端得士期眾羨博士曲臺秀翰林金閨彥叙賦極覲縷

修詞妙貫穿而我典簿領偶爾共筆硯補綴褐倒繡瑣

碎鞞拆線細書刻他山奇迹壯赤縣本

丁復

同永嘉李季和望鍾山聯句

鍾山日在望匏繫未成往我本忘世人孝光誰能久塵鞅

窮猿苟擇木復冥鴻不離網納最升斗縻孝光迺此尺尋

枉川江互迨遞復天地一莽寰霸氣遂終陳孝光山名猶

姓蔣策羸結幽躋復拔茹傾勝賞蹀林萬蚪伏光孝獐石

羣獸仰雨晴虹蛻裂復雲熱鶴鶴響靈骨瘞浮屠光孝癯

跌踞方丈陟閣鷹巢危復闕戶蜂房敞禪林舊稱一光孝

梵刹新闡兩苾芻化城喻復獬廌嚴駕上一人斟小月

光孝七佛築峻壤狡狴睥玉除復科斗冑銀榜庸超謝羶

董光孝媚禱懷肝蠻俗子空卑棲復至人廓遐想相期訪

龍盤光孝何如遊鴈宕窗明誦楞嚴復林昏過題題終然

千仞巔光孝極彼九州廣圓龕坐覓心復方具跪合掌攬

秀目顛顛光孝討憂心養養沈綿阻客遊復爽塏令人獎

境虛雲壓關光孝江遠浪浮槳揮清宜塵尾復翳靜便鶴

壑域分三國鼎光孝淮湊百川輞喜彈青綺冠復倦曳綠

玉杖朝晴竟崎嶇光孝夜夢猶髣髴祝酒遣詩魔復搜句

搔技癢深推衆壑宗光孝雄據諸峯長碧眼覽益遠復白

髯聯苦強地籟息箕箒光孝天孫遺女紡金聲調危鐸復

石華繡甲礫騎驢約茲後光孝驚猿記疇曩資罄恐支離

復腹果歸莽蒼間休幼安席光孝敏奪雲門棒竹露曉衾

溼復松颺秋髮爽玉樹異風標光孝珠林列星朗躡屐去

後齒復早炊囊宿澆吊古重追尋光孝披荒增慨慷復

貢師泰

剪燈聯句 并序

元夕同吳子彥劉子清侯敬文會飲水陽陳善甫

家用剪燈聯句云

夜暖拈香繭春寒落剪刀勞心連鬱結貢綺思出長縑

點綴輕蟬翼吳袞黏細鳳毛風花凝瑣碎貢雲葉護周

遭影爍金垂燼侯光融玉作膏舞裊圍落絮劉歌扇逐

飛桃帶轉銀幡小貢輪迴寶蓋高蜘蛛圍露網吳顧免

墮秋毫鶯擲翻紅雪侯魚跳起碧濤春陽噓蛺蝶劉秋

冷蛻虬螭翠薄荷分鈿絲柔柳散條青童來絳節玉女

翳纖翻碎訝珠胎迸尖愁燕尾翺微茫縈錯落斜隙漏

葡萄飴銜空燒熾棚山謾結鰲浮塵籠漠漠流水眩滔

滔纂綺難為密裁綃祇自勞嬋娟妬清夜蟬竦落晴臯

製異宮人綬榮懷學士綯未曾分寶炬先許照欄袍劇

賞尊頻倒窮搜筆屢操盃簪嘶駮奮袖舞豪曹酒促
華筵散詩慙白戰塵時平無夜禁繁弱且歸弦貢

曹知白

遂生亭與錢南金陵伯翔陸伯宏邵復孺安雅

世長自聞熏師聯句

深冬鼓大籟極寒抑新陽曹貞素凍痕固封圻暝色浮穹

蒼錢南金針暉射屋壁嚴飈襲衣裳曹世長氣候沍昕夕景

物惟冰霜陸伯翔幽居絕蕭散喬木相低昂僧自聞長林展

圖畫疏松奏笙簧陸伯宏經時歲云暮撫事心亦傷邵復孺

朋來温重席衆喜累千觴曹安雅窗梅弄疎影盤蠟搖寒

光伯翔竹爐楮火柏子氤氳香伯聞豆籩既無算肴核復

屢將伯宏野哉雜鶉雉溪魚間鱖鱖世長翠罌玉蛆凍犀筋

紅肉僵安雅偉哉青雲彥會此白石房南金盍簪意已洽得

酒氣益強伯宏世道久澆薄古意殊荒涼復孺真情悅親戚

佳會非尋常貞素高才貴瑚璉妙語鏘琳琅南金太原興五

姓燕山尊十郎伯翔阿翁真矍鑠我輩俱頡頏世長宗族互

欽定四庫全書

御選元詩

卷八十

十四

有託禮貌詎可量安雅舟車遠無間燈火遙相望自聞九世

同安居百年有餘慶復孺兒孫等鱗次兄弟列鴈行貞素賴

有北道阮况得共被姜安雅鳩杖祝勿咽兕觥介無疆伯翔

晨昏足甘旨歲時謹烝嘗安雅臭味忘薰蕕優劣何糝糠

自聞躬勤樂耕釣志儉忘膏粱伯宏招隱及巖谷濯纓下滄

浪南金清風起竹徑朝陽耀梧桐世長歌長擊瓦缶興酣據

胡牀貞素秋花照籬落春草生池塘復孺望重詩禮庭志薄

名利場南金學術本鄒魯治化沾虞唐貞素百兩重聘國千

金戒垂堂伯翔雄觀隘四海壯志馳八荒伯宏恒鄙貨殖貢

豈羨千祿張安雅詞源尚屈宋書法追鍾王世長奇才任犖

犖雅量須汪汪伯聞心胸蘊星斗頭角斬珪璋伯宏黃麻珍

世賞青檀寶家藏伯翔松柏抱貞秀蘭蕙含芬芳世長擬儕

谷口鄭弗愧商山黃復孺曳裾或混俗衣錦寧忘鄉南金王

掾元不癡酈生乃佯狂復孺婉孌談笑闊輟轉理義長貞素

會合益膠漆契闊毋參商笑論寒稍弛歡樂夜未央南金

真性本寥廓幻身且徜徉自聞聯詩出雅頌看劍生光芒

欽定四庫全書

御選元詩

卷八十

十五

世焚膏照無寐淪茗搜枯腸自人情笑失馬世利嗟亡

羊伯惟茲一餉樂勝彼終日忙雅所欲論文字初不事

酒漿貞者英固難繼真率或可方復孺坐醉春滿席起舞

月在梁南宿氛息廣漠晴暎炫扶桑伯分袂重慷慨驅

車走康莊安雅猗歟紀宴集斐然成文章復

鄭基

同王原吉逢訪吳庠鄭德明教授元祐俞叔鉉

學正厲教授留飲齋中是夕雪因相與聯句

欽定四庫全書

御選元詩

卷八十

十六

中吳泮宮古廣文官舍敬佩衿方休誦逢冠帶駢憩鞅

歲晏雲四合祐雪暮霰交響飛蕙勢簸揭基滕六影下

上汙邪畢潔淨萬塊軋周滌蕩若將混端倪逢無復別

封壤颯杳竹木俯祐萃兀木本強漏壺咽銅龍基城析

卧素蟒冰嘶靜膠研萬顛氣深透幌香乾芸散帙逢味

永蘼凍盜擁褐肩獨聳祐擊鉢心共癢詩盟得塞郊基

茗飲失麤党路迷梁園邈萬地切程門丈殊憐跼驢背

逢頗快衣鶴氅洗廖度郢曲祐浩漾泛剡漿流風注存

心基叔世入紆想戍遙輟疾苦萬野曠爪牙攘好音懷

鷓鴣逢怪物絕颺颺願追文正躅祐不辭慶厯黨層甍

度諸經基直道擴羣枉新知春蘭藹萬舊遊曙星朗謙

虛側臯比逢欲寡賤熊掌張燈初筵秩祐舉爵朋酒饗

黃羞登俎柑基白薦作羹蕪叙齒先一飯萬探錢罄餘

帑清宜禪堂分逢端許賢守賞螟蝻殄無類祐來年屬

有象陰塞天光發基陽復履道長高視吞八九萬獨立

配參兩幸敦君子交再極凡丘仰逢

欽定四庫全書

御選元詩

卷八十

十七

陳基

至正十一年正月一日遂昌鄭元祐龍門僧良

琦臨海陳基聯句送匡廬道士于彥成歸越兼

簡蕭靖復盧益修

歲朝逢王春雨雪暗吳下行人當明發祐別袂慘莫把

飄飄賀監舟基蹀躞靈運馬山驛梅始繁琦溪船浪仍

打行紆莊烏吟祐去結遠公社禹穴紉與編基蘭亭集

羣雅神韻鶴氅朗風標鸞經寫祐雙鳧繼遐躅千秋祝

純嘏基信憑回潮尾春融枯樟髀祐越臺瞰蓬瀛胥濤

駕龕赭基白戰隱鞍甲綠醅酣觥竿祐知囊倒精悍詞

鋒發侈哆琦蕭臺多神仙盧敖本靜者道樞混溟滓語

穿脫謨祐但今冠我我肯羨綬若若滄海等稊米黃

金真土苴接羅或露髮短褐不掩蹀捷若矢離弦勇如

金躍冶青雲步伊始白雪和殊寡基土膏動勾萌春情

滿原野琦桂樹歌詎已柳枝折難舍基別夢梁月墮清

談松風灑琦蓬藿既可居蘆菴自堪鮓基望望玉山阿

欽定四庫全書 御選元詩 卷八十 十六

來期卜燈地祐

楊維禎

同郊九成過玉山舟中聯句

城角初升旭日暹舵樓東向起遐瞻鰲頭直下癡雲暗

維禎鷓尾徐開破浪恬野色微明金水曲韶清江隱見玉

山尖雨收幕燕簷牙起維風颭檣烏帆腹添波影白翻

鷗箇箇韶燒痕青出麥纖纖弋來野鶩毛全蛻維筍得

水魚口尚噍解籜上萌蓮葍苦韶潑醅新盎蜜脾甜避

船好鳥機先識維入坐江花手自拈未必江山惟客有

韶也知吏隱許吾兼桃花不隔仙源路詩就寧辭晷刻

淹維

戴良

甲辰元日對雪聯句

三冬不作雪元日乃飛花殆似呈豐兆蔡還如獻歲華

曉梅同璀璨戴凍蝶鬪交加疊徑如拖練徐旋空若攪

車隨風疎復密蔡雜霰整還斜葩借雲為葉戴光疑月

欽定四庫全書 御選元詩 卷八十 十九

在沙迷汀難辨鷺徐著柳易分鴉詠絮應輸韞蔡吟車

欲過又寒將椒酒敵戴疑比塞酥嘉刻畫天呈巧徐鋪

張地掩瑕早朝光映笏蔡暝獵勢漫置後臘寧非瑞戴

先春益自誇拂林微見蕊徐綴草淺窺芽煖促庭貌化

蔡陽催瓦雀呀土融偏潤麥戴水活最便茶不雨簷常

滴徐當陰砌或遮詩成燈屢剪蔡坐久鼓頻撾路滑妨

迴騎城嚴畏奏笳歲寒同在旅徐春至倍思家此日堪

乘興蔡歸舟向若邪戴

顧瑛

與繆叔正聯句

短檠二尺照清酣瑛圓餅裁肪韭味甘侃舊雨今為紅

葉雨瑛間雲不障白雲菴侃范君遠餽吳捷肉瑛錢老

能分林屋柑侃今夕共謀真率醉瑛莫將時事說江南

侃

湖光山色樓聯句

樓倚清秋爽氣高高起眼明百里見纖毫風行綠野翻

欽定四庫全書

御選元詩

卷八十

二十

清浪于立雨到青林起暮濤幾樹好花開別岸顧一雙飛

鳥趁輕舸龍門今日婁江去高起會有新詩寄我曹于

浣華館聯句

大廈千萬餘小第亦云甲馬山分玉崑維鯁津類清雪

湖吞碓礪深立江瀉吳淞狹地形九曲轉賢峰影千丈

插斜川萬桃蒸華小徑五柳夾仙仗撞石檢仁靈洞開

玉匣雲停清蔭初瑛涼過小雨雲鶴舞竹籬維魚亂

萍喋唳風顛帽屢敬立暑薄衣猶袷花憑羸女獻賢酒

倩吳姬壓簾捲蒼龍鬚華盤薦紫駝甲戎葵粲巧笑仁

文爪印微掐白鬣魚乍封瑛紅蓮米新舂急觴行蒲萄

維清池扇蒲筵火珠梅暎熿立冰絲蓴泮溼雲雷摩乳

彘賢師琤琤玩腰珎伶班鼓解穢華軍令酒行法弓彎舞

百盤仁鯨量杯千呷腔悲牙板擊瑛調促水絃摩客歡

語嘖維童酣鼻齶醑酒徹給泓頰立詩成繕書劄嘔

句投錦囊賢披圖出湘笈驪駒歌已終華青娥情尚狎

永矢交友盟仁銅盤不須歆瑛

欽定四庫全書

御選元詩

卷八十

二十一

書畫舫聯句

三月三日與楊鐵崖飲於書畫舫侍姬素雲行柳子酒遂成聯句如左

左

龍門上客下驄馬瑛洛浦佳人上水簾瑪瑙瓶中椰蜜

酒維赤瑛盤內水晶鹽晴雲帶雨沾香炮瑛涼吹飛花

脫帽簷寶帶圍腰星萬點維黃柑傳指玉雙尖平分好

句才無劣瑛百罰深杯令不厭書出撥燈侵繭帖維詩

成奪錦鬪香奩臂鞦條脫初擎研瑛袍袖弓彎屢拂髻

期似梭星秋易隔維愁如錦水夜重添勸君更覆金蓮

掌瑛莫放春情似漆黏維

舟中與陳敬初聯句

行春橋下看山迴瑛翠幕紅簾面面開基一夜水風吹

不斷立蜻蜓飛入畫船來瑛

貢性之

題紅梅翠鳥圖與唐愚士聯句

萼綠枝頭翠羽鮮貢春風吹入豔陽天幾回夢覺頻聽

處唐正是書聲欲斷邊貢

欽定四庫全書

御選元詩

卷八十

三

李道坦

吳山清暉與伯雨仲舉聯句

吳山秋色裏坦倚石望滄江日脚霞侵戶濤頭雪濺窗

浪奔沙岸疊蕭山夾海門雙坦有客離新隱雨於茲感

舊邦坦憑高乘險絕懷古黜紛厖蕭龜殼冠將墮雨龍

文鼎可扛雨頗諧幽事熟坦未覺壯心降蕭滿月孤金

柱雨藪筠亂碧幢坦晴峰俄點點夕磬已撻撻蕭歸路

風塵表酣歌不用腔雨

張雨

燈花聯句并序

永嘉李季和自金陵持趙涼公書來累宿茵閣下

十月三日夜天始霜殊寒兩燈并作花遂聯句於

酒間

星閣迎寒閣霜鐘動夜撻孝酒深燔木火漏下續蘭缸

寸草熒芝小雨丹葩瑞帶雙金枝交婉孌孝銀粟亂鬚

鬟蠟結飛蛾笑雨膏融吐鳳雙汞珠光透鏡孝火齊幻

欽定四庫全書

御選元詩

卷八十

三

垂幢的的輝青瑣雨搖搖颭玉缸燭龍擎紫蓋孝翹燕

綴紅躡鄰眼書窺隙雨仙眉墨暈窗狂吟心蕊發孝喜

聽足音登折聖風吹座雨鈎簾月墮江青藜如見遇揮

手出紛厖孝

劉因

雜著集陶句

人生豈不勞終古謂之然孰是都不營早起暮歸眠過

足非所欽躬耕非所歎但使願無違甘以辭華軒正爾

不可得在已何怨天自古有黔婁被服常不完榮叟老
帶索飢寒况當年何以稱我情賴古多此賢

集杜句贈王運同彥材

霄漢瞻佳士公侯出異人家聲同令聞文雅見天倫元
朔巡天步危樓望北辰燕王買駿骨黃閣畫麒麟妙譽
期元宰蒼生倚大臣蛟龍得雲雨雕鶚離風塵治國明
公在雄圖歷數屯世儒多汨沒賢俊贊經綸開闢乾坤
正調和鼎鼐新弼諧方一展風俗盡還淳經濟宜公等

欽定四庫全書

御選元詩
卷八十

三十四

泥涂任此身尊榮瞻地絕感激異天真交態遭輕薄浮
生有屈伸嗟予意輒軻撫迹獨酸辛留滯才難盡蒼茫
興有神形容真潦倒世業豈沈淪倚著如秦贅逢迎念
席珍壯心久零落敗績自逡巡載感賈生慟難甘原憲
負邵平元入漢王粲不歸秦回首軀流落生涯脫要津
稻粱求未足台衮更誰親碧海真難涉蒼鷹愁易馴君
能微感激何處不依仁

陳孚

入安南以官事未了絕不作詩清明日感事因
集句成十絕奉呈貢父尚書并示世子及諸大

夫

十里宜春下苑花二年寒食住京華自憐慣識金蓮燭
奉使虛隨八月槎
回首扶桑銅柱標芙蓉帳暖度春宵清明寒食誰家哭
折戟沈沙鐵未消

欽定四庫全書

御選元詩
卷八十

三十五

夷歌銅鼓不勝愁

殘花悵望近人開不盡長江滾滾來寒食清明都過了
鷓鴣飛上越王臺

台州地潤海冥冥人踏金鰲背上行獨在異鄉為異客
無花無酒過清明

慈母年高鶴髮垂鄉書無鴈到家遲初過寒食一百六
一日思親十二時

昔藉梨花作寒食孟光舉案與眉齊越裳翡翠無消息

夜合花開日又西

寒食家家出古城滿川風雨看潮生八千里外飄零客
起向朱櫻樹下行

一百五日寒食雨風光別我苦吟身尚書氣與秋天香
同是天涯淪落人

海客乘槎上紫氛清明時節雨紛紛虎牙銅柱皆傾側
水盡天南不見雲

于石

欽定四庫全書

御選元詩

卷八十

五

次韻子益秋懷集句

春草秋更綠能得幾時好人生非金石坐愁紅顏老振
衣千仞岡木落鴈飛早無營地轉幽逐動自紛擾時哉
不我與全身以為寶不是傲當時用拙存吾道

春遊集句

興來無遠近吾得及春遊江月隨人影山光落釣舟樹
交花雨色石橫水分流天外猿啼處數峯生暮愁

黃潛

集淵明句題李中甫員外稼亭

東方有一士客養千金軀東帶聽鳴雞出則陪文輿代
耕本非望暫與田園疎田園日夢想投冠旋舊墟興言
在茲春新疇復應畚田父有好懷過門更相呼披草共
來往履歷周故居悠悠待秋稼時還讀我書雖未量歲
功棲遲固多娛此事真復樂此語真不虛餞送傾皇朝
歸子念前途前途當幾許直至東海隅古時功名士事
事在中都遙遙沮溺心君情定何如

欽定四庫全書

御選元詩

卷八十

五

集淵明句題胡主簿嘉樹軒

孟夏草木長霜露憔悴之藹藹堂前林冬夏常如茲嚴
霜九月中卓然見高枝如何舍此去白日掩荆扉深谷
久應蕪此蔭獨不衰黽勉六七年懷此貞秀姿常恐負
此懷未足為高棲及時當勉勵慷慨思南歸親戚共一
處日夕歡相持披榛步荒墟登高賦新詩坐止高蔭下
一觴聊可揮從今至歲寒縱心復何疑

吳師道

集句贈答潘季通

江上春風送客舟
鳥啼花落水空流
勸君更盡一杯酒
與爾同消萬古愁

陳泰

天嶽圖歌 并序

雲間康鍊師來自岳陽稱其友蔡素蟾好道之篤
乃作天嶽圖以寄徵余題卷末岳陽予舊遊也爰

集杜陵句以贈之

欽定四庫全書

御選元詩

卷八十

元

知君重毫素好手不可遇壯哉崑崙方壺圖對此興與
精靈聚雲來氣接巫峽長影動倒景搖瀟湘湘妃漢女
出歌舞矯如羣帝參龍翔大江東流去忽在天一方初
月出不高照我征衣裳憶昔北尋小有洞青楓葉赤天
雨霜先生有道出羲皇晚有弟子傳芬芳神仙中人不
易得今我不樂思岳陽蔡侯靜者意有餘戚聯豪貴耽
文儒致身福地何蕭爽幾歲寄我空中書

韓性

集杜句題五馬圖

使君五馬一馬驄聲價歛然來向東飛電流雲絕瀟灑
迴立閭闔生長風肉髮磊塊連錢動大宛立仗青絲鞵
不須對此成歎嗟古來才大難為用

郭豫亨

梅花集句

水沈為骨玉為肌好處曾臨阿母池雪後園林應有恨
籬邊屋角立多時早開却被媽紅妬未落先愁玉笛吹

欽定四庫全書

御選元詩

卷八十

元

要識此花奇絕處滿窗惟有月明知
刻玉雕瓊作小葩溼雲黯澹雪橫斜半開半落綠誰事
和影和香屬我家數抹晚霞憐短笛一泓流水度寒沙
吟邊苦思無佳句立盡斜陽數過鴉
黯淡江天雪欲飛屋檐斜入一枝低禽翻竹葉霜初下
春在花梢日未西晚歲風霜從冷淡小園煙景正淒迷
平生慣是思梅苦多謝詩翁為品題
天寒落日淡孤村占斷風情向小園翠羽啼花追昔夢

縞衣和雨立黃昏
蘇屋直上雙飛屐
茅店驚寒半掩門
憶得去年風雪裏
江南石上對窪尊
踏破溪邊一徑苔
與尋陳迹久徘徊
雲漫隴樹魂應斷
風靜寒塘花正開
只恐好枝為雪壓
留看瘦影上窗來
花前獨立無人會
謾使詩腸日九迴
雪後相看意更深
謾將一朶插銅瓶
人生此樂須天賦
歲晚知心惟月明
白鶴未歸春已老
危欄倚徧酒初醒
逋仙只說香和影
不是詩家莫浪評

欽定四庫全書

御選元詩

卷八十

三

勾引春情出苑牆
無人知處忽然香
愁連粉豔飄歌席
亦要天花作道場
風約暗香臨淺水
月明疎影媚寒塘
浣花溪上堪惆悵
可是無心賦海棠

貌枯神澤骨槎牙
蕭索東風兩鬢華
甘與雪霜同冷澹
醉看參月半橫斜
溪山冷落泥三尺
水竹參差屋數家
自笑自吟還自得
案頭搖落小瓶花

楮拙爐寒硯欲冰
舍南舍北雪猶存
旋催妝額添宮樣
靜愛寒香撲酒尊
兩岸巖風吹玉樹
一灣流水護柴門

閑中有意堪圖畫
溪上無人月一痕

半屋蒼雲冷不知
茅簷竹隴兩幽奇
凝情金谷登樓日
依約華清出浴時
隴月定知今夕恨
春風搖動故人思
綠楊解語應相笑
雪裏開花恐是遲

滿地飄零更斷腸
恐隨春夢去飛揚
柳搖臺榭東風軟
花撲玉缸春酒香
驛使不來羌管歇
燕釵初試漢宮妝
巡檐說盡心期事
幾度憑闌到夕陽

湖山搖落歲方悲
自恐冰容不入時
但笑紅芳誇豔冶
渾將絳雪點寒枝
橋邊野水通漁路
城外春風吹酒旗
正似美人初醉著
澹妝濃抹總相宜

金岷

植芳堂詩集陶一首

謂人最靈智
衛生每苦拙
所懼非飢寒
將養不得節
達人解其會
在世無所須
義皇去我久
空歎將焉如
念之動中懷
積善云有報
藥石有時閒
詩書敦夙好
藹藹堂前林
灼灼葉中花
枝條始欲茂
春風扇微和
弱湍馳文

欽定四庫全書

御選元詩

卷八十

三

魴靈鳳撫雲舞坐止高蔭下神淵瀉時雨爾從山中來
相見無雜言赤泉給我飲乃欲飲得仙老夫有所愛養
色含津氣遙遙望白雲蒼蒼谷中樹

馬臻

集句和陳涓叟見寄詩韻

寒食離家麥熟還不應空老道塗間會須伐竹開荒徑
剝著溪南幾尺山

集句遣懷

欽定四庫全書

御選元詩

卷八十

五

嬾慢無堪不出村當年心事與誰論如今老去愁無限
雨打梨花深閉門

張雨

集太白語酬僧淨月

主人碧巖裏為余話幽栖真訣自從茅氏得風流還與
遠公齊滿堂空翠如何掃而君解來一何好白玉塵尾
談重元琉璃硯水常枯槁蒼蒼雲松拂彼白石世人聞
此皆掉頭就中與君心莫逆袖拂紫煙去空中聞天雞

借問蘇耽鶴早晚向江西

集王摩詰書語六言二首

寒犬吠聲如豹夜春相應疎鐘華子岡頭清月照人獨
坐山中

夜深僮僕靜默月明輞水淪連獨與山僧飯訖寒林遠
火初然

賈雲華

別詩集唐

欽定四庫全書

御選元詩

卷八十

五

兩行清淚語前流千里佳期一夕休倚柱尋思倍懊恨
寂寥燈下不勝愁

相見時難別亦難寒潮惟待夕陽還鈿蟬金鴈皆零落
離別煙波傷玉顏

倚闌無語倍傷情鄉思撩人撥不平寂寞閑庭春又晚
杏花零落過清明

自從消瘦減容光雲雨巫山枉斷腸獨宿孤房淚如雨
秋宵只為一人長

紗窗日落漸黃昏春夢無心只似雲萬里關山音信斷
將身何處更逢君
真成薄命久尋思宛轉蛾眉能幾時漢水楚雲千萬里
留君不住益淒其

鄭氏允端

杜少陵春遊曲集句

何處尋芳策蹇驢典衣買酒出城西元都觀裏桃千樹
黃四娘家花滿蹊

春詞集句

春色沈沈鎖建章困人天氣日初長閑來獨立雕簷下
笑殺雙飛燕子忙

秋詞集句

月轉觚稜夜未央倚牀自炷水沈香芙蓉帳小雲屏暗
二十五聲秋點長

何理問

題宜春臺集古

山外青山樓外樓楚雲迢遞暮天秋千年綠鳳鳴高阜
一道長虹鎖碧流舉目但知天地濶憑闌不管古今愁
二仙縹緲成塵迹我亦飄然思遠遊

無名氏

集古

翡翠屏風燭影深春宵一刻直千金共君今夜不須睡
明日池塘是柳陰


欽定四庫全書

御選元詩

卷八十

三

御選元詩卷八十



謹案卷七十九第三十四頁前一行五雜組刊本

組訛俎擬吳兢樂府解題改

卷八十第二頁後七行簫磬古灘咽刊本磬訛磬

擬袁桷清容居士集改

第八頁前二行銖衣入閭闔芥粒視北坎刊本衣


訛朱坎訛坎擬別本元詩改

第十六頁後二行飛廉勢簸揭刊本廉訛廉今改

第三十三頁後三行相見時難別刊本時難訛難

欽定四庫全書

時據李商隱玉谿生集改



1931年10月24日

總校官庶吉士臣侍朝
校對官檢討臣蕭九成
謄錄貢生臣傅瓌芳